

\* TRESOR \*  
 DE  
**E V O N I M E**  
 PHILIATRE DES  
 Remedes secretz.

*Liure Physic, Medical, Alchymic, & Dispensatif de toutes  
 substanciales liqueurs, & appareil de vins de diverses saveurs,  
 necessaire à toutes gens. Principalemēt à Medecins, Chirurgiens,  
 & Apothicaires.*




A LYON,  
 Chez Balthazar Arnoullet.  
 M. D. LV.

*Avec Privilège de la Maïesté Royale pour six ans.*

**ANDREAS FEDEVS**  
 Molinensis.  
 Dies diem doceo.

*Conradus Copernicus  
 Sygnum medicus  
 hinc hinc auctor  
 antea fuit scriptor  
 cardanus in libris  
 de varietate multo  
 in Locis polyssimis  
 Lib. 13 cap. 55. a  
 quo dono en accepit*

*Dies diem doceo  
 Fedevs*



## RAISON DV TILTRE,

selon la matiere de ce Liure, par  
l'Auteur Euonyme.

**N**ous auons esté d'auis intituler ce Liure **Des Remedes se-  
cretz.** Premièrement, & pource qu'il traicte, & enseigne  
des medicamens qui sont prins dedans, ou appliquez dehors, non tous  
entiers, & en leur totalle substance: mais en la plus pure, plus subtile,  
& meilleure part d'iceux, c'est à sauoir en liqueurs, eaux, huyles, ius,  
ou sucz separez, ou abstraictz par destillations & autres moyens ar-  
tificielz. En apres pource qu'il contient certains remedes secretz, &  
iusque à present de peu d'hommes cogneuz. Lesquelz aucuns Empiri-  
ques (ce sont Medicateurs par experiëce, sans raison) tenoyent cachez  
comme secretz mysteres. Et ce liure icy traicte de ces Medicamens  
secretz, non seulement par receptes partiales en forme Empirique, ou  
d'experiance: mais aussi en general par raison & ordre methodique des  
preparations, & compositions d'iceux Medicamens. Or s'il auient que  
ce labeur nostre soit trouué bon & approuué par les gens de bien, &  
de sauoir: Nous essayerons encore à mettre en auant vn autre liure,  
Des experiances, & remedes rares excellens, & peu pratiquez: qui  
sont mis en vsage tous entiers, & en leur totalle substance.



Enry par la grace de

Dieu Roy de France. A noz amez & Feaux Conseilliers, les gens tenās noz cours de Parlemēt à Paris, Thoulouze, Rouen, Bourdeaux, Aix, Grenoble, Diion, Seneschaux, Ballifz, & Preuost desdictz lieux, Lyon, Poictou, Berry, Champaigne, Iuges d'aniou, Touraine, & le Maine. Et à tous noz autres iusticiers & officiers, ou leurs Lieutenans, salut & dilection.

Nostre bien aymé Balthazar Arnoulet marchāt libraire & imprimeur demeurant à Lyon, nous a faict remonstrer que avec grans fraiz & labeurs diligences & longues vacatiōs il a faict reueoir, corriger, puntuer, augmenter, & enrichir de plusieurs beaux caracteres & figures: & traduyre de latin & François, par gens doctes & experts, certain liure intitulé, *Theſaurus Euonymi Philiatry, de Remedijs secretis, & autres Liures &c.* comme apert à l'original des presentes qu'il a recueilly à grands fraiz & labeurs, lesquels liures il desireoit pour le soulagement des professeurs, & vtilité de la republicque Frāçoise faire imprimer et mettre en lumiere, Mais il doute que autres que luy ou ceux a qui il auroit donné charge, se vouſſent ingerer de les imprimer sur les exemplaires dudict suppliant, ou autrement, & en faire extraictz ou Epitomes, ou les traduyre en autre langue cōtre l'intention des Autheurs d'icelles, & le merite des grans labeurs fraiz & impenses & vaccations dudict suppliant, s'il n'auoit sur ce noz lettres de permission & priuilege, Nous humblement requerant icelles luy ottroyer pour le temps qu'il nous plaira.

Pource est il que nous inclinans liberallement à la supplication dudict Arnoulet & en cest endroict luy suruenir à ce qu'il se puisse aucunemēt releuer des fraiz qu'il luy a ia conuenu & conuiēdra faire, tant

à luy que a ceux qui auront charge de luy, pour mettre en lumiere lesdicts liures pourtraictz, & figures, à iceluy Arnoulet, & celuy qui aura charge pour luy, Auons de nostre grace special, pleine puissance, & auctorité Royal, donné, et donnons, priuilege, congé, licence, & permission d'imprimer & faire imprimer en telle marge, & telz caracteres que bon luy semblera. Et mettre & distribuer en vête tous et chacuns, lesdicts liures, tant en François, Latin, Espagnol, que Italien, avec inhibitions & deffences à tous de quelque qualité qu'ilz soyent de ne les imprimer, traduyre, en faire extraictz, ou epitomes, & de les vèdre, debiter, ou distribuer autres que ceux qui seront imprimez par ledict Arnoulet, ou celuy qui aura charge de luy iusques au temps & terme de six ans, a cōpter du iour & datte que la premiere impresion desdictz liures sera paracheuee d'imprimer. Et ce sur peine de cōffiscation desdicts liures & d'amande arbitraire, & de tous despēs dommaiges & interestz enuers ledict suppliār, & parties interessees. Et outre voulons & tel est nostre plaisir, que mettant ledict suppliant, ou l'imprimeur ayant charge de luy en brief au commencement ou à la fin desdicts liures: le contenu en noz presentes lettres au vray. Que icelles lettres soyent tenues pour suffisamment signifiees & veues à la cognoissance de tous Libraires, Imprimeurs, et autres. Et que ce soit de tel effect & vertu que si elles auoyent esté expressement & particulieremēt signifiees. Sauf s'ilz vouloyent pretendre que le brief extraict du priuilege mis ausdictz liures ne fust selon la verité de ces presentes, & pource en demanderoyēt exhibition en estre faite. Auquel cas leur promettons faire telle demande que bon leur semblera par deuant le Seneschal de Lyon ou son Lieutenant seulement: sans ce que autres Iuges en puissent prèdre court, Jurisdiction, ou cognoissance, laquelle leur auōs du tout interdit & deffendue interdisons & deffendons par cesdictes presentes. Et vous mandons & à chascun de vous endroict soy, & comme à luy appartenendra. Que de noz presens, priuilege, congé, & permission

ſion, & de tout le cōtenu en ces preſentes. Vous faites, ſouffrez, & laiſſez iceluy ſuppliant & ceux qui ont charge pour luy, iouyr, & vſer plainement, & paſſiblement. Sans leur faire, ou dōner, ne ſouffrir eſtre faict ou donnē aucun empeschement au contraire lequel ſy faict mys ou donnē leur eſtoit, reparez, & remettez, ou faictes reparer & remettre, incontinent & ſans delay au premier eſtat & deu. Et a ce faire ſouffrir & obeyr, contraignez ou faictes contraindre tous ceux qu'il appartiendra. Et qui pour ce feront a contraindre par toutes voyes deues & raisonnables, car tel eſt noſtre plaisir. Nonobſtant oppoſitions ou appellations quelconques. Et ſans preiudice d'icelles: pour leſquelles ne voulōs eſtre differē. Et quelconques lettres au contraire.

Donnē a Paris le vingſeptiēme iour de Octobre, L'an de grace, Mil. cinq cens cinquāte quatre. Et de noſtre regne le huictiēme.

*Par le Roy maistre Thierry du mont, Maistre des Requeſtes ordinaire de ſon hoſtel preſent.*

De Fontenay.

A TRESFIDEL ET EXCEL-  
lent Chirurgien M. Maistre Simon  
Guy. B. Aneau S.



Yant traduit le Tresor de Euonime Philiatre des Re-  
medes secretz. I'en ay voulu faire la premiere offre  
dedicatoire à vous trescher amy. Et ce tant pour la  
raison, que pour l'amytié. Pour la raison, pource que la  
Theorique escrete en papier qui souffre tout, sert peu  
ou rien sans l'experience & pratique. En laquelle ie vous ay cogneu  
plus adroiect de la main que vanteur de la parolle, & mieux faisant  
que plus disant. Parquoy i'ay estimé, & esperé que les plus riches, les  
meilleures, & plus precieuses pieces de ce Tresor seront bien choisies,  
mieux mises en euure, & tresbien distribuees par vous, à l'vtilité, voire  
necessitez de ceux qui ont, ou auront besoin de telles mains que les vo-  
stres appellees par les sages anciens: **Les mains des Dieux.** Pource  
qu'elles apportent Salut & vie. Pour l'amytié, Pource que comme dict  
le Mime Publian.

*Prosperitez les amys treuvent.*

*Mais aduersitez les apprenuent.*

Et en toutes les deux ie vous ay trouué tout vn, & semblable à  
vous mesme. En grace de laquelle constante amytié: i'ay bien voulu icy  
mettre ce tesmoignage literaire pour donner à cognoistre à l'auenir aux  
ensans de vous & de moy que les peres ont ensemble vescu bons amys.  
A Dieu qui vous gard. De Lyon ce deuxieme Ianuier.

# L'indice des choses notables

desquelles traite ce pre-  
sent Liure.

## A

- Absynthe a odeur, & faueur su-  
perficielle en l'escorce. 22  
Absynthe & vin d'Absynthe.  
34  
Absynthe. 19. 21. 115  
Adhi Dadjs Adadi. 216  
A. Fougger second luculle a du  
vray basme. 215  
Air de Chelidoine. 195. 202  
Anis, & son huyle. 197  
Airin et cuyure mauuais en vais-  
seaux de destillation. 61  
Aitherain ou quinte essence plus  
chaude que feu elementaire. 92  
Aitherain, que c'est, & quel. 17  
92  
Alchymie, & ses diuerses domi-  
nations. 1. 2  
Alchemie pourquoy desprisee. 1  
Alchemie premiere Barbarique.  
2  
Alembic. 54. 55  
Alembic aueugle, & son vsage.  
23. 56. 72. 106  
Alembic pour chapitel, ou pour  
tout le destillatoir. 23  
Alkekengi en vin. 38  
Alfine ou Mourron. 34  
Alteration des odeurs des plan-  
tes. 89  
Aludel, ou Alutel. 19. 59  
Aludel vaisseau destillatoir. 59  
Alun contregarde le vin. 59  
Alun en vin nuyfant, 154  
Alun, & sciste. 153  
Alun, & sa vertu. 153  
Alutel, & Aluthel. 59  
Amalgame. 118  
Ambre huyle. 114  
Ame du vin. 79  
Ame humaine quelle. 301  
Amendres, & huyle d'icelles.  
273  
Ammophysique. 4  
Ancre d'imprimerie, faicte d'uri-  
ne humaine. 54  
Angelique eau. 260  
Antiballomenes des grecz. 217  
Antibasmes. 216  
Antimoine. 111  
Antimoine & son huyle. 111  
Antimoine sa Quinte essence &  
la facon. 111  
Antiques vers trouuez en vn  
sepulcre. 3  
Antiquité d'Alchemie. 2  
Appareil en toutes choses est de  
grande efficace. 67  
Argent en bouche estainct la foif  
254  
Argent vif precipité, & Arsenic  
sublimé. 259. 261. 262. 268  
Armaise en vin. 309  
Arsenic sublimé. 269  
Arsure ou adustion comme se-  
garde es destillations. 37  
Art de destillation necessaire. 27  
Aspic & son huyle. 180  
Aspalath. 213  
Atanor ventre du destillatoir.  
54

## TABLE DES CHOSES

- Athannor four fixatoire. 54  
 Athanor, ou Athannor. 54  
 Atrament de couroyeurs  
 Attribution de choses fauses à  
 bons auteurs. 81  
 Auarice & nonchallance des A-  
 pothicaires forfaict les destilla-  
 tions. 1  
 Auene, ou breuusage d'auene en-  
 yurant. 23  
 Aulbins d'œufz en eau. 53. 114  
 Auteurs premiers de l'alchemie.  
 1 & 2  
 Aux esperits faut adiouster  
 corps  
 Azur & la pierre d'azur. 270

### B

- Balneum Mariæ. 28. 31  
 Bain Marie. 21. 22. 28. 30. 31. 59.  
 102. 103. 113. 114. 117. 121  
 Balsamelæon, ou Huyle de Bal-  
 mc. 218  
 Balsamine de Guillaume de  
 plaifance. 222. 219  
 Balsamine pomme de Hierusa-  
 lem. 218  
 Balsamite Sifymbrion. 218  
 Bafme, & ses vertus. 214  
 Bafme artificiel de Matheol de  
 Senes. 225  
 Bafme Egyptien contrefaict.  
 219  
 Bafmes applicables hors le corps  
 215  
 Bafmes composez par art. 219.  
 223. 230  
 Bafme cuyct. 215  
 Bafme de l'Hespaignolle. 215  
 Bafme de brieue facon. 219  
 Bafmes & Antibafmes. 214  
 Bafme huyle d'Aspic. 217  
 Bafme nom general à tout me-  
 dicamēt, chaud, & odorāt. 216  
 Bafme pour les cicatrices. 215  
 Bafme vray n'est plus. 215  
 Baten en Arabic, ventre du vaif-  
 feau destillatoir. 35. 55  
 Bayes de Laurier & leur huyle.  
 142  
 Belzoi, & son huyle. 205  
 Ben, & son huyle. 198  
 Berchil. 45  
 Beril & son esprit. 112  
 Beryl & sa Quinte essence. 112  
 Betonique & son eau. 130  
 Bisem musc en allemāt. 215. 217  
 Bitume ou Asphalt, & son huy-  
 le. 239  
 Blanchiffement de face. 25. 169  
 Blé froment & l'huyle. 274  
 Boccie pour Coucourbe. 54  
 Bois de geneure & son huyle  
 Bois, & leurs huyles. 276  
 Bois saint, & sa larme. 212  
 Borax Chryfocolle ou soudure  
 d'or & maniere de le faire. 24  
 270  
 Breuusage contre peste. 83  
 Bourrache en vin. 309  
 Hierome de Brunfuc premier  
 fcripteur vulgaire des destilla-  
 tions. 2  
 Buglofe en vin. 38

### C

- Cacozles Coucourbes. 140  
 Cailloux, tuyles, fables & leurs  
 huyles. 25  
 Calchaut & son aduſtion. 256  
 Campanne, Chapelle, Chapeau  
 Cloche pour chapitel. 54  
 Camphre



NOTABLES.

- Camphre. 52. 101. 204  
 Camphre tourne en eau. 82  
 Canelle comme se destille. 86  
 Canelle & son eau. 86  
 Capniste huyle. 7  
 Camphre dissouz en eau ardent.  
 82  
 Capsic, Guynee ou Pourette, &  
 son huyle. 45. 273  
 Casamon. 310  
 Cassolette. 128  
 Castoreon & son huyle. 289  
 Catalogue des plantes qui com-  
 munement se destillent. 50  
 Celestes obseruations des Ara-  
 bes cōtenues par Medicins mo-  
 derne. 5  
 Cendre est grasse, de tout bois  
 18  
 Cendre & Arenes chaudes pro-  
 pres à destiller. 18  
 Centaureon petit. 87  
 Centaureon petit, & son eau. 87  
 116. 132  
 Cerises en vin. 35  
 Cerisier. 35  
 Ceruse, & sa quinte essence. 172  
 Ceruse & son huyle. 239  
 Chairs & leur Quinte essence.  
 107  
 Chaleur de digestion, resolutiō,  
 putrefaction, maceration, & cir-  
 culation. 18  
 Chaleur de l'eau du Bain Marie.  
 28  
 Chaleur du fumier cheuallin, en  
 quel degre. 33  
 Chaleur du premier degre. 18  
 Chaleur separe, & amasse par di-  
 uerses raisons. 28  
 Chaleur triple à destiller du So-  
 leil, du feu, & de pourriture. 16  
 Chapiteaux de diuerses figu. 56  
 Chapiteaux doubles. 15. 56  
 Chapitel. 15  
 Chapitel, Campane. 15. 55  
 Chapelle, Chappeau, Pinnacle. 55  
 53  
 Charbons, & leur differences. 16  
 17  
 Charbons & la differēce. 16. 64.  
 65  
 Chaux, & son huyle. 116  
 Chelidoine. 102. 195  
 Chelidoine, & extractiō de tou-  
 tes ses essences. 104. 106  
 Chemie, & Chymie. 1  
 Chenesue et ses feuilles avec leur  
 effect. 184  
 Cicindules bestioles de nuyt & ef-  
 clarantes. 5  
 Ciciree iaune, ou dent de lyō. 39  
 Ciel, & clef des Philosophes. 98  
 Ciel pour Quinte essence. 99  
 Cirage de vaisseau. 67  
 Circulation & perfection des ea-  
 ues. 96. 97  
 Circulatoires. 58  
 Cire à luter cōme se prepare. 65  
 Clair verre inuolable 61  
 Claire. 316  
 Claré ou Hippocras preferuatif  
 de peste. 316  
 Claré ou Hippocras à garder en  
 quantité. 316  
 Coches & Huyle de coches. 218  
 Colombine, fiante, & Paristaire  
 rompent la pierre. 24  
 Coloration de fause monnoye.  
 269  
 Comedies esmeuent les affe-  
 ctions. 9  
 Compositions de deux eaux de  
 vie par Raymond Lulle. 124

# TABLE DES CHOSES

- Composition de vin. 309  
 Contraires effectz de mesme cause. 23  
 Coral, & sa vertu. 116  
 Cornemuse. 57  
 Cornette retorte. 57  
 Cornes & ongles en racleure contre Epilepsie. 34  
 Cornemuses ou Retortes, ou cornues, & l'usage. 57  
 Corps. 15. 187  
 Corps, ou Coucourbe pour vaisseau distillatoire. 36. 190  
 Corps plus solides & massifs, ont plus de suc. 294  
 Corps, ventre, ou coucourbe pour vaisseau distillatoire. 159  
 Cosmetiques de Gordon. 158, 169.
- D**
- Dadon pour ladon. 217  
 Decoctions. 304  
 Decoction en vinaigre. 304  
 Decoction pourquoy sont en usage, plus que distillations en medicine. 304  
 Deduction de la bonté, ou empiriquement des vases distillatoires. 61  
 Distillation, & ses differences en general. 15. 18  
 Distillation par ascens. 15. 16. 95  
 Distillation imitatrice de nature elementaire, & humaine. 15  
 Distillation par descens. 96. 177  
 189  
 Distillation d'eau viue. 31. 180  
 Distillation par filtre. 55. 74. 75  
 Distillation, & Alchemie de mesme antiquité. 2  
 Distillation reiteree comme se doit faire. 21. 79. 127
- Distillations abusives, & improprement nommees. 15  
 Distillation de suc. 85  
 Distillation par pourriture descendue à en vser dans le corps humain. 178  
 Distillation premiere suffit aux roses. 46  
 Distillation en cendres ou Sable, ou scorie. 18. 179  
 Distillation, pour simple decoction.  
 De toutes plantes Medicales laquelle se distille.  
 Diacurme.  
 Dianthis ou eau de violettes. 115  
 Difference des eaux dorees, & odorees. 81  
 Differences des vertus des eaux.  
 Digestion & coction. 67. 172  
 Diminution de chaleur naturelle, d'ont procede. 91  
 Diopre Eclypse, ou eschime. 65  
 Diplom vaisseau du Bain Marie. 32  
 Diuersité de charbons. 17  
 Diuerses manieres de distiller eau de vie.  
 Diuision des œuures chymiques.  
 Diuision des quintes essences. 99  
 Dorer ou solifier.  
 Douze signes à obseruer. 94  
 Drogues estrangieres nous sont apportees seches.
- E**
- Eau à lauer parties paralytiques. 81. 228  
 Eau angelique. 160  
 Eau à oster pustules. 17  
 Eau ardēt extraicte de lie de vin. 75. 76

## NOTABLES.

- Eau ardent avec figues. 84  
 Eau ardent contient la vertu de tous metaux. 111  
 Eau ardent defendue aux femmes enceintes. 83.  
 Eau ardent pour faire brusler vne chandelle en l'eau. 259  
 Eau ardent, ou eau de vie, & les vertus d'icelle. 26. 37. 75. 82. 83. 94.  
 Eau ardent vtile en guerre. 26  
 Eau a teindre barbe, & cheueux. 175. 185  
 Eau ardent n'extrait la vertu des violetes. 81  
 Eau à vermeiller. 157. 168  
 Eau beneite. 228  
 Eau caphuree. 162  
 Eau de camphre. 82  
 Eau conduite par corps de plôb esmeut flux de ventre. 59. 60  
 Eau contraire à peste, & venin par Mathieu Senois. 83  
 Eau contre Paralytie. 129  
 Eau contre la peste. 50. 150  
 Eau d'auene enyurant. 23. 185  
 Eaux de Aubins, & moyeux d'œufz. 33  
 Eau de Basme.  
 Eau de Bouze de vaches. 53  
 Eau de Canard, Bouc, Taixon, Veau. 53  
 Eau de chairs d'animaux. 33  
 Eau de Chappon. 53  
 Eau de chelidoine. 104  
 Eau de Cicongne. 52  
 Eau de contraire odeur, & faueur à sa plante, & la raison. 19  
 Eau de D. Isabelle d'Arragon. 170. 260  
 Eau de diuers metaux. 257  
 Eau de Euphrage.  
 Eau de fenoil. 159  
 Eau de fiante humaine. 53  
 Eau de fiante de bœuf. 35  
 Eau de fiel de bœuf. 35  
 Eau de Gordon pour la veue.  
 Eau de Grenoilles, Cancres, Limaces, & formis. 171  
 Eau d'hirondelles. 144  
 Eau de lait de Chieure. 172  
 Eau de lard. 176  
 Eau de Esparme des grenoilles. 53  
 Eau de mesme faculté que sa plante se peut tirer de toutes plantes. 23  
 Eau de petits chiens. 52  
 Eau de Pie. 53  
 Eau de Pescer. 41  
 Eau de plâtain restraint le sâg. 20  
 Eau de rogiere. 144  
 Eau de sang humain. 53  
 Eau de sauon. 76  
 Eau de soucie. 158  
 Eau destillable à rompre la Pierre. 23. 147. 148  
 Eau de Taupe. 166. 176  
 Eau de plaisante senteur. 163  
 Eau de vie contre lepre, & pestilence. 83. 115. 116. 121  
 Eau de vie contre maladies. 115  
 Eau de vie de George de la Pierre. 120  
 Eau de vie Empirique. 82. 122  
 Eau de vie familiere à Nature humaine. 82  
 Eau de vie merueilleuse de Vltad. 11  
 Eau merueilleuse. 137  
 Eau de vie tresparfaicte. 37  
 Eau de vigne. 158  
 Eau de vigne, & eau de vie.  
 Eau diuine. 4

TABLE DES CHOSES

|   |   |
|---|---|
| Eau douce separable d'avec la salee. 27   | Eau purgatiue des dens. 134   |
| Eau double.   | Eau restaurant ieunesse. 91. 92<br>104. 115                             |
| Eau du petit Centaureon ou fiel de terre. 87                                    | Eau rose a double vsage. 88   |
| Eau effaçant macules. 199   | Eau rose destillee en diuers moyens. 43. 44. 45. 46. 47. 177            |
| Eau fragrante. 79   | Eau Rose musquee. 161. 165.<br>178                                      |
| Eau fort & sa facon. 257. 259.  | Eau rose premiere de toutes inuentee. 43                                |
| Eau gallicane. 168  | Eau Safrannee. 162  |
| Eau Girofflee. 162  | Eau verollique. 298   |
| Eau Imperiale telle qu'on la fait à la cour de l'Empereur à Constantinoble. 149 | Eau verdissant. 128. 177  |
| Eau merueilleuse. 100   | Eau viuifiant, & rendant ieunesse. 104. 225                             |
| Eau morte. 79   | Eaux a blâchir. 15. 167. 160. 173.<br>175                               |
| Eau musquee. 120  | Eaux a faire dormir. 147  |
| Eau ophthalmique. 158   | Eaux composees destillees avec vinaigre. 142                            |
| Eau ou huyle pour les escrouelles, & goetrons.                                  | Eaux composees receuables dans le corps. 126                            |
| Eau Philosophique. 31   | Eaux composees sans eau de vie. 82                                      |
| Eau noble & bonne, & ses facultez. 138. 139                                     | Eaux cosmetiques, ou ornatives. 160. 166. 169                           |
| Eau plombée, ou par tuyaux & canalz de plomb mauuaise. 62                       | Eaux de chappons. 145. 146  |
| Eau pour decoction. 304   | Eaux cordiales. 267   |
| Eau pour difficulté d'aleine. 142   | Eaux destillees des animaux. 72   |
| Eau pour Epilepsie. 34  | Eaux destillees par descens. 96   |
| Eau pour erosions.  | Eaux destillees retiennent les vertus de leurs simples. 21. 22.<br>60   |
| Eau pour fistules. 159  | Eaux destillees sont de plus grand vertu que les decoctions. 304        |
| Eau pour ieunesse & beauté. 104<br>166. 167. 170                                | Eaux de vertus eaux, dorees. 81.<br>86. 121. 136. 138. 140. 147.<br>148 |
| Eau pour la pierre & grauelle. 142  | Eaux de vie cōposees. 113. 124.<br>125. 130                             |
| Eau pour le chancre. 139  | Eaux de vie contre peste. 83  |
| Eau pour les dens pourries. 134   | Eaux  |
| Eau pour purger les dens. 177   |   |
| Eau pour suc, disent les Arabes, ou pour la decoction. 6                        |   |
| Eau pour vlcere de reins, & de vesie.   |   |
| Eau precieuse d'Albert le grand. 108  |   |

## NOTABLES.

- Eaux diuerſes. 130  
 Eaux ferrees. 152  
 Eaux odorantes, & leur vſage. 160. 164  
 Eaux odorantes de André For-  
 nier. 163  
 Eaux non deſtillées. 173  
 Eaux odorantes de Epiphan, Em-  
 piric. 163  
 Eaux pour le mal des yeux. 157  
 Effets de quinte eſſence. 4  
 Effets propres du feu. 16. 17  
 Electuaire purgatif extraict. 302  
 Electuaire purgatif. 301  
 Elebore, & ſon eau. 297  
 Elixir de vie. 105. 157  
 Elebore & ſon ſuc, & Extraction  
 d'elebore noir. 294. 298. 300  
 Empiriques Abuſeurs. 82  
 Encre d'impreſion. 54. 261  
 Endiuie. 39  
 Enule en vin. 309  
 Eſclarcifſemēt de vin trouble. 27  
 Eſclarcifſement des eaux trou-  
 bles. 27  
 Eſclarcifſement de liqueurs trou-  
 bles. 27  
 Eſcorces & leurs huyles. 207  
 Eſcume, fleur de mer. 166  
 Eſtoilles pour medicamēs adiou-  
 ſtez à quinte eſſence.  
 Eſuertuer, & excorporer. 10  
 Erymologie de Baſſame Bel-  
 zoin Benioin. 214  
 Eſpouſe du Soleil. 199  
 Experiment & Empiric medica-  
 ment rōpant la pierre. 124. 184  
 Extraction de l'eau de vie. 188  
 Extraction de Rheubarbe. 300  
 Extraction de Pillules. 301  
 Extraction des quatre elemens  
 du ſang humain. 110  
 Extraction de quinte eſſence de  
 toutes choſes. 102. 112  
 Extraction de quinte eſſence du  
 vin. 96  
 Extraction d'huyle. 271. 188

## F

- Fable de la toiſon d'or, figure de  
 l'Alchemie, ou facture de l'or. 3  
 Facile moyen de extraire quinte  
 eſſence ſans grand couſt. 97  
 Facture d'eau roſe en quatre ma-  
 nieres. 88  
 Fermentation. 67. 68  
 Fer moins nuifant. 61  
 Feu de Chelidoine. 202  
 Feu bruſle plus en groſſe ſubſtan-  
 ce que en ſubtile. 30  
 Feu perpetuel trouué en vn mou-  
 ment. 4  
 Feu propre aux metaux. 17  
 Feu, flammes, fours, & charbons  
 de diuerſe nature, pour faire de-  
 ſtillation. 16. 17  
 Feux diuers à deſtiller. 17  
 Fiāt de cheual, & l'vſage. 17. 32.  
 33. 58. 69. 106. 117.  
 Fiante humaine & ſes medici-  
 nes. 53  
 Filtre, ou Pinceau. 16. 261. 270  
 Fixement des eſprits. 54  
 Fleurs de Tillier odorantes,  
 Fleurs, herbes, & racines & ex-  
 traction de leur quinte eſſence.  
 106  
 Foin & ſon huyle. 274  
 Fomentations ſeches, & humi-  
 des. 290. 291.  
 Forme d'inſtrumens importe à  
 la briueté, ou longueur de de-  
 ſtillation. 76

## TABLE DES CHOSES

- Formes diuerses de fourneaux. 29  
 Four de paresse. 30. 64  
 Four fixatoire. 54  
 Fourneau à destiller en cendres, plusieurs liqueurs ensemble. 180  
 Fourneau de vltad à destiller par descens. 181  
 Fourneaux diuers. 29. 63. 64.  
 Fourneaux, & vaisseaux diuers pour le bain Marie. 62  
 Fosse de fumier pour destiller, & diuerses manieres. 69  
 Fraises, & leur eau merueilleuse. 37  
 Fraisine, & son huyle. 211  
 Fraisine 38. 308  
 Fragrant que c'est. 91  
 Froment & son huyle. 274  
 Fruicts & leur quinte essence. 99 & 106  
 Fruicts purgatifs. 99  
 Feuilles de Citrons, Limons, Orenge, & leur huyle. 191  
 Feuilles de noyer. 40  
 Fumee chaude, ou vapeur seruât à destiller. 28  
 Fumier de fraces d'Oliues tirees, est tres singulier.
- G
- Gagate cõtre Demoniaques. 230  
 Gagete, & son huyle. 239  
 Garde, & conseruation des liqueurs destillees.  
 Gayac, & son huyle. 137. 212  
 Gayac est succulent. 187  
 Gemmes, & leurs liqueurs. 116. & 265  
 Geneure en vin. 210  
 Geneure, grains, & huyle d'iceux 133. 200  
 Geneure, & huyle de son bois. 276. 201. 210  
 Gentiane, & l'eau d'icelle. 87. 118. 297  
 Geneure, & ses grains, & l'eau d'iceux. 87. 115. 117. 133.  
 Globes ou boules de Crystal a reuerberer rays du Soleil pour rectifier. 71  
 Goacomax, arbre de Basme Hespagnollet. 215  
 Gommess, resines, & leur huyle. 203. 185. 212  
 Grace de Dieu Hippocras. 313  
 Gradation des quatre qualitez, es ascens des choses destillables. 17. 18.  
 Grains de Geneure, & leur eau. 133  
 Grans & longs instrumens & vaisseaux, conuenans plus que les petits à destiller. 60  
 Gresse ne nourrit. 187.
- H
- Heaume pour chapitel. 55  
 Henry le pigre. 64  
 Herbes fresches. 71  
 Hermetic vase. 193  
 Hippocras. 313  
 Hippocras cõposé avec claré. 318  
 Hippocras de trois façons. 313. 319  
 Hippocras fait sur le chãp d'eau ardente. 85  
 Hippocras laxatif. 314. 317  
 Humeur ærine, & que c'est & en quelles substances est.  
 Huyle antibalsamique de Guillaume de Salicet. 222  
 Huyle Balsamine merueilleuse de Pierre de Apone. 225. 230  
 Huyle bñdict. 112. 186. 190. 230  
 Huyle capniste. 7. 213  
 Huyle croissant, & décroissant avec la lune. 109

## NOTABLES.

- Huyle d'animaux. 33. 186  
 Huyle d'anis. 197  
 Huyle de ben. 198  
 Huyle de drogues aromatiques.  
 & moyē de l'extraire. 272. 276  
 Huyle de plomb.  
 Huyle commun. 278  
 Huyle des Philosophes. 234  
 Huyle d'amendres. 273  
 Huyle de romarin pour baume.  
 194. 195  
 Huyle de matiere fecale humaine. 54. 230  
 Huyle de Noix muscades. 256.  
 278  
 Huyles destillez dans le corps  
 comme se doyuent appliquer.  
 272. 192  
 Huyle de Bayes. 274  
 Huyle destillé. 271. 272  
 Huyles de toutes plantes & tri-  
 ple maniere de les extraire. 272  
 Huyle de Camphre. 36  
 Huyles en general, & particu-  
 lier. 271  
 Huyle est en toutes choses non  
 simple. 271  
 Huyle de fleurs. 275. 193. 217  
 Huyle extrait des bois. 187. 209  
 Huyle Iasmin. 173  
 Huyle mitigatiue de douleur.  
 276. 193  
 Huyle Laurin. 276. 216. 243  
 Huyle rosat. 278. 279  
 Huyle parable sur le champ de  
 quelconque chose.  
 Huyle sainct ou huyle vis. 108  
 Hydrosat differēt à leau rose. 6  
 Hyssope. 39
- I
- Iasmin, & son huyle. 273
- Jeunesse de face par eau de fard.  
 268  
 Infusion. 83. 87. 113. 131  
 Interpretation Allegorique de  
 misteres chymistics. 195. 102  
 Ioubarbe. 48  
 Iris & son suc. 302  
 Jus de citrons destillé. 55  
 Jus de limons & ses effectz. 25
- L
- Ladanon. 184. 217  
 Lait de plantes, comme se ex-  
 traict. 53  
 Lait destillé. 53  
 Lait destillé enyurant. 53  
 Lait virginal. 112  
 Laine xiline, ou laine de bois.  
 19. 226  
 Larme extraicte des bois. 226  
 La terre n'a mouuement.  
 Lauande. 40  
 Lauement Royal. 172  
 Laurier & extraction de quinte  
 essence des fueilles de laurier. 95  
 Lembeau. 56  
 Lembeau, Canal, cercle en dedās  
 de l'alembic. 56  
 Les escrits des Philosophes,  
 souz Ainigme.  
 L'herbe à puces.  
 L'hyerres bayes, & huyle. 228  
 L'hyerre, & son huyle. 217  
 L'hierre torné en vaisseau trans-  
 fond le vin. 217  
 L'hyerre transfond l'eau meslee  
 au vin. 217  
 Limaille d'or & d'argent. 179  
 Limaces, & leur eau. 171  
 Liqueur de gommess. 261  
 Liqueur rendant lumiere noctur-  
 ne. 5  
 Liqueurs diuerses. 105

## TABLE DES CHOSES

- Lombrics ou vers de terre, & leur huyle. 50. 83. 283  
 Lut de sapience. 65  
 Lutemens diuers. 65  
 Luter, Lut, & Lutation que c'est. 65
- M**
- Maceration. 159  
 Macis & son huyle. 141  
 Main de Dieu Hippocras. 320  
 Maluoisie artificielle. 314. 321  
 Marc doliues, & de grappes.  
 Marques du vray basme. 215  
 Massue pour vaisseau destillatoire. 54  
 Matiere des vaisseaux destillatoires. 59. 60  
 Matieres seches, trempées pour destiller. 85  
 Medicamens composez, purgatifs, & destillez. 126. 151. 300  
 Medicamens meslez à leau de vie sans destillation. 125. 270  
 Melisse aguisse la memoire, & nuict au foye. 130  
 Melisse, & son eau. 20. 132  
 Memoire par eau confermee. 131  
 Mercure rouge. 264  
 Mercure vegetable. 266  
 Mere de Basme. 225  
 Merueilles de Quinte essence froide.  
 Meslange de liqueurs les trouble. 28  
 Mesmes vertus sont des eaux & de leurs plantes. 20  
 Metal chescun a en puissance la vertu de tous. 230  
 Metalliques huyles sont pesans. 230  
 Metaux en huyle. 289. 186. 230  
 Metaux & leur quinte essence. 90. 110. 111  
 Meteoires. 15  
 Miel destillé, & ses effectz. 185  
 Miel, & leur quinte essence. 108  
 Miel, & extraction de sa quinte essence. 107. 108.  
 Miel meslé avec eau ardent l'adoucit. 107  
 Millepertuis, & son huyle. 274  
 Miroirs caues, à destiller au Soleil. 70  
 Momordique huyle. 218  
 Morelle. 49. 100  
 Moscouites boyuent eau d'aune. 23. 184  
 Moust, & sa quinte essence. 178  
 Mouuement cause de chaleur. 98  
 Moyen de retenir es eaux la saveur, & odeur des plantes. 72  
 Moyeux d'œufz, & leur huyle. 283  
 Muscade, & son huyle. 278  
 Muscat artificiel.  
 Noix muscate & son huyle. 278  
 Muse cornue. 57
- N**
- Naphte huyle naturel des philosophes.  
 Nasitort, ou cresson, & son huyle. 199  
 Nectar. 315  
 Nez. 15  
 Nez du chapitel. 15. 55  
 Nez pour la trompe ou cornet destillatoire. 55  
 Noix vomitoire, & son eau, ou suc. 88  
 Noix & Noyer. 40  
 Noyaux de cerises, & leur huyle. 273  
 Nourriture douce engresse.
- Noyaux



## NOTABLES

Noyaux de pesche & leur huyle.

O

Occultateurs de leur fauoir, & les causes de ce faire. 8

Odeur de fumier passant en la chose destillee.

Odeur d'Aspic suaue, & fort excède tous autres. 194

Odeur d'Ambre bonne contre Epilepsie. 34

Odeur de roses pourquoy long temps durable. 278

Odeur disperse par la totale substance est durable, odeur superficielle non. 10. 17. 19

Odeur fragrante est requise en route quinte essence. 91

Odeur fragrante indice de quinte essence parfaite. 91

Odeurs precieuses, moyennes, & viles. 19

Oeufz, & huyle d'oeufz. 33. 284

Oeufz, & les moyeux & l'huyle. 3. 283.

Oeufz, & leur quinte essence. 283

Oeufz medical de Hydropisie. 283

Oignon. 35. 118.

Oliuiers ayment les riuages de Mer. 278

Opobalsamon, Carpobalsamō, & Xilobalsamon. 214. 219

Oren eau potable. 156

Or en masse en eaux composee ne sert s'il n'est estainct.

Or & ses vertus. 156

Or pigment en rouge couleur. 269. 22

Or potable. 4. 152. 155

Or potable endurey comme se dissoult. 156

Oye farcie de rats. 304

P

Parabole caue, & que c'est. 70

Parfum de cornes, & ongles de clarent les Epileptiques.

Parfum d'huyle. 209

Parietaire appareillee en destillation, rompt la pierre. 38

Parties du vaisseau destillatoire. 54. 55. 56.

Pelican. 58. 96. 97.

Pellican vase de Hermes, & sa figure. 58

Perfil. 33. 42

Pierre Philosophique. 4. 154

Pierre sciste, & sa vertu.

Pignons, ou noyaux de pin & leur huyle. 203. 210

Pilules & leur extraction. 30

Pimpinelle sa semence, & son huyle. 200.

Plantain. 42

Plantain & son eau arreste flux de sang. 20

Planter estoilles au Ciel. 21

Plantes fresches sont meilleures eaux. 71

Playes faictes par Or point ne s'enflamment. 156.

Pline reprins, & excuse. 153

Plomb des Philosophes. 112

Plomb & sa quinte essence. 112

Plomb & son huyle. 112

Plomb mauuais en vaisseaux de destillation. 59. 60.

Pneume. 4

Poudre de Mercure. 265.

Poiure chaud, non fragrant.

Poudre angelique. 264.

Poudre rouge d'argent vif. 262. 264.

Poullieu. 42

Precipité. 267

## TABLE DES CHOSES

- Premiere liqueur destillate d'eau de vie, est la meilleure.
- Pourpie. 303
- Premiers scripteurs de la quinte essence. 2
- Preparation à destillation. 56. 57
- Preparation de la poudre rouge. 57
- Preff moyen à extraire eau subit de toute plante. 180
- Preuve de la suffisante destillation d'eau ardent. 55
- Preuve de l'eau de savon. 76
- Preuve de quinte essence du vin. 93. 94
- Prinse des liqueurs de la Chelidoine. 104
- Pronociation premiere vertu de l'orateur. 9
- Prunelles en vin. 311
- Pfammurgique. 4
- Ptisane quand elle cause la mort. 9
- Purgation de lor. 154
- Purgation d'eau trouble. 27
- Purgation de resine. 205
- Putrifications. 68. 72
- Putrificatiõ en fumier cheuallin. 69. 106. 107. 202
- Pyretre. 87
- ### Q
- Quantité du vin à destiller en eau de vie. 78
- Quarrons & leur huyle. 186
- Quarrons, Gagate & Ambre en huyle. 186
- Quatre moyens ou degrez de chaleur destillatoire. 18
- Quinte essence des remedes, & sa definition. 90. 91
- Quinte essence de vin. 93. 94.
- 155
- Quinte essence est des metaux. 93. 112
- Quinte essence excede en mille vertus son element. 96
- Quintes essences diuerses au ciel de Vlstad. 99. 112
- Quinte essence froide, Eau contraire à l'eau de vie. 101
- Quid pro quo. 217
- Quinte essence ne peut estre extraicte que des seulx metaux. 94
- ### R
- Racine de Pyretre. 87
- Racines bonnes à destremper & destiller. 133
- Racines seches de Gentiane. 87. 115
- Raisfort sauuage. 134
- Raisins pafsis purgatifz. 233
- Rapé aromatic. 311
- Raues. 43
- Raue & son suc. 33
- Recepte de Epiphan pour briser la pierre. 25
- Receptoire, matule, ou Pissoir. 25. 55
- Rectification des liqueurs destillees. 52. 73. 103
- Remede à la fragilité des vaisseaux de verre, & de terre. 61
- Reprobatõ de remede par sang humain. 110
- Resine & sa destillation. 205
- Retortes cornues, ou Cornemuses, & leur vsage. 57. 115. 201
- Retrabe. 198
- Reuestement de Coucourbes au Bain Marie. 67
- Rheubarbe, & son extraction. 114. 300
- Rofaires. 183

## NOTABLES.

- Rofat huyle. 279  
 Romarin en eau de vie. 115. 195  
 Romarin & fon huyle. 194. 195  
 Romarin fleurs et huyle d'iceux.  
 191  
 Rompure de pierre inuentee par  
 vn Geneuois, & par luy taifce.  
 233  
 Rompure de pierre, par quelles  
 chofes fe peut faire. 131  
 Roses. 51. 178  
 Rosee, & comme fe doit amaf-  
 fer, & deftiller. 89  
 Roses incarnates, & leur eau. 88  
 Rosee neuf fois deftillce a faculté  
 d'eau de vie. 90  
 Roses rouges font eau cordiale  
 blanches refrefchiffante. 88  
 Roses fauuages meilleures à de-  
 ftiller que les domestiques. 46  
 Roses fèches, & eau d'icelles.  
 88  
 Rougeur d'Antimoine. 112  
 Ruberte. 100  
 Rue, & fon huyle. 115. 196  
 Rue, fa femence & huyle. 196.  
 199
- S**
- Safran & fon huyle.  
 Sang de canars. 50. 53  
 Sang de Porcelet. 50  
 Sang de raixon. 50. 53  
 Sang humain. 53. 109  
 Sang humain deftillé fimple-  
 ment. 110  
 Sang humain est l'air. 110  
 Sang humain & fa quinte effen-  
 ce. 90. 95. 107  
 Sang humain est la feptième des-  
 ftillation de l'eau de vie. 95.  
 109  
 Sang humain fignifie quelque  
 metallic ou mineral rouge. 95  
 107  
 Sang humain fublime Saryion.  
 42  
 Saugc. 48. 115  
 Scabieufe. 48. 51  
 Scorpionique huyle excellent.  
 284  
 Scopiōs, et leur huyle. 283. 284.  
 286  
 Seches herbes, & leur liqueur.  
 85  
 Sel de Hermes. 66  
 Secret de l'alchimie. 238  
 Sel contient huyle. 66  
 Sel conuient à la deftillation des  
 chofes humides. 258  
 Sel corps trefsec à huyle. 258  
 Semences, & leurs huyles. 77.  
 273. 196  
 Separation d'eau douce d'avec  
 la falee. 27  
 Separation d'argent vif. 139  
 Separation d'huyle d'avec les  
 plantes. 192  
 Separation d'or d'avec l'argent.  
 264  
 Separation d'huyle d'avec l'eau.  
 192. 248  
 Separation d'eau d'avec l'air.  
 102  
 Serpentine. 77. 80  
 Seuz, fes fleurs, & fon huyle.  
 210  
 Sigille de Hermes. 66  
 Simples deftillables au Bain Ma-  
 rie. 30  
 Sirops avec eau de vie. 314  
 Sirop ou Iuleb de vin. 315  
 Solides medicamens. 261  
 Souchet ou Racine de glayeul.  
 160

TABLE DES CHOSES

- Soucie sa semence, & huyle. 258  
 Souphre en eau, & son huyle.  
 290  
 Souphre en vin nuyfant. 153  
 Souphre & Alun gardent le vin  
 de tourner, & aigrir. 153  
 Souphre & son huyle. 153  
 Source de Tartarie. 4  
 Squille & son eau tuant les rats  
 Syrac & son huyle. 205  
 Sublimation, et pourquoy a esté  
 trouuee. 557  
 Sublimer. 45. 268  
 Sublimer, & sa signiffiance. 557  
 Substance espesse recoit mieux  
 le feu. 61  
 Suc de iris, & raue. 302  
 Suc d'herbes visqueuses. 294  
 Suc d'ellobore. 300  
 Sucz diuers. 294. 295. 296  
 Syrop de vin. 115
- T
- Tartre. 270. 281. 282  
 Tartre, & son huyle. 281. 283  
 Tartre calcine. 281  
 Téps de cueillir herbes & fleurs  
 à destiller. 19  
 Temps de maceration des choses  
 seches selon la qualité d'icelles.  
 19  
 Temps de putrification au Bain  
 Marie. 18  
 Temps de putrification en fu-  
 mier. 66  
 Temps diuers de la digestion se-  
 lon la qualité des matieres, &  
 apprest d'icelles. 71  
 Temps nebulieux propre à pu-  
 trification. 65. 72  
 Terebinthe ou larice & son huy-  
 le. 275. 205  
 Tilier, & sa fleur. 49
- Toute eau destillee par plusieurs  
 fois peut enyurer. 118  
 Transfusion n'est destillation. 16  
 Tremble, ou treuise odorant. 135  
 Tuilles, & leur huyle. 216  
 Tufsilage.
- V
- Vase de Hermes  
 Vaisseau destillatoire s'appelle  
 corps, & massue. 54. 58  
 Vaisseau en election. 61  
 Vaisseaux en diuerses façons.  
 60  
 Vaisseaux de verre bons à destil-  
 lation. 61  
 Vaisseaux, & instrumens appar-  
 tenans à la destillation. 54. 77  
 Venin medicine de venin. 287  
 Ventre du vaisseau. 47. 54  
 Ventre pour vaisseau destilla-  
 toir. 31. 54  
 Vieillesse que c'est. 91  
 Verbase ou Boillon blâc, & son  
 huyle.  
 Verde eau de vie. 128  
 Vermillon de ioues. 174  
 Verreries. 74  
 Vertus de l'eau de vie. 26. 37  
 Vertu des liqueurs destillees. 71  
 Vertus effectiues du feu. 17  
 Vescies. 35  
 Vinaigre destillé, & ses effectz.  
 17. 25. 184  
 Vinaigre destillé, & son vsage.  
 55. 85. 111. 183. 235  
 Vinaigre en decoction contre  
 peste. 25  
 Vinaigre metallic. 184. 254  
 Vin Alsatic. 322  
 Vin aromatic. 167. 323  
 Vin Arceuthite, ou de Geneure.

## NOTABLES.

- Vin candiot. 324  
 Vin d'Absynthe. 127. 308  
 Vin de Alkekengi. 308  
 Vin d'armaise. 308  
 Vin bourragine. 309  
 Vin de Buglose. 309  
 Vin de cerifes. 310  
 Vin de l'extinction del'or, & ses vertus.  
 Vin de prunelles ou pelloces. 311  
 Vin de Romaine. 324  
 Vin de toutes faueurs, et odeurs. 311. 320  
 Vin gardé de tourner, ou aigrir par eau ardent. 81. 84  
 Vin Giroflat. 322  
 Vin faictif ayāt gouft & faueur de Rhetel. 306. 322  
 Vin Grec. 315. 324  
 Vin inulé. 309  
 Vin Muscadel blanc & rouge. 324  
 Vin passulé. 315  
 Vin pour vieillesse. 315. 317  
 Vin propre à faire eau ardent. 76. 77  
 Vin rapé. 311. 320  
 Vin safranne. 312  
 Vin saugé. 312  
 Vin sucré. 312. 315  
 Vins aromatiques. 315  
 Vins aromaticz avec eau ardent 321  
 Vins Aromatiques & leur vertus. 312. 322. 323  
 Vins faictifz ressemblans à vins d'estrange contree. 223  
 Vins mixtionnez. 306  
 Vins medicaux. 307  
 Vins mulsez aromatiques. 315  
 Vin trempé d'eau de roses. 311  
 Violat huyle. 281  
 Vitriol en fumee occit hōmes, & arbres. 256  
 Vitriol en chaux. 246  
 Vitriol en huyle cautere potential, & la facture d'iceluy. 248  
 Vitriol, & sa quinte essence. 112 255  
 Vitriol, son esprit, & sa Quinte essence. 112  
 Vitriol & son huyle. 56. 255  
 Vomitoires. 88  
 Urine humaine. 54. 261  
 Usage d'eau ardent pour appliquer hors le corps, avec medicaments. 128  
 Usage des liqueurs destillees. 26  
 Vtilité de l'Alchemie. 1.2  
 Vuyure, ou Vipere & l'eau d'icelle. 92

## Z

- Zedoaren Vin. 320  
 Zinzifar ou Cinnabre & sa facture. 269

# TABLE DES MALADIES,

*& remedes contre icelles, contenus  
en ce Liure.*

## A

Aduſtes humeurs. 37  
Air peſtilent. 128  
Aſmatique. 228  
Aleine puante. 131. 221  
Apoplexie. 84. 256  
Apoſtemes. 81. 129. 138. 139  
Apoſtemes interieurs  
Arthetique. 123. 274. 211  
Aſhma. 228

## B

Boutons de verole. 261  
Boyau auallé. 123  
Bruſlure de feu. 260  
Bruyt d'oreilles. 40

## C

Catherre. 261  
Cerueau a reſchauffer. 129. 195  
Chancres. 139. 160. 260. 269.  
211  
Charbon. 119  
Chaffer. 260. 227  
Chiragre. 123  
Cicatrices. 285. 206  
Colere. 266  
Colere aduſte. 266  
Colique. 123. 307  
Colique iliaque. 131  
Conturbation d'eſtomac corro-  
ſion. 263  
Cuyſon, poincture, ou chaleur  
des yeux. 84  
Cynic eſpafme. 83

## D

Dardres. 274. 210  
Debilité de femmes acouchees.  
167

Degouſt. 22  
Dens pourries ou gaſtees. 134  
Deſeſpoir & extremité de vie.  
104  
Difficulté d'aleine. 143  
Difficulté d'urine. 83  
Douleur de coſté. 101  
Douleurs des dens. 81. 83  
Doleurs de roignons. 82  
Douleur des yeux. 101  
Douleur de teſte. 82  
Douleur de ventre. 228

## E

Eau de plainain arreſte le ſang.  
20  
Enfantement mal purgé. 101  
Enfleure. 81. 290. 221. 227  
Epilepſie. 34. 36. 81. 135  
Echauſaiſon de lit ou excoria-  
tion. 101  
Eſpafme. 43. 83  
Eſquinance. 81  
Eſtuues diuerſes

## F

Faſcin.  
Fendure de leures, mains, pieds,  
& fondement.  
Fendures de peau. 274  
Feu ou inflammation. 279  
Fieures. 123  
Fieures agues. 101  
Fieure continue. 248  
Fieures peſtilentiales. 150  
Fieure tierce, & quarte. 53. 83.  
266. 299  
Fiſtules. 101. 159. 269. 195  
Flatuofitez. 42. 308

Flux

Flux de sang. 20.36.150  
Flux des menstrues. 83  
Flux de ventre. 83.150  
Foiblesse ou destitution de force. 82  
Fracture d'os. 239  
Frissons, & horreurs de fieures. 224  
Froidure. 226

G

Gangrenes. 244  
Gonagre. 240  
Gosier. 226  
Goutte. 125.131  
Goutte rose, ou Coupperose. 81  
Gratelles. 81.274  
Grauelle. 139.140.309  
Gresse. 187

H

Hectique. 109  
Honteuses parties vlcerées. 82  
Hydropisie. 302.228  
Hemorrhoides. 292.226

I

Iaunisse. 53.226  
Iliaque passion. 131.266  
Impetigine & serpigine. 274  
Inflammations agues. 81

L

Langue empeschée. 131.226  
Larmes coulantes. 81.131  
Lasches membres. 224  
Laxation de membres. 200.224  
Lentilles. 81  
Lepre. 37.139.227  
Letargie.  
Loups. 101.160  
Luete. 81

M

Macules des yeux. 83  
Macules de la face. 195  
Maigreur. 138

Maille en l'œil. 159.260.215.227  
Mal comital. 36.50.83.90.221.224  
Mal de bouche. 35  
Mal de costé. 101  
Mal de dens. 177  
Mauié. 81  
Manie lymphatique, ou Demoniaque. 266  
Manie, Melancholie. 270  
Matrice. 292  
Mauuaises humeurs. 37.81  
Melancolie. 81.270.303.320  
Membranes du cerueau bleffees. 82

Membres bleffez. 81.200  
Morphe ou raphe. 84.211  
Morsure de chien enragé. 54.84  
Morsure ou seriffure de beste veneneuse. 287.229  
Morsure veneneuse. 74.287.227.250

N

Narines vlcerées.  
Noli me tangere. 225.226

O

Obstruction. 123.250  
Obstruction de narines. 243  
Oeil perillant. 105.227  
Os rompus. 83.239

P

Paralytic. 81.108.123.124.129.228  
Parolle perdue. 109.224  
Passions froides. 82  
Paronychie, c'est à dire vlcere aux ongles des piedz. 292  
Paupiere. 178  
Pesanteur ou aggrauation de membres.  
Peste. 40.83.150.304.317  
Pestilence. 40

Phlegme false. 81  
Phrenesie. 81  
Phtisie. 228. 254  
Pierre. 184. 200. 222  
Playes. 274. 199. 219. 221  
Pleuresie. 250  
Podagre. 290  
Poinctures. 28. 131  
Poumons estiques. 109  
Pourriture de sang. 121. 226  
Pourriture ou corruption. 134  
Puanteur d'aleine. 131  
Puanteur de bouche. 268

R

Rage & fureur. 81  
Refroidissement d'estomac. 162  
Relachement de nerfs. 228  
Retention ou difficulté d'urine.  
83  
Rheume. 226. 250  
Roigne. 274. 308. 226  
Rompures. 83  
Rougeur d'yeux. 81

S

Sang coulant par le nez. 42  
Sang glacé. 50  
Sciatique. 228. 141. 243  
Scorpionique poincture. 243  
Soif. 254  
Sourdelle. 41. 83  
Sphace ou Syderation. 269  
Stupeur, ou endormissement de  
membres.  
Sueur. 118

Suffocation de matrice. 224  
Syncope. 43. 224

T

Taches, lentilles, & macules. 260  
Teigne. 160  
Tenesme. 84  
Tetanos, ou rigueur d'enroidisse-  
ment de tout le corps. 84  
Tirer os du corps. 83  
Toux. 6  
Toux seches. 139  
Tremblement. 151  
Troublé d'esprit. 81  
Tremblement de cœur. 49  
Tremblement de membres. 229  
Tressaut, & tréblement de cœur.  
151  
Tristesse. 82  
Tumeurs. 275

V

Venins froidz. 289  
Ventre malade. 297  
Vermine. 81  
Vers. 194  
Verole. 31. 261. 268. 298  
Verrues. 264  
Vlcères. 26. 284. 292. 185. 212.  
226  
Vlcères en la gorge. 265  
Vlcères de la verge. 82. 264  
Vlcères des Reins, & velsie. 35.  
142  
Vomissement. 35. 88. 266



**T A B L E D E S A Y D E S, P A R**  
*lesquelles on peut embellir, amender, & fortifier*  
*Nature & autres choses.*

**A**

Appetit. 101

**B**

Blanchir cuyure & argent. 269  
 Blanchir les dens. 82. 260  
 Beauté & ieunesse. 170. 257

**C**

Cerueau. 81. 82. 129. 195  
 Chair, poisson, & viande conser-  
 uer. 82. 138  
 Chaleur naturelle. 82  
 Cheveux & poil, faire reuenir.  
 148  
 Clarification des yeux. 80. 165  
 Conception. 37. 83  
 Concoction. 62  
 Corroborer les membres. 224

**D**

Dens à blanchir. 82. 123  
 Digestion. 82. 131  
 Dormir. 147

**E**

Embellissement de face. 25. 52  
 Enfancement. 83  
 Esclarcir couleurs. 50  
 Esprit. 81. 224  
 Estomac, & le cœur. 162. 313

**F**

Face blanchie. 25  
 Fecondité. 83  
 Force. 109. 208. 224  
 Foye. 82. 39  
 Foye eschaufé. 39

**G**

Garder de renaistre le poil. 147

**H**

Halene douce. 131

**I**

Ieunesse. 81. 91. 92. 104. 228. 323

**L**

Lentilles. 81. 274  
 Luxure eschauffer. 83

**M**

Memoire. 20. 81. 131. 139. 243.  
 Menstrues. 37. 83. 131

**N**

Nerf. 82. 131. 228  
 Odeur conseruee. 138

**P**

Parolle perdue. 109  
 Port d'ensans mors. 83  
 Paupieres reuersees.  
 Peau ridee. 50  
 Poitrine. 131  
 Polissure de peau.  
 Polmon. 314

**R**

Ratelle. 101. 211  
 Renouellement de substance  
 227  
 Resiouyffance. 81  
 Rides. 50  
 Rides de peau de femme. 215

**S**

Sang purgé. 120. 156  
 Soif. 36

Substance

Substance velatiue. 214

Sueur prouoquer. 118

T

Taches de linge. 260

Taches en draps de soye, ou lame. 260

Ventre. 197

Verrues, vie prolongee. 98

Vin corrompu. 81, 138

Vrine. 43, 83

Y

Yeux. 101

*Epistre Luminaire.*



**L**n'est Tresor que de santé, (Dit l'ancien proverbe) Parquoy il est à coniecturer que ce Liure a esté par son Auteur, ou recollecteur, intitulé Tresor. Pource que pour le tresor de la santé du corps humain, il contient enclos en soy le moyen à tirer tout le bien, & vtilité qui peut servir à la santé de l'homme; & le extraire de toutes les essences, comme des Arbres, Herbes, Feuilles, Fruicts, Semences, Grains, Noyaux, Mœlles, Escorces, Bois, Tiges, Racines, Huyles, Sucs, Gommess, Larmes, Resines, Poix, Des metaux, Gemmes, Pierreries, & tous mineraux, Des Conques, Poissons, Reptils, Animaux terrestres, & volatils, & leurs parties tant interieures que exterieures: & bref presque de toutes choses qui sont souz le Ciel de la Lune. Entendu que toutes choses sont crees pour l'vsage de l'homme: Et d'icelle santé humaine, ce liure contient les Remedes secretz, c'est à dire, separez & abstraits, de la grosse masse, & materielle substâce elemẽtaire, & diuisez de qualitez par la vertu & force du feu artificiel, ou d'autre chaleur resolutiue, pour en tirer Eaux, Huyles, Liqueurs, Sucs, Larmes destillations, Vapeurs, Parfums, Jus, Sucs, Gommess, en simple substâce parfaicte: & bref la quinte essence, & l'ame viuifiante d'vne chescune chose: pour d'icelle viuifier & conforter la vie du corps humain. Ainsi selon les richesses cy dedans contenues, ce liure a esté bien conuenablement intitulé, Tresor par le Rhapsode recollecteur qui en nom supposé (comme il appert) se surnomme, Euonime Philiatre, C'est à dire de Grec, en François Biennommé, Amy de santé, ou Amoureux de Medicine. Or ayant consideré, que vn Tresor caché ne sert de rien non plus que s'il n'estoit point en nature. Et que ce Tresor icy enclos en langue latine pour la plus grand part, & couuert de plusieurs mots, Grecz, Arabicz, & Barbares, estoit incogneu aux hommes puremẽt François. Nous affin de l'ouurir, & descouurir à eux, & leur en donner l'vsage: L'auons mis en pure langue françoise, pour estre de tous françois entendu, & practiqué. Tellement le illustrant, que les lieux qui en Latin frequemment se trouuoient obscurs, confus, ou faux: nous les auons en françois esclarcis, demeslez, & verifiez, Les noms des choses, Grecz, ou Arabes, peu cogneus & vsitez: nous les auons expliqués par les appellatiõs, communes des practiquans, & du vulgaire pour estre mieus entendibles sans toutesfois omettre les estranges: pour satisfaire tant aux doctes, que aux peu sauans. Et l'ordre & collocation des matieres auons mieus obserué au françois qu'elle n'estoit au Latin. Finalemẽt y auõs fait vn Catalogue alphabetique des Auteurs de renom alleguez en c'est œuure, & Registre des chapitres,

tres, avec trois Tables necessaires. La premiere bien ample, de toutes les choses notables & memorables cy dedans contenues. La seconde Des remedes à diuerses maladies: lesquelz icy peuuent estre en diuers lieux recueillis, & trouuez en leur lieu par les nombres qui y sont apposez. La Tierce, Des aydes pour confort, & corroboration, conseruation ou amelioration de la nature humaine, & des choses à icelle appartenantes. En sorte que qui voudra sauoir la nature de quelconque chose ou substance que ce soit: & le moyen de l'extraire: il le pourra rechercher, & trouuer en la grande table, en son ordre Literaire: Qui requerra trouuer prompt remede à quelconque maladie, lise la seconde table: & incontinent le trouuera en sa lettre. Qui desirera quelque ayde non remediant au mal, mais ameliorant le bien, lise la tierce Table, & les nombres qui y sont: par lesquelz on pourra cognoistre en quants lieux, en est faite mention, Qui fera vn aussi grand relief de molestie au Lecteur:

comme a esté grief labeur & fascherie au  
collecteur. Vela quel est le Thresor  
de Euonime Philiatre, que  
nous descouurõs à l'v-  
tilité commune  
des Fran-  
çois.

S O M



SOMMAIRES DE LA  
PREFACE.

- 1 De l'inuention des liqueurs, & des huyles tirez par destillation,
- 2 Du but final, & principal poinct de ce liure, Duquel plus ample-  
ment sera parlé à la fin de la preface.
- 3 Louange de ceux qui ont bien voulu les remedes estre communs,  
& de tous cogneuz; lesquelz ilz auoyent à part eux tresbons,  
& de singuliere efficace,
- 4 Combien vaut l'appareil en toute chose.



L'Art Chymistique (c'est à dire extractiue des sucz, & bonnes humeurs) que diuer-  
sément ou appelle Chymie, Alchymie,  
Alkimie, & sudas. Chemie, et Alchemie,  
(c'est à dire fonte, ou la fonte) ha inuen-  
té plusieurs choses vtils à la vie humaine,  
mesmement au fait de la medicine ha

trouué experimens merueilleux, & fort louables: si bien à  
droict, & soigneusement on les appareille. Car il est tout cer-  
tain que par la non sauance, auarice, ou nonchallance des  
vulgaires & communs Apothicaires est auenu que de telles  
preparations on tient peu de cōpte. & ce a iuste cause pour  
vray, si on regarde ce que ilz appareillent: mais au contrai-  
re à grand tord si on considere le mesme art. Laquelle certes  
est de soy, & par soy tresbelle, & tresvtille. Et à la verité, ce-  
ste ignorance, auarice, negligence, & mespris, me semblent  
auoir esté cause de ce que ceste art tant noble & profictable,  
tant de temps a esté cachee, & tant tard a commencé d'estre  
practiquee & mise en vſage. Aucuns sont qui attribuent

l'origine de extraire par la vertu du feu les eaux (cōme ilz les nomment) les liqueurs, & les huyles de simples medemens, à vn Hieronyme de Brunswic, a qui septante ans ya ou plus faisoit la médecine à Strasbourg, mais en cela ilz faillent grandement, car cest art n'a point esté par luy inuentee, mais bien premieremēt par luy escrete & diuulguee en nostre langue Germanique. Quant à mon iugement i'estime que ceste inuention destillatoire, & extractiue des liqueurs est autant antique comme l'Alchemie mesme laquelle ie pense premierement auoir esté traictee, exercee & anoblie & mise par escrit par les homes transmarins, vsans de langue Barbarique Carthaginoise ou Arabesque, vn peu apres le temps des Medecins Grecz: l'enten de ceux qui ont escrit presque les derniers de tous, cōme sont Aëtius Orbas. Actuaire. Psel. En aucunes librairies d'Italie encore au iourd'huy se treuent quelques escritz de la Chymie par les derniers Grecz, nommément d'un certain Stephan, ou Estienne, surnommé le Philosophe. Item vn certain liure intitulé de la mutation des metaux, qui vulgairement s'appelle Chymie, ou Archymie. Semblablement vn liure d'Alchymie par Auicenne escrit au Philosophe Asse. Aussi est vn Geber, neueu de ie ne say quel Mahomet le grand, qui est renommé comme Chef & Prince de ceste science, duquel ie ne sauroye pas à dire pour vray en quel temps il a vescu. Combien que ie l'estime auoir esté illustrateur seulement, & non pas premier inuenteur de cest art. Iceluy Geber en son œuure inscrit (Souveraine perfection) brauement declarant plusieurs poincts en general de la Destillation, escrit plusieurs moyens de destiller estre cogneuz a tous, par cela donnant à entendre que en son temps l'inuention en estoit ia ancienne, & non de fresche memoire. Aucuns des nouueaux rapportent les liures escripts d'Alchymie non seulement d'Albert le grand, de Sainct Thomas d'Aquin de Rasis, & d'Auicēne Medecins Arabes, mais aussi d'Aristotel, Platon, & Salomon; ou bien disent aucune mention en

auoir esté faicte par iceux. Au rapport desquelz toutesfois l'adiouste peu de foy, non point que ie pense ceste estude estre plus nouuelle que du temps de ces anciens & excellens personages. mais ie croy que ces Philosophes iamais ne la cogneurent, ou en nul lieu n'en ont faict memoire. D'autres sont qui toutes les fables des Poëtes principalement celle de la toison dor cōquise par les Argonautes, interpretent subtilement de la facture d'or, & mutation des metaux. Autres ausi montent plus haut; & font les premiers homes de la creation du monde auoir esté auteurs de cest art. Finalement aucuns sont qui simplement la disent estre tres-antique, affermans ne pouoir estre rien trouué certain des premiers inuenteurs d'icelle. A Padoue en nostre temps a esté en vn trefancien monument vne vrne ou Vase de terre avec inscription de ces six vers Heroïques Latins.

*Plutoni Sacrum munus ne attingite fures.*

*Ignotum est vobis hoc quod in vrna latet.*

*Namque elementa graui clausit digesta labore.*

*Vase sub hoc modico maximus Olibius.*

*Adsit secundo custos sibi copia cornu*

*Ne precium tanti depercat laticis.*

Lesquelz vers Latins auons tournez en vers François Alexandrins en belle sentence.

*Au veu faict à Pluton, ne touche main furtiue,*

*Tu ne congnois la chose en ce vaisseau captiue,*

*Car les vrays elemens à grant labour purgez,*

*Y a le grant Olybe en petit lieu rengz,*

*La corne d'abondance y soit garde propice,*

*Qu'une eau si precieuse, en fin ne deperisse.*

Dens celle grand Vrne estoit vne autre moindre vrne; avec inscription d'autres vers Iambiques.

*Abite hinc pessimi fures*

*Vos quid voltis cum vobris oculis emissitjs?*

*Abite hinc vestro cum Mercurio petasato caduceatoque,*

*Maximus maximio domum hoc Plutoni sacrarum facit.*

Lesquelz auons selon leur sens ainsi rendus en vers François.

*Partez d'icy (larrons) sans arrester,*

*Qu'y venez vous des yeux tant sureter,*

*Tirez auant vostre Mercure aussi,*

*A tout sa verge & chappeau: Ce don cy,*

*Au grant Pluton vn grant veut presenter.*

D'auantage en ceste moindre Vrne, fut trouuee vne lāpe encore ardente entre deux Ampoules (c'est à dire deux Phioles rondes) l'une d'or, l'autre d'argent qui iadis auoyēt esté pleines d'une trespure liqueur, par la vertu de laquelle liqueur on croit que ceste lampe garda son feu, & sa lumie-re par plusieurs ans. Ce que fort bien ont annoté es inscriptions de l'antiquité Pierre Appian, & Barptolemy Amāt. Aussi en faict mention Hermolas Barbare, en son Corollaire sur Dioscorides, ou il traicte des eaux en general, en telles parolles. Il est (dict il) vne eau Celeste, ou plustost Diuine, eau des Chymistes. Laquelle ont cogneue Democrit, & Mercure trismegist. Laquelle ilz appellent Eau diuine, ores Source de Tartarie, ores Pneume, c'est à dire spirement, ou esperit de la nature aitherine, & quinte essence des choses d'ond se faict l'or potable. & ce sable, ou Pierre Philosophale tant louee & vantee, & nō encore trouuee ne inuentee. Et de la ont esté imposez les noms à l'art en l'appellant Psammourgique (œuurant par sable) Mystique (Secrete) Ammophysie (Nature Sablonniere) & Sacree, & Tresgrande cōme si elle auoit quelques lettres & sciences separees, & secretes, desquelles cōuint dechasser le prophane vulgaire. Ceste maniere de source est donnee à entendre (cōme ie pense) par la susdicte inscription naguères trouuee au territoire de Padoue, aupres d'une petite ville nommee Ateste, en ouurage de terre, & pource tresfraile, rompable & cassee sans y prendre auis, par la main rustique d'un laboureur arant la terre. De laquelle affin que la memoire ne perisse, auons cy dessus mis les escritures telles.



# P R E F A C E

*Plutoni sacrum &c.*

Ce don sacré à Pluton &c.

Ainsi donc est il certain que l'estude de cest art ha esté premierement tres ancien es Barbares, & puis long tēps apres parueniu aux Grecz, & aux Romains, & ce encore biē tard, & par aventure non auant que les Romains eussent Empire, & Seigneurie en la plus grande partie du monde. Ou si par auant il y estoit parueniu, il estoit donc occulte, & tenu secret entre peu de gens. Les Cicindules bestioles qui de nuict reluyent nous enseignent (dict Cardan) pouoir estre faicte vne liqueur rendant lumiere en tenebres, & ce faict cela en putrefiāt les choses qui ont souueraine blancheur, lumiere, & transparence, mais de quelles, & commēt: encore m'est il incertain.

2 Cecy pourroit sembler estre hors nostre propos: sinon que totalement la maniere de sublimer, & destiller ( ainsi qu'ilz parlent ) fust venue de L'art Chymie, & tousiours avec icelle eust duré, & continué. Puis apres eust esté ouuerte aux homes de par deça, premierement alors quand le monde estāt descouuert par l'Empire des Romains, plusieurs drogues aromatiques, & maintes espiceries & diuers remedes par auāt incogneuz aux Grecz & aux Romains commencerent à estre apportez en Europe, & vn temps apres beaucoup plus amplement & abondamment quand les Maures Aphricans, & les Arabes, gens sauans en la langue, & doctrine Arabesque tindrent la plus grande partie des Hespaignes, desquelz sauans Arabes aucuns excellens liures vindrent en nos mains: comme entre les plus derniers ( ainsi que ie pense ) les liures de vn Bulcasis Benaberzerin qui à l'endroiēt ou il traicte des preparatiōns Medicamentalles, la aussi il enseigne d'aucuns Medicamens, à sublimer, & destiller. Je croy aussi que du mesme temps d'iceluy fut renommé Iean Mesué, Lequel nous lifons auoir vescu enuiron l'an de nostre Seigneur Mil. cent cinquante huyct. Et toutesfois iceluy Mesué ne fait mētion d'autres

eaux destillees, que d'eau de Roses, & d'Absynthe, ou Aloïne. De Auicēne on dict qu'il florit l'an de l'incarnation Mil. cent quarante neuf. Lequel aussi mesme faict memoire de l'eau Rose destillee, Mais beaucoup plus antique est (au moins selon la tradition des auteurs) L'usage des Mineraux, & Metalliques, subliméz, & des huyles qui se font par descens, comme il est declaré en Rasis, & Aëtius.

Vn quidã a escrit nagueres les liqueurs extraictes par destillation, n'auoir point esté incogneues aux nouueaux, & derniers Grecz. se fondant sur telle raison que es escrits de l'Actuaire, quelques fois y sont nommees les liqueurs destillees. Et à la verité Iceluy Actuaire en aucun lieu, nommé Rhodostagma, (qui est à dire destillation de Roses,) comme au Iuleb contre la Toux, & vn peu apres en vn autre Iuleb il nomme Intybostagma (qu'est à dire destillation d'Endyuie). Mais par telz mots n'est autre chose signifiee que la simple decoction, ou Syrop de Roses, & d'Endyuie. Paul Aëginet au liure septiesme, chapitre quinziesme décrit Rhodostacton (c'est à dire le destillé de roses) en telles parolles. Pren de Roses aux quelles les ongles soyent ostez, le suc iusque à deux sextiers, & vn sextier de miel, fay le cuyre en l'escumant tousiours tant que la quarte partie soit consommee. Semblablement vn peu par auant il décrit le Hydrososmat, c'est à dire l'eau de roses biē diuerse, & différente de la liqueur, ou destillation d'eau rose. Car il la faict de quatre liures d'ongles de roses arrachez cinq sextiers d'eau, & deux sextiers de miel. Les Arabes aussi, ou leurs interpretes, quand ilz disent l'eau de quelque plante, ilz entendent la decoction d'icelle en eau. Semblablement Nicolas Myrepse qui a escrit en Grec les compositions des Medicamēs, Lequel appert estre des plus derniers, & nouueaux: par les barbares dictions desquelles souuent il vse, auquel de cela ie me esmerueille, que par luy n'a esté faicte aucune mention des eaux, ne des huyles appareillees par instrumens Chymistiques, c'est à dire propres à extraire les

sucz

sucz tant seulement il décrit l'huyle Capniste (c'est à dire de fumee) lequel se destille par descens, comme aussi le décrit Aëtius. Or les œuures, & choses que font les Chymistes, ou Alchemistes, ie les pourroye presque comprēdre en deux genres sommaires, c'est auoir que elles soyent ou liqueurs, ou corps solides. En outre les liqueurs soyent, ou aqueuses, ou huyleuses: & encores icelles huyleuses ou aériennes, tenans les qualitez de l'air, ou ignees, tenans les qualitez du feu. Les corps solides aussi soyent diuisez en ceux qui demeurent, & font residence en fond du vaisseau, ou en ceux qui montent en haut, & s'eleuent: & ce encore doublement, ou comme corps purs, telz que sont ceux qu'on appelle sublimes: comme Argēt vif, Arsenic & telz: ou cōme Suye, pour les remedes des yeux en la médecine. Il ya aussi d'autres artificielz moyē de preparation: par lequelz ce qui est le plus pur, & à le plus d'efficace es Medicamēs se peut extraire, & separer comme la forme de la matiere. Et combien que ie ne soye grandement vsité es Chymistiques extractions de sucz ne es autres appareilz: mais seulement en aye cogneu quelque peu, comme en passant par dessus, tant en experimētant moy mesme, que en ayant entendu par aucuns de mes amys, Toutesfois quelcōque chose que i'en sache, tant soit peu, ou prou ie le communiqueray aux studieux de l'art Medicalle non point que i'enseigne parfaitement, & absolument ceste mesme art de liqueurs destiller, & autres choses preparer: mais comme escriuant pour ceux qui desia par auant ne sont pas ignorans & inexpers de telles choses, ou par en auoir faict eux mesme L'essay, ou pour auoir leu les escrits des autres. Car ie n'ay rien tant excellent, ou secret que ie ne vueille bien mettre en auant, pour la publique & commune vtilité. Et non obstant que ie soye de petite, & basse fortune: neantmoins si suis ie de nature tousiours encline à communiquer ce que i'ay: ce que les vns m'attribuent à simplicité, ou sottise, les autres mieux à liberalité d'esprit. Il y a aucuns

homes qui cachēt, & celent tout ce qu'ilz ont: & iceux font de diuerſes manieres: les vns le font par deſir de gloire, & ambition: afin qu'ilz ayent cela d'auantage en quoy les autres ilz puiſſent excéder, ou exceller. Aucūſ auſſi le font par auarice, afin que ſeuilz ilz puiſſent gagner: les autres par ignorance des anciens ſcripteurs, comme ſi les meſmes choſes qu'ilz ſauent, ou meilleures n'auoyent eſté traictées & enſeignées par les Antiques. Leſquelles maintenant de pluſieurs ſont miſes a nonchaloir, & regne vne folle & inſatia- ble couuoitiſe de touſiours chercher & mettre en auant choſes nouuelles. Autres auſſi ſont en ceſte opinion, que les tresbon, & efficaceux remedes doiuent eſtre cachez & tenus ſecretz, de paour que les nonſauans (telz que ſont pluſieurs Empiriques preſque tous deſaillans de certaine raiſon, & nuds de tous bons eſtudes) n'en puiſſent abuſer, & les peruertir en mort, ou peril des corps humains, ce que eſt trouué pour le ſalut des homes. A ceux qui ont telle opinion ie reſpondray ainſi. Que à la verité il ne faut aucun mal faire afin que d'iceluy s'enſuyue quelque bien. Mais auſſi ne faut laiſſer à faire le bien, de paour qu'il ne s'enſuyue aucun mal. Car cōment que ce ſoit iamais ne defaudra le genre de ceux qui abuſent des bonnes choſes.

3 Au contraire les gens de bien, les bonnes choſes qu'ilz auront ſimplement les feront communes à tous: & ne lairront à cela faire par crainte que les mauuais puiſſent nuyre par celles meſmes bonnes choſes. Mais delaiſſant celle diſputation, ie proteſte cela purement, & au vray du cœur, à bon eſciant, que ie deſire à l'exemple de moy exciter, & induyre tous les bons Medicins, à ce que ayās depoſé, Ambition, Auarice, Ignorance, & Enuie, ſi quelque choſe d'excellence ilz peuuent, ou ſauent apporter & adiouſter à noſtre, profeſſion au ſemblable de nous ilz le propoſent en public ſimplement, & humainement. Car ce nonobſtant les Indoctes certes ou ignorans mauuais, pouſſent ſouuēt la vie des homes à maladies & à la mort, non ſeulement par ces grāds, & tres

& tres efficaceux Medicamens, telz que icy aucuns nous en declarerons, mais aussi le font par viandes, & breuuages trescommuns mal & en temps indeu ordonnez. Comme pour certain exemple: ou soit que nostre souuerain Hippocras à escrit la Ptisane, quelque fois baillee à heure importune auoir esté cause de la mort à vn malade de Pleuresie. Parquoy ne faut auoir regard à ces mauuais & indoctes, ains les delaisser partie en leur malice, partie en leur ignorance. Et quât à ceux qui ont affaire de l'art des Medecins: il les faut aduiser & admonnester qu'ilz facent en la Medicinẽ, & cure de leurs corps cela mesme que en tous autres ars les homes on coustume de faire: c'est à dire qu'ilz choisissent les tresbõs & tressauãs Medecins: & qui par assuree profession, & par raisonnables raisons exercent & honorent par acte expres, la Medicinẽ comme part de Philosophie. Or ie retourne à mon propos.

4 Le dy donc que l'appareil à tresgrande vertu, & efficace en toutes choses. Exẽple en l'Oraison ou parole ouuerte. Elocution, acte, geste, & Prononciation presque plus esmeuent les esprits des oyans, & des entendans que l'inuention de l'argument ne que la matiere mesme qui est traittee en l'oraison. Et de la viẽt que les escritures reengees en nombres, & mesures de vers, & metres sont tant doulces & plaisantes. Lesquelles mesmes si en oraison ou prose solue sont pronõcees, elles deuiennẽt froides, mortes renuersees, & sans art ne grace. De là est venu que le tresgrand Orateur Grec Demosthẽ, interroguẽ quelque fois quelle estoit la grace premiere & principale en l'Orateur respondit que cestoit Prononciation. Puis demandẽ quelle estoit la seconde respondit la mesme Prononciation. Finalement enquis quelle estoit la tierce Grace de l'orateur, rendit semblable responce, Prononciation. Lesieux & Spectacles des Comedies, Tragedies, & autres Poësies esmeuent fort les affections, & les cœurs des oyans, & voyans, Laquelle grace de plaire, & d'esmouuoir est en plusieurs moyens beaucoup

plus deuë à la forme extérieure, & appareil ou acoustremēt d'iceux, que à la matière, ou argument qui y est agi. Semblablement aussi es propres choses mesmes tant de nature que des ars, la forme, la figure, le moyen, & en somme vn certain appareil, & acoustrement, est plus considéré, & plus loué que la matière mesme, Ainsi en la Médecine L'art de bien & proprement préparer, la cure & prudence de cōmodement & en temps oportun administrer, ont tresgrande importance, & ne vient point plus à cōsiderer quelle chose on baille, que comment par quel appareil, & en quel temps & heure. Et combien que plusieurs circonstances soyent requises d'estre obseruees, à bien & deuëmēt administrer médicament, toutesfois le moyen, & l'apprest est dedans, & en la substance mesme du médicament, ainsi que forme & partie d'iceluy, les autres estans hors, & non en la substance comme le temps, le lieu, & les aduenances à considerer à l'entour du malade. Nous pour le present delaissans tous autres moyens d'appareil, & de preparation, tant seulement toucherons de ceux par lesquelz toute la vertu & faculté, est tirée des Medicamens, tellement que la plus claire, plus pure, & plus subtile partie d'un chescun simple est retenue, la plus grosse & plus terrestre abstraicte, & separee, ou soit que icelle plus pure partie, se amasse en vne liqueur extraicte de celuy simple médicament, ou en quelque autre estrange. Ce que Arnould Scribeur Barbare mais expert, appelle Esuertuer, & Excorporer. Or maintenant si aucunes choses semblent estre en ce liure trop curieusement, ou trop prolixement escrites: il est à sauoir qu'elles sont escrites, non point pour les Médecins du cōmun peuple, & des pures, mais ceux qui sont abondās en richesses, & en loysir, & ont seruiteurs à commandemēt: ou qui conuersent es cours des grands Princes & Roys, ou bien pour Philosophes amateurs de Sapience qui cherchent curieusement les vertus, & merueilleuses mutations des choses naturelles, & en icelles prennent souuerain plaisir. Finalement ne faut que nul  
s'esmer

s'esmerueille si à certains medicamens simples sont appo-  
 sez grands & prolîxes tiltres de louange de leurs vertus com-  
 me aux Quintes Essences(ainsi on les appelle)eaux de vie,  
 Baulmes faictis : & à aucuns d'iceux admirables facultez  
 estre attribuees:telles que sont Resueil de bon esprit,cōfir-  
 mation & acuité de bonne memoire cōseruation des sens,&  
 de la memoire. Attēdu que nous lisons biē telz effectz par  
 les anciens Grecz,& latins auoir esté attribuez à la Theria-  
 que,& autres Antidotes & cōpositions:& à diuerfes,prin-  
 cipalement par les Arabes, voire ausi par Galen comme  
 nous lisons ce qu'il a escrit de la Theriaque. Combien que  
 aucuns en y a que ie ne voudroye soustenir ne defendre,&  
 desquelz ie remetx la foy & croyāce,& m'en rapporte aux  
 Autheurs,desquelz par tout ie appose les noms. Mais ia par  
 auant auons nous protesté toutes ces choses estre escrites  
 par nous pour les homes sauars,desquelz la plus grād part  
 facilement iugeront combien il faut adiouster de foy à vn  
 chescun. Combien que en plusieurs cas ne suffit auoir eru-  
 dition, & iugement:si ausi l'experience n'y est adiouste.  
 Or icy ie fay fin à ma Preface.

LES

## LES AUTEURS

*alleguez en ce Liure.*

Actuaire. Adam. Lonicer. Aetius. Amiden. Albert le grand. Alexandre Benedict. Andre Fournier, en vn petit liure Francois intitulé, La decoration de nature humaine. Antoine Muse. Abhomeron. Abinzoar. Antoine Guaynier. Archimedes. Aristotel. Arnold de Ville neuue. Arnold Parisien. Arrian. Auicenne. Bartol. de Montagnan. Barptolemy Amant. Belle Lune. Brassauol. Bulcasis, autrement Albucasis. Brudus Portugallois.

Christophle des honnestes. Cornel Celse.

Democrit. Dioscoride. Dornstetter.

Ebenesis. Epiphan Medicin Empiric (c'est adire experimenté) peregrinateur de la Grece cogneu par l'auteur. Euonim encore adolescent, allegué en vn liure faict par luy, escrit à la main non imprimé Des remedes experts.

Fragastor. Francois du mont. Fuchsius.

Galen. Gauthier Ryffi en vn liure Allemant des destillations. Guidon de Cauliac. Geber Alchymiste. George de la pierre. George Agricole. Gilles ie ne say quel ainsi nommé qui a faict vn liure de neuf, ou dix liqueurs destillees auquel ie trouue plusieurs choses, qui sont aussi semblablement au liure de Raymond Lulle des eaux. Guillaume de plaissance.

Hermes trimegest. Hermolas Barbare. Hierome de Brunsuic qui le premier en langue Germanique ha escrit des eaux destillees. Hieronyme Cardã. Hugues Gordon.

Iaque Hollier de la matiere Chirurgique. Iaque du boys dict Syluius es commentaires sur Mesué, & es liures de la preparation & composition des simples medicamens. Iean Armenal au liure de la verolle. Iean Bracefc. Iaque de Maulijs. Iean Ganiuet. Iean de Rochefize, duquel sera parlé au nom de Raymond Lulle. Iean Goeurot en vn liure francois. Iean Manard. Iean Mesue. Iean Tagault  
en la



en la Metaphrase, sur la Chirurgie de Guion de Cauliac.  
Jean de Vigo, en la Chirurgie. Jean de Sainct Amant en  
l'Antidotaire de Jean Mesué.

Leonard de preda palea.

Marian sainct Chirurgien. Moines, es commentaires  
sur Mesué.

Nicander. Nicolas Alexandrin. Nicolas Stober. Ni-  
colas Massa au liure de la verolle. Nicolas Myrepse. Non  
nommé. Nicolas.

Obscar. Oribas.

Pierre André Mattheol Senois au liure de sa verolle,  
& es cōmentaires Italiques sur Dioscoride. Paul Aeginet.

Pierre de Apone. Pierre Appian. Philippe Vlstad au  
Ciel des Philosophes. Pierre de Alban. Pierre Argillat  
Platon. Pline.

Raymond L'ulle en vn liure tresdocte & tresbon, De  
la Quinte essence, qui iadis fut imprimé premierement à  
Argentorat, & dernièrement à Nuremberg, mais dissem-  
blable & different en plusieurs lieux. Euonim auteur latin  
du present liure en dict auoir deux exemplaires escrit à la  
main, & en auoir veu deux autres entre les mains d'un sien  
amy: Lesquelz tous entre eux sont differens, & encore  
dissemblables de ceux qui sont imprimez. Il dict aussi auoir  
veu vn liure de Jean de Rochescisse. De la Quinte essen-  
ce presque par tout & mot à mot semblable à celuy de Lul-  
le. Tellement qu'il peut sembler que Lulle l'ayt de luy tran-  
scrit, ou que quelqu'un l'ayt fausement attribué à Lulle, au  
moins si Jean de Rochescise a escrit deuant que Lulle, com-  
me Euonim dict auoir leu au dialogue de Bracesc. Toutef-  
fois Messire Symphorian Champier noble Medicin Lyon-  
nois a annoté & remarqué, que Lulle || Lullus ou Lullius ||  
florifloit en bruyt L'an de Iesucrist. 1311. & Jean de Roche-  
scise L'an 1240. par la chronique de Trittenham. Duquel  
Lulle est aussi: vn autre liure des eaüx que ha vsurpé, ie ne  
suy quel Gilles cy dessus allegué.

Rafis. Ruel. Remacle. F. de Lembourg: qui a escrit de celles eaux destillees qui sont en commun vsage. Rogier Bacchon, Des vertus de l'eau de vie par les douze signes. Le quel liure, aucuns à bien grand tort ont attribué à Arnould de Ville neuve.

Salomon. Serapion. Stephan Philosophe. Symeon. Theophrast. Theoderic ou Thierry. Thomas d'Aquin.

Valerius Cordus. Valerinus. Varignan. Et aucuns autres tant imprimez comme escrits à la main en langues diuerses: desquelz aucuns n'ont point le nom de L'auteur declare. Adam Lonicer a semblablement escrit n'agueres en latin aucuns traictez de L'art de destiller pour & affin comme ie croy de comprendre en brief les escrits vulgaires De Brunsuic, & Ryffii.

## DE DESTILLATION

& de ses differences en general.

## Chapitre I.



Destillation (comme escriuent les plus Sauans non Distillation) est extraction de la plus subtile humeur hors du suc, par vertu de la chaleur. ¶ Syluius Destillation par ascens ou par montee, s'appelle quand les vapeurs en sus eleuees, & la cōgelees se desfillēt en eau. ¶ Luy mesme. ¶ Les choses humides mises dans le corps (ainsi appellent les abstracteurs & Alchimistes le plus large vaisseau, duquel la vapeur est eleuee) par vertu de la chaleur sont subtiliees en vne vapeur, laquelle resserree & espessie en eau par la froidure du chapitel, ou autre couuercle, est receue en vn creux canal, ou orle releuē, qui est apposē tout au tour du bord du chapitel: puis incontinent par vn nez (ainsi nomment ilz la partie du chapitel qui est semblable & prochaine, tant en figure que en vsage de la face humaine) destille en vn vaisseau mis au dessouz vulgairemēt appelle Receptoire, ou Pissoir. ¶ Syluius. ¶ Nature à faict aucunes choses à cela semblables tant es Meteores (c'est à dire eleuations aēriēnes) mesmemēt humides, que es defluxions de l'home, & d'aucuns autres animaux du chef aux parties de dessouz. Estāt donc quelque plante ou autre chose corporelle mise pour destiller, la partie d'icelle qui est la plus apte & plus cōuenable à estre abstraicte & subtiliee (c'est auoir celle qui par nature est la plus tenue legiere, rare (c'est à dire moins espesse & corpulente) la plus claire & la plus superficielle, icelle premierement attenuee, & subtilizee par la vertu de la chaleur, s'eleue auant toutes: puis vne autre à elle de nature prochaine. Finalement cela qui comme humide essential est conglutinant les parties terrestres gras comme huyle est separē, & abstraict par plus grande force de feu & tout en son entier est eleue: lequel totallemēt extraict le corps ou le marc demeure cōme  
dissoulz

dissoulz & reduict en cendre. Or donque de toute plante & de tout animal, & de toutes les parties d'un chascun d'iceux premieremēt est extraict cela qui est aqueux (c'est adire tenant le l'eau) cru, & comme phlegmatic excrement: puis en apres le plus cuyct & attenuē: finalement se gras oleagineux, (c'est adire tenant de l'huyle,) lequel aussi se extraict des os mesmes, & non seulement des autres parties solides: Et toute destillation montant se faict consecutiuelement en telle maniere par ascens de l'une qualite apres l'autre: Sinon que aucunes substances qui sont de nature plus tenue & subtile enuoyent toutes leurs vertus vniuerselles du premier coup. Or toute ceste extraction des humeurs se faict par vigueur du feu. Car celle transmission d'humeur qui se faict par la lice de filz, ou par le pinceau, qu'ilz appellent filtre ou feltre, par arenes, par potz de terre crue, par cysibe, c'est vaisseau de l'hierre. Pline cōme ie pēse escrit du boys de l'hierre ou Smilax, que le vaisseau qui en est faict, trāffond l'eau meslee avec le vin: ce que autrefois en l'experimentant i'ay trouuē estre vray) telle tranffusion n'est pas destillation: sinon à parler abusiuement, & improprement, Car destillation proprement appellee se faict par chaleur ou du Soleil, ou du feu, ou de pourriture. Les fleurs à la chaleur du Soleil par la grāde industrie d'aucuns rendent eau approachante à la fleur mesme tant en odeur que es autres plaisantes qualitez. Du feu c'est à dire de la flamme produicte de l'air, ou des corps aerins allumez, ou du charbon de feu, qui est faict de terre ou corps terrestres embrasez. Destillation se faict ou sans moyē entreuenant d'autre chose, ou par moyen d'eaues bouillantes, ou par la chaude vapeur d'icelles, ou par cendres, arenes menues, ou limailles, & escumes de metaux adoucies. D'auātage la flamme comme aussi le Charbon a diuerses varietez: non seulement à raison de moins ou plus, mais aussi à diuersité de bois ou pourris, ou mal sentās, ou bien odorās, ou entiers, ou corrompus, ou vers ou secz. Ioinct aussi que la grandeur, forme, figure, & construction du forneau a grande efficace à changer &

ger & diuerfifier la chaleur. Outre ce le charbõ faict de boys fuffoquez, ou à demy bruslez, imprime vne certe graue odeur, & qualité estrange, tant aux choses à destiller comme à cuyre, & apprester. Soyent donques les charbons du tout allumez, voire à demy bruslez afin que d'iceux la malignité soit expiree deuant que la chose soit dessus mise pour destiller: principalement si au corps humain doit estre receuë. Car es choses qui hors le corps s'appliquent on a moindre regard. Tout cela dict. ¶ Syluius. ¶ Les quatre Elemēs en la destillation du vin montent par ordre. Le plus legier, plus subtil, & plus chaut, qui est le feu, monte le premier: En second lieu, l'air en apres l'eau, & la terre reste au fond, & croy que le semblable se faict en la destillation du vinaigre. Es grosses liqueurs terrestres, & espesses, voire encore es liquides qui outre les parties aqueuses en ont aussi de grosses, & espesses qui se peuuent incorporer, comme larmes, d'escorces, sucz, gommcs, resines, et au miel aussi, ce qui est aqueux s'eleue le premier, secondement ce qui est aerin, finalement ce qui est aitherin ou tenant du feu. Les parties terrestres demourantes au fond, lesquelles se bruslent si le feu est trop grand. Mais es corps metalliques celles mesmes qualitez resolues en vapeur, & adherentes a l'alembic se prennent & serrent en concretion, la couleur changee en blanc comme, Argent vif, Arsenic, Sel nitre, & semblables.

Le feu subtilie & attenne, dict Cardā, ou en amenuyfant les choses seches, comme quand il reduict l'arene en pouldre, ou en fondant, cōme les metaux, ou en separant les subtiles & tenues parties d'avec les grosses comme es destillations. Toutesfois il aduient es destillations quelque chose estre attennee, subtiliee, & meslee à autre, & ce quand elles sont faictes par chaut humide, & nō par le feu. Car le chaut attennee, & avec humidité il mesle. Or cela se faict mettant les vaisseaux en l'eau boillante, ce que ilz appellent, le Bain Marie, Balneum Mariae. La maniere de destiller, a ceste plus prochaine en bonté, est en fumier de cheval, en

apres dans les cendres chaudes. La tresexcellente est dans le marc des oliues apres que L'huyle en est extraict. Car la substance en est chaude & humide, & pource peut garder sa chaleur par plusieurs mois, & d'autant par plus long temps que le marc des grasses, comme la substance des oliues est plus espede & plus grasse que la substance des raisins. Toutesfois de toutes ces choses pas vne ne pourroit fondre les metaux. lesquelz ont besoin de feu. Mais comme la tresardente destillation se fait par le feu, ainsi est elle mal duisante à la mixtion, subtiliation, & attenuatiō, à laquelle aussi presque semblable est celle qui se fait par les cendres chaudes. Car si tu mesles ce qui est destillé au feu avec ses feces, c'est à dire son marc & subsidence, il deuiendra tout au regard de la masse & quātité, plus pesant, et plus sec que deuant. Donc à la verité ce n'est pas le feu qui attene, mais la nature mesme qui toute la substance cuit & mesle ensemble. Don à cause de la subtilité toutes les parties conuiennēt, & s'assemblēt en vn, lequel estant meslé se fait plus espede, & neantmoins composé de tresubtiles parties. Parquoy en la naturelle coction (comme celle qui en fondant les choses tresdures obtient la force du feu, & en extenuant, obtient la vertu du Bain Marie) les plus grosses parties sont amenuysees ce que par le feu ne se peut obtenir.

La chaleur du premier degre comme de fiante de cheual du bain Marie, appelée est chaleur de digestiō, de resolution de putrefaction, de maceration, & de circulation, desquelles parlerons plus amplement en leur lieu.

Des diuerses manieres de destiller par sublimation, tant avec eau comme sans eau. Voycy apres au traicté de l'eau rose, extraict de ¶ *Bulcasis* ¶.

De la destillation en general a escrit Geber Arabe au liure. 1. 4. & 50. de la Souueraine perfection, ou il traicté plusieurs choses singulierement bien, principalement de la difference, & des diuers effectz de destillation par eau, & par cendres. Luy mesme au. 19. chapitre de la sublimation en seigne  
pour

pourquoy elle l'a esté trouuée, & en apres au chapitre lx. que cest que sublimation, & des trois degrez du feu qui en icelle sont a garder. Item au chapitre xli. il mōstre le moyen de moderer le feu en sublimation, & comme doit estre entendue la maniere de cest affaire, en mettāt la laine xilīne, (c'est à dire laine de boys) au trou de dessus l'Aludel. Et de élire et choisir les boys conuenables il en parle au chapitre lxiij.

Quand on met destiller en vn Rosaire commun: il vaut mieux n'en mettre pas beaucoup à la fois affin que ce qui est deffouz ne soit laissé trop sec, & brusle, ce que dessus estant encore entier. Principalement si on destille choses odorantes, & precieuses, sera le meilleur & plus seur, en mettre peu à peu, & souuent les rafreschir, & renouueller. Car ainsi en decoulera eau meilleure & plus abondante. ¶ De brunsiuc. ¶

Herbes, fleurs, & toutes plantes que l'on voudra destiller doiuent estre cueillies en leur meureté mesmement au croissant de la lune, le ciel estant serain, & par vn iour estre laissée en l'ombre, puis estre menu trenchées, voire, si besoin est, pillees & broyees: puis incontinent estre destillees. ¶ Luy mesme. ¶

*De la vertu des liqueurs destillees, en general.*

*Chapitre II.*



Comme ie considerasse (dict Manard es Epistres quinzième, & seizième) que es eaux vulgaires qui par le feu sont extraictes des plantes, ne l'odeur, ne la saueur de la plante n'y estre gardée, mais bien souuent la contraire. Car ie voioye de l'Absynthe yssir eau douce, & de la Mente & de Ocime, cest dragee de plus mauuaise odeur que de bonne. Ce que me faisoit foy certaine que l'eau seules auoit point les mesmes vertus, que l'herbe totale. Lors ie commencay douteusement à penser, voire aussi en demātant l'aduis aux destillateurs & Alchemistes, par quel engin pourroit estre gardée es eaux la mesme odeur, & saueur, qui estoit trouuée en toute la plante. Or seroit il trop long a escrire tous les

moyens que pour cela trouuer s'ay esprouez, mais à present s'en toucheray vn seul qui m'a semblé le meilleur & le plus facile. Lequel se faict par la vapeur d'eau chaude en double vaisseau, &c.

Les destillations retiennent les vertus des simples d'on elles sont separees, sinon que elles sont plus subtiles, & de plus grande efficace, d'autant que plus souuent sont destillees ce que nous experimentons en l'eau extraicte du vin, & plus rarement es autres. ¶ Syluius. ¶

Aucuns alterent & changent les facultez de la liqueur qu'ilz destillent, ou en oignant & parfumant le chapitel d'aucune matiere, comme de miel, de ladanon, & autres, ou les apposant au nez de l'alembic: ce que on faict le plus souuent pour grace de bonne odeur. Car ilz apposent au bout du nez musc, giroffles, & autres telles choses odorantes, affin que la liqueur passée par telles matieres acquiere la suauité de l'odeur. ¶ Le mesme. ¶ DOVTE.

Si le feu eschaufe, & deseche toutes choses, Il sensuit que toutes les eaux extraictes par destillation deuroyent estre chaudes, & seiches. Et ne faict au contraire la substance qui est eau. Car combien que de telle substance soit l'eau ardent, neantmoins elle ard, & fort bien eschaufe, & deseiche les corps humains. Et de rechief toutes eaux naturellement sont froides, & humides, leur substance propre tousiours surmontant les autres qualitez. Or voyons nous que ne l'un ne l'autre tousiours n'est vray. Ains aucunes d'icelles eaux sont plus semblables aux choses d'on elles sont extraictes: comme l'eau Rose en odeur, saueur & facultez, vn sextier d'eau de plantain peut arrester le sang coulant de toutes pars, l'eau de laictue ne le faict pas, combien qu'elle soit plus froide. Vn certain personnage, n'a pas long temps voulât ameliorer & augmenter sa memoire par troys iours fait infusion de Melisse en vin blanc, don ayant legerement tiré le vin il en recueillit eau par destillation, par la potion de laquelle il sembla auoir recouuré la memoire, mais



mais luy estant de foye chaud, presque il destruisit sa bonne santé. Et ceste maniere est appelée des Philosophes, Planter estoilles au ciel.

Vne question doncque se faict. A sauoir mon si ces eaux retiennent les propres vertus & facultez de leurs premiers simples? Nous auons dict par le passé (quand nous parlions du mauuais vsage de medeciner) que en telles eaux n'y auoit nulles vertus, pource que elles sont defaillantes de la propre odeur, & faueur de leurs simples. Car l'eau d'Absynthe ou d'Aloïne, ne sent l'Absynthe ou Aloïne, & n'est amere ains (qui est merueille) semble doulcinastre. Toutefois l'eau ardent (affin que ie taise l'eau rose) tesmoigne que es eaux y a vertu. Et si on la dict estre telle à cause du feu: pourquoy donc ne seront telles, toutes les autres? Car valeureusement elle eschaufe desseiche, pènètre, sent fort, & ard. Ainsi est il tout certain que es eaux y a vertus, mais non a toutes, ne egalles. Car toutes choses qui ont leur substance tenue, & icelle ioincte à froideur, redēt eau semblable à leur essence, comme la rose. Celles qui ont leur substance tenue & chaude la rendent semblable, mais bruslante comme le vin, & aucuns metalliques. Celles qui ont leur substance grosse, & chaude, rendent leur eau dissemblable, & mauuaise comme Absynthe. Celles qui l'ont grosse & froide: font eau dissemblable, mais non mauuaise, cōme les courbes. Ainsi selon ceste raison peut on facilement apprendre les Vertus & facultez des eaux qui sont destillees & extraictes à petit feu. Car toutes celles qui ont besoin de feu vehement, toutes desechent, & le plus souuent eschauffent. Cela dict. ¶ Cardan. ¶

Mais nonobstant il me semble que ces choses sont à considerer plus diligemment. Premièrement en ce qu'il dict, que l'eau d'Absynthe n'est pas amere.

Cela est vray, si elle est destillee nonchalāment, & en alembicz de plomb, comme font communement les apothicaires. Et croy que si elle estoit destillee au bain Marie, ne

luy defaudroit ne l'odeur ne la faueur. Et l'un & l'autre avec efficace retiēdra, & l'Absynthe & toute autre quelconque plante pourueue d'odeur, & de faueur aucune, si la plante desechee par auant aucuns iours est destrempee en vin, puis destillee en Bain marie, ou cendres chaudes: comme cy apres ie monstrey plus amplement.

Or comme ainsi soit que plusieurs choses abondent en grande odeur, & icelle de si grande efficace, que par long temps point ne se esuente, raison pourquoy? Car celle vertu & vigueur de l'odeur est disperse, & egaleement esbandue par leur totale substance. Parquoy n'est à esmerueiller si en mesmes vaisseau aucunes eaux sont destillees, & sortēt semblables à leurs plantes, comme des Roses: desquelles Theophrast a escrit qu'elles gardent treslong temps leur odeur: les autres dissemblables: Car celles qui ont leur vigueur en superficialité, & exterieure apparēce icelle facilement la perdent & l'exhalent ou esuentent: comme l'absynthe ou Aloine, de qui l'odeur est, ou la faueur amere est cōtenue, & laquelle nous auons trouuee estre en la superficialité seulemēt.

Car si on separe l'escorce d'avec le tige ou les rameaux, ce qui est dedās on le trouuera, ou fade & sans goust, ou doulcinaistre. Parquoy celle differēce ne doit estre quise à la grosseur, & espaisseur, ou tenuité, & subtilité des parties, iasoit que ie pense bien & l'une, & l'autre auoir à ce quelque importance. Mais bien plus tost à ce que la vertu d'une chescunec chose ou elle est distribuee par tout egaleement, ou plus prochaine du centre (c'est du cœur & mylieu de dedās) ou plus prochaine de la superficialité, c'est du dehors. Certes quant à moy ie suis de telle opinion avec Raymond Lulle, que de toute plante se peut tirer eau de la mesme faculté. C'est auoir des choses froides, eau de froide qualité, des chaudes, chaude, des seiches, seiche, des humides, humide.

Et ne confesseray iamais que mesme vertu demeure en l'eau que es plantes sinon que delaissees y soit & restante la mesme semblance d'odeur, de faueur, & de l'une, & de l'autre

l'autre, comme es eaux odorantes, & de bonnes senteurs.

Pourquoy l'odeur de certaines fleurs, comme de lasmin, de fleurs de Girofliers, n'est retenue es eaux & le reste de ceste question voy cy apres, es allegations de Cardan ou en general il traicte du Bain Marie. Il seroit bon toute l'eau destillee vne fois deux fois voire iusque à la tierce estre espandue sur les feces, c'est sur le marc pillé & broyé, & par deux ou trois iours estre putrifiee & puis de rechief estre destillee. Ou bien mieux estre vne fois destillee, & puis estre arrosée nō sur les feces ou marc de relais, mais sur herbes nouvelles de mesme espece, & estre, putrifiees destillees en vn circulatoire, ou en vn alēbic aueugle. ¶ De brunsiuc. ¶ A d'aucunes la premiere destillation suffit, comme aux roses.

I'ay veu vn Alchymiste qui destilloit non les herbes mesmes, mais seulement les sucz des herbes ou des fruietz reiterant quelque fois la destillation & ayant broyé les feces sur le marbre, respandāt sur icelles l'eau destillee. ¶ Guayn. ¶

Lauene (cest à dire le bruuage fait d'auene comme la Ceruoise est faicte d'orge) eschaufe, & enyure non moins que le vin. On dict aussi que en Tartarie l'eau de laict destillé enyure. Et à la verité toute eau (se dy eau nō elemēt, mais aucune liqueur composee, ou suc,) quand par plusieurs fois est destillee peut faire ce mesme effect d'enyurer, car elle eschaufe, attenne, & recoit mieux la force du feu. D'on l'eau ardent par plusieurs fois destillee vient à telle acuité que plus ne peut estre beuë. ¶ Cardan. ¶ Or d'autant que la liqueur, ou la chose que l'on veut destiller sera plus espesse: d'autant plus & mieux receura le feu & la chaleur en la destillation reiteree.

Il est certain (dict Cardā) qu'vne eau se peut faire laquelle mise en iniection par vn cathetere ou syringue, incōtinēt rōpra la pierre de la vescie. Car cōme à cela deux choses soyēt necessaires, L'une qu'elle debrise la pierre, l'autre qu'elle ne blesse la vescie, le premier se fera par moyen & matiere. Car nous recevons les dernieres vapeurs de la cendre des scor-

pions, ou de perfil Macedonic, ou Tecolite (Germe semblable au noyau d'oliue, ayant vertu en le lechant de rompre la pierre) ou des pierres des cancrs. Car par tel moyen se fera vne eau laquelle pourroit rompre mesme le Porphyre, le second qui est de non nuyre se fera en telle sorte, si la matiere don l'eau sera extraicte est douce, & exempte de toute salure. Dõc ne faudra extraire eau de quelque gẽre ou espece de sel, que ce soit, ne d'alũ, ne de calchaut, verd de gris, ou fleur darin, ne de lie de vin ou tartre: mais d'aucun des simples que n'aguere auons recensé. Or est il tousiours besoing de tresdiligente experience à confermer, & asseurer vne subtile raison: à celle fin que les choses qui tant subtilement nous auons explorees, nous les puissons ramener à l'usage des homes asseurement approuuees, & confermees par certaine experience. Certainement ie say bien la columbine fiante, ou la parietaire, l'une ou l'autre ramenee, & reduicte par cest art, pouoir briser les tresdures pierres de la vescie. Or quelle chose c'est qui cela peut faire, & sans nuyfance: declarer le faut par experience. Car le sang de bouc, & la peau de lieure. & le verre, a cest effect sont fort approuuez par raison. Mais toutesfois par auenture que chescun d'iceux apart n'auroit point d'efficace. Mais ioinctz ou tous, ou aucuns d'iceux ensemble, & en certaine mesure auroyẽt effect. Et certainement il faut que telle chose soit ou metallique, ou muee en la nature du metal, i'ay ouy dire iadis la maniere de faire briser la pierre auoir esté trouuee par vn certain Geneuois, mais de rechief perdue par la mort de luy: qui à nul ne la voulut donner à cognoistre. Veritablement il est certain qu'elle peut estre trouuee, & que elle est comprinse en cest art. Iusque cy ¶ Cardan. ¶

A cecy par auenture ayderoit aussi la ChrysoColle, c'est soldure d'or, ou bourax preparé par art, & purgé de toute aigreur; telle que est la meilleure & la plus approuuee par les orfeures mesmes. Parquoy, aucuns pour faire le bourax vsent d'eau de pluye destillee, aucuns de laict destillé,

aucuns

aucuns de miel, & de moelles, & telles choses. l'ay entendu dire n'a pas long temps a vn Empirique (c'est à dire Medecin d'experience) auoir en certains personnages curé la grauelle & les pierres de la vescie avec bourax meslé avec eau ardent, presque iusque à l'espaisseur de miel, en y meslant aussi du tartre:ou grauelle de vin broyee,ou pierre entaillée du corps humain broyee en pouldre,ou subsidence de l'urine raclee du pot pissoir. Ledict Empirique faisoit par quatorze iours vser d'iceluy médicament tellement qu'on en meslast tousiours quelque peu parmy le vin au disner, & au souper. l'ay souuenance auoir leu de certaines liqueurs,esquelles vne pierre,ou vn caillou mis se resoluoit. Les Alchymistes vsent de vinaigre destillé,ou d'urine destillée a refoldre les metaux.

Par fort vinaigre mesmement destillé,ou ius de limons, se dissoluent les perles,les coquilles d'œufz, les pierres de la vescie,& des roignons,l'un & l'autre coral,& iceux apres auoir esté desechez,promptement & facilement se frisent.

¶ Syluius. ¶

Le ne puis en cest endroict obmettre l'eau de Epiphane Empiric qui est telle. Recipe. Antalis, & dentalis, Boracis. Sarcocollæ, coralliorum alborum, Crystalli albi, Gypsi, Anethi, Orizæ, farinæ orobi, portulacæ, ana Semunciam. fiant trochisci cum aqua fabarum mofcata.

De ce Recipe l'usage en est es femmes à blanchir la face, mais par auant soit parfumee & estuuee la face avec eau de decoction d'orge, & d'auene. Puis apres vn trochisc du dict médicament soit destrempé avec eau de feues, & d'iceluy la face soit oincte à l'entree du lict: & le matin soit lauee avec l'eau de la decoction de feues, de son ou bren, & puis apres d'eau fresche. Et si lesdictz trochiscz sont faitz avec eau de limons, tant plus orneront & poliront ilz la face. Car d'auantage les limons seulz rostis, & puis emplastrez embellissent le visage.

¶ Outre

Oultre plus si celle eau est beue à ieun, & le penne du ventre d'icelle soit oinct: elle rōpt la pierre. Le signe en appert. Que si en icelle eau on laisse des porcellaines, ce sont petites conques blanches & ausi certaines bagues de fonte, lendemain on les pourra mener aux doigtz comme cire.

Cecy nous auons traicté à longues parolles, affin de donner aux industrieux Mediciens quelque occasion de plus diligemment auiser à cest affaire.

*Du diuers vsage des liqueurs destillees tant en dedans, que hors la Medicine.*

*Chapitre. I I I.*



**L**E fay biē l'vsage en maintes sortes estre practiqué en l'vsage des eaux destillees, mais le plus grand & principal appartenir aux Mediciens qui de telles liqueurs bien à droict preparees ordonnent vsfer tant dedans, que dehors le corps, & tant par elles seules, que avec les autres. Ilz meslent aux onguents l'eau ardent, & les huyles chauds appareillez par art Chymistique, & ce ou pour grace de meilleure odeur, ou pour les rendre plus chauds, & affin qu'ilz entrent & penetrent plus promptement. Sur les parties à refrigerer ilz apposent linges trempéz en icelles eaux, principalement aux entrailles, au front, aux tēples, aux bras, & aux tumeurs & enfleures inflammees. Les Chirurgiens ausi vsent d'icelles fusions fort desechantes pour mōdifier les vlceres, Mais le plus commun vsage d'icelles a des long temps esté en la mixtion & temperature des sirops, & zulebz qu'ilz administrent: mesmement de roses, & de violettes.

Aucuns y a qui pour la seule grace de bonne odeur font & meslent liqueurs, & huyles de diuerses sortes. Les encriers & verriers pour destremper leur noir vsent ausi d'eau ardent, & les Orfeures d'eau fort, ainsi l'appellent.

En cest endroict n'est pas lieu de traicter des vsages alchimistiques à la mutation des metaux, aux couleurs, pigmets, & poinctures diuerses, & semblablemēt aux venins ou poisons pour faire mourir les bestes nuyfantes. Raymond Lulle dict ausi que l'vsage de l'eau ardent est merueilleux en guerre es combatz, & conflictz pour resueiller, & asseurer, & fortifier les courages des gēs de guerre. Mais des vsages de l'eau ardent i'en parleray plus amplement en leur lieu. D'aduantage c'est art de destillation est necessaire au deffaut d'eau bonne, & salubre pour par icelle rendre potables, douces, & bonnes à boire les eaux salees, qui seulement se peuvent auoir.



Leau douce se peut separer d'avec la salee en vn grand chauderon couuert d'un grand & haut couuerde a col & nez crochu,



Forme de purger les eues troubles.

Chapitre. IIII.

**T**V rempliras vne grāde marmite A, d'eau trouble: & ayant faict vn petit feu B, dessous tu mettras pas dessus les bors de la marmite deux bastons C de boys en figure de croix en trauers, & sur iceux boys mettras de la laine D biē nette. & biē lauee. Et tout ce que de la vapeur montan

montante sera embeu dens la laine tu le mettras à part, & cela continueras tant que la vapeur montera. Aucuns font qui destillent l'eau trouble à la maniere de l'eau rose. Autres la clarifient en iectant dedans quelque peu d'anet (ie croy qu'il faut dire d'acet, c'est de vinaigre) ou de amydon, ou de farine. Car toutes ces choses descendent, & avec elles tirent au fon la trouble espesseur de l'eau.

*DYBALNEVM MARIÆ, OV*

*Bain Marie en general. Et de celles destilla-*

*tions qui se font en vapeur d'eau*

*boillante, & en fumier*

*de cheual.*

*Chapitre. V.*



Es eaues boillantes, ou la fumee chaude & vapeur qui d'icelles ressort, ont moins de puissance & d'effect à destiller aucune chose, que le feu par luy seul, ou aussi avec les autres seiches choses moyennantes qui ont esté dictes.

Parquoy comme en vn diplom, c'est à dire vaisseau double que les Alchymistes, & Apothicaires appellent Balneum Mariæ, Bain Marie, Galen fond, dissoult, eschaufe & cuict les choses desquelles il ne veut les vertus estre espandues, ne dissipees par la violence du feu: ainsi les choses que nous voulons extraire douces & entieres, nous les destillons sur les eaues boillantes, ou sur la chaude fumee & vapeur d'icelles. Lesquelles combien que tenues soyent pour moins durables: toutesfois si sont elles moins alterees, & changees de leur nature, ce que tesmoigne la premiere odeur demourante en elles.

*Ayes*





Ayez vn fourneau A de telle forte que dessus soit posé vn grand vaisseau B d'arain remply d'eau, & dessus ce grand vaisseau d'arin soyent mis en rōdeur plusieurs autres petits vaisseaux C ou de verre, ou de terre plombee au fond desquelz soit mise la matiere à destiller.




Autres autrement bastissent le fourneau A, c'est asavoir en façon d'une tour aux costez de laquelle ilz entent, & entassent vaisseaux B de terre bien longs, desquelz le fond beaucoup plus large que le dessus contient les matieres que l'on veut destiller : le cul d'iceux penetrant iusque dedans le four, la gueule par dessus longue & couvertee à

la mode d'un pot à vin: en laquelle la vapeur montee par le ventre qui se peut ouvrir, se concree & espessit en eau destillante par vn long nez C du couvercle. ¶ Syluius.

Or la raison pourquoy l'odeur d'aucunes fleurs ne demeure point es eaux d'icelles, mais se euanouyt & l'eau demeure

meure sans odeur, comme au iassemin, & aux fleurs de girofliers & au lis: nous l'auons deduiete autre part: c'est pource que à si subtile substance nulle autre plus grosse partie n'est adioincte. Donc à cela vaudra si aux feuilles des herbes sans odeur, mais de matiere plus grosse (qui toutesfois point ne brusle) on adiouste les odeurs ou les odorantes, en les posant alternement les vnes apres les autres, & ainsi ensemble soyent destillees. Et ceste est la seule esperance de tirer l'odeur quand les plantes infuses en eau ne rendent point leur odeur mais se pourrissent. ¶ Cardan. ¶

Or est il certain que telles fleurs se doyuent destiller, en vaisseaux de verre au Balneū Mariæ, & à la vapeur d'eau boillante.



Le Bain Marie se eschauffe bien a point : & commodement avec vn ample, & large canal A, ou tuyau de cuyure passé & transmis par le mylieu du Bain: au fond duquel canal soit vne petite grille B, par ou les cédres puissent couler a bas. Le commun l'appelle Henry le pigre, Vlstad le nomme Four de paresse. Par des-

sus ledict Canal est posé vn petit couuercle C, de cuyure, avec vn petit tuyau en trauers qui par vn trou met hors la fumee.

Aucuns à present ainsi eschauffent les paistes & les estuues à se lauer & baigner. La principale commodité de ce grand tuyau D, est quand en mettant plusieurs vaisseaux E destillatoires tout a l'entour, on en veut vser, & extraire  
de dix

de dix ou douze tous diuers affin que ainsi on espargne le labeur, & la despense.

Aucuns ausi au Bain Marie vsent de ventres d'estain avec alembicz de verre, desquelz si les nez sont ou trop courts ou rompus: ilz y en apposent d'autres de cuyure, & les lutent.

Aucuns sont qui ayant à destiller herbes au Bain Marie, ou autrement: premierement les pisent, & broyent, puis les laissent par quelque temps, ou par aucuns iours auant que les destiller comme si par ce moyen en auoyent à extraire liqueur plus abondante. Laquelle chose s'ilz le faisoient en vaisseaux estoupez & ce mesmement en lieux chauds, le cas se porteroit mieux. Mais la plus part des Apothicaires, & autres qui de cela font gain & mestier, les laissent en lieu froidz en paniers descouuers iusque a ce qu'ilz perdent leur odeur, & soyent gastees par vn air gros & humide.

Il en y a ausi aucuns qui au Balneum Mariæ meslent quelque peu d'arene affin que la chaleur soit plus vehemente. Comme Mattheol Senois en l'eau Philosophique contre la verolle. Et dict que en telle destillation on peut extraire double liqueur, la premiere, plus claire & plus aiqueuse, la seconde, plus rouge & plus huyleuse.

Au Bain Marie l'eau ne doit point estre plus chaude que le doigt ne la puisse souffrir. ¶ De Brunsuic. ¶

Vlftard enseigne à faire destillation d'une certaine eau de vie à feu, si lent & si tardif que lon puisse compter vn, deux, trois, iusque à sept: deuant que vne goutte tombe.

Plusieurs autres choses qui appartiennent à la commune maniere du Bain Marie, tu les pourras lire cy apres, au lieu ou est faicte mention de l'eau de Camphre, prins de Bulcasis & de l'eau Rose de luy mesme.

Au Bain

Au Bain Marie, se faict aussi la destillation à rectifier, c'est à dire mettre en leur perfection, affin que le Phlegme soit d'iceux abstrait. Car par la chaleur du Bain la seule eau se peut éleuer, l'huyle au fond resident.

Cōme quelque fois ie me fusse prins garde que les eaux à la maniere que coustumierement elles sont destillees des herbes, fleurs, & plantes ne retiennent ne la saueur ne l'odeur mesme: ie commencay en douteux pensement à experimenter plusieurs et diuers essaiz affin de trouuer quelque moyen par lequel les qualitez des plantes fussent gardees es eaux. Or seroit il trop long escrire tous les moyens que j'ay esprouuez. Mais i'en toucheray d'vn seulement qui me semble estre le meilleur, & le plus facile. Lequel est tel. C'est à sauoir que en vn vaisseau double appellé Diplon à la maniere que Galē l'a ordonné, toutes les drogues soyent meslees, & confictes, & ceste operation soit faicte: tellemēt



tesfois que le fond du vaisseau A au quel est l'herbe B ne touche point à l'eau boillante: mais soit eschaufé par la seule vapeur ou chaude & humide fumee qui de l'eau boillante C est éleuee D, Car par ceste douce chaleur les vapeurs se exhalent de toute la substance de l'herbe, qui se tourne en eau gardant & retenāt toutes les vertus de l'herbe lesquelles apertement y sont recogneues à l'odeur, &

à la saueur. ¶ Manard. ¶

Mais les choses ainsi destillees iasoit qu'elles retiennent plus entierement les vertus & les qualitez de leurs plantes, comme elles font l'odeur premiere toutesfois pource qu'elles sont excrementeuses, bien peu de temps se peuuent garder. ¶ Syluius. ¶

Le principal vsage du fient ou (comme aucuns parlent) du ven

du ventre de cheual, est en ce que la matiere à destiller mise en vn vaisseau de verre dedans iceluy fiant soit praparee: comme plus amplement nous dirons au lieu ou sera faicte mention de la putrifaction. Neautmoins que en iceluy mesme fumier de cheual se peut aussi faire destillation: si ou poureté, ou autre cause empesche quel'on ne puisse vser de feu. De ceste maniere de destillation voy plus au long cy apres au lieu ou il est traicté de la prapARATION à destillation.

La chaleur du fumier à cause de la chaux que l'on y mesle excède la chaleur de Bain Marie d'un demy degré, selon le iugement de ¶ Brunsiic. ¶

Si tu veux tirer eau de la chair de quelconque animant que ce soit: tu suffoqueras, & estouferas iceluy animant affin que nul sang n'en decoule, & ayant osté toute la gresse tu detrencheras toute la chair en menues pieces, puis les destiller en fumier de cheual ou à petit feu, affin que les eaux ne puissent ou sentent la bruslure ce que facilement, & coustumierement aduient. Pourquoi sera le meilleur les destiller à deux fois ¶ De Brunsiic. ¶

Les parties interieures des animaux, ou les excremens, comme le sang, le foye, le fiel, le polmon, les œufz, & le fiât de bœuf, doyuent estre destillez en fumier de cheual: les vaisseaux n'estas point du tout estoupez ( mais le miel & le lait on peut bien estouper du tout ) & ce affin que l'eau ne soit rendue puante. Si neautmoins encore en telle sorte elle est puante: soit encore de rechief destillee au Bain Marie. Principalement l'eau de fiant de bœuf, ou bouze de vache: de laquelle la premiere destillation n'est gueres tiree sans puanteur.

Encore viendra il mieux si es choses que lon voudra putrefier, ou destiller en fumier on adiouste vne portion de sel, à celle fin qu'elles ne se corrompent.

EXCEL

EXCELLENTE EAU SIMPLES  
destillees au Bain Marie icy nombres par ordre Alphabetique. Pre-  
mierement des Plantes & consequemment des Animaux.

Chapitre. VI.

*Absynthium, Absynse, ou Absynthe, Assenzo.*



L'Eau d'Absynthe n'a odeur ne saueur comme par cy deuant ha esté. Si aucun veut que ceste liqueur ayt plus d'efficace: faut que l'Absynthe deseché il destrempe en vin, & puis le destille au Bain Marie. Ou si encore il le veut plus fort: faut qu'il le destille en cendres. Mais les matieres qui sont destillees en destrempe d'aucune liqueur, desia plus ne sont eaux simples, mais composees, desquelles en particulier nous escrirons cy apres.




Alfine, Mourron, L'alfine, es boutiques d'Apothicares, Auricula Muris.

Alfine, ou Mourron, que vulgairement on appelle Morseau de Geline, destillee en eau est administree aux enfans Epileptiques (c'est à dire subiectz au mal caduc) ou par elle seule, ou avec eau de fontaine. Les femmes en cela fort la louent & recomman-

comman

commandent, & en racomptent aucuns de leurs experimēs. Neautmoins i'en ay veu n'a pas long temps administrer en vain & sans aucun effect: de laquelle apres en auoir gousté, elle me esmeut presque à vomissement, par auenture pource qu'elle estoit trop vieille ou destillee en Alembic de plomb.



*Cepa, Oignon. Cepola.*

Leau destillee d'oignons blancz rompt la pierre.

¶ *Marian Sainct.* ¶

*Cerasus, Cerisier, Cirego.*



L'eau de toutes les sortes des Cerises se boit contre les trop grādes chaleurs, & pour cela mesme est aussi exterieurement appliquee. Mais encores plus propremēt l'eau des noires Cerises, Laquelle aussi de plusieurs est fort louee contre la paralytie: si elle est embroquee, & infuse en la bouche, & que d'icelle la bouche soit bien lauee: affin qu'elle restitue l'vsage perdu de la lāgue. Or est elle destillee diuersement, c'est à sauoir ou de la seule chair (c'est à dire fruiēt mangeable) des Cerises), ou avec les noyaux ensemble cassez & pisez, affin que la liqueur d'iceux destillee attire la matiere graueleuse des reins, & de la vesciē.

Les noires & aygres ( qui

sont appellees visfoles, en François guignes) rendent eau tressalubre es fieures, tant es pestilentes, que es autres: refreshissant & confortant la naturelle force. Vtile aussi contre la foif, & le flux de ventre.

L'eau de cerises, noires, douces, & fresches: est merueilleusement recommandee par Remacle. F. de Lembourg. Incontinent (dict il) que telle eau de noires cerises sera infuse en la bouche de l'Epileptic (c'est de celuy qui tombe du haut mal) à l'instant de l'accez, à la dose de quatre dragmes ou plus incontinent il reprend vie, & est recree, & ne tombe plus en conuulsion ou espasme, sinon que vn temps apres (comme coustumierement il eschet) aduienne vn autre acciez. Lequel aduenant faut de rechef faire infusion de la dicte eau, Laquelle empesche & diuertit, oste & guerit le paroxisme du mal caduc.

L'eau ou l'huyle de caphre ainsi se fait. Pren vn vaisseau de ceux de l'eau rose, que l'on appelle Baten c'est à dire ventre, & iceluy emply du boys de pin à largefeuille (comme Syluius l'appelle) tant qu'il emplisse vn vaisseau d'eau Rose. Syluius l'entend en telle sorte comme si l'eau rose deuoit estre à plenitude esbandue sur les ramures, & menues branchettes rompues de pin: Mais à moy il me semble le vaisseau d'eau rose en cest endroict estre simplement entendu pour la coucourbe, ou le corps de l'alembic, tellement que ce n'est qu'une repetition de ce que par auant auoit esté dict. Ainsi ledict vaisseau plain de ces menues brisures de pin à large feuille soit couuert d'vn autre vaisseau becu, & ayant nez. En apres tu mettras le ventre dens vn chauderon ou marmite d'arein pleine d'eau sur le feu, tant qu'elle commence à boillir. Car il en destillera huyle (iasoit qu'ilz disent que l'huyle ne peut monter par la chaleur de l'eau) qui sera subtil, & de bonne odeur, lequel est appellé eau de camphre. Or bien s'il te semble bon, si le destilles en vn forneau d'eau rose, à la maniere que l'eau rose se destille. | Bulcasis. |



Mais Belle lune dict. L'eau de Cāphre selon les Arabes est l'eau qui degoutte de l'arbre portant le Camphre, laquelle eau, comme son arbre, est de chaude nature au tiers de gré, faisoit que le Camphre soit froid. ¶ Les Moynes sur Mesue. ¶

Metz trois auelles en vn vaisseau de verre ou il y ayt Camphre, & il se tournera en eau. ¶ Obscur. ¶

*Eau de Fraises.*



Tu putrefieras les fraises meures en vn vaisseau de verre (parauanture qu'on y pourroit bien adiouster sel ou sucre) & les destilleras. Ceste eau (dict Lulle au second liure de la quinte essence) est salubre, & diuine, elle conforte la nature, chasse les venins, faict venir les menstrues, relasche les humeurs ardentes, fortifie le fruyct conceu. Principalement les tayas ou macules, nouvelles des yeux procedātes de l'une & de l'autre humeur, c'est a sauoir chaude ou froide, au moins si elles ne sont trop excessiues. Semblablement elle deseche les larmes de l'une & l'autre cause chaude, & froide, & restitue & clarifie la veue perdue par l'une ou l'autre cause. l'ay veu vne femme ayāt tout freschement en la face pustules enflammees, avec grāde chaleur causées d'un coup de pierre. Laquelle par le seul laument de ceste eau incontinent fut guerie avec grande admiration. Encore est sa vertu cent fois plus merueilleuse, & plus efficaceuse, avec eau ardent, & encore plus avec quinte essence. Je dy plus: que ceste eau de fraises meslee avec eau ardent, ou quinte essence guerit la lepre.

*Du Fraïfne.*

Trois onces d'eau, destillée de l'escorce interieure du Fraïfne, avec trois onces de bon vin blanc se boient contre la peste, & ceste potion doit estre reprise de trois heures entris heures. Ainsi, Dieu aydant, dedàs vingt quatre heures sera deliuré le malade.



*De Halicacabo, AlKeKengi,  
Coquemale, ou Concret.*

L'eau des Pepins de Halicacabo, ou Alkekengi est fort louee contre la grauelle des reins, & de la vescie : si on en boit vne fois ou deux la sepmaine.



*De Helxine, ou Parietaire,  
Parietaria.*

L'eau de Helxine, que nous appellons Parietaire, proficte contre les pierres, & grauelles de la vescie, voy plus amplement cy dessus au traité des vertus des eaux destillees, en general prins de l Cardan.



*De Hieraciū, Cicoree iaune, dēt de Lyō.*  
L'eau de Hieracion, ou dent de Lyon que les Allemans appellent, kozlfraut, & les François Dent de Lyon, ou Cicoree sauage iaune, semble estre de telle faculté que l'eau d'Endiuie. Aucuns apres l'auoir destrempee en vin enuiron huiēt iours, la destillent en saueur de vinaigre, & la dispensent contre les accez du mal comitial, dict le haut mal: par experiēce merueilleuse, comme ilz disent.



*De Hyssope.*

L'Hyssopē retient merueilleusemēt sa vertu en liqueur de stillée, semblablemēt le pouliot & autres certaines herbes. On vse de l'eau d'Hyssope pour appaiser la douleur des dens.



*Intybe, ou Endiuie.*

L'eau d'endiuie refreschit toutes les affections chaudes, & guerit toutes les bru leurs faictes par feu, ou par eau chaude: si d'icelle sont lauees. Elle vaut aussi

contre les fieures quotidianes, & obstructions d'intestins, tant beuë & prinse par dedans, que appliquee par dehors. ¶ Lulles des eaux. ¶

*Lauendula, Lauendé, Lauanda.*



L'eau de fleurs de Lauande est odorante. ¶ Remede. ¶

*Iuglans, Noyer, Noce.*



L'eau de noix iuglandes ( ce sont noix communes de noyer) non encore meure, apressee enuiron la feste saint Iean, & appliquee par dehors, est bonne es playes & vlceres chauds, & au charbon pestiferé. Sēblablement beuë à la qualité de deux ou trois onces, elle refrechit & resiste à la pestilence.

Item des escorces exterieures des noix, ou soyent meures, & desia laissans l'esquille, ou non du tout meures, enuiron le mois de Septembre on extrait eau, & ne peut chaloir si elles sont noires, moyennant qu'elles ne sentēt le pourry, car encore les plus noires, sont les meilleures.

De ceste eau vne moyēne prinse, avec la tierce partie de vinaigre si la maladie est avec grande chaleur, est donnee contre la peste comme tres certain experiment, ayant fait par auant ourir la veuë. Aussi est elle louee pour remede du bruyt des oreilles

oreilles, & sourde ouye, & aussi des angines, c'est à dire esquinances, en la gargarizant.

L'eau des fueilles de Noyer destillée, environ la fin du mois de May, est merueilleusemēt recommandee pour desecher, & astringre ou resserer les vlceres, & les faire venir à cicatrice, si le matin & le soir sont lauez de celle eau, & dessus soit mis vn linge moillé en ladicte eau. ¶ De Brunfuit.



*Orchis, Satyrium Satyrio.*

Le Satyrium, ou Testiculus herba, destillé avec ses racines, est grädement vtile & profitable contre l'Epilepsie.



*Pefica, Pechier, Peficho.*

L'eau du Pechier se doit aussi destiller avec les fleurs & les fueilles d'iceluy.

c s Petro

*Petroselinum, Persil, Petrosello.*



L'eau destillee de persil de iardin, broyé premierement en vn mortier conferme l'appetit, & dissout toutes les flatuositez du corps, mesmement de l'estomac. ayde la concoction ( que l'on dit digestion ) & purge les mauuaises humeurs de la poictrine, ou plustost des Reins. [ Gilles. ]



*Plantago, Plantain, Plantagine.*

Vn petit pot d'eau de plantain peut arrester le sang de toutes pars coulant. [ Cardan. ]



*Pulegium, Pouliot.*

*Il Pulegio.*

Du Pouliou voy cy deuant au traicté de l'Hyssope.

*Rapum*



Rapun, Raue, Rapo.

Eau de rauves se peut faire, ou toutes entieres, ou mises par morceaux, voire aussi, spécialement de leurs peaux ou escorces, qui sont plus acres, & plus chaudes, afin que par icelles soit l'yrine prouoquée, & la sueur attirée.



Rosa, Rose.

L'eau Rose semble estre de toutes la premiere inuentee, car ie treuve mention d'icelle en Aucenne au ij. liure au chap. des roses. L'eau de Roses (dict il) prinse en breuuage, vaut contre la syncope ou espasme, aussi faict le suc d'icelle. Item en vn autre lieu il escrit. L'eau Rose est bonne pour le foye, & conforte l'estomach de celui ou de celle qui de celle eau avec miel sera nourrie; & est Geleniabin aydant à la digestiō. Et à la verité la Rose & son suc sont diuisantes à l'estomac trop

humide. Et iasoit que les Arabes ont coustume de dire Peau pour le suc, ou pour la decoction de la plante; toutesfois en ces lieux sus alleguez l'eau ne peut estre prinse pour cela, entendu que ailleurs separement il parle du suc, & parauant il ayt faict mention de la decoction.

L'eau

L'eau Rose faicte par sublimation conforte beaucoup. ¶ Mesue ¶ au chapitre des Roses. Et de rechief, la Rose. l'huyle d'icelle, & l'eau sublimee conforte le cœur &c. Luy mesme ausſi parle de l'eau rose destillee à la ſixième diſtinction, ou il deſcrit le Iuleb Roſat comme le preuuent les Moynes interpretes de luy. Par leſquelz bōs Moines a eſté ausſi cela obſerué, que en tout Mesue n'eſt faicte mention ſeulement que de deux eaux deſtillees, qui ſont l'eau Roſe, & l'eau d'Aſynthe. Au iourd'huy on ne faict pas vn Epitheme (c'eſt à dire application) ou il n'entre eau Roſe. On l'adminiſtre profitablement es agues & grandes inflammations, pour corroborer les mēbres principaux. Elle vaut contre le flux des inſteſtins. & le vomifſemēt, Elle ayde ausſi beaucoup es inflammations. des yeux, meſme au commencement, à quoy aucuns y meſlent Tuthie en petite quantité avec ſucré candis. Elle conforte les yeux, & rend la veuē plus ague, & trempee en vn mouchoir blanc, elle arreſte le ſang du nez. Celle qui eſt faicte de roſes rouges, eſt plus cordiale (c'eſt à dire fortiſiant le cœur) & fortiſie mieux, & celle qui eſt faicte de roſes blanches refrigere mieux. ¶ Remacle. F. ¶ Quant eſt du vin meſlé avec eau de Roſes ſur le temps du repas, voy Arnauld, au liure du vin.

L'eau Roſe iaſoit que en pluſieurs manieres ſoit p̄paree. Si eſt ce que la meilleure qui ſe face c'eſt par le Bain Marie. ¶ Mattheol. ¶ Si les Roſes que vulgairément nous appelons incarnates apres eſtre deſechees, & puis humectees à la vapeur d'eau, elle rendront autre eau Roſe tresbonne, & tresodorante. ¶ Syluius. ¶ Et les pourra lon tenir en vn linge blanc ſur l'eau iuſque a ce qu'elles ayent embeu aſſez de vapeur.

*Facture de l'eau Roſe, de Bulcaſis.*

L'appareil de l'eau Roſe eſt aſſez vulgair, et cogneu. Or ce faict il mieux avec eau q̄ ſans eau, & mieux ausſi à feu de charbōs, que de boys. D'on des quatre moyēs de la faire, qui ſont. Sans eau avec boys allumez. Sans eau avec charbons.

Avec



Avec eau, & boys allumez, Avec eau sur feu de charbōs. Le premier est plus vil, & de moindre coust, & rend eau de moindre odeur. Le second est meilleur que le premier, & le tiers que le second, & le tresbon est le quatrième, combien que le secōd, & le troisiéme moyen soyēt les plus vsitez.

Or ie descriroy icy le troisiéme qui se faict avec eau & boys allumez, cōme il est en vsage vers les Roys Aharach.



Tu feras donc en vne grāde & ample maisō, apres de la paroy, vn Berchil, B (ainsi il appelle le vaisseau que l'on remplit d'eau) assez petit: duquel le fond, & les enuirs soyent de plomb tellement soudé, ou consolidé que l'eau n'y trespasse point. Sur ce vaisseau puis apres tu appointeras vn couuercle de verre, ou de terre verree ou plombée, & en iceluy feras deux ou trois pertuis C, ronds plus ou moins, selon la capacité des vaisseaux, & selon ce que tu voudras tirer ou beaucoup, ou peu d'eau.

En apres tu auras vn pot de cuyure D semblable au pot du Bain Marie: lequel tu bastiras sur le forneau A, en telle sorte que le Berchil soit aussi sur le forneau, mais toutefois en plus basse assiette que le pot: tellement qu'il s'applique de la chaleur du Berchil au pot, mais ces parolles me semble superflues, ou corrupees. Tu feras aussi vne cheminée par laquelle toute la fumee sorte hors de la maison, affin qu'elle ne nuysse à l'eau rose, puis remplis le pot de cuyure d'eau prinse en vn puis, c'est à dire en vn grand & profond vaisseau à la forme d'un puis, en bain. Puis ayant allumé feu E souz le pot, tu feras passer l'eau boillante par vn canal ou tuyau touchant du pot au Berchil: puis rempliras le pot d'eau froide prinse au puis, ou grand vase prochain, Tu feras aussi au berchil vne chantepleure par laquelle quand il fera trop plein l'eau puisse couler hors la maison.

Puis apres des cocourbes ou des vêtres (ce sont vaisseaux destillatoires) aux susdictz pertuis du couuercle du berchil & les ferreras avec drappeaux & linges, afin que plus fermement ilz se tiennēt en leurs pertuis & aussi que la vapeur de l'eau ne sorte point. Semblablement tu ferreras, & estoup- peras les testes desdictz ventres d'un linge ou drapeau. Et faut qu'il soyent de verre, ou de terre plombée. Cela faict tu y mettras les roses & apposeras à vn chescun vaisseau son couuercle. & souz le nez d'un chescun mettras vne phiole pour receuoir l'eau rose degouttant, & apres la destillation parfaicte tu osteras les premieres roses, & en mettras de fresches. ¶ *Bulcasis.* ¶

Icy se pourroit aucun esmerueille, de ce que en tel appareil de fourneau, auquel le feu n'est point mis souz le Berchil ou double vaisseau (aumoins comme il me semble) veu que il ne faict le fond, & les enuironz que de plomb, & que le feu ne se faict que à vn costé du fourneau. Pourquoy il faict diffé- réce de faire feu souz le pot, ou de boys, ou de charbons. D'a- uantage il est tout certain (dict *Bulcasis* en ce mesme en- droict) que l'eau rose qui se faict de roses sauuages proue- nantes sans culture, n'y aucun arroufement d'eau, est de beaucoup plus odorante, que celle qui se faict des domesti- ques rosiers, qui sont cultiuez, & trempéz d'eau.


Or quant à nous, il se faict eau Rose destillée par moyen beaucoup plus brief & facile que celui cy dessus, en telle maniere.



On met vne chaudiere A de cry- ure comme celle d'un taincturer con- tre, & en partie dedās la muraille: sur laquelle on applique vn couuercle B pertuisé de plusieurs rondes ouuer- tures assez largettes, dens lesquelles on met les ventres C, c'est à dire les vaisseaux destillatoires, celle chaudiere on remplit d'eau, & puis met on le feu

feu D deffouz, ou de boys de serment ou de semblables. Et quant la destillation est en train, on ferme la gueule du fourneau iusques a ce que toute la destillation soit parfaite. Au lieu du boys si on alume du charbon l'eau en fera plus odorante. En ceste sorte y a plus de maison que en l'autre, pource que icy le feu se faict incontinent souz les vaisseaux destillatoires.

La seconde maniere qui est de destiller sans eau avec feu de charbon est telle.



Fay vn fourneau A, quarré, ou rond avec son couuercle B, pertuisé dens lequel soyent entez les ventres C faictz de terre plombée en sorte qu'ilz puissent endurer le feu, & apres que les charbons serõt alumez, lors que l'eau commencera à degoutter bouche la gueule Q du fourneau en laissant quelques pertuis ouuers par lesquelz la fumee puisse passer.

Il y a aussi vn autre abregement de la troisiéme ou qua-

triéme maniere, qui est tel.



On met vn grand pot A de cuyure sur le feu, avec son couuercle B persé tellement qu'il puisse recevoir deux ou trois ventres C de verre plus ou moins, puis se faict deffoubz vn feu de sarmens de vigne

de vigne, ou de charbons, tant que  
l'eau commence à boillir.



*Salvia, Sauge.*

L'eau de Sauge retient  
l'odeur de son herbe.

¶ Remacle F.¶



*Scabiosa, Scabieuse.*



*Sedum maius, Ioubarbe.*

L'eau de Scabieuse est utile-  
ment administrée à ceux qui  
sont malades d'aucune fistule,  
& l'herbe mesme broyee, & pi-  
see, est bonne à y appliquer.

¶ Remacle F.¶

*Solanum. Morelle. Solatro.*



L'eau de Solan ou Morelle, vaut contre toutes fieures si le malade au iour de son accez se garde du tout de boire & manger: & lors que il sera en sa plus grande chaleur, & que tant appetera de boire que plus ne s'en pourra tenir: luy soit donné vn verre plein de ceste eau, puis soit bié couuert: & mesme par force soit tenu en chaleur, & adonc il suera vne sueur puante. Mais il faut qu'il s'abstienne de toutes choses aygres, & d'air ou trop chaut, ou trop froid: Ceste eau aussi est bonne contre les inflammations, & concussions, si on y applique vn drap de linge en quatre doubles trempé en icelle eau, & quant il sera sec de rechief le moiller: vaut aussi contre toutes playes, & autres affections chaudes, si on fait lauement de celle eau, & vn drappeau en icelle moillé est mis dessus, Elle ayde aussi le foye eschaufé, & les poulmons qui se desechent ou sont char



gez de fieure hectique. Et en toutes telles affections doit estre baillee avec la tierce partie de vin. Lullus. au Liure des eaux.

*Tilia, Tilier, Tiglia.*

En Allemagne on destille souvent, & en frequent vsage l'eau des fleurs de Tiliers, desquelles l'odeur est tressuaue, & semblable à la bonne senteur de fleur de vigne. On triét qu'elle est vn peu chaude, seiche, & emplastique, prinse à boire elle est vtile à Epilepsie, tremblement de cœur, & douleurs de ventre, pierre

ou grauelle des reins, sang glacé au corps ou par cheute, ou par coup, auquel remede aucuns aufsi y meslent charbons de tilier puluerisez. La dose est vne once, ou once & demie.

Elle appaise les douleurs des yeux, & guerit les lieux bruslez, ou de feu, ou de quelque autre matiere adurente, & ce encore plus efficacieusement si l'escorce blanche, au dedans du Tilier est dens celle eau destrempee, ou au lieu d'icelle, les grains et pepins de coings, ou du Psyllion qui est l'herbe à pulce, & que de la moisissure d'iceux on oigne les lieux enflambez. ¶ Ryffius. ¶

Aucuns vsent cõtre la peste de la liqueur tiree par force de feu du sang d'un taixon. Item du sang des canars contre les venins, d'on on peut lire d'auâtage au liure escrit en langue Germanique de ¶ Ryffius. ¶

Aucuns aufsi meslent sang debouc avec les autres medicamens à destiller, pour la pierre. L'eau composee du sang de porcelet chastré & autres medicamens, nous la descriros cy apres. De l'eau de lõbrics ce sont vers longs, & de celle sorte de cantharides que du mois de May il dict estre appelee, Menlander fafer, voy ¶ Brunsuic. ¶

Pour faire eau qui oste les rides, & macules de la face, & qui esclarcit le cuyr. Tu broyeras en vn mortier aulbins dœufz frais cuyctz en eau iusque à estre durs en ostant les moyeux, puis les destilleras en alembic ou autre vaisseau de verre. l'Vsage en est tel, qu'il s'en faut lauer la face par trois ou quatre iours suyans.

Le pourroye bien icy adioindre vn grand catalogue ou nombre des eaux destillees des plantes qui sont descrites es liures des destillations en Allemãt de Hierome de ¶ Brunsuic. ¶ Et de Gauthier Ryffi qui la plus grand part a prins de luy sinon que ie voulusse estre brief. Et certes il ne chaut ia les nombrer, attendu que de toutes les plantes desquelles on vse en medicine, liqueurs se peuuent destiller. Aussi est ce chose superflue recenser les vertus & facultez d'une chescune: attendu que les mesmes, & non autres sont attribuees

aux eaux que aux plantes, tellement que telles repetitions, cōme choux deux fois cuyctz font mal au cœur, & degoustent les Lecteurs aucunement sauaus. Toutesfois pource que chez les Apothicaires aucunes de ces eaux sont grãdemment en vsage, comme celles que Remacle F. a descrit, j'en mettray icy le catalogue au mesme ordre qu'il en vse.

AbSynthe, Ache, ou plustost persil, Armoise, Agrimoine, Athæ, ou Bismalue, Aceteuse, ou Sallette, ou Vinette, ou Ozeille, Alkekengi, ou Baguenaudès, Aurreille de rat, c'est Mourron.

Basilicon, Buglose, ou Bourrache, Balsamite c'est Mente Romaine, Betoine, Bursa pastoris, Borse de Bergier.

Chamemelum, Calendula, Chardō beneict, Centoriū, Sacotin, ou fiel de terre, Chelidoine, Cichoree, Capillus veneris, Caprifolium, ou Vincebois, Cōcourbe, Cuscuta.

Ebulus, Hieble, Endiuise, Ennula campana, Cham paigne, Euphragia. Fenoil, Fumeterre, Gentiane, Geneste. Hepatique, ou Pourcoreau, Hyerre, ou L'hyerre, Hyssope, Hippuris, Cheualline, ou Presle.

Laiçtue, Lauande, Lapathum ou Ozeille, Mariolaïne, Melisse, Marrubion, Melilot, Mille fueille, Mente, Malue.

Nenuphar l'vn & lautre, blanc & noir avec ses fleurs. Nielle, ou Poiurete. Origan.

Penoefne Pæonie, Pauot, ou Olivette, Parietaire, ou Apparitoire. Pentaphyllon, ou Quintefueille. Persik Pimpenelle, Pastenade, ou Cariote. Plantain des deux fortes. Porcelaine, Polygonon, ou Corrigiole. Poulieu.

Roses blanches, & rouges, Semence de Rue, Romarin, Rougelle satue de tinturiers, c'est Guarence, Rayfort.

Saulge, Saxifrage ou Rompierre, ou fermentain, Sarricte, Seuz & l'escorce fleurs, & fueille. Scabieuse, Scolopèdre, Solanō, ou Morelle. De laquelle comme diuerses especes soyēt, neaumoins de la seule Alkekengi est extraite eaupar les Apothicaires cōme dit Remacle.

Thym, Tapfe barbu, c'est Boillon blanc, Tanacet ou Armoise, Tormentille.

Violetes ou Giroflees, Valeriane, Verge de pasteur, ou Chardon bonnetier, Veruene, Vermiculaire, ou Ioubarbe petite Ortie.

Or n'auons nous point depinctes les figures, & images de toutes ces plantes, tant pource que nombrees en vn tas ne peuent estre proprement distinctes, & separees l'une d'auec l'autre, Tant aussi pource que ce fust esté redicte. Entendu que on les peut bien veoir descrites, & depinctes au vis en l'herbier de Fuschius, sorty de nostre impressio.

DES EAUX DESTILLEES DES

animaux: & des parties, & excremens d'eux.

Chapitre: VII.

Et premierement des animaux entiers.



**L'**Eau destillee des petits chiens garde le poil de renaistre. Andre Fornier. Quant à moy ie adiouxte peu de foy à ces remedes, ou receptes curieuses & exquises, & ne les appreu ue pas grandement encore qu'ilz fussent vrais, mesmement quant il en y a assez d'autres, & plus aisez à faire. Aucuns Empiriques ordonnent de suffoquer ou estoffer vne Cigoigne ieune & tendre, & puis la destiller en maniere d'eau Rose, & d'icelle eau estre fomentees les parties paralytiques, percluses, ou contrainctes, & de foys à autre en estre lauees avec decoction de cancre, ou escreuices viues sans sel, disans que cela y vaut merueilleusement, si on le continue.

Autres sont qui dedans les corps euentré, & vtyde de la ieune & tendre Cigoigne, qui n'aura encore point volé ordonnent mettre vne once de Camphre, & vne dragme d'ambre, puis en la destillant en tirer trois eaux differentes en couleur l'une apres l'autre: desquelles principalement ilz louent la premiere pour rendre la face pure & blanche, par la laueur d'icelle.



On destille aussi eau d'une Pie. De laquelle ly || Brun-  
 uic, || & Ryffi, comme aussi des choses suivantes.

Du chapon eau se extrait de laquelle nous traicterons à  
 part. Car elle ne se fait pas seulement simple, & par un moyen.  
 Mais aussi composée, & en plusieurs manières. Eau se fait &  
 destille de Grenouilles ou Raines, cécres limaces & Formis.

De sang de Canard, de Bouc, de Taizon, de Veau, voy  
 Ryffi & Brunuic.

De sang humain voy Brunuic, & ly cy apres en la men-  
 tion de Quinte essence.

Les Alchymistes vsent de liqueur d'huyle destillé &  
 ceux aussi qui essayent à faire le Borax.

C'est merueille que l'on dit en Tartarie l'eau de lait destil-  
 lé enyurer. Parquoy il faut que le lait soit le plus espais, &  
 qu'il ayt fait long sejour au feu. Parquoy cela par aventure  
 aduient du Lait des iumēs. Neautmoins que toute eau par  
 plusieurs fois destillée peut bien cela faire, car par reiterees  
 destillations, elle s'eschaufe, subtilie, attenuē, & recoit plus  
 la vertu du feu.

Aucuns sont qui pour remede à la fieure quarte vsēt d'eau  
 destillée de vin, & de Lait, mesmement en Angleterre, com-  
 me dit || Brudus de Portugal. || Aucuns sont aussi qui en boy-  
 uent contre la iaunisse. || Jean Goeurot. ||

Eau de fiel de bœuf, voy le mesme.

D'aulbin d'œufz, & des moyeux la mesme.

De l'esparme des Raines ou Grenouilles trouué en l'eau,  
 ly Ryffi.

Eau de Bouzes de Vaches, voy luy mesme.

Aucuns sont qui assurent & promettent que l'eau destil-  
 lée de fiante humaine guerit les fistules, & semblablement  
 les vlcères corrosifz, & de difficile cure, les châcres, la teigne,  
 les purulens, vlcères de la teste. Item qu'elle fait assembler, &  
 sembler les cicatrices au cuyr entier, & fait perdre les macu-  
 les, & taches des yeux.

Item qu'elle profite à ceux qui sont trauallez du haut mal

caduc, qu'elle ayde aux hydropiques, chasse & pousse la pierre hors les roignons, & la vesicie estre contrepoison & remede contre morsure de Chien enragé, & toutes autres morsures veneneuses. L'huyle de la mesme matiere secale humaine, lequel destillé apres l'eau en augmentant le feu est encore de beaucoup plus grãde efficace, tant aux fistules, & chãcres cõme aux autres maux susdits. ¶ Mattheol Senois. ¶ & autres. Et de ce pourras veoir choses merueilleuses en ¶ Brunsuic.

Les Alchymistes vsent d'urine humaine destillee à resoudre quelques metaux. Et les Imprimeurs à l'encre d'impression: mais ilz le destillent en rosaires.

*De diuers Vaisseaux, & instrumens appartenans à la destillation,*

*Chapitre. VIII.*



**M**aisseau destillatoire est entẽdu le Corps, ou la courbe, que pour sa figure & semblance, les Alle-mans en leur langage appellent ¶ ein folben ¶ c'est à dire massue.



Le corps, ou le corpulent vaisseau, aucuns appellent celuy vase ou coucourbe à large fond, dens lequel on met la matiere à destiller. ¶ Syluius. ¶ Car ce vaisseau comparé au chapitel, ou alembic, à quelque semblance du corps.

Le mesme vase en Arabic langage, par Bulcasis est nommé Beten, ou Batan: qu'est à dire ventre, Il semble ausi en ce mesme auteur ou il décrit la destillation du vinaigre que ce mot ¶ Atanor ¶ signifie le ventre ou la courbe du destillatoire.

Geber au liure des Forneaux décrit le four fixatoire (c'est adire ou on fixe & arreste les metaux) & le nõme ¶ Athanor ¶ Aucuns barbares appellent la coucourbe, Boccie.

Vaisseaux plus grands de mesme figure, & facon sont bõs pour digerer, & putrefier, puis quand ce vient à destiller, la matiere digeree se doit distribuer en quelque nombre de moindres Cucurbitules.

Alembic

Alembic s'entend pour tout le corps, & le chef, ou chapitel, c'est à dire pour tout le desouz, et dessus ensemble du vaisseau destillatoir, mais toutesfois plus proprement pour le dessus.



Car le chef (comme j'ay dit) ou le chapitel est la partie du destillatoir, ou le vaisseau mis & apposé par le dessus, ainsi nommé chef, ou chapitel pource qu'il represente quelque certaine forme, & figure de chef ou de teste, au regard du desouz qui est plus grand large & long, ressemblant le corps d'iceluy chef. Ce mesme chapitel, les modernes l'appellent, cloche ou campane, pource qu'il en a la forme, ou chapelle pource qu'il est façonné en pinacle de chapelle. Aucuns le nomment la Mete, c'est à dire la dernière bourne, ou par vapeur expirée la liqueur s'amasse goutte à goutte. Autres l'appellent le chapeau, & nos Allemans le nomment ein helm c'est vn heaume.



La trôpe & le cornet ou long tuyau courbé, qui procede de l'alembic, & se courbe en bas, s'appelle le nez, le bec, ou simplement le canal, ou l'escheneau, pource que par la cavitè d'iceluy, les gouttes amassées de la vapeur amassées en l'alembic, lesquelles toutes se assemblent au lembeau, & à l'extreme bort, c'est au reply dedans l'alembic decoullantes, destillent au vaisseau qui est mis desouz, que vulgairement ilz nomment le receptoire la matule, ou le pissoir.

Le nez ou le bec sont ainsi appelez par figure semblable, pource q̄ ceste partie en l'alembic se pouriette, & auãce cōme le bec es oyseaux, & le nez ou museau, es hommes, & bestes.

Le vase receptoire faut qu'il soit fort ample, quand on extrait eau des mineraux, comme du vitriol, ou il faut grãd feu, & long temps. Car autrement à cause de la grande abondance des vapeurs amassées es vaisseaux, dangier seroit qu'il ne

se rompiſſent, & caſſaſſent, Et croit on auſſi que es amples & longs alembicz ſe deſtillent les eaux, & les huyles plus excellents que es petits, & eſtroitz.



Alembic aueugle eſt appelle, ce luy qui n'a nez, bec, ne lembeau, et eſt idoine à la preparation, rectification, & circulation.

Il en eſt auſſi vne autre ſorte avec l'embeau (c'eſt le canal replié au bort par le dedans, & tout à lentour, ou les gouttes de la vapeur deualantes au long du chapitel ſont arreſtees) duquel nous vſons quand nous voulons aſtraire le phlegme d'aucunes eaues ou huyles au Soleil, ou en autre lieu chaut: comme cy apres ſera dit en l'huyle du vitriol.



Les chapiteaux qui ſont appoſez aux corps, non droitz mais enclinez ou cōme gifans, n'ont point de l'embeau, & ſon preſ que ſemblables aux pintes de terre. [Sylvius.]



J'ay veu auſſi deux chapiteaux l'un ſur l'autre tellement faitz, que par celuy de deſſouz pertuiſé, vne portion de la matrice eſtoit eſleuee à celuy de deſſus, lequel eſtoit joint à celuy de deſſouz à petites vis ou clauetes, affin qu'il ne faillit oſter le deſſouz luté quand ſe venoit à mettre freſche matiere dens le vaiſſeau cor-pulent. [Luy meſme.]



corps. ¶ Syluius. ¶

Aucunesfois la forme du chapitel est eleuee en longue pointe comme vne pyramide. Aucunesfois au plus haut elle s'elargit, affin qu'elle concoiue plus de vapeur, & rende plus d'eau : mais en ceste sorte elle retombe presque tousiours du faist du Chapitel dens la profondeur du



Aucuns prennent ce mot sublimer pour simplement destiller: autres especialement pour eleuer en l'alembic, par force du feu la matiere que lon veut fixer, & arrester, comme on sublime plusieurs metalliques.



D'aucuns sont quilz les petits vêtres de verre ou terre plombée appliquēt de l'un à l'autre, lesquelz ilz appellent cornemuses, & desquelz l'un luté est posé sur le feu, contenant la matiere que l'on veut destiller, l'autre est esloigné du feu receuāt dens soy l'humeur prinse & concreue dens les deux colz mis l'un dens l'autre. ¶ Syluius. ¶

Telz instrumens vulgairement sont appelez retortes, & les François les nomment Cornues.



Or la Cornemuse est vn instrument musical, que les Allemans appellent vulgairement Fluste à sac, à la semblance duquel instrument est faite la retorte, vaisseau propre à destiller les choses qui ne peuuent monter plus haut. Le vaisseau receuant, le

plus souuent est vne fiole de verre à collong en la gueule du quel le nez de l'alembic est mis dedans, & aucunesfois le ventre d'icelle phiole est posé dens vn pot de cuyure, ou autre vaisseau creux affin qu'il demeure plus ferme en son lieu, ou biē le pose on en vne sorte ou en autre, selon la meilleure commodité de la chose.

Circulatoires sont appellez vaisseaux, esquelz de fois à autre la vapeur monte, & puis conuertie en liqueur, descend, comme cy apres nous dirons en la mention de la putrifaction.



Mais de tous ceux la le plus excellent, est celuy qui par l'auteur est nommé vase de Herme, & de sa forme & figure (comme ie coniecture) est appelé Pelecan, ou Pellican. Car comme les pinctres representent vn Pellican plantant son bec dens son estomac: ainsi ce vaisseau d'vn chescun costé à deux tuyaux ou souspiraux cour

bez en maniere de deux anses, qui commençans à sortir du chef, c'est de la partie superieure, descendant en forme de demy cercle, & se retournent planter quasi au milieu du ventre. Laquelle forme de vaisseau, combien que à grande difficulté & cher pris on la puisse auoir des verriers: si est elle de toutes la meilleure pour la circulation. Toutesfois si on ne la peut auoir, on peut vser d'vne coucourbe de verre, ou terre plombée. avec vn alembic auéugle sans cornet ne lembeau, ou d'vn vase de verre entier qui soit plus estroit au milieu, & qui des le commencement du ventre ayt vn petit canal eminent, par lequel la liqueur peut estre dedans infuse, ou hors espendue. Nous mettrons les figures de l'vn & de l'autre cy apres au tiltre de la quinte essence, & aussi aucunes autres figures de diuers vaisseaux & fourneaux, par cy, par la en tout c'est œuure.

Les formes, façons, & figures des vaisseaux sont plusieurs, diuerses,

diurſes, & preſque infinies, toutes miſes en vſage par les Alchimiftes. ¶ Syluius. ¶

Qui voudra ſauoir les nōs & figures de diuers vaiſſeaux, les cherche en Brunſuic, Ryyſſi, André, Lonicer, & autres. Et puis les face faire en telles manieres qu'il voudra es verrieres, telles que ſont en Suyſſe aupres de Schaphouze, non trop loing de Baſle & Soleurre. Mais les tresbons vaiſſeaux ſe font de verre blanc à Veniſe, & telz les pourroit on bien faire en noz verrieres de rompures amaiſſees & briſures, de miroirs & autres verres blancs, & clairs.

Du vaiſſeau nommé Aludel, voy Geber au liure i. iiii. & xliiii. de la ſouueraine perfection, & de rechief au liure des forneaux. Albert le grand eſcrit Alutel, & l'interprete eſtre vaiſſeau approprié à la ſublimation, & ſemblablement ¶ Bulcaſis. ¶ Luy meſme ordōne de ſublimer l'Arſenic en vne paiſe de terre plombée, de laquelle il deſcrit la figure au chapitre de la ſublimation de Adhichbardic, Aluthel (par th) eſt Alēbic duquel vſent les Alchymiftes en leurs deſtillations. ¶ Bel-elune.

*De la matiere des vaiſſeaux pour deſtiller. Chap. I X.*



Es eaux deſtillées par le Bain Marie, ſont d'autant meilleures que les autres, qui par le feu ſimplement ſont faites en Alembics de plōb, comme l'or eſt plus excellent que le fer. Car celles qui ſont appreſtees au Bain Marie en chappelles (c'eſt à dire cheſz ou alembicz de verre) aſſez amples & grands, rapportent la nayue odeur & ſauueur des herbes & fleurs, deſquelles elles ſont extraites, ſans aucune faſcheuſe ſenteur de fumee ou d'arſure, ce que n'aduient pas es vulgaires alembics de plomb avec feu. Car les eaux qui en telles plombines chappelles ſont deſtillées bien peu s'en treuuent, meſmement freſches qui ne ſentent la fumee ou l'arſure. Laquelle aux malades qui en beuuent non ſeulement eſt faſcheuſe & ennuyante, mais auſſi dommageable & nuysante: Pource que la male qualité du plomb nuit à'eſto

à l'estomac à la poëtrine, et à tous les intestins semblablement comme faiçt la qualité de l'airain ou du cuyure. Ce que bien entendans les bons & sauans Medicins en suyans les anciens ont vsé seulement de decoctions. Mais les eaux destillees comme il appartient, c'est à fauoir ayans l'odeur & saueur de leurs plantes, non seulement egallent, mais aussi surmontët les vertus des decoctions, en cela pour le moins qu'elles sont au goßt plus delectables, & à la veuë plus claires. Parquoy tant les bons mediciens comme les bons Apothicaires doiuent desormais, en laissant ces vaisseaux de plöb, vsfer du Bain Marie, encore qu'il y ayt plus de labour & plus de despence : car ainsi satisferont à Dieu & aux homes. ¶ Mattheol. ¶

Les liqueurs destillees en plomb ie les estime du tout à reprobuer: à cause de la ceruse & autres malefiques qualitez du plomb, consideré mesmement que Galen condamne, & reprobue l'eau conduicte par Canaulx de plomb, pource qu'elle esmeut flux de ventre. ¶ Syliuis. ¶

D'aduantage la diuerse façon des vaisseaux à grande importäce a varier les choses destillees, comme les choses cuyctes. Parquoy faut à cela mettre diligence que les vaisseaux destillatoires soyent, ou de terre plöbee, ou de verre, plustost que de plomb, ou d'aucun metal, & encore que ceux qui feront de terre, soyent de terre trespure & bien cuyte, comme à Paris sont les potz de Beauuais, & de Bretaigne, & d'Hespaine. Mais encore sont ceux de verre meilleurs, & plus excellens pource qu'ilz sont plus purs, plus solides & espes, mais aussi sont ilz plus chers, plus frailes, plus aisez à rompre : sinon que de peu à peu & à longue traicte, ilz soyent de froidure eschaufez, & de la chaleur refroidiz, auquel dangier aussi sont ceux de terre. Et pource les abstraçteurs, plastrent, & lutent tant les vns que les autres de la terre grasse, qu'ilz nomment, Lut de Sapience, & ce peu à peu, & de toutes pars à lenuiron, puis le desechent, courant d'iceluy Lut de sapience  
la par



la partie du vaisseau, ou la violēce du feu doit toucher, voire que encores ilz veuillent les receuoir en cēdres, arenas chaudes, limailles, ou escumes de metaux. Car les vases destillatoires qui seront posez & eschaufez dēs les Bains des eaux: ou par les vapeurs d'icelles, n'ont que faire de muniment, ou contregarniture de lutatiō. Mais les metalliques de plomb, de fer d'arain, d'estain, d'argent, d'or, tous ie les damne & reprouue, & la raison est prompte en Galen en traictant presque de toutes ces especes de metaux. Car s'il afferme que flux de ventre prouient des eaux pures conduictes par canaux de plomb. Quelle craincteau pris doit on auoir des eaux destillees en receptoire, & Chapitel de plomb? Ioinct que il si amasse beaucoup de ceruse en la superficialité interieure du chapitel de plomb, comme il aduiet en la destillation du vinaigre, ainsi en aduiet il es liqueurs destillees en vaisseau metalliques & plōbins, esquelz par la force du feu, & le plus souuēt avec acre & vehemēte vapeur, cōme montant de plantes fortes & acres, se fait ceruse en la voulte de l'alembic, & icelle empoisonne les eaux: les rendāt blanches & espees comme lait, iusque à ce qu'elles soyent rassises. Des autres metaux qui rendent roille ferrugine, ou verdure airugine, y a autant plus de peril comme la ferroilleure, & la verroilleure sont plus nuyfantes que la ceruse, ou blanc de plomb. Les vaisseaux d'or & d'argent comme apres estre purgez ilz sont moins nuyfants: ainsi en appareil sont ilz plus difficiles, à cause du coust, qui oste le goust. [Syluius.]

De tous vaisseaux destillatoires les tresbons sont ceux de verre, en second lieu ceux de terre verree, ou plombée: tant dedans que dehors: en apres les Alembicz d'estain, & pailles (dens les Rosaires) qui sont de plomb. Item les Alembics & pailles de plomb. Car encore le feu flamblant de boys (s'il n'est par trop grand) ne nuyt au plomb. Mais il faut que ces pailles de plomb, soyent mises en cendre passée ou tamisée à la hauteur d'une palme, & non dens le sable chaud ou elles pourroyēt fondre. Au quatriēme lieu les Alembics

de cuyure estannez par dedans. En cinquième ceux d'airin. Mais les vaisseaux de cuyure, & d'airin ont double incommodité, & mal.

Le premier est qu'ilz rendent les eaux tendantes à couleur rousse, & sentantes l'arsure, l'autre que tousiours y a vne certaine qualité veneneuse plus que es autres metaux. Et pource de telz vaisseaux se faut il garder comme admōnestre Christophle des honnestes. || Brunsuic. ||

Entendu donc que tous les gens doctes, & les tressauans Medécins, & mesme l'experience aussi condamne, & repreneue les eaux destillees en vaisseaux de plomb, d'airain, de cuyure, ou d'autres metaux nō purs: ce seroit l'office d'un home de bien remonstrer cela aux Magistratz & publiques officiers, affin que defense fut faite aux Apothicaires de ne plus appareiller ne vendre telles eaux, en partie nuysantes, en partie pour le moins inutiles: Vray est que Bulcasis ou Albucrasis, à destiller les Roses, ordōne vser des coucourbes de plōb: ce que par auenture se peut conceder pour celles eaux, qui de uront estre mises en vsage hors du corps seulement. Aucuns sont qui ne reprocuent pas les vaisseaux faitz de trespur, & tresbon fer: pource (comme ilz disent) que nulle mauuaise qualité ne redonde du fer aux liqueurs, & aussi que aucuns metalliques resoluables en grand feu de longue duree ont besoin de tant fors, & puissans vaisseaux. Mais de cela le iugement en soit aux autres, quant à moy ie les laisse aux Alchymistes. || Berchil || par Bulcasis est appellé vn vaisseau receuant l'eau boillante en vn forneau d'eau rose, deriuee & amenee d'un grand vase de cuyure mis aupres, dans lequel Berchil est mise la coucourbe contenant les Roses.

*Des Forneaux.*

*Chapitre.*



'Ay cy dessus declaré deux sortes de forneaux conuenans à la destillation, par le moyen des cendres chaudes: & semblablement le Bain Marie selon la description de || Bulcasis. ||

Oren


Or en cest endroit ie figureray vne autre sorte de forneau, duquel l'vsage sera à diuerses œuures. Mais toutesfois le principal sera quand il faudra destiller quelque chose à fort feu, tellement qu'il n'y ayt rien moyen entre le feu, & la coucourbe qui contient la matiere destillable, en telle sorte comme des corps metalliques ou minéraux sont extraictz certains huyles, & eaux caustiques (c'est à dire bruslantes) telle que est l'eau fort. &c.

Aussi seruira il pour sublimer. Et si on met sur iceluy four tout au dessus vn chaudiere posé sur deux croissans de fer, le quel on remplira de cendres ou d'eau, ayant luté le vase & estouppé tout au tour, on fera telle destillation que l'on voudra. Mais pour l'eau fort ou semblables autres eaux, on mettra incontinent & sans moyen la coucourbe lutee droitement sur la croisure de fer, & sur le feu.

D'auantage ce forneau pourra estre construit sur vne forte table de bois, (comme j'ay fait) pour le transporter en quelque lieu que lon voudra.

Toy donc que qu'il le voudras faire, Tu bastiras vn forneau quarré sur vne espesse table de bois, de telle grandeur qu'il puisse suffire à comprendre & contenir vne moyenne coucourbe, ou ventre de vase. Tu leueras les murailles du forneau de brique massonnées avec terre grasse bien courroyee. La hauteur sera de deux piédz, ou gueres plus. Les murailles par le dedans seront distantes d'un pied, peu plus ou peu moins. Apres auoir posé le fond, tu y feras vne bouche par ou on tirera les cendres, Lesquelles d'escherront des charbons mis & allumez sur vne grille de fer mise incontinent au dessus de la bouche du four. Et si encore au dessous on mettoit vne autre grille pour escouller les cendres, & que l'espace du fond fut plus profond, il ne faudroit point par tant de fois tirer la cendre, & le feu en seroit plus vehement. Au dessus de la superieure grille sera vne autre gueulle que j'ay marquee par petits pointz. Et l'une & l'autre bouche sera assez ample de telle grandeur qu'on

qu'on y puisse mettre le poing clos. Au dessus du four sera vne croix de deux barreaux de fer ttauersez l'vn dës l'autre, & courbez,ou enfoncez au mylieu,pour receuoir, & y estre posé le cul du vase destillatoir. Et es quatre sommetz angulai res dudit four seront quatre souspiraux, qu'ilz appellent ventaux,ou esuentoirs. Mais s'il vient à plaisir à aucun de faire rond le fourneau:ces ditz souspiraux seront faitz à costé vn peu plus bas,c'est à sauoir autour de la croix ou incontinent au dessouz du vase, si aucun on y met comme en ceste figure appert ou chescune partie est marquee par les lettres, les souspiraux par A.& E.les deux bouches par I.& O. La croix de fer par V.le vase par B.la table tout soustenant par C.




Le fourneau propre pour le Bain Marie tu l'as tout décrit & figuré cy dessus,ou en general il est traicté du Bain Marie, prins en Syluius. Item en l'appareil d'eau Rose de Bulcasis. De diuers fourneaux Alchymiftiques,& destillatoirs est fait vn liure par Geber, Et de la construction des fourneaux voy le mesme au liure de la souueraine perfection. chapi. l.iiii. & xliii. Des Rosaires cōmuns en fourneaux de terre cuyte, combien que au-

cuns aussi en facent de cuyure,nous en parlerons icy bas incontinent apres la destillation par les cēdres. Du destillatoir nommé Henry le pigre, Four de paresse,c'est le grant canal de cuyure par lequel est eschaufé le Bain Marie nous en auons cy dessus escrit,au lieu ou en general a esté traicté du Bain Marie.

Les differences des charbons nous les cognoistrons par Theophraste,mais encores plus certainement par nos maeschaux,forgerons,& principalement orfeures. Charbons de pierre

de pierre à cest vsage sont reprobuez pour leur mauuaise odeur. Les charbons de fayard sont preferez à ceux de sapin.



Dioptre (cest en grec à dire preuoya ble au trauers) Eclipse ou escrime, est vn instrument lequel tenu en main on met deuant la face, afin que le feu ne la brusle, & les yeux quand il se faut approcher du feu trop grand. Et est vn tableau rond, ou en rondeur crenellé, mortaisé par le mylieu, pour veoir au trauers, & ayât manche pour

estre tenu: en telle figure.

Les liqueurs bien destillees, doyuent estre gardees en phioles de verre à gueule estroicte, laquelle sera estouppee d'un bouchon de boys, mesmement de liege bien ciré tout autour, & puis couuert d'une peau de parchemin, ou de Bazenne tout autour liee.

*La maniere de clorre, & garnir les vaisseaux, tant par lutation de terre grasse que autrement.*

Chapitre. XI.



**O**N dict vulgairement Luter pour couvrir, & garnir de Lut qui est terre grasse, plastronner, & encrouster, afin de mieux conseruer les odeurs, & les qualitez des choses qui sont destillees il conuient diligemment luter, c'est à dire armer, & couvrir de terre grasse le chapitel au droict de sa coniuñction avec le corps, & le bout du nez avec le receptoire. Aucuns sont qui à cela vsent simplement de seule terre grasse conuoiee avec poilz de vache, autres y meslent de chaux. Autres destrempent la chaux avec aubins d'œufz, quand l'affaire est hastifz: car telle matiere est incontinent endurcie. Autres composent la lutation qu'ilz appellent Lut de sapience. Le vaisseau receptoir n'a besoin

e de

de tant ferme & forte maniere de Lutation, mais pour cela suffira avec deux parties de cire en incorporer vne de poixresine. Auquel ouurage on employe resine commune & impure de sapin: mais premierement purgee, la maniere de la purger est incōtinent qu'elle sera fondue au feu, la passer, & couler par vn faisee au destraim. De la preparation de la cire par l'estraim pour luter, ly Vlstad, au chap. x.

S'il aduient que le Chef ne soit guere bien apoint, & conuenant, & a droit respondant à son chapitel, ains soit plus large: tu mettras du papier tout autour. Par dehors aussi ou au droit de la ioincture faut luter, premierement tu la couuriras de papier ou de linge moillé, puis le luteras par dessus.

Le lut ou terre grasse pour conglutiuier la coucourbe avec l'alembic, doit estre conroyee d'argille & poilz de vache menuz, puis estre sechee deuāt que le feu soit mis dessous. ¶ Balcasis ¶ en l'eau de quarrons. Encore sera le lut plus fort, s'il est conroyé nõ seulement avec poilz, bourre ou laine, mais aussi avec sang de Bouc, & plus encores avec Maschefer.

La maniere d'appareiller la terre grasse pour bastir les forneaux, voy la cy apres, ou nous enseignerons de la destillation par les cendres.

Du seel ou sigille de Hermes, c'est à dire de la maniere à souder les orifices des vaisseaux, en les reserrant doucement avec vne tenaille toute rouge, & ardente, & le moyē de l'ouurir puis apres, voy Vlstad, au chap. xx.

Il conuient aussi armer de Lut tout autour, les ventres ou coucourbes qui doiuent souffrir & soustenir le feu mis dessous immediatement, (c'est à dire sans aucun moyen de chose mise entre le feu & le ventre, comme seroit eau, cendre, ou arene,) & le faut luter à deux ou trois fois, en faisant toujours desecher la premiere crouste, ains que y surenduire l'autre: comme quand on distille eau fort, ou huyle de vitriol.

Pour la destillation qui se fait moyennant les cendres, ne faut point de lutation. Toutesfois si aucun veut pourueoir à

la fraile brisure des vaisseaux, mesmement quand plusieurs vaisseaux sont mis en vne mesme fornaisse, il suffira les auoir lutez vne fois ou deux.

Aucuns reuestent les coucourbes, ou ventres d'on ilz vsent au Bain Marie, & les couurent de draps ou feltres, en leur façonnant comme chausses. ou botes d'on ilz les affublent.

On dit aussi que les vaisseaux de verre resistent plus au feu se ilz sont cirez, c'est à dire surfondus tous chaux de cire espendue dessus par deux ou trois fois.

*De la preparation à destillation.*

Chapitre. XII.



Pource que en la destillation des metaux, nous y cerchons separation, ou d'vne qualite, ou de plusieurs, ou affin que toutes ostees, & leuees nous y trouuons la quintessence.

Or la separation ne peut estre faite sans chaleur. Car la chaleur ramasse en vn les choses qui sont d'vn mesme genre & nature, & au contraire separe celles qui sont differentes. Pource tant les Alchymistes, que les Medicins, ont trouué diuers moyens pour cela faire (c'est à sauoir, vnir, & separer) bien adroit.

Or telle preparation appellent ilz par diuers noms, comme Digestion, Fermentation, Putrification. Digestion l'appellent ilz par similitude à la coction des viandes qui se fait en l'estomac humain, par vertu de la chaleur naturelle, qui fait que toutes les viandes prinsees se tournent en vn suc blanc appellé chymos, (car digestion & coction se prennent indifferemment pour mesme acte naturel.) Or si matiere seche conioincte avec aucune liqueur est ainsi preparee, nous

la nommerons par vn mot plus propre Maceration, ou infusion. En apres Fermentation est appellee proprement, quand vne certaine chaude vertu interne, mais augmentee, & excitee par la chaleur externe se faict en humeur, tellemēt que vne certaine commune qualite, avec vn certain esprit chaud, & faisant enfler, & eleuer boillons: se mesle, & allie par tout le corps, comme il se faict en lamixtion du propre ferment (c'est Leuain) pesty avec la farine, & semblablement au bon vinaigre espandu en terre. Et tel effet certainement est le commencement de putrification es choses qui ont humeur superflue.

D'icelle fermentation ne differeroit en rien la putrification, sinon que ceste cy se faict en mettant le vaisseau (qui contient la drogue à destiller) en aucune matiere pourrissante: & ce non pour autre cause, si non affin que la chaleur tousiours vne & semblable, continuee egalement par aucuns iours, soit conseruee à peu de labeur. Or à mon iugement que l'odeur & qualite de la matiere pourrissante ne peut estre cōmuniquee, & passer à la drogue, qui se confict dedans la coucourbe de verre, ayant l'orifice bien estouppé, iasoit que aucuns soyent de contraire opinion. Car si le vaisseau est bien diligemment bouché, & estouppé, nulle corruption ny pourroit auenir. Or neautmoins y en aduient il quelque foys. Mais ce n'est par le fumier ou autre cause exterieure, ains cela aduient pource que la matiere cōtenue au vaisseau, abonde en humeur excrementeuse, laquelle aduenāt quelconque chaleur estrange, facilement se pourrit. Quant au vase de verre par quelque longueur de temps qu'il demeure dens le fumier, iamais ne se gaste: ne se obscurcit, mesmement s'il est de fin verre clair tel que le verre de Venise, car le verre commun de fougier, & verdoyant acquiert vne certe obscurite, comme vne peau par dessus la superficialite.

La destillation qui se faict par pourriture, ou de fiant de  
cheual



cheual tout seul, ou avec chaux peu à peu arrosée & souuent changée, ou d'escorces trempées, ou d'autres choses pourrissantes, quelque vtile qu'elle soit à plusieurs vsages pour les Alchimistes: si ne doit elle point estre receue des mediciens, pour la cause nuysante qui est es bois pourris, ou prouenant de pourriture, ou pour quelque autre raison puans, & mal odorans, principalement si c'est pour receuoir dedans le corps. Car on a moindre regard à ce que par dehors s'applique. ¶ Syluius.

De ceste destillation en fiente de cheual, voy cy dessus, en la fin de ce que nous auons écrit du Bain Marie en general. A present certes estoit conuenable en cest endroit parler plustost de la putrification que de la destillation: Mais pource que la putrification aussi en fumier chevallin semble estre à reprobuer, si la destillation en iceluy est aussi à blafmer, il ne m'a semblé du tout estre hors de propos, & outre l'opinion des autres, de le declarer en c'est endroit.

Putrification en fumier chevallin, avec chaux viue, autrement se fait en telle sorte que le fumier, tous les iours, ou de deux iours l'un, ou par plus longs interualles soit aspergé & arrosé d'eau tiede, autres fois sans arrosement à sauoir quand le fumier de par luy semble assez estre chaud, & se fait ainsi.

On fait vne fosse en quelque coing de la maison, & dens icelle on met vne couche de fumier de cheual, à la hauteur de trois palmes, puis vne autre couche de chaux à la hauteur d'une palme seulement, & ainsi de l'un apres l'autre iusque à la plenitude de la fosse, ou le plus souuent il faut de fumier iusque à trois charges de fasquin ou portefaix.

Aucuns sont, qui les matieres lesquelles ilz veulent destiller, apres les auoir par auant destrempées mesmement en vin, ilz les versent dens vn pot d'estain, & iceluy bien fermé & bien estouppé cachent dens de la chaux viue, laquelle par certains interualles ilz arrosent & estaignent d'eau de pluye. Autres parmy le fumier de cheual, meslent estrain de

chaumes d'aueue, & apres l'auoir arrosé deau chaude, y posent le vaisseau, en l'enueloppant tout d'estouppes, de drappeaux, ou d'un sac en quelque partie de la maison ou le froit ne puisse entrer. Les autres le couurent en marc de grappes de raisins, au temps d'autonne, Autres es frices des oliues, c'est à dire, es restes des oliues apres que l'huyle en a esté tiré, qui sont les meilleures de toutes: comme enseigne ¶ Cardan. ¶

Pour chaleur legiere il suffit le mettre simplement en estrains debrifez.

Aucuns Allemans qui par l'hyuer demeurent en des Estuues qu'ilz appellent pesles (ie les nommeroye plustost zetes) font en iceux pesles petits fourneaux bas. Sur le haut plan desquelz ilz posent deux ou trois potz verrez ou plombez, assis sur petits barreaux ou treillis de fer, & les arment bien diligemment de lut ou terre grasse. Puis dens iceux pots remplis de sable bien menu ou de cendres, on peut destiller (ce que moy mesme ay voulu esprouuer) & aucunes liqueurs preparer, & rectifier, ainsi on espargne la despence, & le travail.



Aucuns affin de digerer la matiere qu'ilz ont à destiller, font expressément pour c'est vsage des miroirs A canes, qui recoiuent les raiz du Soleil B bien ardents, puis les rendēt & reuerberent contre le vaisseau C contenāt la matiere à destiller. A cela (comme ie puis enten-

dre) seroit plus cōuenable la parabole D cone. Parabole est la moytie d'un cone party du long en deux. Cone est vn corps rond assez gros; & declinant en poincte non trop longue, comme est la figure d'une pomme de pin. Voy Archimedes au liure des miroirs ardents.

Cela



Cela aussi se pourroit faire bien commodément avec globes, ou boules de Crystal A. suspendues entre le vaisseau circulatoire, & le Soleil tellement que les raiz du Soleil B. receuz par les globes crySTALLINS ou de verre viennent à refrapper au vaisseau. Mais de tout cela ie n'ay iamais rien exper-

imenté. De toutes ces preparatiōs vne seule fin est extraire les liqueurs plus facilement, plus abondamment, & de meilleure efficace.

Le temps de la digestiō se varie selon la matiere, car d'autant qu'elle est plus forte, & plus solide, d'autant luy faut il plus long temps.

Les herbes fresches en peu de temps se digerent, mesme quand elles sont destrempees en vin ou autre liqueur, car elles en sont plus molles, & tendres, & si longuement estoyent laisses au destillatoir, elles se moyroient, quand elles sont seiches leur faut vn peu plus long temps.

Après les herbes viennent les semences, & apres les semences les racines, tellement que tousiours il faut doubler le temps aux sryuantes.

Aux herbes fresches faut trois iours, aux seches sept, aux semences, & à la plus grand part des drogues douze, ou quatorze iours, aux racines vingthuit, ou peu moins, si elles sont fresches.

Aucunes matieres sont que certains Medicins commandent estre laisses par quaranté iours. Les Alchymistes encore d'auantage y laissent leurs metaux & mineraux. Aussi importe cela si du commencement les matieres sont mises es vases, ou broyees & pisees ou non: car les broyees, & pisees veulent plus brief temps par auenture de la moytié que celles qui sont entieres.

Es eaux dorees ( qu'ilz appellent ) les drogues aromatiques, on fait coustumieremēt entieres destremper, & amollir en vin odorant par certains iours, & puis tirees on les broye & pise, & de rechief on les arrose, puis on les laisse ainsi reposer par aucuns iours.

La Putrification des herbes à destiller en fumier cheuallin se fait presque par quatorze iours: mais au Bain Marie seulement par deux ou trois iours naturelz, de ¶ Brunsuic. ¶

De putrification, ont besoin les matieres principalement qui sont de substance seche, grosse, espesse, crue: & moins celles qui sont de substance contraire, & qui desia par leur propre nature, ou par le Soleil sont digestes & preparees.

La putrification se parfait plustost par temps obscur & nebleux, que par temps clair, & ferein. ¶ Vlstad. ¶

A beaucoup de matieres qui se preparent en fient de cheual, on y met quelque peu de sel, comme au sang des animaux, aux chairs, & poissons ¶ Guaynier. ¶

Pour bien digerer, pren vn Alembic borgne, & si la matiere est pure, comme vne pure liqueur, pren vn vaisseau circuloire, de laquelle sorte de vaisseaux le meilleur est le Pellican, combien que à peine se peut il faire, & non que à grand frais.

Aureste, en la digestion, ou putrification tout le vaisseau doit estre caché dès le fumier du cheual, ou en marc de grapes de raisin.

Mais pour la circulation la moitié du vase, ou pour le moins le tiers doit sortir, & apparoirre en air

frais, & libre, comme aussi en la distillation. ¶ Vlstad. ¶ au chapitre. viij. ou à

longues parolles, il enseigne la putrification en fumier Cheuallin.

DE LA RECTIFICATION DES  
liqueurs destillees.

## Chapitre. XIII.



Es eaux destillees au Bain Marie, doyuēt estre efforees, & rectifiees au soleil, c'est a fauoir en vn vaisseau de verre contenant l'eau destillee, à bouche bien estouppee de liege ciré, & cuyr lié au tour, tellement que la tierce partie du vaisseau soit laissée vuyde, & le vaisseau iusque à tierce partie soit mis dens le sable chaud, & ainsi estre efforé par quarāte iours, affin que tout le phlegme soit consumé. Mais les eaux de chaude faculté destillees, infuses premierement en vin, ou en eau ardent: à fin que par trop grande chaleur ne nuysent à l'home soyent laissees l'espace d'un mois ou d'auātage, en lieu froid, & en arene humide, si icelle eau est par trop feruente, & faut laisser semblablement la tierce partie du vaisseau cachee en l'arene, ou bien faut enterrer le vaisseau en la caue ou cellier iusque aux deux tierces parties. ¶ Brunsuic. ¶

Toute eau se rectifie par destillation repete, & refaict meismement sur son marc, ou ses feces broyees, & d'autant mieux sera rectifiee, comme plus souuent refaict, sera la destillation, laquelle a d'aucunes liqueurs sera assez de trois ou quatre fois. Or faut il à cela diligemment soigner, que à chescune fois de la destillation repete, le phlegme soit bien separé ce qui se fait si la premiere liqueur qui degoutte des eaux destillees est receue à part, & si c'est eau ardent: la derniere qui est plus ayqueuse. Apres auoir donc ainsi separé le phlegme, la derniere rectification doit estre faict par circulation, de laquelle cy dessus auons parlé, & en traicterons encore plus amplement au titre de la Quinte essence.

Et affin que l'adustion ou arsure qui y peut estre, peu à peu se esuente, & expire: sera le meilleur de tenir par quel que temps ouuertes les phioles ou seront ces liqueurs. En bien gardant toutesfois ce pendant que la grace de l'odeur, & avec icelle beaucoup de la vertu ne se exhale, & perisse.

¶ Syluius. ¶

Quelque fois aduient que diuerses liqueurs destillees si on les mesle deuiennent troubles comme petit lait, & bien souuent vieille liqueur meslee avec nouvelle la faict troubler. Auxquelles ainsi tu rendras leur clarté, en iettant sur trois liures d'icelles liqueurs troubles, six ou huyct gouttes de tresfort vinaigre blanc, lequel tire à fond la matiere troublante. ¶ Brunsiuc. ¶


## DESTILLATION PAR FILTRE,

ou Feltre.

Chapitre. XIII.



Destillation par le filtre ou feltre à esté trouuee plus pour l'usage des Alchymistes, que des Mediciens, affin de separer la plus legiere subtile, & pure partie, d'avec la plus grosse, & sordide. Parquoy les sucz des herbes se pourront en ceste sorte destiller, estants mis en quelque vaisseau, ou soit vne bande de drap de laine taillé en forme de longue langue, ou du fer d'vne pertuisane, de laquelle bande la plus large partie trempera dens le vaisseau, & la poincte, ou simple, ou fendue en deux ou trois pendra hors du vaisseau, qui fera vn peu encliné & abaissé du costé de la bande pendante. On peut bien aussi sur les bors mettre quelques petites bandes d'vn pied de long par lesquelles la liqueur fillera, & destillera dens le vase mis dessous. Et si tu veux en telle sorte vn mesme sue, ou liqueur destiller par deux ou trois fois: tu pourras poser en vn eschallier le premier vaisseau A, des le  
quel



quel sera la liqueur sur le premier degré, & le second sur le second, & ainsi des autres, mettât en chescun vaisseau vne bade de drap destillant B dès le vaisseau suyuât, & ainsi cōsequēment iusque au dernier ou n'y aura point de drap ou de filtre, affin qu'il recoit, & ne respande.

Destillation par filtre se faict aussi en deux retortes de verre bien lutees desquelles l'vne doit estre plus haute que l'autre, quand on veut extraire liqueurs precieuses, & odorantes de la matiere ayant esté parauant digeree au Bain Marie comme en faict memoire Vlstad au chapitre lvi.

Au Syrop qui se faict de verd, & acre suc de Citrons, il faut iceluy suc destiller par filtre autrement il se coagule quand il est refroidy, & semblablement le ius de Limons, & oranges.

Aucuns aussi destillent par le filtre les decoctions des herbes faictes à petit feu, lesquelles puis apres ilz cuysent iusque à espeisseur de miel, comme la decoction des racines de l'Elleboire noir: autres sont contents de simplement les couler.

DE L'EAU ARDENT, OV EAU DE  
vie simple, & des vertus, & diuers usage d'icelle.

Chapitre. XV.



L'Eau ardente, ou Eau de vie est extraicte du vin & en nostre region d'Allemagne est extraicte seulement de la lie du vin par ceux qui la vendent communement, & ont ce seul moyen à gagner leur vie. Et par aduenture n'est elle gueres moins bonne de la lie, que du vin. Car Lulle enseigne mesme cōme on la peut separer de vin encore corrompu. D'auantage si elle est destillee par reiterees fois, elle en deuiendra plus efficace, c'est adire plus chaude, & plus seche

seche. Car les lies encore brulees sont treschaudes, & rendent huyle treschaud que lon appelle huyle de Tartre. Toutesfois l'eau de vie extraicte du vin, me semble deuoir estre plus suauue, & plus gratieuse en odeur, & en faueur, & ne receuant point de adustion, & si est plus conuenable à faire la quinte essence.

Eau ardent aussi est appellee Eau de Sauon: de laquelle se fait le saupon en y meslant huyle: car elle brusle le corps, & fait ampoules. Or se fait ceste eau comme lexiue, de deux ou de trois parties de cendres, & d'une de chaux, & ceste est la plus forte & la meilleure en laquelle vn œuf, plongé nage par dessus. Ainsi la premiere faite en telle sorte est plus forte que la seconde, pour l'usage du cauthere, les Moines sur Mesué.

L'eau ardent souuēt destillee paruiet à telle acuité qu'on n'en sauroit boire. Cardan.

Mais en cela est vulgairement cogneue. Parquoy ceux qui communement la vendēt, n'ont coustume de la destiller que deux fois pour la boire: mais pour en seruir au noir des verrniers quatre si ie ne m'abuse.

Nous auons cy deuant enseigné comment l'eau ardent vne fois ou deux destillee aux serpentines, ou autres acoustumez vaisseaux (qui sont tuyaux ou cannes brachiales de cuyure) elle peut puis apres estre parfaite en cendres, iusque à ce que tout le phlegme en soit osté. Par laquelle maniere nō seulement est faite plus chaude & subtile, mais aussi au gouist plus agreable, & mieux odorante, Et est à sauoir qu'il n'est pas vne seule & simple forme de ventres, ou corps (comme on les appelle) ne de chapiteaux (qu'ilz nomment Alembics) à tous vaisseaux pour destiller tous sucz.

Car par aucuns l'eau de vie est extraicte du vin en vn grand Vaisseau de cuyure A. posé sur le feu qui a vn gros col de trois piedz B. & sur ce col est assis vn chapitel C. semblablement de cuyure en fait eleué en pointe, en façon d'une Pyramide. Lequel tout autour est  
 environ





enuironné, comme d'un seau plein d'eau froide, à celle fin que la vapeur montât soit plustost prinse & espessie en corps par le chapitel refroidy, par l'eau mise à l'entour, & affin que l'eau tiree du vin ne sente la bruslure du feu. Aucuns autres font en telle sorte que au lieu du col & du chapitel, la vapeur est receue en vne fistule de fer

blanc ou d'autre metal, lōgue & contorte en plusieurs tours & retours, comme les serpens (d'on vulgairement est nommee serpentine) pour la plus grande partie plongee en l'eau froide. Et d'autres ont vne autre maniere. ¶ Syluius. ¶

Nous auons veu plusieurs manières diuerses de vaisseaux à destiller eau ardent depinctes en Gauthyer, Riffi, & André Lonicer.

Bulcasis dit que le vin se peut destiller ainsi que le vinaigre, duquel par auant il auoit descrit la destillation, voy cy dessouz incontinent apres le titre de destillation en cendres.



Aucuns sont qui dessus la couuerture du vaisseau contenant le vin, ou la lie, font vne ronde fluste ou canal tout droit montant, & au dessouz plus large quasi en forme de corne, ou coqueluche, laquelle par dessus ilz courbēt presque à droit angle, en l'adressant, et faisāt passer par vn seau plein

d'eau froide, mis en haute assiette, conduicte simple & nō retorte, disans que ainsi l'eau en est rendue en plus grande abondance. Aucuns Apothicaires apprestent de semblables instrumens, mais plus petits, lesquelz ilz appellent vescies. Affin que si d'auenture ilz ont affaire de quelque liqueur destillee d'aucune herbe, semence, ou racine, incontinent ilz la puissent faire sur le champ, outre ce ilz l'arro-

sent

sent d'eau pour en estre la liqueur plus abondante, ce que ie ne loue pas.

On peut cognoistre l'au ardente estre assez destillee (c'est à sauoir iusque à la quatrième fois) & purgee de tout phlegme, si estant allumee elle se consume toute en flamme: tellement que nulle apparence d'humidité ne reste au fond, ou si vn linge baigne en icelle point ne brusle: qui est l'indice de plus grande perfection, comme celle esprouue aussi quand vne goutte d'huyle ietee dedans descend au fond. Raison car l'huyle estarin: est plus legier que l'eau ardente aitherine tant de fois destillee.

Mais outre la calidité, par destillations tant reiterees elle acquiert aussi vne plus grande tenuité, & subtilité & cela consideré que toute chaleur, ou feu d'autant qu'elle est en corps plus espes & plus materiel, d'autant plus fort brusle: & au contraire de tant plus est la substance tenue, & subtile, tant moins brusle. Par consequent la plus subtile eau ardente fera celle qui le moins bruslera. Qui est la cause pourquoy vne goutte d'eau mise en la palme de la main, tant meilleure sera, tant plus tost se consumera, & euanouyra, l'entens aussi que la cognoissance de la bonté de ceste eau la plus prouable est, si L'ambre enflambé, & mis en eau ardent dens vne cuilliere, brusle, & allume.



Quand le via (dit Vlstad au. x. chapitre.) sera destillé deux ou trois fois: coupe vne fine espōge en morceaux si grands que au col de la courbe par le dedans, il puissent atoucher tout autour. Or les sponges doyuent estre atachees à trois ou quatre cordelettes sortātes par dehors quand L'alembic sera posé, telle

ment que les sponges ne puissent cheoir au fond du destillatoir: & soyent premierement trempées en huyle d'oliue, puis vn peu serrees, & exprimees, affin que par auenture l'huyle

L'huyle ne tombe en la coucourbe : & ne se mesle à la matiere qui est à destiller. Puis l'alembic ou chapitel mis par dessus soit bien clos avec cire & poix resiné courroyee comme dessus à esté dit. Par celles esponges les esperits se destilleront tresbien, & le phlegme ne passera point à cause de l'huyle, & par tel moyen plus profitera vne destillation que trois autres. Toutesfois faut que l'alembic soit fait sans lambeau, comme l'alembic aueugle : mais neautmoins ayant nez, cela dit ¶ Vlstad. ¶

Nos destillateurs appellent ce phlegme qui reste de la lie destillee, Eau morte, pource qu'elle est sans faueur, puante, & n'ay point encore expérimenté si telle eau est rendue de la seule lie, ou aussi du vin.

Pour destiller eau ardent faut choisir de tresbon vin vermeil, rouge, ou blanc. Le vin vermeil noir & vieil rend l'eau plus abondante & meilleure. Au commencement faut faire feu legier, & puis apres peu à peu plus vehement : mais il se faut bien donner garde que aucunement le vin ne boille. L'eau qui ainsi du vin est extraicte est appelée eau ardent, ou l'ame du vin, & quand par deux ou trois fois à esté destillee, elle est appelée eau fragrante. ¶ Albert. ¶ comme aucuns l'alleguent.

En double destillation ) c'est à dire premiere & seconde ) i'enten que des cinq parties de la lie, des feces, ou du marc, on en laisse vne cinquième. Et quand le phlegme est tout consommé, rien plus ne se perd ains tout se rend. De quatre mesures de vin, le plus souuent vne mesure d'eau ardente est recueillie en la premiere destillation ou plus, ou moins selõ la bonté du vin. Puis en la secõde destillation pour vne mesure en reuiet vne demie. En la tierce vne cinquième partie se consume. En la quatrième en est autant rendu comme on en y a mis le plus communement, au moins si la destillation est faicte bien à droict.

Toutesfois faut continuer à destiller, car on en rend l'eau plus parfaicte, tellement, que a la neuuième, ou dixième destil

destillation elle devient en sa pleine perfection. Mais pour ce que pour tant de fois recommencer la destillation, faut plus de temps & de despense : le plus souuent nous contentons de la tierce ou quarte destillation : & l'appellons parfaicte. Et certes à plutoist ou plutard parfaire l'eau, grandement importe l'instrument. Car la vapeur est plutoist destillee en la premiere destillation du canon, que en trois de la Serpentine. ( Auise que ce passage en Lulle ne soit corrompu : & qu'il ne faille ainsi lire. Car la vapeur est plustost destillee & parfaicte en vne destillation qui se faict par la Serpentine, c'est vne canne torse à tours & retours, que trois fois retiree par vn droict canon. ) D'auantage est à sauoir que trois diuerses eaux se peuuēt recueillir de la premiere destillation desquelles la premiere est parfaicte : à sauoir celle qui ard, & est consumee par feu, & en laquelle vn linge baigne, combien qu'il arde ne se degaste. Tu en feras donc quelque fois l'essay : & quand l'eau aura cessé de ardre, ce que restera au destillatoir, tu l'osteras comme inutile. La seconde est moyenne entre vtile, & inutile. La tierce est inutile si non à clarifier les yeux, & la face si on l'en laue trois fois le iour, au matin, au midy, & au soir. Mais ceste vertu clarificatiue de la troisieme eau par auenture est vraye si elle est extraicte de vin : mais si de lie comme on faict vers nous, point n'est vraye. Finalement le vase destillatoir ne doit estre remply que iusque aux deux tiers, affin que la tierce part soit laissée vuide, & que les vapeurs puissent auoir leur espace. Iusque cy || Lulle. ||

DES VERTVS DE L'EAU DE VIE

du liure de Arnold de Villeneuve, inscrit de l'eau de vie.

Chapitre. XVI.



Arnold au liure de l'eau de vie décrit plusieurs vertus d'icelle, tant par elle simple & seule, que meslee, avec autres medicamens apres la destillation en gardant l'ordre des douze signes.

gnes depuis la teste iusque aux pieds. Pource (dit il) que les remedes qu'il faut applicquer à la teste, s'ont de beaucoup plus grande efficace s'il sont applicquez au temps, que la lune est au signe du mouton, & semblablement des autres.

Si cela me semble vray, ou non, maintenant ne le diray ie pas. Toutesfois cela ne taïseray ie, que en ce temps icy, & en cestuy nostre siecle, d'autant que plus docte est vn chescun Medicin: tant moins attribus il d'autorité à telles persuasions que les Arabes ont amienees en la Medicine.

L'eau de vie simple (dict Arnold apres ie ne say quel Theodoric, ou Thierry,) rompt les apostemes tant interieures, si on la boit comme exterieures, si on la frotte. Elle amende les yeux rougissans & obscurcis, refraint les larmes coulantes, Ayde les epileptiques, prinse en beuura-ge, & en frottemēt cure la Paralytie, aguise l'esperit, restaure la memoire, resiouyt, & conserue la ieunesse, Oste les lentilles, & gratelles de la face. Gargarizee guerit la equi-nance, & la luete enflée de mauuaise humeur. Item oste le phlegme false, la goutterose, ou couppe rose, & appaise la douleur des dens. Vaut merueilleusement aux maniaques (c'est à dire troublez d'esprit) & aux melancoliques, chafse le venin. L'odeur de celle eau allumee chafse & tue les mousches, & bestioles, ou vermines froides, cuît la chair, & garde les poissons de corruption, restitue le vin corrompu, extraict les vertus des herbes & racines, si par quatre iours (ou quatre heures) sont mises en icelle, excepté seulement la violete de Mars, ou girophlee. Et doit estre gardee celle eau en vn vaisseau de verre, ou d'argent bien clos, & bien estouppé. La meilleure, & la plus abondante se faict de bon vin vieil, pur, & rouge. Vela que dit [Arnol.]

Qui vouldra veoir d'auantage des vertus de l'eau ardent, lise ce que nous auons escrit cy dessus des vertus d'aucunes liqueurs que nos gens appellent Dorees, ou Eaux des vertus. Car ilz attribuent presque toutes les facultez & vertus egalles à celles eaux, & à l'eau de vie simple, & encore plus

à la composee, mais tresgrandemēt à la quinte essence d'icelle. Aille veoir ausi en Lulle des eaux. l'ay veu ausi quelque piéce, ou fragment de liure, attribué au grand Albert, intitulé des vertus de l'eau ardent. Mais les Empiriques par ignorance des choses, des personnes, & des temps, ou pour expres à decevoir & abuser ceux qu'ilz peuuent, attribuent fausement, & tresimpudemēt plusieurs escrits à Galen, voire à Hippocrat, & Aristotel, Touchant l'eau de vie. Celle eau de vie en brief temps guerit toutes les froides passions qui sont guerissables, principalement les affections des nerfz, des ioinctures, & du cerueau. Elle cure ausi la teigne, les vlcères, & toute roigne, si continuellement on s'en laue, ayde à la ratelle, tue les vers, amende la puanteur d'aleine, oste la douleur des roignons, les membres blessez (si frottez sont de celle eau) elle restitue à premiere integrité, preserue les chairs, & poissons de corrompure. Mais deuant que les manger les faut lauer d'eau commune. Le camphre mis en celle eau se dissoult, l'eau commune infuse en celle eau de vie va au fond, ausi faict l'huyle, cela dict || Albert. || comme par aucuns est allegué.

La faueur de l'eau de vie, excède, & transmue toutes les faueurs, & son odeur toutes les odeurs. || Lulle. || Elle conforte, & enforce la chaleur naturelle plus que nul autre remede, & est tressalubre à lestomac, au cœur, & au foye, nourrit le sang, & a familiarité merueilleusemēt cōuenante avec la nature de l'home. Elle faict ouurir & purger les orifices de tous les membres, veines, & conduictz du corps, oste toutes obstructions, & corrobore toutes parties. D'auantage elle faict changer, & muer les affections de l'esprit, elle leue tristesse & doutance, rend les homes ioyeux, ingenieux, & courageux, allege & oste les douleurs de la teste, & tue les lumbrics (ce sont vers) si elle est beue a ieun, forclut les defaux de cœur, guerit les vlcères des parties honteuses lauces d'icelle eau, faict secours aux debiles estomacz, extermine toutes fleurs, garde les corps mors d'estre  
mangez

mangez des vers, garde de blanchir barbe & cheveux. Aux femmes enceintes n'est concedee, amende le reume, ou catarre du chef, augmente la force à habiter, & infuse dans les oreilles vaut à la difficulté de l'ouye. Beue avec vin, remédie au mal comital. Retenue quelque peu de temps en la bouche, oste diuerses douleurs de dens. Abolit & fait perdre les tayas, ou toilles, & macules des yeux par infusion en iceux, on destourne les fluxions voirre en la retenant seulement en la bouche. Elle garde par quelque temps la lepre de venir en auant, & amende les vlceres pourris en les mondifiant, & balsinant de linges trempéz en icelle eau, avec vn peu de Peril (ou de Ache) elle fait sortir les menues pierres hors de la vesie. Rend les femmes fecondes, mais nuict aux enceintes: cure diuerses douleurs, & vtilement est appliquees aux os rompus, apposee dessus toute chaude avec estoupes, ou emplastre. Frottee es iambes & cuisses relasche l'espasme, ou conuulsion, ¶ Non nommé ¶

Toutesfois comme il appert la plus grand part des choses susdictes est prinse en. ¶ Lulle ¶

Pay veu vne vieille femme froide, & cathectique (c'est à dire de mauuaise habitude, estre restituée par vn estuement eschaufé par eau ardent dedans alumee.

Aucuns font qui amènent le tesmoignage de Constantin, touchant l'eau de vie.

L'eau de vie (oultre les autres choses) vaut à la difficulté d'vrine, & autres affections de la vesie à la fièvre tierce, & quarte conioinctes à froide humeur, aux loups, aux vers, & vlcerant sentiment de douleurs, auance les mois aux femmes, rōpt & pousse hors les pierres des reins, & fait fortir les enfans mors sans trop grand labour, amēde les flux & coulures du ventre par quelconque conduit, & de quelque couleur qu'ilz soyent.

On dict que cela est la plus parfaicte qui des dix parts de vin est reduicte à vne, & pense que cela se peut faire à

la tierce ou quarte destillation. Infuse & frottee sur la teste, elle guerit les vers, & vermines, croustes, roigne, gratelle, & purulences, oste les macules de la face, & de toute autre partie. Les œufz rompus, ou desquelz la cruse est ostee se peuuent cuire en celle eau. Si on en oingt le corps elle sauue & guerit, l'apoplexie, les tumeurs, ou enflures, phlegmes, tenesme ( c'est appetit sans pouoir de vuyder ventre avec douleur ) & lasitude. Elle mange la morphe, ou raphe tant par la boire, que par en frotter. Rend le cuyr de la peau plus doux, & plus net. Finalement elle vaut contre la morsure du chien enragé. Toute playe lauee d'eau ardent en est mieux curee, tellement que nul mauuais accident n'y suruient.

Le ayant quelque fois apperceu que l'eau ardent eschauffoit, & desechoit par trop ie y meslay du miel d'on la potion en fut plus douce. Elle est vtile à l'estomac froid mesmemēt en hyuer. Aucuns la meslēt avec eau mielee, ou apomelit, qui est faict des fauons de miel, & cire des ruches avec eau. Autres mangent les figues arrousees, d'icelle eau enflambee. En icelle on peut mesler quelque syrop doux que l'on voudra, selon que la maladie le requerra. La dixième partie d'eau ardēte meslee en vn vaisseau de vin garde de le troubler, ou tourner. Encore mieux le soulfhre, mais on le cognoist à la senteur, aussi faict bien l'alun, mais l'un & l'autre nuyt à la santé grandement. ¶ Cardan. ¶

Si le vin est corrompu, ou par la moisissure du vaisseau, ou pourriture des grappes, est restitué en sa bonté par eau ardente dedās infuse. Elle esclarcit aussi le vin nouveau perdu & troublé, & aussi refaict le vin tourné, & aigre: car elle conuertit le vin aigre. Finalement à toute chose mauuaise, & corrompue elle acquiert bonne odeur, & saueur, & le bon vin rend encore meilleur. ¶ Albert ¶ selon aucuns. Quand on veut entonner le vin, aucuns gettent dens le vaisseau vn petit boulet de soufphre allumé, autres, eau ardente, ou vn monceau d'estouppes plongé en eau de Vie.



Pour faire vin auquel on donne toute, & telle saueur, & odeur que l'on voudra, en vn moment qui est curiosité gentile, mesmemēt pour les riches, qui veulent faire monstre de diuersité de vins, & est aussi vtile. Car par tel moyen on peut en du vin communiquer les qualitez de diuers remedes, & ce faict ainsi, Herbes, semences ou drogues telles qu'on voudra soyent infuses, & trempées en eau ardent par l'espace de vingt quatre heures, & leur force en fera extraicte, puis vn peu de celle eau soit meslée avec le vin qu'on voudra bailler à boire. [Arnold de Ville neuue.] Comme se faict l'Hippocras en eau ardente embeue des Espiceries, ie le diray, au traicte des vins. De la quinte essence du vin i'en parleray cy apres, au tître de la quinte essence.

## DES SECHES MATIERES

qui pour destiller sont trempées en

aucune liqueur.

Chapitre. XVII.



Es choses qui sont seches, & arides ne se peuvent destiller, si premierement n'ont esté amollies, & destrempees en aucune liqueur. D'icelles i'escriray en cest endroit. Et de celles non seches, mais toutes fresches sont amollies en quelque

liqueur deuant la destillation, i'en diray cy en apres entre les eaux composees, incontinent des le commencement, cōbien que celles desquelles icy nous traictons, pourroyent bien estre nombrees entre les eaux composees. Or donc les matieres seches premierement sont broyees, & pisées, puis apres sont destrempees en quelque liqueur, cōme en vin, en vinaigre, en eau de pluye, ou de fontaine, ou autre, & icelles liqueurs, encores ou toutes crues, ou destillees. Et pour cest vsage, le vin & vinaigre sont destillez, ou vne, ou plusieurs fois, ou quelque autre liqueur destillee. On les peut aussi destremper au suc, & ius de quelque plante, ou tout cru, ou (qui mieu xvaut) destillé. L'eau ardēte rectifiée

semble estre mieux conuenâte à macerer, & destiller les drogues, & les espiceries aromatiques, sinon que l'on vueille euitier la trop grande chaleur: de laquelle ayant osté la liqueur pourroyent estre offensez ceux qui en vseroyent. Aucuns destillent la canelle, ou cinnamome arrosée d'eau de fontaine, comme nous le dirons en parlant des huyles, les semences aussi, & autres drogues desquelles se extraict huyle, se destrempe en aucune desdictes liqueurs. Et à mon iugement est bon de destiller toutes ces choses seches, & destrempees à petit feu en cendres menues. Des eaux des vertus ou eaux dorees, lesquelles se font de sauge, & autres herbes odorantes, avec drogues aromatiques, & espiceries infuses en vin, j'en parleray cy apres entre les eaux composees, & de celles qui sont detrempees en eau ardent, entre les eaux de vie composees. Et si faut auoir aduis combien de temps infuses en vin seront macerees, & trempees. Car les fresches, deliees, rares, & claires, n'y veulent tant de temps comme les grosses espees, & vieilles, ne les broyees, que les entieres, ne les semences, que les racines, & drogues, ne les espiceries que les herbes. Voycy dessus, ou a esté parlé de la preparation des destillables. La cōmune coustume ne destrempe gueres par aucuns iours choses seches pour destiller, sinon celles qui sont requises pour bonne senteur, comme drogues aromatiques, & herbes odorantes.

Mais toutes les autres aussi desquelles en l'eau qui en sera destillee, nous voulons retenir l'odeur, & la saueur quelle que soit sera bon les arroser & tremper en vin: & puis les destiller en la maniere, que cy dessus j'ay enseignee: ou a esté faicte mētion d'eau d'Absynthe, & de retenir les vertus des remedes es eaux destillees. Et certainement en celles qui quand sont fresches abondent en humeur aqueuse, & pource sont moins odorantes, telles que sont la Gentiane, Astrance, ou Persil Macedonic, Glaycul, Bayes de Geneure, & autres, j'estimeroye meilleures estre les liqueurs d'icelles seches, ayās esté destrempees en vin, que autrement,

Mais

Mais celles qui sont rares, menues, & deliees, ou de nulle odeur, & qui doyuent refrigerer, & humecter: ie seroye d'aduis plustost les destiller fresches, que seches. Toutesfois qu'il ya quelques saisons en l'an, ou le defaut des verdes, & fresches, nous contrainct prendre refuge aux seches, & fenees.

*Eau de gentiane.*

**L**A Gentiane grãde, ou blãche, à racines tresgrasses, lesquelles trempees en vin ne le corrōpent, ne sont corrōpuees, & ne le souffrent estre corrompu, cōme par deux annees iel'ay esprouuē. Pren quatre liurēs de ces racines, ou fresches, ou plustost seches decoupees bien menu, puis les metz en deux grands vaisseaux de verre, tout aupres du fourneau, en vne zete ( c'est vne petite estuue ) ou bien les pēds, & par dessus ces racines espands de tresbon vin tant qu'il monte deux doigtz par dessus, & continueras y espandre tousiours vin frais, tāt que les racines n'en puissent plus boire. Et ainsi le vin passant deux doigtz, par dessus cōme j'ay dit: tu lairras ainsi le vaisseau biē estouppē par l'espace d'un mois, & finalement destilleras ce vin avec les racines desparty, & distribué en deux courcourbes, au bain Marie, ou es cēdres menues à feu lent. De l'eau du petit Centaureon ( dict fiel de terre ) & de la Gentiane ensemble, destillees en vin: voy cy au dessouz, es eaux composees.

Les Bayes, ou grains de Geneure, encore, que seches arrosees de vin, rendent liqueur tresbonne, & tresuaue odeur. Semblablement l'Absynte par aucuns iours destrempee, rend liqueur tresamere, mais tresefficace. Mesmement destille en cendres, j'ay esprouuē tous les deux.

Le Pyretre, ou frais, ou sec est infus en vin, ou en vinaigre simple, ou destilé.

Les choses infuses en eau ardent ( comme j'ay dit ) luy communiquent leur vertu.

Mais s'enten que cela se fait beaucoup plus efficacieusement, si les drogues pisees sont des le commencement mises dans lalie, ou les feces du vin, don on veut tirer l'eau ardent

(car d'icelles plus tost que de vin faict on l'eau de vie) vn quidam m'enseigna comme vn grand secret, a preparer en telle sorte l'eau d'Absynthe, & autres, ce que ie n'ay pas encore essayé.

L'eau Rose de seches roses ainsi se faict. Sur roses seches, espands eau autant seulement qu'elles se puissent amoistir dedans: puis les transporte en coucourbes de verre, ou de plomb, & les destille peu à peu. Ceste eau sera fort bonne aux remedes, & pour l'aornement, ou bonne odeur. Il est vn home qui sur vne liure de roses seches espandit dix liures d'eau: & en destilla assez bonne eau rose. Mais cela ne se faict, sinon quand on n'en peut auoir de fresches. ¶ **Bulcasis.** ¶ Les Roses incarnates seches, & humectees à la vapeur d'eau chaude, puis destillees rendent bonne eau Rose. ¶ **Syluius.**

L'eau ou le suc de la noix vomitoire, tiré par le feu, represente l'eau en couleur non en odeur ou saueur, Remede tres excellent contre les venins. ¶ **Cardan.** ¶ au second liure de subtilité. Et vn peu apres. Si venin, ou poison freschement prins demeure, & encore est restant en l'estomac: les tres excellens remedes sont ceux qui prouoquent le vomissement, lait, lexiue, hiryle, & l'eau de noix vomique. Par le suc extraict au feu: ie pense qu'il faut entendre l'eau destillee, car il la nomme eau: pource qu'elle est semblable à eau, en couleur, non en odeur, & saueur, ce que bien conuient aux eaux destillees. Mais entendu que la noix vomique, ou vomitoire, est tres dure, & tres seche, il est tout euident qu'il faut destremper, & ramollir la raclure d'icelle en quelque liqueur d'eau, de vin, d'eau de vie, ou de vinaigre. Quant à moy ie la vouldroye destremper en vinaigre, principalement pource que par soy mesme il resiste aux venins, & vaut aussi à inciter vomissement.

Les eaux destillees des plantes fresches (dit (Brunsuic) sont à preferer. Desquelles si quelque fois on ne peut finer, ou pour autre cause, ou pource que les plantes estrangieres vien

res viennent à nous toutes seches, comme Spica nardi, ou Sa liunque, Aspic Stœchas, Lauende, Schænuantes, Epithym, ou fleur de Sarriete, ou de Mariolaïne d' Angleterre, & telles autres. Les arides & seches tu destilleras en telle maniere.

Tous les ans au mois de May, deuant le Soleil leue, quand la nuit precedente n'aura point pleu, & que le Ciel sera clair & serein, tu amasseras la rosee de quelque pré verdoyât en diuerfes especes d'herbes, & de fleurs, non humide, ou huy leux, ou marescageux, non en combe mais en montaige, si faire se peut. La maniere d'amasser la rosee est estendre vn linceul blanc sur la verdure, & le tirer par dessus les herbes tant quil soit tout embeu de rosee, puis le ferrer & l'exprimer en quelque vaisseau, & puis l'estendre, tirer, & exprimer de rechief, iusque à ce que on ait suffisamment amassé de rosee.

Celle rosee ainsi recueillie, tu destilleras par trois fois au Bain Marie, puis la rectifieras au Soleil, en arene chaude par quarante iours. Et en quelconque temps de l'an que tu voudras auoir liqueur des herbes seches, feras ainsi. Des herbes ou fleurs que tu auras sechees en l'ombre, les fueilles arrachees & mises à part tu en mettras tant que bon te semblera en vn vaisseau de verre, & les arroseras de ton eau de rosee destillee par trois fois. La premiere, tant que les seches herbes, ou fleurs soyent couuertes. La seconde, & tierce deux fois autant. En apres par deux ou trois iours les mettras en fumier de Cheual, & la les destilleras, & de rechief, les putrefieras, tant que iusque à la tierce fois soyent putrefiees, & destillees. Celle eau certes sera beaucoup plus excellente, que si aucun (comme dit Bulcasis) sur vne liure de roses ou autres fleurs ou herbes seches espendoit dix liures d'eau commune, & incontinent les destilloit, vn quidam Medicin tressauant, & expert escrit, que si eau est destillee à la maniere susdite des herbes ou fleurs infuses de rosee destillee, non seulement trois fois, mais trois fois trois, qui sont neuf: que l'eau en sera beaucoup meilleure que si elle estoit faite de fleurs, ou herbes fresches qui ont avec elles beaucoup de phlegme.

Celuy mesme Medicin, dit que la rosee neuf fois destillee, extrait autant bien les vertus & facultez des plantes en elle infuses, que pourroit faire l'eau de vie. || Brunsuic. ||

Voire que la rosee mesme est naturellement vne certaine vertu medicalle, comme en l'eau de rosee destillee enseigne autre part || Brunsuic. || Aumal caduc ou Comital, si tu fais cuire souz les cendres vn petit gasteau de farine destrēpee & pestrie: avec rosee recueillie la nuit precedente, le iour & feste saint Iean Baptiste, & la donnes à manger au malade, on dit qu'il guerira. || Alexandre Benedict. ||

*De la Quinte essence des remedes.*  
*Chapitre. XVIII.*



A quinte essence ilz appellent vne souueraine & celeste vertu, & faculté en quelconque plante, metal, animal, ou partie d'iceux, qui par la vertu, & purité de la totalle essence, & non par aucune qualité elementaire, ou sensible (combien qu'elle ne soit point sans qualitez) conser-

ue la bonne santé du corps, estend & fait durer la ieunesse, esloigne & retarde la vieillesse, & chasse toute sorte de maladie. D'icelle le premier de tous à escrit Raymōd Lulle, pour lors à tous Medicins, voire de son temps incogneue, ne mise par escrit ne par vsage esprouee. Iceluy ont ensuyuy, outre les autres, vn Iean de Rochescise (que toutesfois vn quidam estime auoir esté auant Lulle, comme cy dessus ie l'ay escrit. Quant à moy ie pense qu'il fut du mesme temps.)

Item Hierosme de Brunsuic, Philippe vlstad, & quelques autres en petit nōbre, qui tous aussi en ont mis quelque chose par escrit.

Or des quintes essences les vnes sont simples, comme celle tant renommee quinte essence du vin, ou de l'eau ardent, de Chelidoine, de sang humain de fraises, d'Antimoine: Autres sont cōposees: c'est à fauoir quād aucūs remedes sont adioustez à quelque quinte essence desia parfaite, affin qu'elle

attire leurs vertus. Entre lesquelles l'or potable doit estre nommé.

Icy sort vne doubte (dit Cardan) s'il y a moyen de faire celle eau temperee, laquelle ilz appellent, Quinte essence? Et telle eau (comme ie l'enseigneray sera pur Aitherain, c'est à dire substance tressubtile & mobile, & qui par son mouuement retient chaleur temperee en grande abondance.

Celle eau donc peut conseruer toutes les forces, & alonger la vie. Car entendu qu'elle est tres tenue, & tressubtile: elle se mesle avec l'humide premier, penetrant facilement les corps solides, & separe les excremens qui en celuy humide radical sont contenus. Et pour autant qu'elle a beaucoup de chaleur, elle deiecte tout ce qui est impur, & par ce restaure la naturelle chaleur. Car vieillesse n'est autre chose sinon diminution de la naturelle chaleur. Or ce que diminue la chaleur naturelle, est empeschement de mouuement, (comme a esté dit du feu) car semblable raison est de cestuy cy à celuy la.

Or est empesché le mouuement par abondance de la substance terrestre. Car la seule terre a beaucoup de grosse matiere, & du tout est defaillante de mouuement. Donque celle eau estât de chaleur ainsi tēperee, ne vexera point le cœur, ny ne sera point ennemye au foye. Et ainsi celle seule Quinte essence peut faire les effectz deuant ditz. Quand donques l'eau ardent par long mouuement de circulation ayant acquis, & retenant tenuité, & subtilité, aura laissé la calidité, & acuité de la faueur, & de l'odeur, ce sera pur aitherain, & adonc sera fragrante, c'est à dire spirante vne diuine celeste & supernaturelle bonne & chaude odeur. Car odeur fragrante n'est autre, que bonne odeur ague quand elle est moderee. Pour tesmoignage en soit le Poyure, lequel n'est point fragrant &c.

Il est donc necessaire que l'eau ardent soit fragrante, si elle est reduite à temperamēt, en retenant tressubtile tenuité: & si elle est fragrante: il est aussi necessaire qu'elle soit donc conuertie en aitherain.

Vne autre eau à restaurer la ieunesse se fait aussi, avec chair de Vuyure, ou Vipere, & avec Ellebore, telle que i'en ay veu chez mon pere. Mais telles eaux vexent les corps & rendent vne semblance de ieunesse fardee. Mais l'aïtherain de quinte essence, fait que celuy qui l'a longuement la retient, & l'embellit. Mais à sauoir si cest Aïtherain est plus subtil que le feu, qui est treschaud: Certes si est. Car il est tresprochain du Ciel, & pource treslegier, car il modere par circulation la calidité en luy emprainte des astres, en retenant sa subtile tenuité. En telle sorte ceste eau de quinte essence, par la chaleur du feu reduite à souueraine tenuité, & subtilité, par son mouuement se refrigerere, & acquiert temperamēt. Parquoy & icelle, & l'aïtherain, sont comme substance moyennes entre les mortelles, & immortelles, corruptibles, & incorruptibles. Car entendu qu'elle à lieu, temperature, & substance prochaine au Ciel, elle ne peut estre corrompue.

Et quand au bas elle est repoulsee, elle se refroidit, & ainsi apres plusieurs siecles, ou vn bien long temps, elle se corrompt. Ainsi c'est comme vn mylieu, ou chose moyenne entre mortel, & immortel, duquel genre de substance les Stoïques croyent l'ame humaine estre, Tout cela dit || Cardan. ||

La vertu d'vne chescune chose est occulte, & cachee en sa Quinte essence chaude, froide, humide, seiche &c.

Et fait la mesme operation qu'elle faisoit premierement, & par auant estre astraite, en son corps meslé, & composé: ou avec sa matiere: mais bien plus habillement, & plus merueilleusement en maintes sortes. Apres la destillation maintesfois repetee sur ses feces, Lie, ou Marc, en y entreposant tousiours nouvelle digestion. Et tousiours vne chescune eau doit estre circulee, & tournee, en fumier de Cheual ou autrement, iusques à ce qu'elle deuienne à estre de tresuaue odeur. Car souueraine fragrance (c'est suauue, ague, & chaude odeur) est requise en toute quinte essence. A d'aucunes suffit vne premiere & seconde destillation, & apres



& apres icelles estre circulees, & puis apres quelques iours, si quelque chose de terre, lie, ou marc reste au fond du circuloir, le separer en le ostant du fond, ou en le surfondant de son eau.

La Quinte essence du vin quand elle est parfaite, plus ne brusle la bouche, & desia n'est plus eau ardent, ains plus sutive, & est surnommee Ciel, auquel nous disons ses estoilles estre adioustees, quand herbes, racines, ou semences de diuerses qualitez & excellentes contre diuerses maladies sont en icelle eau de quinte essence destrêpees, comme cy apres nous enseignerons es eaux de vie composees.

Item nous les disons estre solifiées, ou dorees, quand en elles nous imprimons la vertu du Soleil, c'est de l'or, comme cy dessus auons declaré en la mention de l'or potable. Vela que dit ¶ Lulle ¶ au liure de la quinte essence.

Toute quinte essence de quelconque médicament à mille fois plus de vertu, qu'elle n'auoit par auant, quand encore estoit corps elementé. ¶ Vlstad. ¶

*Maniere de extraire les Quintes essences de toutes choses, pour les appliquer aux corps humains. Du premier Liure de Lulle.*

*De la Quinte essence. Chap. XIX.*



A quinte essence d'une chescune chose peut estre extraite d'icelle, comme des bois, fruitz, fleurs, racines, feuilles, semences, pierres, metaux, mineraux, chairs, & quelcōques autres especes: en telle maniere.

Quelconque sustance d'ont tu voudras separer quinte essence, icelle mettras dedās la Quinte essence du vin pure & parfaite, comme a esté dit, & la mettre en soler, ou essorer au Soleil du printemps, ou en vn vaisseau à legier feu, & dens trois heures auras la quinte essence d'icelle sustance meslee, avec la quinte essence du vin, qui sera conuertie en telle nature, que estoit celle de la chose en elle mise, soit chaude, froide, humide, seiche, purgeante, ou de quelque autre cōdition; ou odeur, & ne fera pas seulement le mesme effet, mais aussi en mesme

mesme degré, c'est à dire ne plus ne moins. & c.

En apres il nombre les remedes l'vn apres l'autre, lesquelz sont chaux en premier degré, puis en second, en tiers, & en quart, & semblablement les froidz, les humides, & les secz. Puis monstre en generalles degrez des remedes, & artifice de leurs mixtions. Finalement met les nombres des qualitez, qu'il appellent secondes qualitez. Toutes lesquelles choses nous delaiissons: pource que nous escriuōs pour les sauās, & pour les Mediciens, & ne faut les parties des sciences estre confuses entre elles. En apres procedant par toutes les maladies seulement les plus grieues, & qui communement sont estimees incurables, il enseigne quelz remedes doyuēt estre meslez avec la quinte essence du vin. Rogier Bacchō à aussi escrit vn petit Liure de la faculté de l'eau de vie par les douze signes selon les maladies, depuis la teste iusque aux piedz adioustant à l'eau de vie diuers sucz, & medicamens selon la nature des parties affectees, & de leurs affections. Aucuns attribuent ce Liure à Arnold de ville neuue, mais fausement.

Jean Bracefc homme de nostre temps tresexercé es occultes secretz de l'art Chymistique, comme ses escrits le tesmoignent: au dialogue duquel sont les interlocuteurs, Raymōd Lulle, & Demogorgon. (Lequel dialogel'auteur auoit fait en Italian, avec vn autre sur l'expositiō des Liures de Geber, & Jean Petrei à Noremberg, à imprimé l'vn & l'autre sans le nom de l'auteur) affermant ledit Bracefc, celle quinte essence qui fait conseruer, & prolonger la vie humaine point ne deuoit estre cherchée, es plantes, animaux, ou pierreries, mais es seulx metaux, & escrit ainsi, parlant en la personne desditz Raymōd. Veu qu'il est necessaire que ceste medicine soit du tout incorruptible, & en cela doyue excéder tous les elemēs: il est necessaire qu'elle soit extraite d'vne matiere trefestrāge de toute corruptiō. ¶ Demogorgon. ¶ Et toutesfois au Liure que tu as escrit des secretz de nature, tu as dit, icelle deuoit estre extraite du vin rouge. Cela mesme afferme Jean de Rochescisc. Autres estiment qu'il faut prendre la Chelidoine,

autres

autres le sang humain. ¶ Raymond. ¶ Tu t'abuses grandement si tu penses les escrits des Philosophes deuoir estre entendu à la lettre nue, mesmement en ceste science. Lors qu'ilz parlent plus clairement (comme il semble) & plus ouuertement, c'est à lors qu'ilz sont moins entendus. Car ilz ont parlé par similitudes & par ainigmes ¶ Dem. ¶ En cecy de quelle similitude ont ilz vsé: ¶ Ray. ¶ Le vieillard Philosophe dit, ceste medicine estre conuertie, & changee de couleur en couleur, de faueur en faueur, de nature en nature, & pour autant ses noms estre multipliez.

Item le Philosophe de Minos. Si on enquier (dit il) pourquoy il a esté fait rouge, deuant que recevoir blancheur: respōdre faut qu'il est deux fois noircy, deux fois tourné en couleur citrine, & deux fois reçoit rouge couleur: Dōc puis qu'il reçoit deux fois rouge couleur, cōme le vin rouge, & le sang humain c'est à fauoir apres la putrefaction, & en la destillation, pource les anciens parlans par similitude l'ont appellé vin rouge, Sang humain, Sang de Dragon, & semblables noms, vn peu puis apres. Tous ces signes que Iean de Rochescise met de la quinte essence desia parfaite. C'est que en la maison ou elle sera mise à vn coing, tous les entrans soyent la par vertu occulte & merueilleuse attirez, que icelle mise au faist d'vne tour tous les oyseaux s'y amassent, qui sentiront celle suauité d'odeur: il interprete tout cela allegoriquement. Si que par la tour, soit entendu le forneau, mis en vn coing de la maison, laquelle est le vaisseau, ou la matiere destillable est mise, Par les entrans en ceste maison, & par les oyseaux volans soyent signifiez les esperits & vapeurs, qui par la vertu du feu, sont eleuez, & montent en haut par le col long du vaisseau, ou de la Boccie. Lesquelles quād fixes sont, & plus ne montent, c'est signe (dit il) que leur humidité ayqueuse est ia toute consommee, & la matiere adoucie, & la medicine estre finie. Et en ceste opinion a ausi esté Rasis. Cela dit cestuy mesme,

De l'extraction de Quinte Essence du vin, De Ph.

Vlftad, & Raym. Lulle.

Chapitre. X X.



Ren vin tresbon de quelconque couleur, mais plus vineux que doux: lequel tu destille ras en Alembic par quatre fois, en la sorte que on prepare communement l'eau ardent, & en core si plus souuent est destillé, tant meilleur: en sera, l'indice d'estre parfait, est, si allumé en vn vase d'argent ou d'estain il se consume tout, tellement que nulle humidité ne demeure dans le vaisseau.



Ainsi donc préparé soit mis dans vn Pellican, vaisseau ayant anses caues des deux costez, se enclinantes du chef & implantantes dans le ventre, que aucuns appellēt vase de Hermes, dans lequel par vn pertuis petit au dessus, la matiere destillable peut estre mise, & tiree. Lequel vase estant diligemment luté à lut fort &

bien cimenté, par frequent ascens, & descens l'eau se tournera en quinte essence. Or le vin ainsi destillé comme nous auons dit: combien quil ayt en soy les quatre elemens: si fera il par frequente motion & agitation en montant & descendant, presque mué de corruptible en incorruptible. Et si par frequent ascens & descens de destillation est separé le gros du subtil, & le non pur d'avec le pur: de combien plus aduient cela au destillatoir: ou des fois, mille fois mille, il est agité & mené dessus dessous, & dessous dessus, haut & bas, bas & haut: Il est donc à croire par tel mouuement la matiere elementaire estre conuertie en sustance non elementaire, & en corps incorruptible, tellement que celle essence est autant loing de la corruption du corps elementaire, cōme le Ciel est moins corruptible que les quatre elemens. Au reste ceste circulation ayant par plusieurs fois esté faite finalement soit ouuert

ouuert le pertuis de l'orifice au dessus, auquel tu pourras cognoistre à la tresprecieuse, & tresodorante exhalation, qui en sortira: s'il y reste rien de quatre elemens, qui ne soit encore conuert y en quinte essence. Car si la chose est parfaicte, il en exhalera vne odeur la plus fragrante, & la mieux flairate de toutes les odeurs, tant excellente que ceux qui la recoyuent se pensent eleuez en esprit de terre au ciel, & odorer vne celeste fragrance. Celle odorante vapeur si elle se reserre en qlque secret lieu de la maison, elle parfumera & réplira toute la maison d'odoremēt, qu'il semble n'auoir iamais senty flair plus suau, gracieux, & odorant, chose merueilleuse, & à dire presque incroyable. Et si elle est mise sur le faict d'une tour elle, atraira toute manieres d'oysesaux de la contree. Mais si à l'ouuerture du vaisseau celle excellente grace d'odeur ne se sent point encores: tu l'enclorras de rechief dens le Pellican: & apres l'auoir bien diligemment luté, de rechief tu le mettras à la destillation circulatoire: iusques à ce que on appercoiue estre parfaicte la vraye quinte essence, ou le Mercure vegetable, comme le nomme Raymond Lulle, au premier liure chapitre second. Et celle quinte essence a non seulement telle odeur, & saueur tresexcellente, mais aussi vne certaine nature incorruptible enuers les autres medicamēs. Et certainement elle n'a nulle adustion en la bouche comme a l'eau de vie, & nulle humidité, ou phlegme car toute la matiere terrestre, ou elementaire est au fond residente.

MOYEN COMMENT LA QVINTE

essence est extraicte plus facilement, & à moindre coust  
en grace des Poures. Prins en Lulle, & Vlstad.

Chapitre. XXI.



EN vn grand vas B de bois, de terre, ou de pierre, comme vne cuue, ou tonneau, Terrace, ou Perrine, ou bien, en vne fosse faicte en terre, metz fumier A de cheual assez

g. abond.



abondamment, & au mylieu d'iceluy fumier, soit mis vn destillatoir C rēply de la matiere que l'on voudra destiller iusques aux deux tiers du vaisseau, le reste demourant vuyde hors le fumier, affin que la matiere puisse monter, & descendre, & par ainsi estre conuertie en tresclaire eau. Mais il faut renouveler le fumier toutes les sepmaines, vne fois pour le moins. Le mesme se peut faire en marc de grappes de raisins n'aguieres pressez en temps de vendanges, ou au temps des iours caniculaires au Soleil. La quinte essence peut aussi estre extraicte, de vin trouble immonde & pourry, mais qu'il ne soit aigre, car nous voyons aussi de vin corrompu, venu de bon lieu, & plant, iasoit que trouble, & de mauuais goust il soit, est extraicte eau de vie tresbonne.



Il est vne autre maniere à extraire l'eau de vie laquelle sera trouuee tresbonne. Metz la matiere à destiller en vn verre, à long col ayant au faist vn partuys lequel se doit clorre, & luter avec Cire à droict preparee (comme cy dessouz enseigne Vlstard au dixième chapitre) puis soit renuersé le verre, & soit mis dens le fumier, le col dessouz, ainsi la plus grosse matiere residera au fon du distillatoir, (qui sera le col mis dessouz.) Et apres auoir esté par long temps enseuely dens le fumier: finalement sera tiré doucement en la forme, & constitution mesme qu'il y aura esté mis.

Alors verras la separation du pur d'avec le non pur, & du subtil d'avec le gros. Car toute la plus grosse matiere sera au tour du col du verre. Et ainsi tu perseras la cire avec vne petite broche, ou poincte ague de fer, & la perferas iusques à l'eau, adonc ayant tiré l'a broche, decoulera hors la plus grosse matiere qui estoit au col du vaisseau, laquelle estant escoulee toute iusque à la subtile liqueur qui est la Quinte essence, tu renuerseras le vaisseau en son endroit

droict, en estouppant le pertuis du doigt: ainsi auras la quinte essence, mais moins precieuse que la dessus mentionnee. Par semblable maniere peut estre mise l'eau ardēt en vn vaisseau de verre, qui ne soit point reuerlé, mais tout droit enseuely dens le fumier par quelque temps. Puis en la coulāt soit separee la grosse matiere qui reside au fond, d'avec la subtile qui est dessus: mais ceste encore est moins precieuse: toutefois elle attire toutes les vertus des herbes, & autres matieres, en sorte qu'elle n'est à depriser. Autres moyens se peuuent aussi pourpēser, mais sur tout ie louē à tous la premiere maniere cōme tresbonne, & tresexcellēte, laquelle se pourra faire à peu de labeur, & ne coustera pas grand chose, & ne te repentiras de l'vn ne de l'autre. Car tu y trouueras tresfor avec grand surcrois. ¶ *Vlsta* ¶ au huytiēme chapitre.

Il met aussi la maniere de extraire la Quinte essence du moust, (c'est du vin nouueau,) boillant au vaisseau par le temps d'autonne, lequel se faiēt sans aucun nuysement du vin. Laquelle maniere ie passeray, a cause de briueueté, & pource que par les autres (que ie sache) n'a point esté touchée sinon par ¶ *Lulle* ¶

LES LIEUX AV CIEL DE VLSTAD.

ou il enseigne extraire diuerses Quinte essences.

Chapitre. XXII.



Comme se peut extraire la quinte essence du vin, en laquelle se resoult l'or pour estre potable. chapitre xi.

Quinte essence de miel qui entre en l'or potable. chapitre xii.

Quinte essence de Chelidoine. chapitre xiii.

Quinte essence de sang humain, chairs, & œufz. cha. xiiii.

Quin. Essen. De pommes, poires, & autres fruiētz. cha. xv.

Quin. Essen. De fleurs, herbes & racines. cha. xvi.

Quin. Essen. De Antimoine. cha. xvii.

Toutes lesquelles se lisent en Lulle au. I. Liure de la quin te essence.

Aucuns nōment la Quinte Essen. Mercure, Vegetable, Ciel, & clef des Philosophes. Laquelle (comme ilz disent) en trois heures attire la vertu de toute chose en elle destrempee. Iean Bracefc, par le vin rouge d'on se tire la quinte essence, pense qu'il se doit entendre quelque autre chose metal lique, comme cy dessus nous auons recité au lieu, ou de la quinte essence ha esté parlé en general.

*E A V M E R V E I L L E V S E F A I S A N T  
tout le contraire à leau de vie, Laquelle se peut appeller  
Quinte essence froide.*

Chapitre. **XXIII.**



Leurs de suz, fleur d'ongle caballine croissant sur les eaux, ayans large fueille, & fleur iaune (autrement fleurs de Nenuphar, ou Nym phée, ce que plaict, & ainsi l'interprete ro grier) des deux vne liure: Semence de laictue, semence de Porcelaine de l'une, & l'autre demie liure: fleurs de Solanon ou Morelle, deux scrup. & le tout en leur ver deur faut destiller sept fois, & estre gardé en profonde ter re, en vn vaisseau de verre ceste eau eschaufée au soleil me ridian, fait voller par l'air vaisseaux de verre, ou de bois sub tiliz, images, & coquilles d'œufz. (Ce lieu semble estre cor rompu, ou la chose fause) vn drapeau moillé en celle eau, & iecté au feu en resort sans bruslure, & tout ce que y sera trempé, ne souffrira la chaleur du feu. Et encore le drap moillé en icelle eau, si par dessus eau de vie est aspergee, ie cté au feu ou allumé à la chandelle ne se brusle point: bien il flabe, mais point ne se consume, & ne laisse aucune mar que d'arsure. Et si partie de ceste eau mise en vne escuelle au Soleil ardent, est espendue par l'air avec vñ asperfoir: incon tinent



tiennent elle fait vne grande & espesse nuee, & mitigue la chaleur du Soleil par vn long temps. Elle arreste les menstrues garde de suer, esmeut l'appetit, appaise la douleur de la teste, mesmement prouenant de cause chaude, ou de chaleur de Soleil, guerit du tout & entierement le chancre.

Finalemēt elle a maintes & grandes vertus: car elle vaut es causes chaudes, comme l'eau de vie es causes froides.

Parquoy l'usage d'icelle est en toutes fieures tant agues, comme tresagues, & en tous chauds affectz, aux douleurs des yeux, & de la teste prouenantes de chaleur. Item à degoust, & ennuy d'estomac, aux loupes, & aux fistules, & douleurs de costé, eschaufaison de membre par trop habiter, & toutes autres passions en ces parties genitalles, de quelconque cause chaude. Et apres l'enfantement des femmes, est tres-utile à mettre en vn drap moillé sur la nature, ou sur le lieu du mal s'il est exterieur, & s'il est interieur, il en faut faire iniection par vn clystere dans la nature. Si le mal est dans l'estomac, faut prendre de celle eau comme vne demie coquille d'œuf, tant le matin que le soir. Si la douleur est dans la verge, en faut faire iniection avec la syringe.

Mais à l'obstruction de la ratelle, du foye, & autres affections procédās de cause chaude faut mettre vn linge moillé en celle eau par trois fois le iour sur le costé dolent.

Mais il se faut bien garder, que le drappeau en ceste eau moillée, ne se reuolue sur l'estomac.

De telle faculté semble estre l'eau au liure des eaux de Raymond Lulle descrite en telles parolles.

L'eau cōposée selon le residu (ainsi est il au liure escrit à la main) mais il me semble, qu'il faut, selon le contraire de l'eau de vie.

Recipe Camphre blanc, Roses, poiure blanc, & noir Cicoree, Porcelaine, Violetes, Morelle, cheueux de Venus, Ioubarbe, vermiculaire, Groin de Porceau, Cardicel, ou chardonnet. Les feuilles soyent broyees pisees, & puis destillees.

De l'extraçtion de toutes les essences de la Chelidoine, à l'exemple dequoy tout home industrieux pourra vser à toutes autres plantes extraire.

Chapitre.

XXIIII.



Ar la Quinte essence de la Chelidoine Jean Bracefc, veut estre allegoriquement entendu quelque autre chose comme cy dessus a esté dict, au lieu ou nous auons traicté des quintes essences en general.

La Chelidoine (dict Vlstad) a innombrables vertus, & sa Quinte essence, que icy nous enseignerons, à extraire, entre dens l'or potable. La Chelidoine donc quand elle sera bien meure tu cueilliras avec les herbes racines, & fleurs, & l'ayant couppee bien menu, & broyee en vn mortier tu la mettras en vne coucourbe de terre plombe ou verree. Laquelle bien remplie, close, & lutee tu mettras en fumier cheuallin frais, par l'espace de trois semaines, puis y apposant vn alembic ou chapitel par dessus la destilleras au Bain Marie à feu bien lent, & le Phlegme en sortira. En apres tu en tireras le marc ou les feces: lesquelles bien menu broyees sur le marbre, tu remettras de rechief en vn Alembic aueugle, & le lairras au Bain Marie par l'espace d'une sepmaine, ou en fumier de cheual par plusieurs iours. Puis apres la matiere estant peu à peu refrigerée, tu y mettras vn alembic nasé, & destilleras en cendres chaudes (comme nous auons dict au dixième chapitre, de la separation de l'huyle d'avec la terre), & a donc en sortira eau claire contenant en soy l'air, & l'eau. Or separeras tu l'eau d'avec l'air en vne coucourbe nouvelle par le Bain Marie à petit feu; & le lairras au Bain Marie par l'espace de sept iours à petit feu, car le phlegme montera, & l'huyle demourra, que tu garderas. Alors tu broyeras de rechief les feces sur le marbre, & destréperas quatre parties du phlegme

me, avec vne partie des feces, & les delaisseras au Bain Marie par sept iours, finalement les destilleras en sable chaud à grand feu, & en sortira premierement le phlegme, puis vne eau rougissant, ou plustost vne huyle, qui est l'elemēt du feu duquel tu separeras le phlegme au Bain Marie comme dessus. Au reste les feces delaissees, qui ne tiennent rien plus que la terre, doyuent estre pressees à fort feu, & redigees en chaux, par dix iours continuelz, au fourneau de reuerberation ou calcination, ou au fourneau mesme de la chaux comme i'ay enseigné au dixieme chapitre, Puis de rechief broyees sur le marbre, soyēt embeues avec le phlegme, & encore destillees, tant que en celle matiere on voye petites pierres blanches comme de sel. Et ce sel soit de rechief dissouz avec eau que tu auras destillee, laquelle encore ensemble le sel dissouz tu destilleras: & cela repeteras par tant de fois, iusque a ce que la terre perde toute sa couleur impure, & terrestre, & soit reduicte à blanc comme cire blanche, & ainsi sera la terre rectifiee. Semblablement les autres elemens doyuent estre rectifiez tellement qu'ilz soyent destillez chescun sept fois, en espendant à chescune fois le phlegme sur l'air, & sur le feu: & puis le separant comme à esté dict. Or quand cela tu voudras faire par moyen plus facile. Soit destillé chescun element avec son eau par parties egales, & autres choses que ie laisse à dire, pource qu'elles sont trop obscures. Il est aussi vne autre voye plus subtile, pour rediger vn chescun element en sa perfection ou quinte essence, mais on presuppose que vn chescun element soit par auant iustificié. En apres soit mis dens vn vaisseau circulatoire en fumier de cheual, ou au Bain Marie par l'espace de trente iours. Et adonc soit de rechief destillé ainsi le corps, comme matiere crasse sera mué en esprit, ou substance tressubtile.

Autres sont qui le mesme font plus facilement, en prenant quatre parties de terre, & vne partie des l'un des quatre elemens: lequel que tu voudras, & les digerant à la maniere

fusdicte, & circulant par trente iours, Ainsi transmuent ilz chescun element en sa quinte essence. Or on iuge la matiere estre assez circulee: quand la Quinte essence nage sur le reste de la matiere.

DES VERTVS DVNE CHESCVNE

*liqueur de la Chelidoine.*

*Chapitre.*

*XXV.*



L'Element de l'eau de Chelidoine vaut à toutes maladies du corps chaudes, & froides. Elle tempere aussi toutes les veines au long du cœur, & en chasse le venin. Elle vaut contre toutes les maladies qui aduiennent au poulmon: purge le sang, & preserve l'homme de toute corruption de la naturelle vertu. En somme elle vaut à tous malades, en quelcōque maladie.

L'element de lair semblable à huyle, cōferme, & augmente la vertu, & beauté des ieunes gens, s'ilz en vsent quelque fois, avec leur viande, car elle garde de toute pourriture de sang. Elle consume, & dechasse tout phlegme false, oste la melancholie, & toute colere aduste.

L'element du feu meslé avec bon vin à la quantité d'un grain de blé & infus en la gorge d'un home malade, voire demy mort restitue, & recree toutes les forces du corps, car il penetre iusque au cœur, & l'eschaufe & chasse tous venins, & toutes humides superfluites du cœur. Lulle avec sa quinte essence du vin y mesle vne goutte de ceste huyle, pour restaurer les mourans, & desesperez de vie dens vn tiers d'heure.

Aucuns sont qui par moyen plus brief extraict la quinte essence de la Chelidoine, Avec saracine & fleur ilz la coupēt menu, & la poisent, & l'ayant trempee en eau de fontaine, la cuyset tāt qu'elle soit reduicte au mesme poix, puis la broyēt en vne pile de pierre, & repurgent le suc d'avec le marc en le passant par vn linge. Le reste ilz le cuisent à l'espaisseur de miel, puis le mettēt en vne coucourbe rēplie iusque à moityē & la destillās au B. Marie en recueillēt l'eau, ou le phlegme.

Puis

Puis transportans le vaisseau en cendre, en tirent l'huyle aërin, sur lequel huyle aërin, quand ilz voyent vne autre maniere d'huyle furnageant (ce que aduient en augmentant le feu) ilz supposent vn autre recepvoir ou l'element du feu est recueilly. De toutes ces liqueurs faut vne chescune estre rectifiée pour estre ydoine aux remedes du corps humain, en refaisant la destillation iusque à sept fois. Celle de l'eau ou phlegme, au Bain Marie: tellement que à chescune fois la coucourbe soit diligemment purgée des feces demourantes, lesquelles doyuent estre meslees avec l'element terrestre, delassé au fond de la coucourbe, apres la destillation de la liqueur du feu. Semblablement tu rectifieras l'air par septenaire destillation faicte dens les cendres chaudes, meslant les feces avec la terre. Finalement la liqueur du feu semblablement. Et la matiere terrestre comme dessus a esté dit. A ces liqueurs ainsi apprestees ilz attribuēt les mesmes vertus que dessus auons escrites à chescune, lesquelles ia ne faut repeter, celles la seulement nous escrirons, esquelles elles different. La liqueur aiqueuse de la Chelidoine poulse hors l'estomach toutes chaleurs, & tous venins, vaut aux obstructions du Poulmon, & du foye. Car elle consume l'humeur, & phlegme superflu. Finalement dedans neuf iours elle deliure l'homme de toute infirmité. La liqueur ærine de la Chelidoine ne seuffre dens le corps resider colere noire, ne amere, ne phlegme humide, augmēte le sang, & le distribue par toutes les parties du corps, par sa subtile penetration. Parquoy ceux qui vsent de cest huyle se font souuent saigner. Elle profite merueilleusement, au danger de perdre l'œil, si par trente iours, vne goutte ou deux chescun iour dens l'œil est instillée. La liqueur du feu est encore de beaucoup plus grande efficace, que l'eau, ne que l'air: & ayde quand l'vn & l'autre en vain a esté essayé, cōserue la ieunesse, rend la vieillesse vegete & vigoureuse, recree le cœur, & prinse avec eau de forment est appellé Elixir de vie. Or la matiere terrestre rectifiée par dissolutions, coagulations, & calcinations, c'est le

subtil sel de terre par lequel tous les metaux peuvent estre conuertis en pierres; & estre fixez tous esprits ayans humidité radicale, elle nourrit aussi les lepreux. D'icelle les Philosophes anciens ont fait vne pierre qu'ilz ont nommee Pierre Philosophique: la maniere de prendre les susdites liqueurs dans le corps humain est telle. Mesle ensemble trois gouttes de feu de Chelidoïne, trois cueilleres d'eau rose, vne petite cueillere d'air de sang (c'est de liqueur aerine) baille le à boire à ieun, si l'effect est chaud avec vin, & si l'homme excède vingt quatre ans, avec eau de vie. Mais en fieures chaudes nullement ne doit estre prins. Cela dit ¶ *Vlsta.* ¶

Les moyens de extraire les quatre elemens de la Chelidoïne, & des feuilles de Laurier, voy le liure de Jean Ganiuet, intitulé *L'amy des Mediciens*, à la quatrième difference, au chapitre septième.

*Comme se extrait la quinte essence des fruitz, comme Pommes, Poires, Prunes, Cerises, Chastaignes. &c. ¶ De Vlsta. ¶*

Chapitre. XXVI.



Es fruitz menus trenched, & broyez en vn mortier de pierre, mesle les avec la dixième partie de sel commun: puis les mettras en vne coucourbe avec alembic aueugle dans le fumier, comme dessus a esté dit de la destillation du sang humain.

*Des Fleurs, Herbes & Racines.*

**R**ecueille les plantes quand elles seront bien meures, par temps serain, au croissant de la Lune ia presque pleine: & apres les auoir bien nettoyyes, coupe les menu, & les broye en vne pile de marbre, avec la dixième partie de sel, puis les fermenteras en vn circulatoir, ou alembic, aueugle en fumier de Cheual, par l'espace d'un mois. Puis les destilleras en vn Alembic, nase au Bain Marie, en augmentant le feu

le feu iusque au troisiéme degré. En apres ayant tiré les feces de la coucourbe, & icelles bien menu broyees, jette par dessus l'eau destillée, & les ayant de rechief putrefiees au fumier comme dessus, finalement les destilleras en diminuant le feu, par vn demy degré.

En apres de rechief broyeras les feces, &c. comme deuant, & en les destillant encor diminueras le feu par demy degré.

Aussi faut que la putrefaction décroisse tousiours par demy degré, tellement que à la seconde digestion soit putrefiee par vingt & vn iour, en la tierce, par quatorze iours, en la quarte, par huict iours.



Et apres la quatrième destillation paracheuee, soit mise en vn circulatoire dessous & dessus clos, & large, & au milieu estroit avec vn court nez caue, tendant du dessus du bas ventre contremont. Puis la dedans soit digeree en fumier, ou Bain Marie, avec feu du premier degré, ou au Soleil, ou en marc de grappes de raisin, par l'espace d'un mois.

Et la liqueur en sera d'autant meilleure, comme plus souuent sera destillée. Ainsi auras la Quinte essence. Laquelle toutesfois sera beaucoup plus efficace, si tu destilles l'eau des herbes, semences, & racines, & icelle de rechief reuersez sur les feces, & les digerez par sept iours, & les destillez par cendres, totalement en la mesme maniere que cy dessus a esté dit de la Chelidoine, en sorte que chescun des elemens soyent receus à part l'un de l'autre, & bien recueillez.

*De la Quinte essence du Sang humain, œufz,  
Chairs, & Miel,*

**C**omme la Quinte essence est extraicte du Sang humain, des œufz, & des chairs. ¶ *Ly Vltard* au chapit. xiiij. On y adiouste la dixième partie de sel, avec lequel sont bien meslez, putrefiez, & destillez, & ce par quatre fois

fois alternes, puys finalement sont parfaits en longue circulation, iusque à ce qu'il paruiennent à souveraine suauité d'odeur, & subtilité de substance. Lulle aussi en fait mention au premier liure quatrième chapitre, de la Quinte essence. Mais la les liures imprimez ont obmis qu'il y failloit adiouster du sel. Car il semble bien cōuenable, sel estre adiousté à la destillation des choses humides: mesmement de celles qui facilement pourrissent, telles que sont les parties des animaux.

*Eau tresprecieuse d'Albert le grand, comme ie l'ay trouuee en vn Liure escrit, à la main,*

**D** Estille le sang d'un homme sain en verre, comme eau rose. Par celle eau affrotee toute infirmité du corps est guerie, & par la boire toute maladie interieure. Vne petite prinse de celle eau, restitue les defaillis de toute force, guerit efficacieusement la paralysie, & preserue de toute maladie auenir. En somme elle cure toutes sortes de maladies. Quant à moy ie ne puis cela louer que lon face remede aux humains, du sang humain. Car quant bien encore raison, & experiēce le suaderoyent: neautmoins peut sembler que nostre religion le defende, veu que nous auons si grand nombre d'autres remedes. Encore ne me plaist la maniere mesme de preparer en ceste eau, laquelle Albert (au moins si c'est luy) ordonne seulement vne fois, & simple-

ment estre destillee. Plus de raison à la composition qui sensuit, trouuee

par moy dens ce mes-

me Liure escrit à

la main,

*Huile Sainct, ou Huile vif, Qui conserue la vie de l'homme, par Hugues Gordon, duquel il cura plusieurs tresorieuues maladies.*

Chap. XXVII.

De sang





**L**E sang pur, & rouge, d'un homme biē sain, ou de plusieurs en l'age de xxv. à xxx. ans, trois liures Esparme de Balene, & moelle de bœuf, de l'un & l'autre, vneliure. Soyēt destillez en vn alembic bien luté, & la premiere eau en sortira blanche, l'autre palle, la tierce faulue, la quarte rouge, & vn peu espee. L'huyle ainsi destillé croist, & décroist avec la lune: pource est il nommé huyle saint. Duquel si on infuse trois gouttes avec vn peu de vin, en la bouche du malade qui aura perdu toutes forces, & toute puissance de parler: incontinent il recouvrera la parole, & reprendra force. Si quelquun boit tous les iours vne goutte de ceste huyle, avec vne cueilleree de vin, il deuiendra fort & robuste de courage & de corps par tous ses membres, & alōgera sa vieillesse, tant qu'il sera possible, & ne sera blessé de nul venim. Ce mesme huyle guerit les fistules, les vieilles rompures, vieux vlceres: si par lauement de vin sont premierement desechez, & les playes nouvelles guerit en trois iours par frottement. Cure aussi les ficz du fondement, tant interieurs que exterieurs, & donne remede à diuers effectz, comme Lepre, morphe, ou raphe, Paralytie, & autres, si on en boit vne goutte à ieun, avec vne cueilleree de vin blanc.

Aucuns sont qui font grande gloire du sang humain sublimé, comme faisoit à Padoue vn Bartolomy de Montagna, mais certainement il ne le sauoit pas preparer. Duquel sang si tu veux vser: tu feras ainsi. Tu prendras le sang de ieunes hommes sanguins vsans de bon viure, & apres l'auoir freschement tiré, le lairras reposer, puis ietteras l'eau surnageante.

En apres avec vn peu de sel menu le mouueras bien fort: puis le reconseras en vn vaisseau bien clos & luté dedans du fumier, par quarante iours, & finalement le destilleras par quelques fois, en refondāt tousiours l'eau sur les feces, D'on en dernier tu auras vne eau merueilleuse, laquelle meslee avec quelque Iuleb profitera grandement aux hectiques. Et encore celle eau sera faite meilleure, si apres la destillation

soit

soit de rechef, par quarante iours maceree en fumier cheualin. ¶ Guaynier. ¶

La maniere de extraire les quatre elemens du Sang humain: simplement destillé, ly Brunsuic, au Liure Germanic: voy Jean Ganiuet en l'amy des Medicins, des destillations du sang humain. Lequel mesme Brunsuic dit, que si ceste eau est meslee avec eau d'excrement humain elle fait merueilles operations. Mais de telz remedes mon esprit est du tout abhorrent.

Iean Bracefc, par le sang humain veut estre entendu allegoriquement quelque autre metallic, que les anciens ainsi ont donné à entendre, comme i'ay recité cy dessus ou i'ay parlé de la Quinte essence en general. Vistad au dixième chapitre du Ciel des Philosophes, enseignant comme se fait la Quinte essence du vin, en separant à part vn chescun element. Cela (dit il) qui en la septième destillation est destillé, s'appelle sang humain que les Alchymistes cherchent grandement, & est l'air. Or il semble bien que la liqueur de l'air (qui en plusieurs destillations est oleagineux) soit surnommé par le nom de sang humain. Pource que nostre corps est temperé des quatre humeurs, comme des quatre elemens, desquelz le sang est à l'air comparé chaut, & humide, & grasses. Mais en Iean Bracefc, Sang humain est vn metallic, ou mineral, ainsi surnommé de sa couleur.

De l'extraction de la Quinte essence du miel, laquelle entre en l'or portable. Ly Vistad au chapitre douzième, & xxij. ou il prescrit diuerses manieres à recueillir triple eau de miel, & y adiouste les facultez, desquelles il n'auoit point parlé au xij. chapitre ains auoit seulement enseigné à tirer deux eaux diuerses.

*De la Quinte essence des metaux.*

*Chapitre. lxxviii.*

**I**Eau Bracefc, au Dialogue de Raymond, & Demogorion: ayant affirmé que la Quinte essence valable à conseruer & prolonger la vie humaine, ne peut estre extraicte que

que des seulz metaux, ou mineraux, met puis apres ainsi. Comme ainsi soit selon l'opinion des anciens Philosophes que tous & vn chescun des metaux selon similitude, vertu, nom, couleur, & propriété, soyent compris en tout metal, comme appertement a esté démontré au liure de l'exposition de Geber. Donque ceste nostre medicine, combien qu'elle soit extraicte de quelque vn & seul metal, toutesfois aura elle la vertu de tous les metaux, & planettes, & la vertu sur tout le corps humain à guerir plusieurs infirmitéz autrement incurables. Cela mesme a voulu donner à entendre Iean de Rochescise, parlant de nostre humidité radicale, & de la Quinte essence, souz le nom de l'eau de vie. Car il dit que la bonne eau ardente contient en elle la vertu de tous les metaux, & n'est pas eau de vigne, mais de vie: pource qu'elle donne la vie aux hommes. Qui de ceste matiere voudra plus amplement, & clairement cognoistre: lise le Dialogue dudit Iean Bracesc, par lequel il interprete Geber.

*De la Quinte essence d'Antimoine du plomb,  
& Ceruse, de Vlsfad.*

*Chapitre. XXIX.*



**L**A Quinte essence d'Antimoine se fait ainsi. Destille dans des corps ou ventres, poudre de Antimoine tressubtile avec tresfort vinaigre, & le laisse ainsi tant que le vinaigre soit tourné en rubiconde couleur, puis tu escouleras le vinaigre, & en vaisseau net tu getteras autre vinaigre destillé sur l'Antimoine, & le mettras sur petit feu, tant que le vinaigre prenne couleur.

Cela tu repeteras par tant de fois, iusques à ce que le vinaigre cesse de se colouer. Et tout ce que sera coloué tu le destilleras par vn Alembic dans les cendres. Premièrement degouttera le vinaigre: puis tu verras sortir matiere de

de mille couleurs, & est celle Quinte essence qu'on nomme le Plomb des Philosophes, & par aucuns Lait virginal (ia soit qu'elle differe aucunement du Lait virginal d'ont sera cy apres parlé, dit Vltad) & presque ressemble en couleur l'huyle benedict. Icelle liqueur tu mettras en vn pellicā pour la circular le temps de quarāte iours. Elle desèche les playes, & à toutes vulnerations sert de bafme: car facilement & bien tost elle cure toutes playes, & profite merueilleusement contre toutes aposteumes.

Du plomb, & de la ceruse est extraicte Quinte essence cōme de l'Antimoine: en effondāt par dessus vinaigre destillé iusque à la hauteur de quatre doigtz, puis soit digeree en fumier comme a esté dit de la quinte essence des herbes, & des fleurs. Apres cela soit destillée, & premierement verras monter le vinaigre, puis apres vne certe liqueur semblable à huyle. Laquelle aüsi est appelée Huyle de plomb, ou quinte essence de plomb, ayant en soy quelque douceur, cōme l'huyle d'antimoine. Elle vaut contre toutes bruslures de feu, & d'eau chaude, contre gratelle, & bubes de feu choleric. Et est à noter, qu'il faut premierement & souuent lauër la ceruse avec eau rose, en la coulant par vn linge delié iusque à tant que rien n'y demeure, de la poudre de ceruse. Puis estant deschée soit gardée pour vsage. Ainsi l'ordonne estre faite **Bulcasis,** & Jean de S. Amand, sur l'antidotaire de Jean Mesué.

Qui voudra sauoir de l'extraction des Quintes essences de diuers metaux & mineraux, comme or, argent, plomb, Souphre, Orpigment rouge, Sandaracque, Antimoine, & Marcasite de plomb, Lise Lulle au Liure de la Quinte essence.

L'esprit, ou la Quinte essence du Vitriol, est par aucuns fort recommandee contre le mal comitial & l'apoplexie, & son esprit contre les vices du foye, l'esprit du Beryl contre la pierre, ou grauelle des veines & de la vésie. Mais de ceux cy, & d'autres nous en parlerons cy apres entre les Huyles metalliques, & autre part.

Les liqueurs estās destillees comme il appartient au Bain Marie, tu les mesleras avec tresbon vin vieil, ou plus tost avec quatre liures d'eau de vie six fois destillee en vne puissante & forte coucourbe de verre tenant quatre mesures, tresbien estoupee, & lutee, & les lairras par quatre iours dens le Bain Marie. En apres, Tu reduiras en chaux les pierrieres, Hiacinthes, Coraux, Marguerites, & la mere des Perles les bruslant au feu, & les broyeras tresdiligēment sur le marbre, tant que nulle asperité ne se sente plus à l'attouche mēt. Celle poudre tu mettras en quelque vaisseau, & l'ayāt destrēpé en eau Rose le defondras. Et ce que demourera vn peu aspre, ne se meslant avec l'eau. Tu le broyeras encore vne fois, & de rechief le destremperas. On pourroit bien ausi refoudre en eau les Coraux menu broyez, en les mettant tremper par quatorze iours au suc des Berberis. Lequel moyen semble estre le meilleur. Apres cela tu pilleras moyennent les racines, & ausi les semences de Pæoesne, & de Geneure, & les herbes tu couperas biē menu cela faict tu mettras en vne grande, & forte coucourbe de verre de la capacite de six mesures, les herbes, racines, & pierreries destrempees en eau Rose: & par dessus icelles espondras eau de vie, qui avec les liqueurs destillables aura esté digeree au Bain Marie, adonc ayāt bien estoupee la coucourbe avec bon Lut de sapience: la poseras en vne fosse faicte en lieu bas & humide, comme en vne caue à la profondeur de deux coudees, longueur, & l'argeur enuiron de quatre. Laquelle tu rempliras de fiente de cheual & de chaux, mises par couches alternes, tellement qu'ilz passent deux piedz par dessus la fosse. Au mylieu de ce fumier tu lairras la coucourbe par l'espace d'un mois. Puis apres peu à peu ostant le fumier, & la descourant, tu l'osteras, & la matiere destillable qui est dedans tu distribueras en six autres coucourbes, & les destilleras au Bain Marie à tant petit feu, & si lent que d'une goutte tombante à l'autre tu puisses compter iusque à dix. Car sur tout icy se faut donner garde que le Bain ne soit

plus chaud qu'il ne faut. La destillation paracheuee, tu mouueras & agiteras moyennement avec vne verge, ou petit baston les feces demourees en chescune coucourbe: & mettras encores par dessus l'eau qui aura esté tirée d'une chescune, & de rechief les destilleras à petit feu comme deuant. Ceste destillation acomplie espands toutes les feces, & les liqueurs recueillies en six coucourbes les distribue en deux: desquelles chescune tienne trois mesures, & doucement les destille au Bain Marie. Ainsi auras vn tresor, & vn remede incomparable contre la peste.

L'usage en est tant à preseruer, que a guerir commandât fuer apres la prinse. Or incontinent que aucun se sentira frappé de peste (moyennât que ce ne soit apres vingt quatre heures, car apres ce temps est nulle, ou bien petit esperance de remedes) ayant beu demie once de ceste liqueur couché dans le liêt mediocrement couuert, qu'il attende la sueur, en vne chambre ou l'air n'entre point. Laquelle sueur commence à venir enuiron vne heure & demie apres. Et icelles faut endurer trois heures pour le moins: & sera le meilleur s'il sue plus voire de quatre heures, sans aucunement boire ne se descourir, sinon essuyer sa face de linge blâc. Puis apres ayant osté les couuertures peu à peu, & l'une apres l'autre, & le corps bien essuyt, quand le malade sera leué, il prendra vn peu d'orge cuyct, ou de farine rostie, & vn bon brouet en y meslant vn peu de vinaigre rosat ou simple, lequel aussi durant huyt iours luy sera tousiours meslé en ses viandes. Pour son boire il vsera de decoction d'orge, avec raisins passis, & reglice, ledict breuuage bien refreschy autât comme il vouldra, & par quatre iours se abstiendra de vin, puis apres en vsera aux repas, le bien trempant en eau.

Ayant donc prins sa viande apres la sueur, on luy apprestera vn liêt frais: ou luy sera permis demourer en la chambre & se pourmener sil peut à son arbitre, par trois ou quatre iours: mais sans prendre air exterieur. Et si apres la sueur il sent encore vne interne chaleur, qu'il boye liqueur  
destillee

destillee des choses refrigerantes, comme pauot erratic, mores, endyue, fleurs de suz, & Ozeille ou vinete. Et si d'auenture en suant ( comme il aduient communement ) la bourse, ou le charbon luy vient à sortir: faut vser de tel remede.

Coupe vn oignon, & le creuse en dedās: & dens le creux metz y bonne theriaque, tormentille, & Dictamne bien pifez par egalles parties, & à la partie entamee applique le dessus, l'ayant par auant cuyct souz cendres chaudes enueuillé en estouppes moillees en eau Rose ou vinaigre: Ou bien broye le tout ensemble en vn mortier & puis le passe par vn linge clair avec vinaigre Rosat, & de cela moilleras vn drappeau que tu mettras sur le mal, & quand il sera sec le renouuelleras. Et si aucun boit de ceste liqueur vne fois le mois, & puis sue apres, il sera preserue de peste. A cela profitera aussi, si tous les matins il retient quelque espace de temps vne goutte ou deux de celle liqueur en sa bouche. Autre eau de vie recommandee tant contre la peste que autres maladies descrit Vltad au chapit. xlii.

*Eau de vie, ou Quinte essence de trespresent effect contre venins, mesmement de coup ou morsure de beste, descrite par*

*Math. Senois, au sixieme liure des Commandemens sur Dioscoride.*

*Chapitre. XXXIII.*



prenez vne liure de nostre antidote desia descrite, parquoy pour briueté nous en laissons la description, au lieu de quoy on pourra vser de tresbonne theriaque ou methridact, ou autre efficace antidote, vne liure Syrop d'escorce de Citrons, soyent meslees, avec cinq liures d'eau de vie, tant de fois destillee, qu'elle soit paruenue à sa Quinte essence, le tout soit mis en vne courcourbe de verre de double capacité, c'est à sauoir de xiiii. liures bien lutee. Laquelle faudra doucement mouuoir, tant que tout l'antidote soit meslé & resolu avec la liqueur; puis ainsi le faut laisser par l'espace d'un mois,

le remuant & agitant comme dessus, deux fois la sepmaine. Apres le mois passé monte vne eau claire par dessus l'antidote subsident au fond. Laquelle peu à peu, & doucement faut espandre en vn autre vaisseau de verre, & la garder bien estoupee. Celle liqueur est tant efficace (comme certain ie le say par innumerables experiences) que si on en boit vne demie once en vin, ou en quelque eau destillee à cela conuenable, ou bien par elle seule: elle restitue en santé l'homme infect par venin, de ferissure, ou morsure de beste veneneuse: encore qu'il eust ia perdu la parolle, & le sentiment, le fera reuenir à la grand merueille de tous. Et par cel le liqueur les humeurs ia infectionnees sont rendues en vomissement. La mesme vertu elle a contre les venins, ou poisons que quelqu'un auroit prins au boire, ou au manger.

Car la vertu de celle liqueur est tant subtile, & tant efficace, que en vn moment de temps elle penetre par toutes les veines du corps. Semblablement aussi elle remedie à plusieurs autres affects: comme vn chescun sauant Medicin pourra par soy estimer. Mais sur tout elle resiste à la pestilence, tant en preseruant, que en curant, ceux qui en sont frappez. Cela dict ¶ Matheol. ¶

*Eau de vie, pour la colique passion.*

**E**N vn pot d'eau de vie rectifiee, tu mettras, demie once de Cinnamome, deux ou trois noix Muscades, de Girophles deux scrupules. Le tout meslé & broyé par l'espace d'un iour. De l'eau qui en sera destillee en vn Alembic de verre, bailles en vne pleine cueilliere au malade. ¶ André Fournier. ¶

*Eau de vie de George de la pierre.*

**P**Renez Cinnamome, Cubebes, Gingebre, noix Muscade, Girophles, Galenge, de chescun vne once, Sauge nouvelle, quatre onces, vin sublimé par six fois, non de lie, mais de bon vin, au poix de tout le reste, c'est à sauoir dix onces. De ceste eau destillee en Alembic, en faut tous les iours autant prédre cōme en tiendroit la coquille d'une auellane.

On



On dit que de celle eau vsoit. M. Gallois physiciẽ de Charles le grand Empereur, & qu'il vesquit cent vingt & quatre ans.

*Eau de vertus tresexcellente, a preserer à Or. & Argent,*

*prise d'un Liure escrit. à la main.*

*Chapitre. XXXIIII.*



Renez Girophles, Cinamõme, Macis, Galange, Zedoar, Bayes de Laurier, graines de Paradis, de chescun demye once, Polieu, Sauge, Hysope, Rue, Betoine, Cerfueil, Camphre, Serpentine, de chescun demie once, grains de Geneure, semence de Fenoil, semence de Persil, semence d'Aquilege, ou de Sermontain. Fleurs de coste, demie once, Ache, ou Persil, Herbe de Paralyse, Castoreon, de chescun deux dragmes, Leuistic, Spique de Nard, Cubebes añ. vne once, Pimpenelle deux onces. Diatr. (ce mot n'y est entier) deux drachmes. Toutes ces choses destrempees en vin, destilleras par quatorze iours, puis escoulleras le vin, & broyeras les especes: Lesquelles de rechief meslees avec vin, laisse les par huiet iours, & puis les destille, & finalement sur la fin iettes y quelques fueilles de Sauge fresche. A celle eau sont attribuees les mesmes vertus, que celles qui sont par nous escrites, des eaux des vertus, qui à vne d'icelles sont attribuees iusque enuiron le nombre de vingt. Conseruation de fanté, restauration de ieunesse, & autres qui aussi sont attribuees à l'eau de vie rectifiee.

Vne certe eau de vie, est fort louee en vn Liure non imprimé contre la lepre, & la pestilence, en la composition de laquelle entre Fume terre, Ortie grande, fueilles de Bedeguar macerees en vin, dens le Bain Marie par l'espace d'un mois, puis sont destillees en y mettant vne drachme d'Or en poudre, Puis y est adioustee vin destillé qui soit cuit avec poiure, en sorte que de l'vne & l'autre liqueur, la portion soit egalle, Lesquelles coniointes ensemble, & par huiet iours ensemble macerez au Bain Marie, sont encore vne fois destillez. De ceste eau, on ordonne en boire tous les iours vne cueille-

ree, & en estre frottez les parties lepreuses. Car par icelle on dit le sang estre purgé, & le congelé estre dissoux, & toute la température du corps estre par celle eau chāgée en mieux, Voire (si croire se peut) toutes maladies en estre gueries.

*Eau de vie d'un Quidam Empirique, par vn propre, & excellent apparit, composee pour maladies diuerses.*

Chapitre. XXXV.



**P**renez Pied de corbeau, ou Bacin dit rauoncule, Iue musquee, Sauge, Turions de Hieble, Beitoine, Hyperic, ou millepertuis, Chamedrios, Chesnete, ou Germandree: Sampfuch, ou Marjolaine, Champepytis, ou Aïuge, Origan, Poulieu, hyssope, Rue, Girophlee, Gentiane, Aristologie ronde, de chescune poignée, & demie, Polypode, Schoenoanth, Spicque, Casse, ou plustost Canelle, Fueillet d'Inde, nomme Malobathrum, de chescun vne dragme, Bayes de Larrier, vne dragme & demie, Chamomille deux drachmes, Noyaux de Perle, Balsamite, Pimpenelle, Chelidoine, Agrimoine, de chescune deux onces, Romarin vne once, Dictamne, Formetille, Scabieuse blanche, de chescune quatre onces, Semence de Bardane, ou Glatteron, once & demie, Anis, Fenouil, Serpouillet, Alkekengi, grains de Geneure, Persil, de chescun demie once, Sauiue, Nalitor, ou Cresson, de chescun vn manipule & demy, Caruis, Commin, Sermotain, de chescun vne drachme & demie, Cendres de Chauuesoris, Tamarisc, racine de glayul, avec les fleurs, de chescun demie once. De toutes ces choses soit faite vne poudre qui soit diuisee en six pars, Desquelles s'vne tu mettras en eau de vie trois fois destillee, & la lairras fermenter par vn iour naturel, puis la destilleras. Puis la seconde partie fermeteras en celle eau destillee, & apres la destilleras semblablement. Et ainsi cōsequēment toutes les autres parties ainsi fermeteras, destilleras & garderas la derniere liqueur. Cela fait, Pren Noix Muscade, Macis, Cardamome ou Megelete, fueillet, Cinnamome, Zedoar, de chescun trois onces, Agalloch, ou bois de Aloes, Sandal blanc, & rou-

ge: de

ge: de chescun deux onces. Offeletz du cœur de Cerf, vne once. Theriaque vieille, vne once Gingembre, Amome, Cubebes, graines de Paradis, Galange, Poyure de chescun quatre onces. De Musc, eleu vne once, ou plus, & pour le moins demie once. Toutes ces choses soyent mises en l'eau fufdite par l'espace de trois iours, Puis de rechief, soyent destillees trois fois au Bain Marie à petit feu, en tousiours reuerfant l'eau abstraicte sur les feces, Finalement adioustte a celle liqueur vne quarte partie d'huyle d'Oliue, & autant de trefbon Miel escumé: & quant par le temps d'vn iour seront reposez, destille les comme dessus. Ceste liqueur est merueilleusement vtile à douleur de teste, à Epileisie (mal caduc) Manie, Fureur, Vertigine, ou Lourdoyement de teste, obscurité de veue, defaillance d'ouye, obstruction d'estomac, mal de cœur, Item contre les venins, la Ciragre, la podagre, goutte, & artheticque. Purge le sang, oste toutes fieures de cause froide, robore l'estomac, guerit la colique, et boyau aualle, & obstruction de ratelle & de foye, eau intercute & toutes passions procedantes de cause froide, Finalement c'est vn trefsouuerain remede pour la conseruation du corps. On en bail le autant à boire, comme en pourroit en demie Auellane, avec vn verre de pur vin blanc.

*Autre.*

**P**renez Miel escumé, vne liure, Eau de vie demie liure, Bois d'Aloes trois onces, Gomme Arabic, deux onces Noix Muscate, Galange, Cubebes, Cinnamome Mastic, Girofles, Spic, de nard, Musc, de chescun trois dragmes, Ambre deux drachmes. Toutes ces drogues ensemble pisees mesle avec liqueurs, & puis les destille.

Celle eau amende l'alaine puante, blanchit les dens, guerit sourdesse, & la teigne de la teste, & toutes playes, si par dessus on met vn linge moillé en icelle eau, finalement conserue la jeunesse, & fait recouurer l'apparece d'icelle perdue.

*Eau de grande vertu contre Paralytie, Laquelle vn amy m'a communiqué, comme cognue & esprouuee par experience.*



Renez Giroffes, Galäge, Zedoar, Noix Muscade, Poyure long, & rond, Bayes de Laurier, & Geneure, escorce de Citrons, & d'Oranges, Gingembre blanc, feuilles de Sauge, Ozyme, Romarin, fleur de fuz, Mente, Poulieu, Gentiane, Roses rouges, & blanches, Aspic, bois de Aloes, Cardamome, Cubebes, Calame aromatic, Stichade, ou Lauen de Arabique, Chamedris, ou Chesnete, ou Germandree, Chamepitis, ou Iuë Musquee, Macis, Mercuriale, demie once, Armoise, Fignes, Passules, ou Raisins de cabas, Dates sans noyau, Amendes douces, & ameres, Pignons de pin, de chescun vne dragme, Pvn & l'autre consolidé, Verge de pasteur, ou Chardon de Foulon, Bën blâc & rouge, de chescun deux drachmes, Scolopendre & Laureole, drachme & demie, Miel blanc, cinq drachmes, Sucre fin, trois liures. Theriaque, & Methridac, de chescun quatre onces. Eau de vie quatre fois destillee, six liures, Le tout soit destille en vaisseau double, a petit & continuel feu, iusque à ce que la couleur se mue, & adonc change le receptoir, & cela feras par trois fois.

*Deux compositions d'eau de vie prinſes en Raymond*

*Lulle, au Liure des Eaux.*

Chapitre. XXXVII.



Les suivantes eaux de vie composees iasoit que Raymond Lulle ne declare appertement si c'est vin ou eau ardent, qu'il faut adiouſter pour ensemble les destiller: Il m'a semblé bon toutes fois en ce lieu recenser que Raymond Lulle veüt du tout ces medicamens estre destillez en eau ardent plus tost que en vin, comme celuy qui apprenue par tout les liqueurs les plus parfaites, & plus souuent destillees.

Prenez Racines de Fenil, Brusc, Cheueux de venus, Asperge, Raifort, Persil, Erynge conteste, ou Panicaut, Lithosperme, ou Mil de Soleil, Endiuë, Scariole, De chescune

*Eau à reschauffer le Cerueau par frottement de teste.*

**P**renez eau de vie deux onces, Moschocar, & Girophles, Mariolaine, Cubebes, Poiure long, de chescun drachme, & demie, ayant le tout brisé, broyé, & meslé, frottes en la teste. Aucuns y adioustent scrupule & demy d'Euphorbe. ¶ Epiphan Empiry. ¶ Autres y adioustent choses odorâtes, & chaudes, cōme Sauge six onces, Rue, Gingembre, graines de Paradis, Cinnamōme, fleurs de Romarin, Escorce de Citron añ. demie once, Huyle laurin vne once Spic, vne drachme, Castoreon demie drachme. Et en la liqueur destillee vn grain de Musc, & autant d'Ambre. Disans que cela froté sur la teste profite, Voire que mesme par son odeur destourne Paralytie, & Apoplexie.

*Eau merueilleuse, es aposteumes des parties honteuses.*

**B**roye trois moyeux d'œuf durs en vn mortier, & dessus espans demie chopine d'eau de vie, avec vn scrupule d'alun, deux drachmes de Camphre, & demie drachme de verd aris, ou verd de Gris, chescun à part bien broyé. Lesquelz par quelque temps macerez passeras par vn linge. Soyēt mis drappeaux embeuzen celle liqueur, trois ou quatre fois le iour, & l'effect en sera admirable.

*Eau à lauer les parties Paralytiques.*

**M**irre, Aloës, Ladā, Terebinthine, Castoreon de chescun deux dragmes. Sedoar, Galāge, Cubebes, Noix Muscate. Poiure long, Pyretre, de chescun trois Dragmes, Herbe de Paralytie, Iue, Sticade, ou Lauende Arabique, Sauge, Mariolaine, Mēte, Polieu, petit Centaureon & Romarin, de chescun demie once. Toutes ces choses bien broyees tu infuseras en d'eau de vie destillee douze liures par l'espace de trois iours. Ainsi l'ay ie trouué en vn liure escrit à la main: ou par auenture y a trop grāde mesure d'eau de vie. Car a vne chescune liure d'icelle on adiouste seulement six drachmes des autres especes, & par auēture avec vn scrupule. En la verolle aduient quelque fois, que la gorge, le palat, & le gousier sont rongez par mauuaises d'esti-

lations, à quoy si on ne donne secours souuent, le gargarin se m̄age, voire que la corruption passe iusque aux os. Par ainsi y faut faire purgatiōs, & diuersions. Pour cela se faict aussi eau admirable. On destille Theriaque en eau, & en vinaigre par vn Alembic, don il sort eau tresclaire, & de maintes vertus, & principalement valent à ce quand il faut conduire la vertu du medicament bien profondement. Si donc tu dissouz en celle eau Bole Armenic, ou terre sigillee, & en touches les parties rongees, tu cōsumeras les racines, semēces, & origines de celle contagion, & cureras toute erosion. ¶ Fragstor au troisieme liure de Contagion. ¶

*Des eaux destillees, composees, autres que eau de vie.*

Chapitre, X L.



Aux composees ie nōme, celles qui de deux ou de plusieurs medicamens meslez sont destillees. Desquelles les vnes, sont medicinales, les autres odorantes, autres ornatives, pour l'entretien de beauté, Aucunes sont, qui seruēt à deux, ou à toutes ces choses. Toutesfois nous reduirons vne chescune à son genre, or elle est la plus excellente. Des medicinales, les vnes se prennent dens le corps, les autres dehors. Autres tant dedans que dehors. Maintenant nous en dresserons seulement deux chapitres. Car iasoit que aucunes soyēt applicquables aux deux vsages, toutesfois, ou plus dedans, ou plus dehors. De celles qui dedās le corps se prennent les vnes sont plus simples, (que nous descrirons en premier lieu) les autres cōposees de plus d'especes.

Des eaux de vie composees, ou les especes sont destrempees en simple eau de vie, nous en auons à part escrit. Icy nous mettrons les autres, & les eaux de chappons qu'ilz appellent, & vne avec quelques medicamens infus en sang de porc. Il est croyable que on a ordonné de macerer, destremper, & puis apres destiller les herbes, & medicamēs qui de soy ont peu de suc, cōme Sauge, Betoine, ou plustost Betonique, Melisse, Absynthe, & telles, qui outre leur odeur  
que

que le vin attire, & emboit, pource que par tenuité n'est point dissipé, ainsi plus fermement la retient.

Nous parlerons aussi en cest endroit d'aucunes drogues macerables, ou destrempables en vin, mais fresches. Car des seches à macerer en vin, ou autre liqueur ainsi destillees, nous en auons traicté.

Betonique vulgairement dicté en Allemant || Eerëbress|| en francoys Oeillet, ou Giroffier, par aucuns iours est en vin destrépé, et semblablement la melisse, leurs vertus sont mesmes que es simples: mais plus efficaces, & plus subtiles: que es herbes mesmes par soy.

Melisse qui est Citraire ou iaunisse (dict Lulle) soit mise en vin pour destiller, de ce vin soit prinse vne cueilleree à ieun.

Elle aguise l'esprit, & augmente la memoire. Qui aura la langue empeschee, prenne vn linge moille en celle eau, & le mette sur sa langue, & il parlera bien sinon qu'il soit naturellement begue. l'Epileptique en boyue à ieun avec vn peu de theriaque, & il sera guery parfaictement. Elle guerit aussi la puâteur d'aleine, & oste la douleur des dets. Chairis ou poisons mis en ce vin de Melisse ne se corrompent point: ains se peuuent garder autant que l'on voudra. Infus en vin corrompu le restitue, Rompt la pierre, & grauelle, & prouoque l'vrine, & les menstrues, ou fleurs aux femmes, vaut contre iliaques passions, & douleurs de reins. On la boit contre les escrouelles, & en faire vn emplastre de l'herbe, Beué à ieun rompt toutes internes apostemes. Guerit toutes poinctures qui ferissent le cœur ou les costez. Est contraire à toute vermination qui s'engendre dens le corps, finalement tollit toutes corruptiōs des corps tāt mors que vifz, & rend sain tout ce qu'il touche: le conseruāt en bōne santé, & vertu, Esiouyt l'esprit, vaut à tous les membres, & guerit toutes genres de goute froide. Sur tout conforte les nerfz. Est tresvtile cōtre roigne engendree de froid. Aguise la veué de celuy qui en boit. Tollit des yeux obscurité, larmes, & humeurs supflues.

Est sain à la poictrine, vtile à la coctiō ou digestiō, contre

males humeurs qui l'empeschent. Beu avec bon vin aguise l'appetit. Efface les taches, l'etille, & macules de la face qui en est lauee, & si on adiouste au lauement vn peu de baulme, se faict bonne couleur. Cure les genciues, son odeur chasse les mousches & toute vermine, sane l'hydropisie de cause froide: & la superflue colere par boire, & lauemēt. Toute sorte de playe vtilement en est lauee, & en est gardee de putrefaction. Guerit toutes fieures, mesmement les quartes. Par la potion de ce vin le mal. S. Lazare est gardé de venir plus en auant. Il profite aussi à ceux qui ont le cerueau diminué, & aux phrenetiques. Item si aucun par cas d'auēture a auallé vne araigne, & incontinent boit de ce vin, le venin ne luy nuyra point. ¶ Lulle. ¶

Melisse broyee avec vin, se destrempe par le temps d'une nuyct. Et dict on que telle eau destillee, beuē tous les iours, ou retenue en bouche guerit les Apoplectiques, les malades du haut mal, hydropisie, & fieure quarte, & autres mauvais affectz procedans de noire melancholie, ou de Phlegme. On l'administre aussi pour estrangement de la matrice, & douleur de dens. ¶ Remacle. F. ¶

*Eau du petit Centaureon (vulgairement appellé fiel de terre) comparable à l'or, en pris de bonté.*

**P**renez Gentiane, vne part, Cētaureon deux pars, icelles ensemble broyees, & par cinq iours destrempees en vin foyent destillees. Ceste eau prinse soir & matin preserue le corps de toute sorte de maladie, faict sortir toutes apostemes, faict bonne couleur, resiste à pestilence, guerit les Phtisiques, vuyde l'estomac trop réply, rompt la pierre des reins: separe les aqueuses humeurs de la ratelle, auāce les mois, ou fleurs des femmes, si par neuf iours continuelz tous les matins la femme en boit, elle purge sa matrice. Elle purge toute colere, & sang corrompu. Sane toutes playes dens le corps, clarifie la veuē, guerit morsures veneneuses. Et pour curer playes vaut aussi la poudre du Centaureon misse dessus.

Lulle au liure des eaux. Aucuns aujourd'huy destrēpent  
& macer



& macerent en vin, seches racines de Gentiane: & d'icelles destillent eau tresefficace.

Pren parties egales de Saugé, & de Polieu, broyees en vn mortier, & les destille. Celle eau eschaufe l'homme par trop refroidy, cuicte avec Castoreum, autant de fois que aucun en beura, autâr de iours prolongera sa vie, iusque au terme presny de Dieu, Et ne sauroit home tant estre refroidy, que en beuyât d'icelle avec Castoreũ, dens neuf iours ne soit restitué en chaleur naturelle; prise à ieun oste le mal du vètre, & toute goutte, & roigne, & fait bon sang, bonne couleur eu face, & proficte à plusieurs autres choses, beuë trois fois le iour. [Gilles.]

Eau de grains de Geneure frais & macerez en vin se destille. l'en ay macéré de tous secz en vin, & en ay extraict liqueur destillee tresbonne, & odorante. Racines de Glayul ( que vulgairement on appelle du fouchet ) destrempees en vin par deux ou trois iours se destillent en tresbonne liqueur, & odorâtes. Les racines de toutes herbes qui sont ou peuuët estre en vsage medical, detrenchees menu, & par quelque iours destrêpees en vin, rendent eau de mesme faculté, mais plus subtile. Et aux fresches racines faut infuser moins de vin, que aux seches: & moins à celles qui sont pour refrigerer ou bien peu eschauffer, parquoy nous les deuõs destiller plustost fresches, que seches, affin qu'il y faille moins de vin: ou si les fresches & nouvelles nous defaillët, nous destrêperõs, & macererõs les seches en eau, plustost que en vin, ou en quelque autre liqueur idoine: quelque fois en vinaigre; principalement pour en vser exterieurement, hors le corps.

Gauthier Riffy nombre les racines destrempees en vin, bõnes à destiller qui s'ensuyuët. Aux, Angelique satieu, & aquatique, Aaron (c'est iarus) Aristolochie creuse, Asarum, ou Cabaret, Bistorte, ou Britanique, Bryonie, ou vigne Blanche, ou Couleuree Carline, Draconcule, ou Serpentine, Eryngé (Centeste ou Panicaut. Hibisc, ou Bismalue, ou Guimau-me. Hirundinaire (qui est Asclepiade, Tincetoxic, & Hederalle, Campaigne, qui est, Enula ou Helenion, Lapath, Pa-

tience, ou Ozeille, Lis, Meon, ou Daucū, qui est Carotte, ou Pastenade, Pœonie. Penoesne, Pastenades, Peucedanō, ou foïn de pourceau, Pimpenelle, Saxifrage, Polygonat, Sigille Salomon, ou Geniculaire, Pyretre, Raifort commun, et sauuaige, Raues, Rubie, ou Alysson, Satyriō ou Basilicō, Scrophulaire, ou Palme des chāps, ou Ortie morte, Grand Symphit, ou Grāde consoulde, appellee Oreille d'asne, & Valeriane. | Celuy Riffy attribuant à vne chescune de ces plātes ses facultez: il en faict vn liure entier, & toutesfois ne leur donne autres vertus apres estre destillees, que celles qu'elles auoyēt simples avant la destillation. Ce que eust suffi de dire à vne parolle des le cōmencement. Et certainement ie m'esmerueille bien ( veu qu'il a par si grande affection transcrit les liures, & par tous moyens s'est efforcé augmenter les siēs en grandeur) pourquoy il a laissé plusieurs autres racines, ou plustost il n'a nombré toutes celles qu' en la medicine sont en vsage. Et ce qui l'a gardé de ce faire: ie pense que ce n'a pas esté faute de volunté, mais de memoire empeschee par grāde haste, le Raifort sauuaige (que vulgairemēt on appelle grand Raifort) ie croiroye bien que j'ayāt trempé en vin par aucuns iours, & menu detaillé, il rēdroit liqueur destillée biē efficace, car facilement il depose, & laisse son acrimonie es liqueurs ou il est maceré: tellement que aucunes douces racines ( comme Pastenades ) avec ce Rayfort destrēpees en vinaigre, en deuiennēt plus acres, & les taillons du rayfort laissent leur acrimonie. Cōtre la grauelle & la pierre on le peut destremper en vinaigre, avec racine de Persil, & Anis: puis le destiller es cendres, Racine de Pyretre fresche, ou seiche broyee, ou destrempee en vin se destille, pour la douleur des dens, ou inflāmations: ou biē en vinaigre simple, ou destillé, comme enseigne. | Ryffi. |

*Eau vtile contre pourriture de dens.*

**P**renez racines de Pyretre menu brisees & broyees, mesle les avec tresbon vin, & en fay vne meslange qui soit semblable à eau de vie composee, icelle destilleras par Alembic. Au temps que besoing sera d'en vsfer, tu en prēdra

vne

vne cueilleree, & la tiendras en la bouche, soit le matin, ou quãd tu voudras, & en brief en sentiras le remedé. Elle sane les dens infirmes, cruses, & gastees, les purge, nettoye, & esclarcit, & vaut a tirer hors, & faire cracher toute villainie, & pourriture de la bouche. ¶ Non nommé. ¶

*Eau pour Epilepsie, de laquelle deux ou trois cueilleres doyuent estre baillees en laces du mal caduc. Laquelle vn amy n'aguere m'a communiquee.* Chapitre. XLI.



Esle ensemble eau d'Angelique, par trois iours destrempee en vin, & eau de Lauède en pareille portion, & donne au patient.

Du vin & laict ensemble destillez, a esté escrit cy dessus, es simples eaux des animaux.

Eau composees ou des medicamēs, à part eux ou destillables avec eau de fontaine. ¶ Rogier, au traicte 4. cha. 6. ¶

Eau extraicte de fueille de Hysope, leuistic, Sarriete, ou Sauouree, Prasion, ou Marrubion, Enule campane, fleurs de glaycul, & de treste ou Triolet, de celuy qui porte plusieurs fleurs à la grãdeur d'une noix de chefne, ou de Galle, duquel les fleurs si on les succe, rendēt vn doux suc, dissout, & lasche les humeurs phlegmaticz de la poictrine: attenué, esmeut, & trenche la saliue. Eau destillee de gomme Arabic, Tracaganthe blanche, reglice, violetes, ou Giroflees, & malues, toutes infuses en eau, & destillees reprime la chaleur de la poictrine, & amende la siccité. Eau de fueilles de plâtain, Quinquenuie, Tormentille, Rosés, si elle est beue avec vin chaud, elle cōsolide les playes de la poictrine, & interieures blessures, pcedāt de cause chaude, et altere discrasie chaude.

Eau extraicte des fueilles ou des fleurs de lace blãche, ou noire, Verbasq, Phlomos, ou boillon blanc, Rosés, Sauiue, sappe reuerse, ou glotteron, amende l'intemperature froide de la poictrine, consume les humeurs phlegmatiques, & consolide les interieures playes de la poictrine procedantes de cause froide.

Eau destillee de mente, Betonique ou Betoine, Melisse, Balsamite, Sarriete, Saugé, Serpouillet, Poli, Pouliou Royal,

Hastule Royale, ou Asphrodile, & des fueilles de chescune: remedié aux infirmitéz de la teste, & de l'estomac, procedantes de cause froide. Par mesme cause arreste le cours, & flux de ventre, & ayde la concoction ou digestion.

Eau des fleurs de Violetes de Mars, ou de Giroflees, & de fleurs de malues, altere, (c'est à dire change la disposition en mieux,) & lasche le ventre.

*Des eaux de vertus, ou eaux dorees, & autres certaines compositions de plusieurs remedes destillees avec vin. Chapi. XLIII.*



Aux de vertus que lon nôme eaux dorees toutes sont destillees de drogues aromatiques, & herbes odorâtes principalemēt de saulge: (laquelle semble estre le fondemēt en ces eaux cōposees) infuses premierement en vin par l'espace de quelques iours: sont en plus frequent vsage es applicatiōs interieures, que par dedās le corps. Principalement pour conforter les esprits par leur odeur, & contre la douleur de teste &c. Aucuns sont qui les veulēt simplemēt estre infuses en vin, Autres en vn vase biē estouppé en pot d'estain, mis en la caue en fumier de cheval au Bain Marie, au Soleil, en pailles ou estrains menu coupeez, en chaux arrosée d'eau de pluye.

Eaux des vertus Gauthier Riffy en décrit plusieurs cōposees avec eau ardēt au liure de ses destillations: & d'autres en moindre nôbre des especes aromatiques macerees & destrempees en vin. Lesquelles toutesfois sont à preferer, quād les maladies sont legieres, & les corps sont assez secz n'ayās besoing de trop grāde chaleur. Aussi se font elles à moins de tēps, & moindre despēse. Et encore peut on en icelles recueil lir trois sortes d'eaux differētes en vertu: desquelles ie trouue roye meilleure la moyēne. Car l'eau devie decoule plus pure au cōmencement de la destillation, & à la fin plus aiqueuse.

Mais des drogues aromatiques, & des gommes, les plus aiqueuses parties montent les premieres, & les plus chaudes & seiches ensuyuent, ce que demonstre la couleur tendant de plus en plus à rouilleur, & les dernieres sentent l'arsure, & sont moins plaisantes au goust. Mais hors le corps

corps sont profitablement appliquees.

Or celle triple eau se recueille mieux des especes aromatiques, seches tant seulement rectifiees, nō en vin, mais en eau ardent, qui n'a plus de phlegme. Desquelles trois eaux ie eliroye semblablement celle du milieu, pour la meilleure. Aux eaux des vertus, aucuns aussi meslent semences odorantes diuretiques, Fenoil, violetes, Persil, Saxifrage, encens, Mastic, Pommes d'oreng. Et outre les aromatiques, drogues, Herbes odorantes, Sauge, Coste, Rue, Auroine, Serpouillet, & muguet. Telle eau on attribue à vn *Arnold* de Paris.

Or y a il varieté tant es especes, que au nōbre, & au poix les drogues aromatiques. Aucuns font qui a diuerses espiceries, cōme Girophle, noix Muscate, Cinamōme, de chescun demie once, avec Zedoar galange, Poiure long, graines de Paradis, de chescun deux dragmes, adioustēt autant de Sauge, & Lauende, leur poix conioinct, egalant celuy des aromatiques, De ceste eau ilz conseillent en mesler trois ou quatre gouttes au vin qu'on boit au disner, & au soupper, ou en boire le matin & le soir avec vn peu de vin à part. Ceste eau (disent ilz) clarifie la veue, conferme le cerueau, & la bonté de l'esprit, leue la paralytie, rend la face blanche, & nette: nettoye la peau, & fait plusieurs autres biens.

Aucuns au mois de May & de Iuin, lors que la Sauge & Lauende font en leur vigueur, prennent six onces de Lauende, & deux fois autant de Sauge, qu'ilz couppent ensemble bien menu, adioustent Girophles, Gingembre, noix Muscade, Macis, graines de paradis, Cinnamomme, Zedoar, Galange, Romarin, de chescun demie once, les broyēt, & infus en vin les destillent. Ceste eau (disent ilz) est meilleure apres le troisieme an, que le premier, elle a les mesmes vertus que cy dessus auōs dit, l'une apres l'autre nōbrees, enuiron vingt, en vne autre eau des vertus. De ceste description ilz font auteur vn certain Iuif, qui luy attribue toutes ces vertus.

*Eau merueilleuse & de grand' vertu.*

**G**irophlee, Gingembre, Romarin, parties egales soyent mises en tresbon vin par huict iours, puis soyent destil-

i y lees

lees comme eau de vie. Elle vaut à douleur de Poitrine, debilité d'estomac, douleurs & tortiōs de ventre, occit les vers au corps, & es boyaux, Si quelqu'un trop gros & gras, se veult alaigrir, boyue de celle eau, & si le maigre se veult engreffer en boyue aussi avec sucre.

*Autre Eau de vertus.*

**T**V macereras & destremperas en tresbon vin, dens vn pot d'estain, Saugé, Lauende, Romarin, Caruis, & diuerses espiceries aromatiques trenchées menu & broyees ensemble, puis le pot bien estouppé couuriras de chaux vive par treze iours, laquelle tu arroseras d'eau pluuiale, apres la destilleras comme eau rose. En douleur de teste tu applicueras vn frontal trempé en celle eau.

*Autre bonne & noble Eau.*

**N**Oix muscate, Gingembre, Giroffles, graines de Paradis, Cinnamomme añ. once & demie, soyent mises putrefier en tresbon vin à la maniere acoustumee. Puis y soyent broyees espices aromatiques, & le tout soit destillé. Aucuns font qui outre ce y adioustent fleurs de Bourraches, Roses, rouges, escorce de citron, Bois aloes, de chescun once & demie, & soyent par treize iours macerees en tresbon vin au poix de six fois autant que le reste, puis apres le vin estre escollé, soyent les espices aromatiques, bien fort broyees en vne pile de pierre, & soyent remises en leur vin, & destillees incontinent, ou par quelque peu de iours laissees. Aucuns aussi mettent dens le receptoir eau destillée de Saugé fresche (mieux vaudroit seche) vne demie once. Telles sont dites ses facultez. Premierement elle garde toute chair, & poisson, & toute viande arrosée d'icelle eau, de toute corruption avec leur bonne odeur, & faueur. ii. Elle amende tous vices, & degastz de vins, comme troublez, gras, moisiss ou autrement corrompus, si vn peu de celle eau dens le vin on instille, d'ont il recouure faueur, & couleur, les vns en vn iour, les autres en sept, & plus ne se gastent, & si ne sentent point estre drogue. iii. Aspergee sur les espiceries cōserue leur odeur, & faueur. iiii. Elle fait rompre les apostemes dens le corps,

& auans

& avant qu'ilz soyent suppurez, les fait vuider par le bas.

v. Elle fait ouurir les apostemes exterieures, si on les en oingt, les fait couler, & finalement guerit. vi. Cure le mal des yeux, comme chassies coulantes & seches, pustules, macules, tayas, & mousches volantes, en y en mettant vn peu avec vne plume. vii. Tout ce que outre nature sort en la face, & boutōne souz les yeux, faisant suspicion de lepre commenceante, le frottant de celle eau avec vne plume; se perd & guerit. viii. Estant beue, cure tous mauuais affectz interieurs. ix. Item les vices du Foye, de la Ratelle, des entrailles, & de l'estomac, & toutes mauuaises humeurs engēdrees de crudité en l'estomac. x. Separe l'argent vif, dauec le fin argent. xi. Cure toutes playes qui en sont frotees, tous coups sourds, & enfleues d'iceux procedans. xii. Prinse au boire chasse Hydropisie, & Jaunisse. xiii. Frottee sur le sommet de la teste amende la goutte procedante de fluxion du cerueau, frottee & beue appaise douleur de teste.

xiiii. Amende les vices de la bouche si dedans on la peut tenir vne nuict. xv. Elle remedie aux ozenes (ce sont chancres puans du nez) puanteur, & defluxions de narines, si on la peut par quelque temps tenir dans les narines. xvi. Fait secours aux maschoueres, & aux dēs, si elles en sont frottees.

xvii. Elle sane le cœur mal affect, la Poictrine trop seche, ou trop humide, ou debilité par la toux, & difficulté d'aleine.

xviii. Augmente en l'homme la memoire, oste oubliance, quand par interualles on en prēd vne gouttelette. xix. Elle purge & nettoye, Fourfes, gratelles, rasche, roigne, vlceres, & toute impurité infectant le cuyr, & les interieures parties du corps, chasse les venins, tant par la boire, que par sen lauer. xx. Mise en lauement sur la face tant peu soit, elle conserue la couleur, & beauté de ieunesse: tellement que vn vieillard de quatre vingts ans, à peine semble estre de trente ans. xxi. Destourne toute lepre cōmenceante. Toutes ces choses sont prinsees d'vn Liure en Alleman escrit à la main sans nom de l'Auteur. Elle resiouyt, & appaise le courroux,

& si

& si est fort louee contre la pestilence. Ces mesmes ou semblables effectz sont aussi attribuez par aucuns aux autres eaux de vertus, ou eaux de vie composees, qui sont destillees d'especes aromatiques, & Herbes odorantes, macerees en tresbone eau ardente, voire aussi sont attribuees à la simple eau ardent.

*Autre Eau de vertus.*

**S**Auge noble dix onces, Lauande, herbe & fleur, deux onces, Rue, Gingembre, Girophles, graines de Paradis, Noix muscade, de chescune vne once. Cinnamomme demie once, Galange, & Poivre long, deux drachmes, Aspic, iaune Castoreon, Bois d'Aloes, vne drachme. Toutes ces choses broyees, & mises en vn vase d'estain, avec vne liure d'huyle Laurin, & demie mesure de tresbon vin, soyēt ainsi gardees par neuf iours: & trois ou quatre fois le iour, soyent meslees en les remuant, & finalement soyent destillees. Aucuns y mettent non huile Laurin, mais de Bayes de Laurier vne once, autant de Rue, & vne drachme de Macis, & luy attribuent les mesmes vertus que à la precedete. Autres font celle mesme, ou la semblable non avec vin, mais avec eau ardent.

*Eau de vie telle qu'on la fait à Constantinoble en la Court de l'Empereur, comme dit ce liure escrit à la main.*

*Chapitre.*

*X L I I I.*



**G**irophles, Noix muscade, Gingembre, Coriandre, Galange, Poivre long, grains de Geneure, & d'Oranges, Sauge, Basilic, Romarin, Mariolaïne, Mente, Lactue, feuilles de Laurier, Polieu, Gentiane, Fleurs de suz, Roses blâches, Spicque de Nard, Bois aloes, Cardamome, Cinnamomme, armoise, de chescune parties egalles. Vne pomme de grenade, deux Figues, Railins passis, Amendes, & Dactes de chescune vn peu. A toutes ces choses ensemble broyees adiouste vne partie de Miel, & de sucre. Le tout soit macere, & destrempé en tresbon vin par l'espace de cinq iours, & puis destillé. La liqueur qui en decouille la premiere, est



est la meilleure, l'autre plus foible, & la tierce a peu de vertu. Ce que au fond demeure semblable à onguent, est vtile à plusieurs froides affections. La premiere liqueur porte remede à toutes macules des yeux, rougeur, & sang meurtry, conferme le ventricule de l'estomach, resiouit le cœur, remedie à la goutte, à la fieure, à la toufs, à la matrice, à la teigne de la teste, & acquiert bonne couleur.

Vlftad décrit quelques eaux des vertus, plusieurs composees avec eau ardent, & trois seulement, composees avec vin, aux chapitres xlvi. xlix. & lv. Pierre André Matheol Senois, enseigne à guerir la verolle (qu'il appellent mal françois, mais bien le sien plustost) sanguine & colere, & prinse de frais par vne eau Philosophique, qu'il appellent ainsi, composee de diuers medicamens. Sucz, Syrops, & vin par huit iours ensemble macerez, & destrempez: & puis destillee par vn vaisseau de verre, en vn Bain d'eau boillante, ou sera meslee quelque quantité d'arene. Il s'en extraiet double eau: la premiere claire, & l'autre rougissante. Puis apres pour la verolle Phlegmatique, ou melancolique, il subioinct vne autre composition, que semblablement il faut destiller. Et si tu veu auoir (dit il) remede de plus grande efficace, à la noire cole, tu y pourras adiouster trois ou quatre serpens, longs & noirs, escorchez, & esuentrez, & bien frottez avec force sel, & vinaigre par quelque temps, affin que tout en vn, ilz se destillēt, Car cela vaut seulement contre la verolle, mais aussi contre la lepre, & plusieurs autres maladies que à present nous laissons. La composition de ces eaux, & l'usage d'icelles lira qui voudra en l'auteur mesme, qui se vente en auoir guery à la dixieme prinse: autres à plus long temps, esquelz la maladie estoit plus griēue.

Jean Almenar au quatrieme chapitre du liure de la maniere de curer la maladie vniuerselle, & non françoise (comme ilz disent) c'est la verolle, ainsi dit.

Après auoir bien euacuē les humeurs, faut procurer alteration des mēbres, pour laquelle intention soit fait vn Bain, ou estu

ou estuue avec eau douce, en laquelle soyent boillies, Mau-  
ue, Bismalue, ou Guimalue, Melilot, Camomille, Ozeille,  
Fumeterre, & ce le lendemain apres la purgation. Et quand  
le malade commencera à suer: qu'il prenne l'eau qui s'ensuit.

Prenez racine de Guimalue, ou Althee, de Fumeter-  
re, d'ozeille de Campana, Enule, de chescune demie liure,  
icelle menu decoupees soyent mises, en quatre liures de bon-  
ne maluoisie, par vn iour & par vne nuict, puis y soit adiouf-  
tee vne once & demie de bonne theriaque vieille de dix ans,  
ou plus, & de ceste eau destillee soyent prinsees trois onces,  
avec deux onces d'eau de Buglosse, pour le commencement  
comme il est dit. Et ceste estuue soit reiteree de six iours en  
six iours, en beuuant tousiours de l'eau susdite, laquelle est  
tresbonne, & trespinguliere & à ceste maladie, grand secret,  
& dernier cautere.

*Eau de certain remede, pour difficulté d'aleine.*

**C** Alaminthe, Hissope, Adiante, ou cheueux Venus,  
Marrubion, Scabieuse, Tulsilage, Bechion, Ongle,  
Cheualline, ou pas d'asne, de chescune vne poignee, Aristo-  
logie ronde vne once, glayeu, once & demie, Ortie autant,  
Racine de Fenoi, & de Persil, de chescune deux onces, Lis  
celeste, trois onces, Enule Campana, demie liure: de mostar  
de la fueille, & de Nasitort, ou Cresson, de chescun once &  
demie, de Coste, cinq drachmes, Aspice, dix drachmes, bayes  
de Laurier, quatre onces, Nielle, ou Poiurete, once & de-  
mie. Toutes ces choses menu broyees soyent laissees par six  
iours, infuses en six mesures de vin blanc, puis à petit, & lent  
feu, soyent destillees. Tous les matins en faut boire trois on-  
ces. ¶ Epiphan empiric. ¶

*Eau pour les Pierres, & Grauelles des reins, & de la Vescie.*

**A** Sperge, Brusq, Persil, ou Ache, Rubie, de chescun de  
mie once, des cinq semences diuretiques, Leuistic, Li-  
thosperme, ou Millet du Soleil. Ammeos, Raiphort, Sesel,  
ou Sermontain, Dauc, ou Carotes de Marseilles, Saxifrage,  
de chescune trois drachmes, Adianthe, ou Cheueux venus,  
Matricai

Matricaire, ou Parthemon, Cæterach, Scolopendre, Trefle, Gramme, Senecon, (l'enten Cardamine) Hepatique. Peucedanon, ou Foin de porceau, de chescun vne poignée de Glayeul, demie once, de Xylobalsame, ou Bois de baume. six drachmes, Riglice, deux onces. Des communes quatre semences froides, des plus grandes, & mondees, de chescune demie once, L'hierre terrestre, Pimpinelle, de chescune vne poignée, Noyaux de cerise, vne once, Spicque de nard, trois drachmes. Gommés de l'hierre, six drachmes, Sang de bouc préparé, vne once, Cinnamome autant. Soyent broyez, & infus en dix liures de vin blanc, & les destille. Semblable eau, & pour mesme vsage est descrite par Rogier, au traicté quatrième chapitre vi. Mais toutesfois destillee avec vinaigre non avec vin.

*Eau pour la Pierre, Par Epiphan Empiric.*

**H**Iperic, ou Millepertuis, Chamedryos, Chesnete, ou Germandree, Senecon, (qui est Sylibre, Cardamine ou mente rouge), grame à quintefueille, Scolopendre, Parietaire, Veruaine, Eupatoire, ou Agrimoine, Polieu, Rue, de chescun vne poignée, des cinq Racines diuretiques, Glayeul iaune, Enule campane, Rubie, Afaron, ou Cabaret, & Tamaric, de chescun trois drachmes. Des cinq semences diuretiques, Saxifrage, Millepertuis, Dauc, ou Carottes, Rairfort & Persil, Macedoine, Ammeos, Fenail, Carui, Leuistic, de chescun deux drachmes, Noyaux de Perse, demie drachme. Des quatre communes semences froides, des grandes mondees de chescune drachme & demie, Riglice deux onces, Grains de geneure demie once. Toutes ces choses ensemble broyees, & infuses en cinq liures de vin, tu lairras reposer deux iours: puis les destilleras à feu lent, la faut bailler apres le Bain, ou tiede le matin au point du iour, à la dose de demie once, iusque à deux onces.

*Eaux composees, destillees avec Vinaigre.*

**D**V vinaigre destillé, voy cy dessus, au traicté des eaux destillees au Bain Marie.

*Eau brisant la Pierre en la Vescie. Epiphan Empiric.*

**S**Vede Saxifrage, deux liures, Suc de Mil de Soleil, de Persil, & de Anis: de chescun demie liure, Vinaigre blâc, huict onces, l'eau qui en sera destillee, baille la à boire à Ieun.

*Eau d'hirondelles, ainsi se fait.*

**I**Eunes Hirondelles sechees, & mises en poudre mesle les avec castoreon, & vn peu de bon vinaigre, & ainsi les destille. Ceste eau prinse à ieun est la vraye medicine du mal caduc, prouenant de quelconque cause. Et bien que l'homme eust porté la maladie par cinq ans: neautmoins il guerira, en prenant vn petit de celle eau par quatre iours, & fera guery parfaictement, Beuë à ieun elle cure aussi la Phrenesie dedans neuf iours. Elle fait bon cerueau sur toutes medicines, purge l'estomac, mollifie la poictrine, conforte les nerfz, arrache les racines de paralysie, augmente la nature, & eschaufe les refroidis. Item cuite avec Hysope, ou plustost avec decoction d'Hysope, sane l'hydropisie proueneue de froidure, & les fieures quotidianes, Mais ne la faut bailler aux femmes, enceintes, que leur fruit n'en soit corrompu. Prinse au boire avec Hysope, chasse le mal de teste, fait bien dormir, ayde la digestion, & esmeut le ventre, & l'urine fait tomber le poil en quelconque partie de la peau qu'elle soit mise, tellement que plus n'y en reuient. ¶ Lulle, & Gilles. ¶

*Eau de Rogier au traicté quatriéme chapitre vj. contre les obstructions du Foye, de la Ratelle, & de la matrice procedantes de cause froide. Laquelle eau aussi rompt la pierre des Reins, & de la Vescie, & se peut boire par soy, ou avec sucre.*

*Chapitre. XLIIII.*



**P**Renez racines de Brusç, Asperge, Dianthos, Scolopendre ceterach, Polythrac, Pentilidion, Hepatique, Pulmonaire, graine de Senecon de candie, ou Cretan simple, Centaureon Pfyllion, ou herbe à pulces, semēce de citrulles, Melons,

coucour

coucourbes, Cocombres, brusc, Asperge, Ache, Persil, Macedonic, Fenoil, Leuistic, Ammeos, Sermontain, Dauc, ou Carottes Saxifrage, Mil de soleil, Xilobalsame, ou bois de Baulme, Peucedā, foïn de porceau, glayeul, l'hierre arboree, & terrestre, gomme de l'hyerre, noyaux de cerises, cantharides ou escarbottz, Pierre desponge, plomb, sang de bouc, vinaigre blanc, Chardon de foullon, semences moindres, Cinnamon, Spicque de nard, semence de Galange grosse brussee, ortie, trefle estrouble marin ou champestre, d'un chescun autant qu'il semblera bon.



Toutes ces choses soyēt mises en vn grand pot A à fond bien large, & la gueulle estroicte, lequel par dessus soit couuert avec argille B. Et aupres autant cōme il semblera bon, soit mis vn cap embot C, soyent liez ensemble. Et puis souz le premier pot soit faict vn petit feu lent D, tellement que la

matiere boillante ne puisse atteinre le cap embot. Ainsi la vapeur par l'embot ou entonnoir passant en vn autre pot par dessus se espessira, & conuertira en vne liqueur tresclaire & subtile, qui sera receue en vn autre pot plus bas.

*Eaux de Chappons.*

**E**Aux de chappons sont ordonnees pour ressauger les forces & vertus naturelles p̄dues: ou affoiblies, à ceux qui sont grandemēt debilitēz par maladie, ou par trop grande euacuation, aux enfans foibles, & vieillards malades.

Le chappon il faut cuyre en eautreslonguement, & tant que la chair laisse les os, & puis ainsi cuyct le destiller avec son ius ou son eau, ou seul à part soy, ou en y adioustant autres eaux precieuses, drogues aromatiques, or, argent, & pierrieres. Aucuns estiment le chappon meilleur, d'autant qu'il est plus viel, & a plus d'ans, & ne luy couppēt pas la gorge: mais le suffoquent, ausi ne le plument pas en l'eau chaude, mais à belles mains luy arrachent les plumes, & ainsi esuen-

tré, & mis en petites pieces le destillent. Autres ne le destillent entier, mais la poulpe seulemēt tirée d'avec les os. L'eau de chapon est analeptique ( c'est à dire restauratiue ) & quelque peu astringente, ou reserrante. Donc tu cuyras vn chapon en l'eau, selon l'art, & y adiousteras vne liure d'eau rose. Conferue de roses, de Bourrache, & de Buglose. añ. vne once, des deux coraux. añ. deux dragmes. Especies diarhodon albé, vne drachme raisins passis sans grains, vne once. Coriandre preparee demie once. Fragmens, brisures ou casures de toutes pierreries, & marguerites añ. vne once & demie. Ainsi soyent destillees.

*Autre.*

**L**E chapon soit cuyct avec vne liure de chair de bœuf, pour suffisante decoction, à laquelle tu adiousteras vin de maluoysie, et eau rose de chescun demie liure, pain blanc, pour y estre embeu, trois onces. Toutes ces choses tu piseras en mortier, sans la chair de bœuf, & y adiousteras les especes qui s'ensuyuent. Especies d'electuaires de gemmes, Diarhodō abbatis. Diamoschu dulcis, de chescū vne drachme Dia margariton, Especies de confection contre la peste, de l'une, & l'autre deux scrupules, huyct fueilles de fin or, Soyent meslees toutes ces choses avec le ius de chapon, & soyēt destillees à feu lent & petit. Aucuns sont qui ceste eau appareillent avec safran & Cinnamōme, pour femmes acouchees d'enfant, debiles, & a qui la purgation de la matrice ne vient pas en auant. Et se baille par soy seule, ou avec sucre. Aucuns aussi sans destillation ainsi l'appareillēt, ilz cuysent vn tresviel chapon esuentré, & bien appareillé: & le font cuyre bien long temps, puis broyent la poulpe, & les os, & les mettent en vn vaisseau d'estain bien fermé a vis, & bien estouppé, qu'ilz plongent dens vn chauderon d'eau boillante, & ainsi vne autresfois le font cuyre par l'espace de six heures, & quelques fois y mettent or, comme chaînes, aneaux, ou pieces dor.

Vne certaine eau faicte d'un chapon, ou d'un coq cuyct  
avec

avec diuerses drogues cōfortātes, est descrite en ¶ Guaynier ¶ au chapitre de la cure de hectique. Laquelle eau ne se doit point destiller, mais seulement cuyre en vn vaisseau de verre, mis en pot plain d'eau boillante.

*Eaux composées contre diuers affectz, mesmement dedans le corps, desquelles aucunes se font de matieres encores fresches, & succulentes, autres seches, & infuses en sucz de plantes, eaux destillees, petit laict ou sang.*

Chapitre. XLV.

*Eau pour faire dormir.*

**V**squiame deux onces, Racines de Mandragore vne once, Opion six dragmes, Gith, & ambre de l'un & de l'autre deux drachmes, Sedum, ou Ioubarbe grande & petite, Nenuphar, Laictue, de chescun vn manipule, ou poignée. Toutes ces choses meslees, & broyees ensemble soyent infuses en deux liures d'eau de Pauc, avec semence de yuroie par deux iours, & soyent destillees.

*Autre eau endormant.*

**S**emence de yuroie vne liure, Semence de iusquiame demi liure, Semence de pourpiu ou porcelaine, deux liures, Semence ou racine de mandragore, trois onces, Hanebanes autant. Les ayant broyees l'une apres l'autre, y gecteras eau de suc, de Feue reuerse, qui est Telephion dict orpin, suc de racines, ou fueilles de iusquiame, de chescun vne liure, suc de fueilles de pauot noir, ou (si point ne s'en treuve) de pauot rouge, vne liure. De ceste liqueur destillee bailles en à boire vne once. Elle est vehemente.

*Eau pierreuse, appelée la tierce de Gilles, pource qu'elle rompt la pierre es reins & vesye.*

**S**emence de Pimpenelle, de Persil, de Aipe ou Ache, Aaron ou Iarus, (autrement de Gyrofflier & fueilles de moustarde, au lieu de Aaron, & Bardane,) herbe de aipe ou ache, & leur racine, Item de persil, gloutteron, ou Bardane, mastic, de chescun parties egales. Toutes bien broyees

k 2. / soyent

soyent meslees avec sang de lynx, ou plustost sang de bouc, en y espendant vn peu de vinaigre, ainsi soyent laisseees par aucuns iours en vn vaisseau bien clos. Puis soyēt destillees.

Ceste eau est vtile aux graueleux, & pierreux, quelle que soit la pierre, rouge, blanche, ague, ou plaine: & si la pierre est confirmee: faut que le patient boye tous les iours de celle eau, Car ainsi la pierre se brisera, & se esgrenera en arene. Si de ceste eau tous les iours sont lauees les testes roigneuses, elles guerissent, & nouveaux cheueux y renaissent, & dens neuf iours la roigne ou teigne sera guerie.

Autrement toute autre roigne moins malle que la teigne, lauee de celle eau, est guerie dens deux ou trois iours, Beué à ieun, faict bon sang, & bonne couleur, merueilleusement sur toute medicine fortifie les nerfz, & tollit le mal caduque à qui en boit deux fois le iour. Elle exterminie la paralysie si elle n'est morte es membres. ¶ Gilles, & Lulle. ¶

*Eau experimentee aux vlcères des reins, ou roignons, & de la vesie, par le Cardinal de Toul.*

**C**Heualline ou presle, Plantain, Roses, grains de Alkekengi, racine de Althee, ou bismalue, Riglice rasee, de chescun vne once, Iuiubes, Sebesten, de chescun des deux six drach. Boli Armeni demie once. Des quatre communes semences froides des grandes & mondees, de chescune trois drachmes. Semence de pauot blanc six drach. Semence ou grains de coings demie once, Petit laict de chieure six liures. Toutes ces choses soyent laisseees par deux iours en infusion, puis apres soyent destillees. En faut prendre à ieun quatre onces tiedes, tāt qu'elle durera. ¶ Epiphan Empiric. ¶

*Autre eau composee. Seconde entre les eaux de Gilles. Laquelle se lit aussi au liure de Lulle des eaux.*

**R**Ve, Satyrion, Basilicon, ou Coillon de chien, avec ses palmes ou fueilles, & testicules de sa racine, Chelidoine (autrement rue ou Agrimoine), sucre, ou Tutie, & pierre calaminaire, de chescune poix egal, soyent broyees, & destillees à petit feu. Ceste eau a plusieurs vertus. Il n'ya mal  
des



des yeux si grand qui par celle eau ne soit guery, Prinse au boire chasse tout venin, ou prinse avec la viande: car elle le faict incontinent vomir, remedié aux Hydropicques, purge l'estomac de toutes mauuaises humeurs. Estaint feu volage en vn iour: en y applicquant dessus estouppes trempées en celle eau. Vaut aussi contre feu de noire disposition, par dehors blanchissant, ou (comme est escrit en vn liure germanic) contre chaleur de feu interne. Car si rougeur appert par dehors, en nulle maniere ny faudra mettre emplastre.

Elle guerit le chancre en y mettant de l'aloës, & estouppé de chanure en icelle eau moillée par deux fois le iour.

*Eau composee, premiere entre les eaux de Gilles.*

**H**isope, Poulieu, Giroflee, Cicoree, de chescune vne drachme. Apres estre broyees soyent destillees.

Apres prens Tutie, persil Alexandrin, Rue Zedoar, Aloës, pierre calaminaire de chescun vne dragme. Tout cela broyé mettras cuyre en l'eau que dessus, iusque à la consommation de la tierce partie, & la liqueur coulee par vn drappeau tu garderas par neuf iours en vn vaisseau de verre bien estouppé, ou par quarante iours. Soit puis baillé au patient à ieun tous les matins auant soleil leué par l'espace de dix iours. Elle vaut contre le mal caduc si apres l'auoir prinse on ieusne six heures. Et à cela est tresefficacieux remede. Guerit tout relachement de nerfz, & corrobore les membres. Prinse avec du castoreon vaut cõtre toutes gouttes qui encores ne sont enracinees es membres, Beuë à ieun par neuf iours continuelz, chasse toute fieure prouenant de quelconque matiere. Est aussi tresvtilé pour lauer les playes ou les nerfz sont trenchez.

*Autre eau de Gilles, en nombre neuf que aucuns appellent eau double.*

**S**emence de persil ou de Ache, semence de poiure blã, Gingembre blanc, Girofles, de chescun poix egal. Les ayant bien broyé en vn mortier, adioustes y eau conseruatiue extraicte de persil, & les destille. Ceste destillation est

le souuerain remede de la toux, & de poictrine ou estomac mal disposé, si à ieun le matin on la boit froide, & le soir la plus chaude qu'endurer on la pourra. Beuë chaude avec Castoreon vaut contre apoplexie, & guerit les membres paralytiques, moyennant que la paralytie ne soit morte es membres, faict dormir doucement, & auoir tranquille repos, red alaigres tous les membres, repouse toutes mauuaises humeurs, conferme le chef & le cerueau.

*Autre eau, nombree six es eaux de Gilles.*

**G**Laycul, Hysope, Sauine, Auroine, de chescun egalles parties, broyes les ensemble, & les laisse reposer par quelques iours, puis les destille. Ceste eau est de grãde efficace, Resiste à toutes fieures tant chaudes que froides, si on en boit trois fois elle prouoque les mois, ou fleurs mēstrues des femmes, mais à vne femme enceincte seroit nuyfante, & destruyroit son fruct. Arreste flux de sang, & de ventre. (Quant à mon opinion i'estimeroye plustost qu'elle eust plus faculté de esmouuoir le sang de toutes pars, que de l'arrester, mesmement que vn autre exēplaire ne faict mention que de arrester flux de ventre) elle purge l'estomac de mauuaises humeurs. Prinse à ieun tue les vers: cure toute douleur. Prinse avec Castoreon cure la Paralytie dedans trois iours, si on en prent par chescun iour, ie treuue ceste mesme description en Lulle au liure des eaux.

*Eau contre la peste, prinse en vn liure. Allemant escrit à la main.*

*Chapitre: XLVI.*



**C**Ouppe la gorge à vn ieune porc nouuellemēt chastré, & le sang tout chaut receu dens vn pot neuf de terre, esmouue le assez long tēps avec vn baston de rouge geneure, & les grumes de sang qui se feront en le mouuant iecte les. Puis tu y mettras, racleures du baston mesme, & grains du geneure rouge, enuiron vingt & cinq.

A tout

A tout cela tu adiousteras vn peu de Agrimoine, de Rue, de Phu, ou valeriane, scabieufe, veronique, ainsi appellee vulgairement qui est Chamedrys, ou Chesnete, Pimpinelle, Cicoree, Polieu, de chescun vne poignee. Et si la mesure du sang excede trois ou quatre sextiers, tu y adiousteras deux onces de Theriaque, s'il est moindre, selon la quantité du sang tu diminueras le theriaque à proportion. Et doyuent estre toutes ces choses prestes, pour estre mises au sang tandis qu'il sera tout chaut. De toutes ces choses ainsi meslees extrais liqueur destillee, laquelle bien gardee, & conseruee en vn vaisseau de verre, tu essoreras au Soleil, ce que tu feras ainsi tous les ans. Car ceste liqueur dure enuiron vingt ans. Et est certain par experience qu'elle vaut grandement contre la peste, apostemes de teste, des costez, & des costes, maladies du foye, & du poulmon, enflure de ratelle, sang corrompu fieures tumeurs, & tremblement de cœur, hydroplisie, chaleurs outre nature mauuaises humeurs, & principalement venins, & fieures pestilenciales. Et le patient attainct de quelle que soit desdictes maladies, en beura la mesure d'une petite cuilleree, ou quatre, ou cinq gouttes: & sur cela ou le fera suer.

*Des medicamens composez purgatifs, & destillez.*

**L** nous faut bien aussi parler des eaux qui sont composees des medicamens macerez en vin, eau ardente, ou autre liqueur, & puis destillez. Ou aucunes compositions aromatiques propres à restaurer les vertus du cœur, & des esprits, sont meslees avec les eaux de chapon apprestables (comme cy dessus est dict) par destillation.

Item avec eau ardent, ou plustost quinte essence de vin, contre la peste & les venins comme nous auons enseigné. Semblablement aussi medicamens purgatifs, mesmement Electuaires esquelz entre Diacrydion, & autres drogues vehementes ennemies à l'estomac, meslees avec liqueurs, principalement avec eau ardente rectifiee, ou avec vin (par auenture aussi avec vin & lait meslez, ou avec lait, ou lai-

ctie (c'est petit laict, a part, es chaudes natures & maladies, vtilement se feroit) & quelque fois en leur infusion restante font, artificiellement destillees, par estre administrees à ceux qui sont, ou delicatz, ou riches, ou trop debilitez de leurs forces, ou d'estomac abhorrent d'entiers autres medicamens, Ce que Lulle loue tresgrandement : & aucuns Empiriques à nous cogneuz les vsurpent, & practiquēt à grande gloire, & honneur. Pen ay cogneu vn entre les autres qui destilloit principalement le Electuaire hamech, & celuy de suc de Roses, & la liqueur d'iceux extraicte administroit aux plus imbecilles malades, aux plus robustes mesloit quelque partie de l'electuaire: se vantant de guerir en ceste forte les malades sans molestie. Avec Ellebore se faict eau qui restaure la ieunesse: telle eau ay ie veuē chez mon pere (dict Cardan) Mais telles eaux tourmentent les corps: & adombrent seulement vne fardee image, ou semblāce de ieunesse.

*Or potable,*

**D**E l'or potable on pourra beaucoup veoir, & lire, qui voudra au liure de Ph. Vlstad, intitulé, Ciel des Philosophes, & au liure de Lulle de la quinte essence. Que en l'or il y ayt aucune vertu, qui de l'or en flamble, & estainct se depart à l'eau: est vne bonne preuue, que l'eau ou aura esté esteincte vne masse de fer, d'or, ou d'argent: elle est fort recommandee par Nicandre contre le venin de Aconit.

Car il appert qu'il faut entendre de l'eau en cest endroict, en laquelle ces metaux doyuent estre esteins, attendu qu'il ne nomme point d'autre eau. Esteins (dict il) fer tout rouge de feu, ou maschefer, ou or, ou argent, en le trempant dens le breuage trouble, ou l'interpreteur dict ainsi.

Estains fer chaut en l'eau, & la boy. Et peu apres. Estains maschefer en miel, & en boy l'Abosbaume, (ainsi appelle il la liqueur ou quelque metal est estainct) Dioscoride le commande estre estainct en vin, comme aussi Auicenne, Paul Aeginet, & Aëtius disant que vne mœule de molin bien chaufee, & puis ainsi estaincte profiteroit grandement

dement en beuuant le vin tout chaud, par telles parolles, Maschefer, ou fer mesme, Or, ou Argent, rougy à force feu estainct en vin, vaut beaucoup si ceste liqueur est beue toute chaude. Et à la verité il semble que le vin peut plus attirer & receuoir de la vertu de l'or chaut, que non pas l'eau. Quelque fois ie goustay l'eau ou par plusieurs fois auoit esté estaint or rouge: mais ie n'y peu cognoistre aucune qualité mueue d'odeur, ou de saueur. D'auantage il est croyable que l'eau ardent, mesmement reduicte à Quinte essence tire la vertu de l'or, mieux que le vin, & encores mieux si l'or est mis en menues fueilles, & tresualément s'il est reduict en chaux, Mais tout cela encore surmontera l'huyle qui sera rendu de l'or. Au reste de l'or entier simplement cuict, comme en ius de Chappon: ie croy pour verité qu'il n'ya nulle vertu, avec plusieurs autres bõs Medicins. Sinon que la persuasion face quelque chose. Des facultez de l'or voy Auicene au ii. liure. chapitre. lxxviii. Mais pour ce qu'il faut élire l'or le plus pur pour les medicamens. Je mettray icy les parolles de Pline, en uiron la fin du quatrieme chapitre de la purgation de l'or au liure xxxiiii. On brusle l'or (dit il) avec grumes de sel, mis à triple poix, & puis encore avec deux portions de sel, & vne de pierre sciste, ainsi il espend sa force es choses ensemble bruslees en vn pot de terre, luy restant incorrompu, & pur. Auquel passage me semble que Pline à mal prins pierre sciste, pour Alun sciste, car au xxxv. liure. chapitre xv. il escrit l'or estre purgé par noir alun. Or entre toutes les especes d'alun, & le tres excellent l'alun sciste. D'auantage la raison prise sur les effectz, fait plus pour l'alun que pour la pierre schiste. Car il dit que l'or se peut purger par sel de par soy, & aussi en y adioustât sciste. Or l'alun approche beaucoup plus aux effectz du sel, que la pierre sciste: à laquelle les ancens n'ont attribué autre vertu sinon celle qu'elle a commune avec l'aimatite sa semblable, qui est d'arrester le sang: mais l'alun a lieu de vertu à la purgation des metaux, avec eau fort. Toutesfois on pourroit excuser Pline, en ce qu'il vse de l'appella

tion de pierre communement, & generalement. Car il appelle l'argent vif, & plusieurs metaux pierres, & par mesme raison il auroit appellé l'alun sciste, pierre sciste. Toutesfois il ne le deuoit faire pour la difference de ce mineral, qui proprement est appellé pierre sciste. En ce mesme passage de Pline apres les parolles sus alleguees ensuit cecy. La cendre qui reste (à fauoir du sel, avec lequel bruslé a esté purgé l'or, ou des deux pars de sel, ou de l'une de sciste) gardée en vn vaisseau de terre, & destrempee en eau, guerit les mentagres en la face: mais il la faut lauer en lexiue, Elle guerit aussi les fistules, & les hemorroïdes. Et si estant amenuisee on y adiouste escume, elle amende les vlceres pourris, & de mauuaise odeur. Cuicte en Miel avec Melanthion ou Gith, & frottee sur l'ombilic, ou nombril doucement lasche le ventre. Marc varron dit aussi que les verrues en guerissent. Et ces derniers motz cuyct, & frotté en la latine langue, en Pline semblent estre rapportez à l'or: car il y a *decoctum & illitum* qui est à dire cuyct & frotté: mais il faut *cinis decoctus & illitus*, qu'est à dire cendre cuycte, & frottee, comme la consequence de la parolle, & la raison des remedes le requiert. Car l'usage du sel en Dioscoride & autres, est approprié aux mentagres gratelles, darbes, herysipeles, herpetes, pellades, phagedenes, ou demangeaisons de cuir, estant rosty avec Miel. Encore frotte l'on les verrues des enfans avec sel & suye. Et l'alun en Pline appaise les vlceres pourrissans, le meslant avec gresse. Les demangeaisons avec vinaigre, & galle bruslee en mesme poix, & deux parties de sel (en laquelle portion on le mesle à la purgation de l'or), & reprime les vlceres qui suyuent en rongant. Par l'escume, Pline au lieu susdit entend la fleur ou creme de la mer, comme au liure troisieme chap. septieme. Et sur ce passage de Pline ie ne treuve riē auoir esté obserué, n'y noté par Hermolas ne Galen. Consequemmēt comme l'or est purgé par alun, aussi est il par Myfi, tesmoin Pline au trentequatrieme liure chapitre douzieme & par autre maniere avec vif argent. Voy Pline au liure trentetroisieme

me chapitre sixième. Pour estre purgé on le cuict avec plōb. Plīne au liure trentetroisième chapitre troisième. Autre maniere à purger l'or enseigne ¶ Carcan ¶ au sixième liure de Subtilité.

*Or potable.*

**P**renez Miel avec cire de l'exaim, des' Aueilles nouvelles, auquel mesleras Ambre gris, esparme de Balene, Agalloch, ou bois aloes, Poivre long, Giroffles, Noix muscades, Sandaux, & pour Or fin. Ces choses tu lairras ensemble reposer par trente iours; Puis les destilleras en Alembic, au Bain Marie, & la matiere restante broyeras sur le marbre en l'arrosant de rechief de l'eau destillee, & de rechief destilleras en cendres. Ceste eau departit l'or. Et s'il aduient que l'or potable s'endurcisse: tu en prendras la grosseur d'un poix, & le mettras dens vn œuf cuict dur, le moyeu osté: ainsi se dissoudra. Cela bailleras au malade. Car il corrobore de par soy. ¶ Non Nommé. ¶

Les Alchymistes font liqueur d'or solide, qui rectifie le corps, & letifie l'esprit. ¶ George Agricole. ¶

Les sages sont de c'est aduis: que manger viādes appareillees en vaisseaux d'or, ou à la decoction desquelles ont esté mises lames ou feuilles d'or: & boire vin dens lequel auront esté estainctes platines d'or, ou piéces de monnoye d'or par maintesfois, que cela acquiert, & emprainct bonne habitude au cœur. ¶ Arnold. ¶ De conseruer la vertu.

En la Quinte essence du vin, Or, Argent vif, Marguerites ou Perles, & Pierres precieuses, & autres metaux se peuvent dissoudre, pour faire l'or potable. Mais ceste resolution d'or appartient plus aux Chymistes que aux Medicins. Ph. Vlstad au chap. ix. & consequemment, ou ceux qui voudrōt lire, verront d'auantage de l'or potable. Le vin auquel vne lame, ou platine d'or aura esté estaincte quarante ou cinquante fois: par aucuns est tenu pour Or potable. ¶ Arnold, de vill. ¶

Luy mesme au liure du vin, ainsi dit. Vin de l'extinction de l'or a vne grande proprieté en plusieurs conditiōs: lequel se fait

se fait en estaignant vne eschauffee lame d'or en de tresbon vin, par trois ou quatre fois: & apres l'auoir coulé, & esclarcy soit gardé diligemment. Car il a la vertu de cōforter le cœur, & deseché & separe toutes les superfluitez des autres humeurs d'avec le cœur: & si peut enluminer la substance du cœur, & de l'esprit par sa clarté, les conforter, & renforcer par sa solidité, & par sa temperature les temperer, & preseruer, purger le sang, & par sa grauité & pesanteur encliner, & abaisser les superfluitez aux parties des eiections: conserue la vertu des parties principales en leurs actions: & par sa temperature lasche l'urine retenue: guerit les epileptiques, & les insensez, & vaut aux lepreux. En ce temps cy plusieurs grands Seigneurs, & riches gens font cuyré avec leurs viandes quelques parties d'or: autres en vsent en petits pãeaux avec electuaires, autres en limature. Car en la cōfection Diacameron on y met Limaille d'or & d'argent. Aucuns tiennent vne piece d'or en leur bouche, & auallent leur saliué. Il est bien tout certain que l'argēt retenu en la bouche estainct la soif: & que le coral confortel'estomac, tant retenu en bouche, comme suspendu au col pendant sur la poictrine. Car j'ay experimenté que cela garde l'estomac de conturbation. Les autres conuertissent l'or, en eau potable: lequel moyen certes est tresbon, les vns en font en vne sorte, les autres en autre, selon les diuerfes conditions, et temperamens des hommes. A la verité l'or est vne chose arcane, & de vertu secrete à peu cogneue, tresparfaicte, & composee par egal temperament, & a merueilleuse proportion des vertus elemētaires, auquel nul autre corps composé ne se peut comparer. La playe faite par Ornes'enflammé point: Es electuaires confortela veue: & sur tout rend la substance du cœur pure, & sincere, & entretient le principe de la vie, pallie, & refrainct la lepre. Mais ces vertus sont à attribuer au vray & naturel Or, non à l'Alchymistic artificiel.



*Elixir de vie, que vn certain amy nous communiqua n'a pas  
long temps par lettres, en telles parolles.*

Chapitre. XLVII.



A descriptiõ de ce remede m'ha esté enuoyee de Romme: Mais s'il a autant de puissance, et vertu comme il en promet: le ne l'ay encore experimenté.

Estains, Or fin en tresbon vin par trois ou quatre fois, ou plus, selon la quantité du vin. Puis le destille quatre fois au Bain Marie, puis en vse en diuerses maladies, tant chaudes que froides: en y adioustant medicamẽs froidz, ou chauds, & quelques fois vn peu de bonne theriaque, selon que la maladie le requerra.

Aucuns sont qui prisent grandement l'esprit, ou la Quinte essence de l'or: pour les vices du foye.

*Eaux composees pour le mal des yeux.*

**E** Au merueilleuse pour conseruer la veuë, & contre la macule des yeux.

Prenez fueilles de Rue, Mente, Roses rouges, Saue, cheueux de Venus, (aucuns laissent la Mente, & la Saue: & pour icelle mettent Fenoil, Veruene, Euphrase, Betonique, Sermontain, & Endiuie) de chescun six manipules ou poignes, soyent mises tremper en bon vin blanc, par vn iour naturel; puis apres soyent destillees en vn Alembic, Leau qui premiere sortira, est comparee à l'argent, la secõde à l'or, la tierce au Baume, & doit estre bien, & diligemment gardee en vaisseau de verre. ¶ Lulle. ¶

Eau pour toutes curables affections des yeux, prinse de Gilles & Lulle, à esté par nous descrite cy dessus entre les eaux composees contre les internes affections.

*Eau composee pour les yeux.*

**A**V commencement du mois de May, cueille Chelidoine, Veruene, Rue, Fenoil, Broye, & pise l'vne apres l'autre, du suc d'vne chescune pren trois onces, puis les mesle: adioustes y pampes de Roses, trois onces de Sucre candy, quatre

quatre onces de bonne tutie, & autant de sang de Dragon. La liqueur qui en destillera, tu la lairras reposer au receptoire bien clos, puis en vseras. Elle est tresefficace aux yeux malades, debiles, rougissans, & à cataracte, ou suffusion.

Eau de vigne par le feu avec Miel sublímee; cure tresbien les chassies des yeux. || Moines. ||

L'eau de vigne (disent ilz) est celle qui au prins tēps quand on taille les vignes; destilletresclaire de la coupeure par aucuns iours. Celle eau encore qu'elle ne soit point destillee, oste les poinctures, & la chaleur des yeux, & clarifie la veuë empeschée: par cause chaude: si es deux coings des yeux on y en met en chescun vne goutte. || Rogier. ||

L'eau, ou l'huyle de l'espouse du Soleil (c'est la soucie) agui se la veuë, & guerit quelcōque mal des yeux dès cinq iours. Voy cy apres, es eaux cosmetiques, & ornatíues, entre celles qui seruent à colourer les cheveux.

Eau pour les yeux en esté, à la preservation de la veuë, descrite par Iean Manard, es epistres vi. & iiii. De Roses trois pars, d'herbes de Fenõil; & de Rue, vne partie: soyent menu trenchées & ensemble bien meslees: & apres trois iours en soit eau destillee ou à la seule vapeur d'eau chaude boillante: ou au Soleil, ou au Bain Marie: en telle sorte que au receptoir vne poignée d'icelles herbes seches soit mise, sur laquelle les gouttes tomberont: & le nez de l'alembic soit bien enté avec le receptoir: bien clos, & luté: que les vapeurs n'en puissent sortir.

*Eau ophthalmique ou oculaire, de Rogier.*

**A**yant remply le vase destillatoire de feuilles de Agrimoine, Veruene, Fenõil, Rue, Mēte, & Leuistic, tous trenchez menu: asperge les d'vn peu de vin blanc, & claret: puis ayant bien luté les vaisseaux destille. Ceste liqueur reprime l'enfleure des paupieres procedante de froide cause, deseché la chassie: garde larmes de fluer: esclarcit la veuë oste les macules. Et si tu la veux plus efficaceuse pour rompre les macules: adioustes y feuilles de Callithric, ou Adianton, ou de

Anagalli

Anagallide ( mors de geline, ou Morgeline) de celle qui a rouges fleurs. On peut bien aussi extraire eau de Fenoil, pour les mesmes causes. Car des racines, & fueilles de Fenoil cuictes en l'eau, la liqueur amassée en vn balsaïn mis sur celle eau encore boillante: l'eau est gardee en vne phiole, de laquelle vne goutte, ou deux mises le matin, & le soir en l'angle des yeux, vaut pour les mesmes causes, par commun experimēt.

Pour rōpre la maille, macule, taye, ou toille de l'œil, meslé myrrhe, & aloes broyez avec les susdites eaux: & de celle liqueur coulee, metz en soir, & matin vne goutte à chescun coing de l'œil.

Eau de fleurs d'Aupespine, & de Saux, destillee, oste les pointures, cuisions, & rougeurs des yeux, garde de venir les larmes procedantes de cause chaude, & rompt les macules, ou tayas de mesme cause.

Eau de fueilles & fleurs d'Euphrase empesche de fluer des yeux larmes prouenantes de cause froide: rabbat les paupieres enflees par mesme cause, rompt la maille en l'œil de mesme cause, restitue la veuë empeschee. (Je diroye que l'euphrage ne eschaufe pas, mais est temperee, & refroidit moyennement en premier degre: & deseche en second.

Eau tresexcellente pour la debilité de la veuë, descrite par Gordon.

Prenez Chelidoïne, Fenoil, Rue, Sermontain, Euphrage, Veruene, Roses rouges esleues añ. liure & demie, Giroffliers Poïure long añ. deux onces. Les ayans cassez destillé en vn Alembic, de verre, à petit feu, & tous les iours en metz dessus tes yeux malades.

*Autre eau pour les fistules.*

**V**In blanc tresbon destillé en mesme vaisseau que l'eau de vie, deux liures; Eau de Romarin, & de Saugede chescun trois liures, de Sucre deux liures, auxquelles choses de rechief destillees ensemble, adiousteras, Saugede & fleurs de Romarin, de chescun vne once. Et les ayant macerees par huit iours, les couleras, & en vseras.

*Eau pour le Chancre en quelconque partie du corps.*

**H** Erbe du chancre, appelée Pied colombin, fleurs de coïns, fleurs de cerfueil, frondes, ou fueilles de Framboisier, vn peu de Roses blanches, Miel & vin blanc, & alun de glace. Tout ensemble destillé. || André Fournier, ||

*Eau de Taupe, pour toute goutte, Chancre incurable, Teigne de teste coupperose & Loup.*

**V** Oy cy deffouz, entre les Cosmétiques, ou ornatives: ou sont recensees les eaux à teindre cheueux. Es cosmétiques aussi, nous rapporterons les eaux par lesquelles les verrues, pourreaux, & petits vlcères naissans en la face sont sanez.

*Des Eaux odorantes.*

**A** Vcunes eaux se font seulement pour grace de l'odeur pour en lauer, ou arroser mains, & face, Barbe & cheueux, vestemens, mouchoirs, & linges tant du corps, que des lietz: auxquelz non seulement par aspersiō, mais aussi par leur fumee, vapeur, & parfum elles cōmuniquent, vne chaude suauité d'odeur. L'eau rose a aussi lieu es apprestz, & condimens des viandes: seule (comme ie pense) de ce genre icy: Car on la prent en sauces, & est infuse sur les chairs rosties en core chaudes. Au reste des eaux odorates les vnes sont plus simples, les autres plus composees. A toutes les deux peuent estre annombrees les eaux de vertus, qu'on appelle eaux dorees. Car semblablement les vnes sont plus simples, les autres composees. Mais des eaux dorees pour la plus grand part se prennent dens le corps: & toutes se font en vin, ou en eau ardent avec infusion de bonnes herbes odorantes, ou drogues aromatiques. Les odorees sont plus simplement ainsi nommees: comme par les exemples cy apres mis on pourra cognoistre. Outre ce les eaux odorees ou toutes à vn coup sont destillees: ou apres la destillation quelques precieuses odeurs y sont adioustees: & aucunes se font sans destillatiō.

Poudre de Ireos, ou sochet, c'est racine de glaycul meslee, avec eau chaude larend odorante: & la meslent les Barbiers  
es laue

es lauemens. Fleurs de lauendé & d'aspic tant fresches, comme seches, sont iectées en eau, ou vin, ou eau ardent, le vaisseau bien estouppé & mis au Soleil, pour leur bailler leur odeur. Mais estants fresches, & encore humides, tournēt le vin presque en vinaigre, & non pas secz. Or sera faicte la liqueur plus odorante si les fleurs mises en vne fiole de verre bien close sont desechées au soleil, & puis infuses de vin blanc bon, & odorant. Et si quelqu'un veut auoir eau odorante faicte sur le champ: qu'il espanse vne goutte ou deux d'huyle d'aspic en assez grande quantité d'eau pure: & les broille ensemble en vne phiole de verre à estroicte gorge. Iasoit que tout cela se face sans destillation: toutesfois seront telles eaux de beaucoup plus odorātes: si bien à droict elles sont destillees: mesmemēt avec autres choses meslees, ou precieuses de grand pris, comme: Musc, Ambre gris, Ziuette, caphure, agalloch, ou bois de Aloës: ou bien mediocres, & de moyē pris, comme, Aste douce, Styrace, ou Storax calaminthe. Staete, qui est gresse de myrrhe, vulgairement nommee Styrace liquide, myrrhe, & autres aromatiques, principalement Giroffles: ou bien viles & de bas pris, comme roses, escorces, fleurs, ou fueilles de citrons, Limōs, & oranges, fueilles de Laurier, herbes communes odorātes, Romarin, Mariolaine, Ocyme ou Basilic. Le safran est vn peu trop vehement, & trouble la teste.

*Eau Rose musquee, Safrance, Girofflee, Caphuree &c.*

*Chapitre. XLVIII.*



**E**N deux liures d'eau Rose musquee, tu mettras le poix d'un escu (ou le pris d'un escu) de bon musc broyé, en vn vètre, ou coucoubre de verre propre à destillation, & le destilleras peu à peu en vn autre vase recepoir, semblablement de verre, bien estouppé, l'eau est merueilleusement odoriferante: & conuenante aux Roys pour en arroser, & parfumer leur linges, & vestemens.

*Safrancee.*

**E**N deux liures de bonne eau rose, tu mettras vne demie once de safran bien bon, que tu y lairras tremper par l'espace d'un iour, puis le destilleras. Ceste eau est vtile pour mesler aux medicamens: & aussi à bonne senteur, & aornement.

*Girofflee.*

**E**N liure & demie d'eau rose, metz demie once de poudre de giroffles l'y destrempant par vingt & quatre heures, puis la destilleras.

*Caphuree.*

**D**estille vne vnce de Caphure avec vne liure d'eau rose, c'est pour vser en medicamens royaux. Par ces mesmes moyens susdictz se faict eau Rose avec sandaux, & autres especes aromatiques quelzconques. Aucuns sont qui destillent toutes les choses susdictes en eau simple cōmune, pour eau rose. Treuble quasi comme treuffle est appellee à Rome vne herbe tresodorante, laquelle ilz destillent pour parfū, et autres mignardises delicieuses d'odoremēs. ¶ Moines. ¶

*Eau odorante par laquelle les vertus du chef, du cœur, & de l'estomac sont refocillees.*

**F**leurs de lauande quatre manipules ou poignees, roses blāches & rouges, de chescune des deux, deux manipules cyperi nouueau (c'est fouchet) escorces de Citrons, de chescun vne poignee, Mente, Saulge, thym, Sambuch (qui est sus) ou plustost sampsuc (qui est Mariolaine) fueilles de l'aurier ou de Polieu, de chescun vn manipule & demy. Giroffles quatre onces, Galange, noix muscade, calame aromatic, Gingembre, Cinnamōme, fleurs (ou plustost racine) de Ireos, c'est glayoul, de chescun demye once, enuiron six liures de vin blanc. Toutes ces choses broyees, & meslees ensemble soyent en infusion laissees par huyct iours en vn verre bien clos: puis en vse. Cest vne eau tresexcellēte pour le lauement des mains: en meslant vn peu d'icelle avec vne grande quantité d'eau commune. On pourra bien aussi vser d'icelle mesme destillee, en y mettant vn scrupule de Musc. ¶ Epiphān Empiric. ¶

*Autre eau de tresplaisante senteur.*

Vne

**V** Ne drachme de Ziuette, & autant de Musc, soit lié en vn delié drappelet, lequel soit trempé en eau Rose au Soleil par aucuns iours. ¶ Epiphan, ¶

*Vne autre tresodoriferante, du mesme Epiphan.*

**P** Ren vn manipule & demy de Basilic, mente, suz (ou plustost sampsuc qu'est Mariolaine) Iris, ou glaycul, Hysope, Balsamite (s'enten Sisymbriou ou mente rouge) Sarriete, ou sauouree, Sauge, Melisse, Lauende, Romarin, de chescun vn manipule & demy, Giroffles, Cinnamomme, noix muscade, de chescun vne once. Trois ou quatre Citrôs. Tout cela soit broyé, & infus en eau rose par trois iours, puyz destillé à feulent. Apres la destillation parfaite y faut adiouster vn scrupule de musc, & la mettre au Soleil.

*Autre eau d'excellente odeur, Par luy mesme. Epiphan.*

**E** Au Roses trois liures, Giroffles, Cinnamommes, Sandaux, Citrins de chescun six drachmes, fleurs de Lauēde, deux Manipules, Assē douce six drachmes, Maluoisie, & Eau de vie de chescun deux onces, Laisse les par l'espace d'vn mois en infusion au Soleil, ou sur vn fourneau en vn vase de verre biē clos. Puis apres les destille au B. Ma. & adiouste à la destillation vne drachme & demie de Musc. Puis de rechef les lairras au Soleil, ou sur vn fourneau par l'espace de dix iours: & puyz en vse. Car elle est de merueilleuse odeur.

*Eaux odorantes de André fourmier en son liure en francois, De la decoration de nature humaine. Chapitre. XLIX.*

**E** Au de merueilleuse suauité pour parfumer les liceulx des licetz, en forte que toute la chābre spire odeur tresagreable. En vne petite phiole de verre tu mettras dix-huyct, ou vingt grains de Musc, & de Ziuette, & d'ambre gris vn peu, Puyz l'ayant remplie d'eau rose, la mettras apres du feu: & quand elle sera chaude tu l'osteras, & bien bouchee la lairras refroidir. Deux iours apres en pourras vser, Elle sera aussi bonne, que si elle fust destillee. Quand tu en voudras parfumer chemise ou linceux metz la en vn vaisseau de large ouuerture: & sur icelle eschaufee tu estendras le linge, pour estre embeu de la vapeur.

*Autre maniere d'eau odorante: qu'on dit Cassolete.*

**E**N vn vaisseau de Cuyure ou laiton, metz vn peu d'eau rose musquee, & de Ziuette, Giroffles, Agalloch, Sty-rax, calaminte. Le tout pisé meslé deuât & sur vn petit de feu: et de la vapeur ou fumee exhalâte parfume ce que tu voudras L'odeur en est merueilleuse, pour laquelle cōseruer faut bien estoupper le vaisseau: & quand bon te semblera y mettre d'auantage d'eau rose, pour la renouueller. Autre. En quatre liures d'eau rose tu mettras Assé douce assez grosse, & pisée, Sty-rax, Giroffle, Camphre, Agalloch, de chescun vne vnce, Musc, Ziuette, de l'vn & l'autre vingt grains. Toutes ces choses tu mettras en vn vaisseau de verre clos de parchemin pertuisé à dix ou douze petis pertuys: & ce vaisseau l'airras chauffer trois ou quatre heures envn chauderon plein d'eau boillante, comme au Bain Marie. Puy estant refroidie la couleras par vn linge delié, & la cōserueras en vaisseau de verre, ou tu auras ietté quinze grains de Musc, lesquelz biē destrempez avec ladite eau: estoupperas le vaisseau: & par quinze iours l'efforeras au soleil, ainsi auras eau tresodorâte.

*Eau odoriferante, & secreta, de laquelle vne partie meslee avec dix pars d'eau pure, la fera toute suau.*

**V**ingt grains de Musc: plus ou moins, selon q̄ l'odeur en plaist: Noix Muscade, Giroffle, Galange, Spicque de Nard, graine de Paradis, Macis, & Cinnammōme, de chescū vne once. Toutes ces drogues ensemble pisée soyēt mises en vn vaisseau de verre propre à destiller: en espādāt par dessus vne demie liure d'eau rose ou enuiron. Ainsi tu le lairras par quatre ou cinq iours: puis y adiousteras trois fois autāt d'eau rose: & tout cela destilleras par vn Alembic en vn chauderon plein d'eau boillante, comme au Bain Marie, & l'eau qui en sera recueillie, bien close & estoupee garderas pour vsage.

*Eau excellente.*

**E**Au de fleurs de Citron deux liures: Eau de roses rouges vne liure: eau de myrtilons demie liure, Roses mus-

quees



quees bonne quantité fleurs de Iasmin, & de Giroffiers, ou de Giroffles demie once. Asses douce bien pisee, trois onces, Vernix vne once, Styraç calamite, & rouge, de l'vn & l'autre demie once. Toutes ces choses pisees, broyees, & meslees dans les eaux susdites tu destilleras en vn Alembic de verre, avec chapitel, & receptoire ensemble bien lutez, à petit feu, ou au Bain Marie, ou en vase plein d'eau bouillant.

*Eau tresbouillante avec laquelle aussi huyle se destille.*

**L'**Eau avec cent pars d'eau commune meslee la rend toute embeue de sa frauité: & l'huyle avec mille pars, Myrrhe eleue, pure, recente, & grasse taillee en petits morceaux, & menus, vne liure. Suc de Roses, liure & demie. Meslez ensemble soient destillez par vn Alembic es cendres, ou premierement à petit feu tu separeras l'eau, en apres à feu augmenté separeras l'huyle. Celle eau acquiert beauté à la face: efficacieusement resoude les playes tant vieilles, que nouvelles. L'huyle est tresprecieux: & fait le mesme que l'eau, mais beaucoup plus hastiuement: c'est à sauoir en l'espace d'une heure, ce que l'eau en l'espace d'un iour. Vne once de ceste eau destillee, & meslee avec cent pars d'eau pure, la rend excellentement odorante. Et vne once de l'huyle adioustee à cēt liures d'eau, fera le mesme.

*Eau rose musquee: qui aussi est requise à autres compositions.*

**E**N vn vaisseau de Verre large deffouz, estroit deffus metz douze grains de Musc, ou plus: & bouché d'un parchemin le fay estorer quatre, ou cinq iours au Soleil. En apres tu prendras vn autre semblable vaisseau, & réply de roses vn peu sechees & frisees, tu le boucheras d'un linge clair & delié, ou d'une estamine. Adonc tu mettras le vase des roses sur la bouche de celui qui tient le Musc, en les luttant tout autour bien diligemment, & ainsi les mettras au soleil, en sorte que le vaisseau des roses soit dessus, & le vaisseau du Musc deffoubz à quelque fenestre bien solaire, ou autre lieu ou le Soleil soit continuel & vehement. Tu pourras bien aussi asperger ces dictes Roses seches, & frisees de

tresbonne eau rose: & ainsi les mettre dens le destillatoir. De celle eau tressuaue tu enuieras quand bon te semblera, ou par elle seule: ou la mesleras avec autres compositions bien conuenablement.

*Eaux destillees cosmetiques c'est à dire appartenantes à l'aornement, & embellissement de la personne.*

*Chapite.*

*L.*



Aux destillees cosmetiques se diuisent en quelques differences. Car les vnes conuiennent à la face: pour luy rendre bõne couleur: blanches, rosee, ou claire, & pour oster les rides, pour preseruer du soleil, ou pour faire perdre les taches, macules. & asperitez du cuyr. Autres appartiennent aux cheueux pour les adoucir, cresper, ou faire changer de couleur. Autres à nettoyer, & blanchir les dens.

Or l'vsage des eaux cosmetiques ne doit en tout estre estimé deshoneste, & indigne d'homme bien apprins:

Car Galen le tresexcellēt des Medicins ordonne plusieurs medicamens cosmetiques, ou ornatifz, & decoratifz en son œuure de la composition selon les lieux: & enseigne l'vsage d'iceux estre souuent vtile, & honneste. Car la meschanceté d'aucuns maris est telle, que par petits & legiers vices ou defaux de forme en leurs femmes: facilement ilz se detournent de l'amour d'elles, à la paillardise des putains.

Aussi telz vices ou defaux de face ou de corps peuent estre es homes: que à la monstre d'iceux vn honneste home & bien né auroit honte de sortir en public. Aucuns aussi font fascherie, et douleur, ou ennuyeuse de mägeaifon, cõme truffes, grosses verrues, poureaux, & telz en face. Ces choses icy certes nous escriuõs, nõ pour les femmes farder, ou les hõmes effeminer: mais aux medicins lesquelz il cõuiēt estre home sages, & gens de biē: affin que de ces hõnestes remedes ilz vsent tant autre part ou appartiendra, comme principalement es personnes des nobles matrones, femmes de Roys, Princes, & Gētilshomes, de pudicité notable, quand

par

par elles de ce seront requis. De ceste matiere icy: & en quoy differe l'art cosmetique, ou decoratiue (par laquelle est caché honnestement aornement) d'auec la commotrique farderie, on en peut lire d'auantage en Galen au premier liure de la composition selon les lieux, chapitre second.

En cest endroict nous ne recenserons point les eaux cosmetiques simples: telle que sont l'eau de fleur de feues, de fraises, de rosee, de laict de chieure. Car de celles a esté parlé cy dessus, de l'eau de fraises, & d'elle mesme, & des autres en Brunsuic, & Riffy, l'eau de vie a aussi vertu cosmetique: comme en son lieu nous auons recité.

Eaux destillees de fueilles de peschier, & de faux, meslees en poix egal, abolissent les tubercles, truffes, & verrues rouges en la face, que les François appellent Rubis.

*Vin aromatic pour l'ornement des femmes, qui rend la peau blanche, subtile, pure, & colouree.*

Chapitre. L I.



**M**Etz en vin blanc Gingebre, & Cinnamome, & le destille à la mode d'eau rose. Il vaut aussi contre toutes froides complexions: mesmement cōtre la paralysie. [Arnold] au liure du vin. Eau cosmetiques par laquelle les femmes embellissent, & adoucissent leur peau si elle est grosse, noire, & esquailleuse: est en Nicolas Massa, au liure sixieme de la verrolle, chapitre deux.

*Eau pour blanchir la face.*

**P**Ren demye liure d'escume d'argēt broyee, et la fay cuire en deux liures de vinaigre blāc, iusque à la cōsumatiō de la tierce partie, en la meslāt tousiours d'vne verge estant cuyctē la destille. Finalement adioustes y demye once de caplure, & de aphonitre huyle de tartre, alun de roche, de chacun vne once: coule par vn gros linge, & frotte la face, & le col [Epiphan Empyric.]

*Autre de luy mesme pour embellissement de la face.*

**P**Renez racines de lis, Aarō, ou Iarus, Draconcule ou

serpentine, de chescune herbe fresche & nouvelle, demie liure, Eau de fleurs de feues, liure & demie, Eau rose huyct onces, destille, adiouste Muschari, et Cinnamome, de l'un & l'autre deux drachmes laues en la face deux fois le iour. || Epiphan. ||

*Eau pour le mesme usage, de luy mesme.*

**R**. Fleurs de feues, amèdes ameres, fleurs de peschier de chescun trois onces. Laict de chieure autât que de tous les autres ensemble adiouste les aubins de six ou huyct œufz boillis, qu'il faut mesler, & mouuoir avec eau destillee puis destille le tout de rechief: & y mesle deux drach. de caphure.

*Eau Gallicane pour toute lentillure: asperité, & macule de face.*

**T** Artre bruslé iusque à blancheur, vne liure, Mastic, & tragachate de chescun demie once. Cāphre six drachmes, quatre aubins d'œufz. Toutes ces choses pisees, & broyees en eau rose, soyent destillees: elles sont remediâtes iusques à admiration. || Epiphan. ||

*Eau acquerant à la face belle couleur vermeille.*

**P**renez vne pinte d'eau de vie trois fois destillee, Prasil vne once, dix cloux de giroffe, autât de grains de paradis, cinq cubebes. Toutes ces choses broyees, & passees tu feras boullir avec vn peu d'eau de vie, en vn vaisseau bien couuert: affin que rien ne transpire, Puis ceste meslange refroydie destilleras par vn Alëbic de verre du tout à feu lent, & tu en auras eau bonne & claire. Quant tu en voudras vser teings la face, ou la peau d'une espōge moillee en icelle. Car sans doubte elle faict la couleur en blancheur vermeille comme la rose. Et dure ceste taincture deux ou trois ans. Et si eau de vie te defaut: pren vin rouge, le meilleur que trouuer se pourra, à la mesure de pinte. Car il faut plus grand mesure de vin, que d'eau de vie. Mais toutesfois l'eau de vie est meilleure pour faire ce lauement. Lequel aorne subtilement, & merueilleusement le cuyr de la personne. Cesterecepte est prinse en vn liure escrit à la main, sans non d'auteur. Nous en mettrons tantost apres vne semblable prinse en Gordon.

Autre ostant les rides, & macules, de la face & esclarcissant la chair, qui se fait d'aubins d'œufz destillez, voy la dessus entre les eaux simples destillees au Bain Marie.

Eau merueilleuse qui efface les napes, ce sont tubercles ou pustules appellees par les Italiens napes. Par les François loupes, glandules, scrophules, ou verrues, & toutes telles superflues carnositez naissantes au corps.

Prenez huyle l'aurin deux liures: Encens blanc, Mastice eleue, gomme Arabic, claire Terebinthine: de chescun trois drachmes. Ayant brisé les brisables. Mesle tout ensemble & le destille par vn Alembic. Et en celle eau ainsi destillee, metz vne demie liure de cendre de terre, & de rechief la destille. Garde ceste eau comme vn Tresor. ¶ Non Nommé. ¶ Il semble que ceste liqueur seroit plustost huyle que eau: & si la cendre n'y estoit adiouste pourroit estre nombree entre les baumes destillez.

*Eau cosmetique blanchissant la face, & brisant la pierre a esté par nous descrite sur la fin du tiltre, ou nous auons traicté en general des vertus es eaux destillees. voy aussi Roger au traicté quatriéme. chapitre cinquiéme.*

**T**V trouueras quelques eaux cosmetiques pour la face incōtinēt apres cecy, es suyuantz traictéz des Cheueux. Aussi entre les Baumes en y a q seruēt à laornemēt de la face.

*Eaux destillees pour embellissement de la face. prinse au liure Francois de André Fournier, De la decoration de Nature humaine.*

Chapitre. LII.

*Eau pour blancheur & netteté de face.*



Leur de Rosés blanches, de Nenuphar, de suz, fleurs de Lis (en ostant le minon iaune) fleurs de Feués, de toutes ces fleurs vne liure. Eau de Fraises, demie liure, Moelle de pain blanc autant comme bon semblera. Douze

aubins d'œufz, Encens blanc, deux onces. En toutes ces choses soit mise ceruse en infusion par l'espace d'une nuict, Puis toutes soyēt destillees en vn Alembic de verre. L'eau destil-

lee soit puis efforee au Soleil: & d'icelle soit lauee la face matin & soir sans effuyer.

*Autre eau faisant que la face, & toutes les autres parties du corps, retiennent apparence de ieunesse, & de beauté.*

**E**Au de vie deux onces, Eau de fleur de Feuës, & de Roses, de l'une, & l'autre quatre onces, de Nymphée ou Nenuphar, six onces. Toutes ces choses meslee, adiouste y vne drachme de Tracaganthe tresblanche. Ceste eau ayant esté par six iours efforee au Soleil, tu la couleras en vn linge bien blanc. Il en faut vser le matin sans effuyer.

*Autre eau pour la resplendeur, & forme de la face.*

**E**Au d'aubins d'œufz frais passée par vne esponge, avec egalle mesure de suc de Limons, soit destillée. A ceste eau tu adiousteras puis après deux onces de lexiue commune, & dedans mettras vn Limon ou Citron cassé apres dix iours tu en tireras le suc, & le mesleras avec l'eau. De ceste eau soit lauee la face, ayant premierement esté lauee en eau commune pure. Elle acquiert elegante beauté, & conserue la peau, & du tout est tresbonne.

*Eau de laquelle vsoit. D. Isabel d'Arragon. Duchesse de Milan.*

**P**Estry fleur de farine de fromēt, avec vn sextier de Laict de Chieure, de cela fay vn pain lentement cuit au four: tire le auant qu'il soit bien cuit. La moelle ou miette de ce pain mise en petits morceaux, ou frisee, & trempee en autre Laict frais de Chieure laisse la par l'espace de six heures. Tu y mesleras l'eau de douze aubins d'œufz, chaux faicte des coquilles des œufz vne once. Camphre, alun de Sucre, Coral blanc, de chescun deux drachmes. Toutes ces choses grosses ayans corps, apres estre broyees, soyent avec les liquides incorporees, & destillees en vn Alembic de verre. Il en viendra eau tresbonne, & tresutile à oster toutes molesties, & taches ennuyeuses naissantes à la face, & la decore autant qu'il est possible.

*Autre eau embellissant la face.*

**M**Esle en vin blanc feuilles de Romarin, & tartre blac, & de

& de l'eau qui en sera extraicte par Alembic, vses en comme des precedentes, à mesme effect.

*Autre pour le mesme.*

**T**V efforeras au Soleil, en vne phiole de verre, en bon vin blanc, la fleur des Feuës: puis les destilleras à feu lent. On en peut vser soir, & matin à lauer la face, mais par auant doit tousiours estre lauee de decoction de Cerusse, & en brief on en verra bel effect.

*Autre qui oste toutes macules.*

**P**Ose en vn vaisseau de verre parties egalles de Crystal, & de Coral, avec eau de Limons montant vn doigt de trauers par dessus. Ce vaisseau bien bouché mettras en terre en quelque lieu froid, comme en la caue: par quelques iours, Puis laueras des limacz, uidez de leur coquille en eau sallee par tant de fois que leur viscosité soit toute hors. Adonc les destilleras, & en garderas l'eau, Puis extrairas aussi par Alembic eau de Raues menu taillees. Quand tu en voudras vser: pren de la premiere eau vne cueilleree, de la seconde quatre, & de la tierce quatre: mesle les ensemble & en laue ta face: laquelle par auant soit refreschie d'eau pure.

*Autre eau merueilleuse, pour mesme effect.*

**P**Ren limaces sans leurs esquailles, & les laue cōme dessus est dit, puis espergeras vne once de sel gemme menu pillé en vn vase de verre, & mettras les limacz dessus, puis en core autant de sel, & puis les limacz, & tousiours ainsi alternement: tant que la tierce partie du vaisseau soit remplie. Alors tu y verferas ius de Limōs tāt qu'il passe deux doigts par dessus le sel, & les destilleras. Tu en vseras comme dessus est escrit. Et si tu n'as la cōmodité de les destiller. Tu efforeras au Soleil toutes ces choses meslees ensemble, en vn vaisseau clos tant qu'ilz prennent forme d'onguent, duquel tu vseras le soir, comme des autres onguens cy dessus escrits, ayant par auant laué & essuyé la face, & le matin suyuant laueras ta face d'eau de fleurs de Feuës. Tout cela auons nous leu en l'antidotaire de || Gordon. ||

**Autre**

*Autre eau non destillee.*

**X**ertz en de bon vin blanc, douze Limons, chescun diuisé en quatre parties: de ceste liqueur vseras, comme des eaux susdictes: & bien en aduiendra.

A pres ceste ensuit l'eau de mesme effect, destillee de la tondre Cigoigne, que cy dessus j'ay descrite entre les eaux Médicinales simples.

*Autre moyen tresbon, & secret.*

**S**ix œufz bien frais, Maluoisie, demie liure, vn ieune Pigeon non encore du tout emplumé, vn fromage frais & blanc, venant de la presure, qui point ne soit esbeurré huict pommes d'oranges, huyle de tartre, trois onces, Ceruse, vne once, Soyent broyez les broyables, & tout ensemble meslé, puis soit destillé à petit feu, l'usage de ceste eau est cōme des precedentes, rend le cuir beau, mignon, subtil, & tendre.

*Lauement Royal, ostant toutes macules.*

**E**N claire eau de Terebinthine, autant comme s'en peut extraire de deux liures, metz Mastic, demie once, Encens blanc trois onces. Tragacathe demie once. Broye & pise tout avec eau, puis le destille: & garderas l'eau. En apres fons le saing ou axonge d'vn porc masle, sans sel, & le coule par vn double linge, puis pren Gingembre blanc, Giroffles, Cinnamomme, Euphorbe, Spicque de Nard, Camphre, de chescun deux onces, & trois Noix muscades. Toutes ces choses broyees avec le saing de porc coullé comme j'ay dit, mesle les ensemble: adioustes y deux onces de vif argent souuent laué avec sel, & vinaigre, & passé par vn cuir, & avec iceluy incorpore la fauille, ou laueur d'Argent de coupelle. Destille toutes ces choses ensemble meslées, & garde l'eau. Puis pren de la susdite eau de Terebinthe six onces: & de la susdite eau de axōge, ou saing de porc, deux fois autant. Quand tu en voudras vser laue ta face, premierement avec la decoction de Cerusse,

& la



& la panne bien. Puis de ceste eau ainsi meslee, prens en six gouttes au creux de la main, d'ont tu froteras telle partie du corps que tu voudras, la couurant puis apres d'un linge net tant que seché soit. De ce s'ensuyura effect admirable.

*Autre eau de Limasses.*

**P**renez trente Limasses blâches: laiçt de Chieure deux liures, fresche gresse de porc, ou de cheureau, trois onces, Camphre broyé vne drachme, & tout cela soit destillé en vn Alembic, de verre.

*Autre.*

**M**ette de tresblanc pain de fromēt, six onces, trempées en deux liures de laiçt de Chieure. Mesle tout diligemment, le destille comme dessus: & t'en laue. L'eau destillée d'aubins d'œufz, est aussi bien approuuee.

*Autre eau blanchissant la face.*

**M**yrre, deux onces. Encens blanc, & mastic de l'un & l'autre, demie once, Gingembre blâc, trois drachmes. Cinnamomme eleue, argent sublimé, de chescun deux drachmes. Camphre vne drachme, Aubins d'œufz, vne liure, ou liure & demie. Toutes ces choses bien meslees soyent mises dans le ventre d'une Poule ieune & grassé vuydee de ses boyaux. Ou si tu veux metz la Poule escorchee en piéces: Adiouste trois sextiers ou enuiron de laiçt d'Asnessé, ou de Chieure. Destille tout en vn Alembic de verre.

*Pour faire elegamment reluire la face.*

**D**estrempe en tresfort vinaigre trête œufz. frais par trente iours, & trente nuictz, puis les perse avec vne espinde: affin que tout ce que y est d'humeur decouille. Tu les destilleras en vn rosaire, & en laueras ta face.

*Eau esclarcissant la face.*

**D**estrempe en vin blanc par l'espace de neuf iours racines de serpentaïre bien nettooyée, & trenchée en menues roelles, en les surfondant tous les iours de demie liure de vin frais: Puis pren toillettes, ou coïfes de gresse de cheureau, reseruees du mois de May: iusque au nombre de six,

Ris

Ris frisé, & cuiët en trois liures d'eau de noir Solanon dit morelle, eau de prunes sautages, demie liure: Feues broyees sans escorces, qui bouillët en l'eau susdite, A quoy tu adiousteras dix pommes pourries: & dix œufz frais, racine de glayeul commun, ou de Iris florentine deux manipules. Miel vne liure: amendres ameres demie liure, Gomme Arabic, Sarcocolle, tracaganthe, Borax, Camphre, de chescun deux drachmes. Laiët de brebis six liures. Terebinthine de venise deux onces eau de fleurs de Nymphée, ou Nenuphar: deux liures. Toutes ces choses soyent destillees en Alembic, à petit feu. L'eau destillée soit mise au Soleil, & souuent remuee.

*Autre eau qui efface les macules du cuir, & le blanchit.*

**B**orax, vne once, Camphre, drachme & demie, Alun commun trois drachmes. Gomme Arabic, & Tragacante, de chescune demie once. Sarcocolle, & Assé douce, de chescune deux drachmes. Cerusse quatre onces. Toutes ces choses ensemble broyees, mesle, & les metz tremper en eau de Serpentaire, ou de fleurs de lys, de chescun demie liure: avec eaux de fleurs de geneste, de morelle, de Nenuphar, de chescune quatre onces. Destille en Alembic de verre.

Pour rendre la face claire & Iuuenile, tellement qu'elle ressemble estre de l'age de quinze ans. Pren douze œufz de poule frais, & sans coquille, Cinnamomme, vne once, Laiët d'Aneffe, vne liure. De l'eau qui en sera extraicte par Alembic, laues en ta face.

*Cosmetiques, ou Decoratifs, prins en l'Antidotaire de Gordon.*

**P**renez racine de lys, Serpentaire, aaron, Ciches escorchees, Ris Amydon, Ceruse lauee, Sauon de France, añ. deux onces. Soyent mis en vn pot neuf, cuiët au four, & broyez. Item prenez Tragacante, gomme Arabic añ. vne once. Soyent infuses en eau de fleurs de feues. Puis destrempe porcellaines en eau de Limons, tant qu'on les puisse mollasser: adiouste Borax vne demie once. Toutes ces choses soyent meslees avec vn peu d'axōge, ou de saing de porc: & avec eau de fleurs de Feues. De tout cela ayant fait com-

me vn onguent, frottes en ta face matin & soir, & la laue avec eau tiede coulee en bren de farine. Ce medicament, absterge, blanchit, & nettoye. Finalement il rend la face souverainement & merueilleusement venuste, plaine, egalle, & gracieuse.

*Autre.*

**L**emons coupeez en trois ou quatre pieces soyent cuietz en vin blanc duquel on lauera la face.

*Autre pour vermeiller les ioues, à laquelle vne semblable*

*auons cy dessus descrite.*

**P**renez Alum, Bresil, graines de coque d'escarlate, soyent broyees avec eau de vin destillee. Et de cela soit frotté le lieu que l'on voudra enrubiner. A quoy si on adiouste vn peu d'eau de sel Ammoniac: la couleur en seroit plus ferme, & plus durable. Combien que ceste eau d'Ammoniac est à euitier, pource qu'elle est corrosiue: tellement que si on en veut vser, en faut prendre fort petite quantité, affin que le medicament & le corps n'en soit corrompu. Qui voudra veoir d'auantage de liqueurs destillees pour purité, & beauté. Lise Rogier au traicté quatriéme chapít. cinquiéme, ou il décrit l'eau de Feués, & de Limons, & quel est leur vsage, tant de par elles: que en autres compositions. Item l'eau composee avec Bryonie, c'est couleuree, ou vignete blâche, & Serpentaire. Item les simples, comme eau de Fraises, eau de Hastule Royale, c'est Aphrodile, ou (cōme aucuns veulent) Grande malue: herbe musquee, & fleurs de poyurete.

*Eaux pour Cheueux, & Barbe & autres poilz coulorer.*

**P**Ren vne bonne quantité de fleurs de Soucie (qu'on dit l'espouse du Soleil) metz la tremper en laict de femme allaictant enfant masle, par l'espace de dix, ou de quarante iours: puis en fay huylle, c'est huyle cuietz avec Or de fueille, le faisant doucement boillir par l'espace d'vn iour, est admirable. Car qui en lauera ses cheueux les aura semblables à Or. Et si la face en est frottee, & puis essuyte: elle sera tellement plaine, & claire, quelle ressemblera face angelique, en conti-

nuant

nuant par cinq iours. Aussi elle clarifie la veue, & guerit mal des yeux dens quatre ou dix iours: & toutes douleurs de dēs en trois iours: & si d'icelle les genciues sont bien frotees, les vermifceaux en tombent, & meurent. ¶ Gilles. ¶ En ses eaux la quatrième.

Si quelqu'un boit de ce medicament par neuf iours, il guerit de paralysie prouenant de quelconque cause: encore qu'elle eust ia duré quatre ans, ¶ Lulle ¶ au liure des eaux. Et semble que ceste liqueur se face nō par destillation, mais par expression seulement, comme ie diray entre les huyles des semences.

*Eau de Lard pour faire les Cheueux longs, dorez, & reluyans:*

*& la face plus belle.*

**T**Renche l'ard blanc en menues pieces, puis le pise en mortier de marbre, ou de pierre, tant qu'il semble paste pestrie. De ceste greffe destillee en Alembic, tu en recueilliras vne blanche liqueur, duquel oindras Barbe, Cheueux, & face: Car tel onguēt leur acquiert beauté, & reluisance. ¶ André Fournier. ¶

Eau de Miel destillee fait auoir longs Cheueux, & venustes. Ly cy apres, ou nous parlerons des Quintes essences simples: & entre les eaux destillees es rosaires.

*Eau blanchissant, Eau de Taupe sixième entre les eaux de Gilles.*

**M**etz vne Taupe en poudre, avec Souffre, puis la laise tremper par aucuns iours en suc de Chelidoine, & apres la destille. De celle eau lauieras vn lieu au corps de quelconque animal que tu voudras: & il blanchira. Au mesme si tu mesles eau, Aloes, & Cire, en oignant le lieu malade tu gueriras toute goutte: & le Noli me tangere, avec vn emplastre de ce fait. Mise en onguent guerit aussi la roigne, & teigne de la teste: & mise en mode d'emplastre, guerit la couppe rose. Au reste meslee avec pierre calaminaire, & Aloes guerit le loup parfaitement: en y apposant emplastre deux fois le iour: mesmement si les superfluitez sont lauees de la mesme mixture avec vin blanc. Mais en nulle maniere ne doit estre

prins

prins dens le corps.

*Eau teignant en verde couleur.*

**C** Ouppe rose, & vitriol vne liure. Esmeril demie liure. Destille, & Oings. ¶ Epiphan Empiric. ¶

Eau de capres destillee rend les cheueux, & les poilz verdz. ¶ Cardan. ¶

*Eau seruant à la purgation des dens.*

**P** Renez sel Ammoniac, sed de gemme, de chescun trois onces, alun de sucre, once & demie. Soyent destillees, ou bien soyent destrempees en deux liures d'eau, par l'espace de huyct iours: puis soyent coulees en deliee estamine, & de cela soyent les dens frottees. ¶ Epiphan Empiric. ¶

Tu en trouueras deux autres semblables à mesme vsage, cy dessouz, apres la description de l'eau fort.

*Comme les eaux d'herbes, fleurs, & racines se destillent par descens.*

Chapitre. LIII.

**R** En vn pot de terre sur lequel estends vn linge clair: & sur iceluy les roses. Car en celle sorte l'eau rose vient tresodorante: ou y estends vaciet, ou autres fleurs, & herbes. Puis ayes vne poisle qui couure le pot de terre: & fay feu sur le fond d'icelle. Ainsi se destille non seulement la tresodorante, mais aussi la tresvalable eau Rose. Laquelle on met au soleil dens vn vaisseau clos, pour oster la senteur de la fumee, demourant neautmoins tousiours l'odeur de la Rose. ¶ Cardan. ¶

Roses fresches posees sur vn blanc linge mis & estendu sur vn bassin: & couuertes d'un vaisseau remply de charbon ardent, destillent dens iceluy bassin beaucoup d'eau, & bien odorante. Par mesme moyen se peuuent destiller les autres fleurs. ¶ Syluius. ¶ Ceste mode destillation, me semble estre comode pour toutes choses qui sont froides, ou aptes a refrigerer, mesmemēt si elles sont sans odeur, cōme la plus grande part des choses astringentes, & encore plus les froides & humides. Davantage on en tire beaucoup plus d'eau, en plus

brief temps, & à moindres despens. Et ne faut auoir paour qu'elle s'esuente. Mais il se faut dōner garde que le vaisseau charbonnier mis dessus ne soit trop chaud, & l'eau ne sente l'arsure, Si deux potz de terre sont appliquez & apposez l'vn sur l'autre, vn linge clair mis entre deux; & le dessus soit plein de roses: il en destillera eau tresodorante au vaisseau de dessous. ¶ Syluius. ¶ L'eau rose musquee, cōme par descens se faict au Soleil: nous l'auons escrit cy dessus au chapitre des eaux odorantes.

L'humeur des violetes, Girofflees, à fleurs iaunes destillé de par soy en vne ampouille de verre radresse les paupieres renuersees. On remplit le vaisseau de fleurs, qui par plusieurs iours à continuel soleil sont amorties: d'ond deflue liqueur au fond qui est valable pour les yeux. ¶ Alexandre Benedict. ¶

Prenez Turions de fenoil deuant qu'ilz soyent floris, pleins de suc, avec leurs fueilles: metz les en vne phiole de verre non du tout pleine, & d'icelle renuersee metz la bouche, en vne autre phiole dessous mise, & les estoupe de paste, affin que les esprits ne se puissent exhaler. Et mettras icelles phioles en quelque pertuis de muraille vers la chaleur meridionale du soleil. Ainsi dens, cinq ou six heures tu auras eau tresvtile pour mōdifier la chalsie, & esclarcir la veuë, laquelle eau nous a enseignee vn amy qui l'auoit experimētee en soy mesme.

Squilles, Scipouilles, ou Charpētaires herbes, ostee l'escorce de dessus, trenchees menu, soyent mises en vn vaisseau menu pertuisé au dessous, couuert & luté par dessus. Puis feu soit faict en vn pot par dessus: enuiron dix heures ou plus. Ainsi coulera l'eau au vaisseau de dessous laquelle meslee avec farine ou pain tuent les rats qui en goustant: & encore plustost si on y mesle vn peu de Litarge. ¶ Bulcasis ¶ au liure. deuxiēme & de luy prins. ¶ Syluius. ¶

Il ya vne maniere de faire eaux par descens, & aussi certaines huyles en la sorte que on destille la poix en bruslant

les arbres resineux. ¶ Syluius. ¶  
 Mais des huyles qui se font par descens nous en parlerons cy apres. Aucunes choses se font par certain moyen entre ascēs, & descens, comme l'huyle de vitriol en vne coucourbe renuersee à costé.

*Destillation en cendres, arenes, ou sable & escume de metaux broyee.*

*Chapitre. LIII.*



**E**S cendres sont destillees tant les eaux que les huyles. Les eaux à tresdouce chaleur laquelle on peut cognoistre à la main en touchant tant les cendres comme les vaisseaux destillatoires. Et parauenture n'ya il pas grand interest de destiller en Bain Marie, ou aux cendres quelzconques liqueurs, moyennant que on obserue l'equalité & mesure conuenante du feu. Car au Bain Marie on peut bien faire boillir l'eau ou se plonge le destillatoire: ce que non es cendres, ne trop les eschauffer: quand par icelles on veut extraire eau d'herbes, fleurs, racines, ou liqueurs. Et dit on que les destillations es cendres se font plus douces, & moins sentantes leur adustion, quant plus doucement, & lentement la chose se parfaict en sorte que à grand peine le chapitel soit chaut: & quelque fois entre vne & autre goutte tombant on puisse nombrer iusque à cinquante. Mais les huyles ont besoing de plus grand feu, & de plus vehemente chaleur & plus seche. Parquoy combien que tout ce que on destille en eau se puisse bien destiller en cendres, non toutesfois au contraire. Car les huyles se peuuent faire en cendres, & non en eau boillante. Mais cecy sera plus apertement declaré au lieu ou nous enseignerons de la quinte essence. Or la destillation par les cendres est biē facile, & prompte si vn vaisseau de terre, ou de cuyure assez grad, & assez profond pour prendre, & contenir vne coucourbe, ou corps destillatoire est remply de cendre menue & passee, par le tamis ou d'arene tresmenue en telle quantité que la matiere mise en la coucourbe pour destiller soit toute enfoncée dens les cendres, ou are-

ne, sans aucunement pars dehors apparoiſtre. Ce vaiſſeau ainſi remply de cendres, ou d'arene, ſoit mis ſur cinq ou ſix barres, ou bēdes de fer poſees en trauers ſur les deux coſtez du fourneau qui ſera conſtruiſt de trois muretz, & la muraille de la maiſon ou il ſera faiſt, ſeruant par derriere: deux muretz aux deux flans, & le deuant à demy ou en grande partie ouuert pour y mettre, & faire feu. La lōgueur de cheſcun coſté ſuffira de vn pied, & la hauteur de ſix doigtz ou enuiron, Toutes maſſonnees à terre graſſe avec petites pieces de brique, afin que la chaleur y ſoit mieux contenue, en laiſſant deux ſouſpiraux es deux angles. Mais ce moyen eſt pour ouurer ſur le champ, & ſeulement idoine pour vn ſeul vaiſſeau. Quelque fois en ay ie conſtruiſt vn de plus grand ouurage en telle ſorte. En vn coin de la maiſon ie leuay vn Baſe à la hauteur d'vn pied & demy, faiſt de quarros cuyctz & maſſonnez à chaux, & terre graſſe. Sur celuy Baſe ie cōſtruyſay vn fourneau rond, avec vne petite porte eſtroicte de la longueur, & largeur d'un petit quarron: pour d'iceluy le boucher quand bon ſembleroit: la porte ſuffiſante à y mettre la main. Et y auoit trois ſouſpiraux. La hauteur du fourneau eſtoit enuiron: de dix doigtz. Sur iceluy fourneau eſtoit poſee vne lame de fer, de meſme circonference que le four, ayant en diametre deux piedz ou plus. Al'enuiron de laquelle tout autour eſtoit eleué vne margelle de brique, ou quarrons ( que on appelle Man à Lyon) de terre non cuycte, à la hauteur de deux palmes.

Ceſt eſpace rond ſur la lame de fer eſtoit remply de cendres, qui par deſſouz la lame eſtoient chauffee. Et dens celles cendres tout autour eſtoient mis cinq ou ſix vases, deſtil latoires. En ſorte que par meſme feu, & en meſme temps pluſieurs eaux, ou pluſieurs huyles eſtoient deſtillees.

Et eſtoit le fourneau de tous coſtez bien reparé de terre graſſe couroyee avec eau fort ſallee, & quelque partie de fumier de cheual. Et certainemēt telle maniere de vaiſſeau eſt merueilleuſement idoine, ou il ne faut pas grād feu, & qui dure



dure longuement, tellement qu'il suffict y foigner le feu vne fois le matin, & autant de soir. Et doit le feu estre fait de char bōs, que l'on met dens le fourneau avec vne petite pallete de fer, de telle largeur que cōmodemēt puisse passer par la porte, & soit ladictte pallete à bors releuez pour mieux tenir le charbon. Aussi est il besoin d'un baston de fer assez longuet (selō la mesure du fourneau) vers le bout courbé en angle droict, & vn peu eslargy. Par lequel on puisse attiser les charbons mis dēs le fourneau, & en tirer les cendres. Tous lesquels instrumens sont mieux cogneuz à la veuë, & à l'expérience, que à le dire. Es cendres ainsi chaufees sont bien cōmodemēt appareillees tant les autres sortes d'eaux, & d'huyles, comme principalement les estoffes seches, qui infuses en vin ont esté par quelque temps macerees, & destrempees en vaisseau bien clos: lesquelles rendront leur mesme odeur, & faueur en l'eau destillee, comme l'absynthe (ainsi que j'ay cy dessus enseigné) Gentiane, Bayes de Geneure; & drogues aromatiques, desquelles les eaux destillees nos gens les nomment eaux dorees. D'auātage en telles cendres est bien souuent reiteree la destillation de l'eau de vie, en laquelle j'ay à cela prins garde, que la meilleure, & la plus pure partie tousiours destille la premiere: & tout ce qui y est de phlegme, ou de celle liqueur que aucuns appellent eau morte, (pour ce qu'elle est inutile, nuyfante, & presque tousiours puante) vient le dernier. Ce que tresclairement on cognoit en vn Alembic de verre. Car quand la plus pure essence aïtherine, & aërine decoule: il n'en appert aucun signe au chapitel. Mais lors que le phlegme monte: adonc les traces de l'eau coulante par venes manifestement apparoissent. Lesquelles incontinent que l'on cōmence a veoir: faut oster le recepvoir de dessouz: & esprendre, comme inutile, tout ce qui est demouré en la coucourbe, ou au ventre du vase destillatoir. Et adonc faut recommēcer autre nouvelle destillation. Et cela faut repeter tant de fois iusque à ce que nul phlegme plus ne se monstre, ce que communemēt aduient

à la quarte ou quinte destillation: apres laquelle n'est ia plus besoing de destillatiō, mais de circulatiō: affin que la liqueur soit rectifiee (comme ilz parlent) & soit tournee en ciel, ou Quinte essence. Les liqueurs destillees en vapeur d'eau boillante retiennent plus entierement les vertus & les qualitez de leurs plantes: Mais pource qu'elles sont excrementueuses, ne se peuuent pas long temps garder. Plus longuement se conseruent, celles qui sont destillees en chaleur de cendres, d'arenes, ou de scorie (c'est crasse escume, & marche des metaux) menu puluerisee, en vaisseaux de pierre, ou de verre tant que lon voudra: sur vn long ou rond forneau couuert de tuilles, qui soustiendront les cendres, arenes, ou scories en assez haute quātitē: enuironnees, & acostees de hautes bandes de plomb. Mais les vaisseaux de verre doyuent estre peu à peu eschaufez, & peu à peu refroidis, deuant que d'estre descouuers à l'air froid, autrement ilz se rompent incontinent. ¶ Syluius. ¶

Vlstad ordonne de faire vne certaine destillation es cendres à feu si treslent: que l'on puisse nombrer vn deux trois par chescun interualle des gouttes tombantes.

Quelzconques fruiçts que ce soyent, quand ilz seront en bonne maturité, tu les trencheras en menus morseaux, les piseras, & puis les destilleras en arene à feu lent. ¶ Vlstad. ¶

*Autre certain moyen à faire sur le champ.*

**O**N fait aussi prestement eau, & sur le champ de telle plāte qu'on voudra, en extrayāt le ius d'icelle, & puis iceluy bien chauffe, & boillant, en vaisseau estroict mettant sur iceluy vn verre auquel passe, & se prend la fumee à petites gouttes. Lesquelles amassees font eau. Le vinaigre se tourne ainsi facilement en eau. Laquelle est vtile pour absterger les macules, & suffusions des yeux: mesmement si au vinaigre blanc est cuycte herbe de Rue. ¶ Cardan. ¶

Aucuns mettēt resine de Laric en vn vaisseau de bois duquel le fond par le tourneur soit si tenuement & deliemēt apprimé que l'on puisse quasi veoir au trauers: par lequel

mis en lieu chaud destille la plus pure, & la plus subtile partie de la resine.

*Des Rosaires, par lesquels, tant des Roses que des autres medicamens, est tiree liqueur destillable, mettant par dessouz feu de charbons, ou de coupeaux de bois, le plus souuent sans entremoyen.*

Chapitre.

L V.



Eu flambât en destillation cōmunique beaucoup plus l'odeur d'arsure à la liqueur extracte, que les charbons, ne l'eau boillante, & pour les garder, metz arene dans la paile es communs rosaires, ou plustost fay en sorte que l'arene soit moyenne entre le feu, & la paile, & aussi autour de la paile. Laquelle doit estre plombée ou verree si elle est de terre. Car il s'en faict bien de cuyure. L'emboiture de l'alēbic ou chapitel avec le verre, tu l'empareras & luteras avec vne bande de drapeau bien emplastree de terre grasse adroitement mise à l'entour: & le semblable feras au droict de la ioincture du vase recepoir avec le nez de l'alēbic. ¶ Brūsiuc. ¶

Aucuns auourd'huy font telles chapelles rosaires de cuyure: & sur le sable mettent les herbes à destiller. Item à l'entour de la paile & au dessouz (cōme ie pense) l'espace vuyde rēplissent d'eau en vn Bassin faict tout expres, puis mettent le feu dessouz: ou de charbons, ou de menues esclapes de bois, pource que la flambe ne semble y pouoir tant nuyre à cause, & pour la defense de l'eau qui est à l'entour.

Mais sans faute toutes ces choses seront beaucoup mieux destillees en vaisseaux de verre, au B. Marie, ou en cendres.

Le vinaigre destillé deuiet blanc, tant pour autres vsages des alchimistes, & Medicins: cōme pour mesler avec le syrop aceteux, duquel icy ie mettray les parolles de Bulcasis. Construy Atenor semblable à celuy ou on destille l'eau rose: & fay que tousiours le vaisseau destillatoir soit de verre, ou de terre verree, ou plombée, remply les trois pars.

de bon vinaigre blanc: la quarte partie du vaisseau demourant vuyde, affin que quand le vinaigre bouillira, il ne s'espande. Apres couure le vaisseau avec vn chapitel ayant nez: comme tu fais qu'il se faict en l'eau rose: & y fay feu legier, & non violent. Car si le feu estoit trop fort: le vinaigre ne s'en feroit pas si blanc. Et faut que le vinaigre que l'on destille soit de vin blanc, & tresfort. Ainsi colligeras blanche & pure liqueur, que tu garderas en repos. En ceste mesme sorte se peut aussi destiller le vin. ¶ Bulcasis. ¶

Pen ay quelque fois destillé en vaisseaux de verre dens les cendres: que j'ay desia gardé par aucuns ans semblable en odeur & saueur au vinaigre non destillé: different seulement en couleur, & substance semblable à eau claire. Et semble que Bulcasis soit d'opinion de destiller le vinaigre avec feu sans eau: non au Bain Marie, mais en la maniere qu'il faict premiere, & seconde à destiller les roses: cest à sauoir sans eau; avec feu de charbons, ou de menues esclapes de bois. Mais nous l'auons fort bien destillé en cendres, avec le fort vinaigre, & mesmemēt destillé, ou avec ius de limons se dissoluent les perles: & marguerites, coquilles d'œufz, pierres de reins, & vescie, les deux: coraux, Toutes lesquelles choses puis apres desechees, sont prestement friables precipitees, & sublimes retournent en cinnabre, & en argent vif. ¶ Syluius. ¶

Les Alchymistes disent que par vinaigre destillé se resoluent les metaux: item par vrine humaine destillee.

Les fueilles de chenesue molues en farine, (pource qu'elles tentent la teste: font vn bruuage doucement enyurant. ¶ Cardan. ¶ Et semble qu'il seroit bon d'y espandre eau par dessus: puis quand ensemble seront fermentees; les destiller tout ainsi que l'eau ardent, ou en vn Rosaire, ou en autre instrumēt, ou le feu sans entremoyen est mis deffouz, & par auēture se doit deux ou trois foys repeter la destillation. Le mesme dirōye ie de l'eau d'auene, de laquelle semblablement escrit. ¶ Cardan. ¶ Disant.

Les Moscouites pource qu'ilz n'ot point de vin vsent d'eau destillee d'auene. Laquelle moins n'eschaufe, & enyure que le vin. Car l'auene estant de grosse substance: il est necessaire, que par la destillation elle s'eschaufe, attenuée, & aguise, & subtilise, & approche de la nature de l'eau ardent, laquelle chose se peut faire aussi de tout beaurage enyurant, comme, citre, ceruoise, biere coruié, claré, ou apomelit, mesmement vieil, & qui avec millet a esté cuict.

Le miel en le destillant costumierement s'enfle, & exonde quand il est eschaufé. De cela se peut on garder quand la destillation se fait en rosaire commun, mettant sur la paille vn tamis de poil de queue de Cheual, en sorte que le miel y atouche, Et quand en vne coucourbe de verre le voudras destiller: tu y mesleras arene pure, nette, & bien lauee: & feras feu petit, & lent. On en iette la premiere eau, on recueille la seconde qui au commencement a couleur doree, & rouffe sur la fin, la premiere eau iaune sert aux femmes pour faire les cheueux longs, doux, & iaunes, les ayant d'icelle eau lauez & sechez au Soleil. Elle amendé la descheute des cheueux tombans est medicalle aux yeux enflez, & chassieux, fait departir les suffusions, & aqueuses toilles d'iceux, Guérit les angles des yeux blecez, & vlcereux. Donne remede aux lieux du corps bruslez, mesmement à ceux qui sont molz & tendres: en sorte que nulle cicatrice n'y demeure. La seconde eau, qui est rouffe purge & absterge la purulence, & la sanie es vlceres pourris si d'icelle on les laue, en y appliquant linges moillez en icelle eau: voire que apres les auoir purgez, & mondifiez, elle y produict nouvelle chair. ¶ Ryffius. Voy Vlstad. ¶

*Des Huyles destillees.*

*Chapitre. LVI.*

*Premierement en General: puis en particulier.*

*Des huyles des plantes, fleurs, Herbes, Gommés, Resines semences, escorces, bois.*

*Des Huyles composez, qui Baumes sont appellez.*

*Des Huyles des animaux.*

*Des Huyles des metaux.*



Es huyles qui en vaisseaux Alchimisticques, ou fusioires sont appareillees, soit par ascens, soit par descens: les vnes sont simples: les autres sont composees, Et de cestes encore les vnes composees de plusieurs matieres: comme les Baumes qu'on appelle artificielz aucunes, de bien peu. Aucunes sont qui entre les simples & composees semblent estre moyennes, comme celles ou a vn seul medicament pisé, est adioustee quelque liqueur: pour en icelle le macerer, & puis ensemble le destiller, affin que par celle liqueur portee puisse mieux monter, & puis d'icelle se separer. Item aucunes se font de plâtes, ou parties des plantes, fleurs, racines, semences, escorces, resines, gommés, larmes. Aucunes des animaux, ou aucune partie, ou excrement des animaux. Autres des metaux mineraux, & semblables, cōme d'antimoine, plomb, ambre. De chescune de quelz nous parlerons par ces trois derniers ordres. Des autres huyles qui se font par quelque autre moyen, comme par expression, infusion ou autrement, en sera traicté cy apres à part. Comme l'huyle benedict par sublimation est destillé de quarrons de bricque tous rouges, enflambez & estaincis en l'huyle: ainsi du Ladanon, cire, liqueurs onctueuses, gommés, resines, os, moelles, & autres matieres abondantes en humeur grasse, peut estre eau destillee p sublimation ¶ Syluius. ¶

La substance de l'huyle appert estre toutes choses meslees & naturellement cōposees: veu qu'elle est mesme au sel corps tresssec. Cōme escrit ¶ Cardan. ¶ (Aussi est au sel certaine gresse dict Pline) mais es vns est plus, es autres moins. Car c'est vne oleagineuse & grasse humeur, non point celle humeur aqueuse facile à desecher: mais vne humeur ærine qui aussi est chaude. Car l'vn & l'autre elemēt de l'eau, & de l'air chescun à son humidité propre à son gendre. Ceste liqueur ærine Nature en d'aucunes substances separe: non seulement es plâtes, par sucz, larmes, gommés, huyles: Mais aussi es corps

inanimez:

inanimez: cōme es corps & minéraux gras, Souphre, vis argent, & diuers genres de bitumes, naphte, Ambre, & huyle de pierre. Mais sur tout es animaux, tant par les autres parties, que principalement par les gresses, moelles, sang, & autres substancieuses parties qui de sang n'ont point, mais au lieu de sang quelque grasse humeur de mesme genre sanguin. Ceste mesme humeur aussi ne defaut aux excremēs du ventre & de la vescie à la sueur au miel, aux œufz, & telles matieres yssantes du corps des animaux. Et celle humeur ærine apparoist aussi estre en toutes les parties solides des animaux, en celles principalement qui ont fibres, & veines manifestes, par lesquelles est attraiēt le nourrissemēt. Car à nourriture sont destīnees les choses douces. Lesquelles facilement par mediocre chaleur sont conuerties en gresse: voire que les choses grasses sont aucunement douces. Et abondance de gras suc, est communement veue, es animaux nourris de choses douces. Combien que les gresses d'elles mesmes ne nourrissent pas: car elles nagent par dessus l'autre nutriment: ne se pouuans reduire en vnitē de la masse, ou chil: (c'est le suc de la viāde cuiētē en l'estomach pour faire sang, & nourriture.) Or celuy bon suc grasset contient en soy plus d'huyle ærin: d'autant qu'il est en plus ferme & solide substance corporelle: comme estāt plus sincere, & moins aqueux. Le Guayac qui va au fond de l'eau en est abondant, les bois de moins espesse matiere & plus legiers, cōuertissent ce gras suc en gomme ou resines, & pource en sont moins abondans. Les plus solides plus espes, & plus pesans retiennent plus de celle humeur ærine: comme le Guayac, le Noyer, & le fresne.

Or que en tous bois soit huyle, la cendre le demonstre, qui de tous bois quelconques retient la gresse, qu'elle depōse en la lexīue. Tant est durable le gras ærin, & encore plus l'ætherin: que ores que la terre brusle, et l'eau s'euapore, neautmoīs ces grassetez demeurent, partie en la cēdre, partie en la sūye: iāsoit que en l'vne & en l'autre encore soit restante l'essence de la terre en sorte qu'il appert la seule eau estre toute consumee.

me. Mais cecy appartient aux Philosophes.

*Comme il faut extraire huyle des drogues aromatiques, comme Giroffles, Noix muscade, Safran, Macis, & autres.*

Chapitre. LVII.



Ren quelconque espicerie, ou aromatique drogue que tu voudras: & la trenche, & pise ou broye assez grossièrement: puis l'arrose & trempe moyennement d'eau de vie rectifiée, & circulee: & apres les auoir macerez & destrépez ensemble, les destille à petit feu. Et quand apres l'eau de vie toute extraicte, l'huyle commencera à destiller: tu mettras la matiere des drogues aromatiques tirées de la coucourbe des vn fchet de toille bien lié de fil: & en vne presse apte à cela les ferreras entre deux lames de fer bien chauffees, en exprimant l'huyle: lequel ainsi extraict faut puis apres rectifier, & circuler: affin que le pur & syncere huyle soit separé de la plus grosse matiere. En apres les feces peuuent de rechief estre putrefiees avec l'eau de vie par auant separee, & de rechief les conuendra destiller. Et ce moyen semble estre trescommode, & tresvtil entre tous les autres [ Ryffius. ] Mais il l'a ordonné plus obscuremēt qu'il ne conuenoit. Nous l'auons rendu le plus clairement qu'il nous a esté possible.

*Comme l'huyle par distillation est extraict des bois, & semblables, comme Giroffles. [ Cardan. ]*

Chapitre. LVIII.



Soyent les bois, ou autres matieres, menu couppees & pisees ou broyees: puis mises en vn vase A. de verre, & destillees à tant legier feu que l'on pourra. Voire que si en baignant le vase en eau entremoyennant le feu, & le vase, on en peut extraire huyle, ce sera bien le meilleur. Au dessus du vaisseau soit posé vn chapel, ou chapitel B de verre bien luté qu'il ne respire, avec vn nez C. auquel est adioinct vn autre canal



canal D de verre, si bien estouppé que air n'y puisse entrer ne sortir. Cestuy canal passera au trauers d'un tonnelet E de bois: Lequel continuellement sera remply d'eau fresche, en tirant par vne chantepleure F, celle qui de sia sera eschaufée: & en y remettant de fresche. Car ainsi la liqueur se refreschit: & les vapeurs point ne se bruslent: ains se conuertissent en eau, ou en huyle, & conuertis par la partie courbee du canal, G, sortant hors le tonnelet, tōbent goutte à goutte dans le vaisseau receutoir. En ceste sorte donc (comme ie l'ay veu) premierement sort ie ne say quoy de trouble, avec soy mettant hors la plus menue substance de la matiere. Apres sort l'eau plus claire: & finalement l'huyle, laquelle sent plus le bruslé, que l'odeur de la chose d'ont elle est destillée. Par ce mesme moyen se peut aussi faire destillation des eaux, d'herbes, & fleurs. Mais beaucoup mieux par descens. Aucuns sont qui aupres du forneau apposent Musc, ou autres plus precieux odoremens: d'ont l'eau retient non seulement ses propres odeurs: mais aussi du Musc, & des autres parfums, qui aupres sont apposez.

*De la destillation par descens.*

**V**Lstad au chap. xix. enseigne de ceste maniere de destiller en general: & en particulier des huyles du bois de geneure, des moyeux d'œufz, de Noix muscate, & de cardon benedict. Duquel la tradition, ie me efforcera de montrer plus clairement & brièvement. Donc il enseigne construire vn forneau conuenant à ceste destillation: semblable aux foyers que l'on fait en Allemaigne de tuilles ou briques non cuictes, de la hauteur d'une coudee & demie de tous costez, excepté le deuant qui peut estre fait plus bas, & couuert de platz quarrons, ou tuilles: pour y pouoir poser quelque chose, comme les ferremens d'ont le feu est attisé: & de largeur de trois coudees en toute quarreure. Au milieu de ce foyer sort vn pertuis B. tant grand que vn homme y puisse mettre le pied, (Et sera ce forneau conuenable aussi à autre vsage, c'est à sauoir à sigiller du seau, ou sigille de Hermes, quand

quand la bouche de la coucourbe de verre sera mise & entree dans le four à la longueur d'une palme : & si quelque partie encore d'avantage en appert:sera emplastré d'argille, ou terre grasse:& quand le bout du verre sera bien eschaufé, tout rouge, soit ferré & compressé avec vnes tenailles ou pincettes de fer, semblablement toutes rouges), Ayant donc à faire destillatiō en vne telle fornaiſe. Pren vne coucourbe de tresbonne terre verree, ou plombée:& si on ne peut, d'estain, cuire, ou Laiton. Icelle remply de la matiere à destiller iusque à tierce part, & l'enclos tresbien d'un couuerde d'une lame, ou platine de fer bien menue, pleine de petits pertuis. Adonc tu renuerſeras le vaisseau, & mettras la bouche d'iceluy dans le pertuis du forneau:le y implantant iusque à trois doigtz de profond, & tout ce que sera baillāt ou descouvert à l'entour, tu le rempliras diligemment de terre grasse en sorte que rien ne puisse tomber dedans le pertuis. Puis en la partie du forneau au deſſouz du pertuis, tu souzmettras vne coucourbe de verre (pour laquelle mettre & tirer, & aussi pour veoir quand toute la matiere sera destillee:faut que le deuant du forneau soit ouuert)à laquelle souzmise coucourbe de verre sera adaptee la bouche du vaisseau dessus:toutesfois sans luter. Alors faut faire le feu à l'estage dessus du forneau egalemeut tout autour du vaisseau qui contient la matiere. Mais au commencement le feu doit estre petit, & reculé du vaisseau le plus que possible sera. Puis apres peu à peu doit estre le feu allumé plus grand, & plus pres du vaisseau. Il est à sauoir que de quelconque matiere que ce soit tousiours au commencement destille eau ou plus, ou moins: selon la difference de la matiere, laquelle quand cessera de couler & l'eau commencera à destiller, tu vuideras la coucourbe de verre mise au deſſouz, & puis la remettras: & continueras à augmenter le feu, & à l'allumer plus pres du vase superieur, iusques à ce que plus d'huyle ne destille. Car alors faudra reculer le feu bien loing, affin que le vaisseau de dessus se refroidisse. Puis tu osteras le vase receptoir de deſſouz, & ainsi garderas l'huyle.

le. Au reste le feu (comme j'ay dit) est requis au commencement fort petit: & puis peu à peu doit estre augmenté iusque au quatrième degré, & ce pour deux causes. Premièrement afin que par subit exces de trop grande chaleur, toute l'humidité voire iusque à l'oleagineuse ne soit cōsommee: qui est vne chose d'ont se faut bien garder mesmement quand on veut auoir huyle de moyeux d'œufz, ou Noix muscates. Car en aucuns autres comme en bois de Geneure encore que de prim faut on allumast grand feu, toutesfois n'y auroit pas grand'faut. Secondemēt, car par trop grand feu au commencement le bois allumé par aventure gasteroit, brusleroit, ou rōproit les cucurbitules: ou bailleroit à l'huyle odeur mal gracieuse. Or en l'huyle benedict simple tu accroistras le feu; au moins sur la fin de la destillation. Et pour destiller pourras preparer vn tel lieu. Fay vne fosse en terre longue large & profonde selon la mesure du pot que tu y voudras mettre, qui sera verré ou plombé, & l'aué bien net d'eau pure. Sur l'orifice soit mise vne platine de fer persee à plusieurs petits trouz en sorte que celle platine soit au deffouz l'ourle du pot enuiron vn pouce de largeur. Sur icelle mettras vn autre pot contenant la matiere destillable, tellement que les orifices des deux potz se ioignent, & soyent bien lutez. Puis soit fait le feu à lentour du pot de dessus: qui tout sera hors la fosse fors que l'orifice. Mais ceste seconde maniere est plus mal propre. Premièrement pource que l'eau ne peut estre separee de l'huyle, ne facilement estre cogneu quand sera toute la matiere destillee, sinon par long vsage & acoustumâce. On peut aussi faire vn forneau en vn haut lieu precipitant, comme enseigne le mesme *¶ Vltad, ¶* lequel se delaisse pour n'estre trop proluxe. *¶* Huyle de fueilles de Citrons d'Oranges, ou de Limons quand on le destille, premierement on en extraict l'eau, & en apres l'huyle, desquelz l'vn & l'autre doit estre gardé chescun à part, Et l'huyle certes en est souuerainement suau & bon. Lequel se fait en telle sorte. Pren les fueilles d'vn chescun

cun de ces arbres fufdit, trenche les menu, & broye en vn mortier: puis les deſtillant en recoy l'eau. Et quand tu verras quelque goutte furnageante d'autre couleur que l'eau: alors en changeant de receptrioir augmente le feu: & recueille l'huyle qui ſentira vn peu l'aduſtion, lequel vice ſe amendera en le laiſſant par long temps expoſé au Soleil. Aucuns ſont qui entre deux linges ſechent leſdites fueilles, puis les piſent, en y adiouſtant autres choſes odorantes, comme Gingembre Muſc, ſtyrac, calaminth, ladanon, Cinnamomme, Benzoni, non en ſubſtance, mais en parfum: Car telles drogues ilz eſtiment en eau Roſe ſur le feu, et par la vapeur d'iceux emboient leſdites fueilles. Ces choſes ainſi diligemment embeues prennent l'eau Roſe, ou ont eſté deſtrempées quelques drogues, comme, Giroffles: Galange, Noix muſcate, & telles, par l'eſpace d'vn iour ou de deux, & de celle eau moillent la poudre deſdites fueilles, puis la deſtillent en cendres à petit feu, tant que la liqueur aiſe ſoit ſeparee: puis auoir augmenté le feu recoyent l'huyle qui eſt de treſſuaue & gracieuſe odeur. ¶ Fournier: ¶

Vn certain Empiric m'ha fait rapport, l'huyle pouoir eſtre ſeparé des herbes & racines commodement en telle ſorte. Metz les herbes, ou racines, en raiſine de terebinthe, ou de larice bien lauee huit ou neuf fois, tât qu'elle deuienne blanche, & les laiſſe cinq ou ſix heures dans le ſable chaut, puis le deſtille à petit feu. Dont premierement decoulera la Terebinthine, molle du commencement: ou ſi peu ſ'eſmeut, ſerree toute enſemble decollera premieremēt en couleur de Lait, puis apres iauniſſant. Or congnoiſtras tu bien au gouſt quād la liqueur deſiree commencera à couler, & au pris que la couleur changera, tu changeras auſſi le vaſe receptrioir, pour receuoir, cheſcune liqueur à part. Car la dernière liqueur eſt vile, & applicable hors le corps: mais la premiere eſt bōne par dedans le corps. Vela que me dit l'Empiric. Il me ſouuiēt auoir veu huyle de grains de geneure en ceſte mode appareillé.

Huyles deſtillez qui ſont adminiſtrez dans le corps humain,

main, tous doyuent estre meslez avec aucune liqueur comme vin, clairé apomelit, Syrop, ou quelque eau destillée, ou autre médicament. Comme cy apres nous dirons entre les Baulmes miellez, Qui est ce que disent les Empiricques, que aux huyles comme esprits, faut adiouster corps.

*Des Huyles de fleurs.*

**H**Vyle de Safran se faict ainsi. On met digerer la matiere asperse d'eau de vie. Puis en auoir abstraicte l'eau de vie par destillation. La liqueur exprimee en presse: faut circuler, comme cy dessus a esté escrit de la destillation des aromatiques en general. ¶ De Ryffi. ¶

*Huyle D'aspic.*

*Du liure Francois de Fournier.*

**M**etz secher au soleil quelque peu de tēps les herbes, ou plustost les fleurs d'aspic, ou de lauende puis en tire l'eau en vn Alembic. Icelle eau durant l'esté mise au soleil en lieu treschaut, iecte vn huyle en superficialité, lequel de fois à autre separé de l'eau tu garderas. Car il sent tresbon & est vtile contre diuerses maladies, mesmement froides, & oste les douleurs.

*Autre moyen.*

**E**N telle quantité que tu voudras d'huyle d'amendes douces, tu destremperas fleurs d'aspic bien meures, dès vn vaisseau plombé. Le mettant par quarante iours dens le fumier de cheval. En apres les destille à petit feu, & finalement les rectifie au soleil en vn vaisseau bien estouppé.

Si toutesfois il y a odeur d'arsure: tu lairras deux ou trois pertuis ouuers au couuerde. Ainsi purgé au soleil il demouuera bon, & odoriferant.

*Tiers moyen du mesme huyle d'Aspic.*

**R**emply vn vaisseau de verre de biē meures fleurs d'aspic, & le bouche: & tous les iours tant que tu pourras y en adiouste. Cela continueras par huyct iours, puis les putrifieras en fumier chevallin, le vaisseau bien estouppé, par l'espace de trois mois, finalement le destilleras en Alembic à

n grande

grande diligēce: & l'huyle extraict mettras au soleil, en tousiours separant le plus clair, & le reseruant. Aucuns sont qui mettent la matiere au soleil incontinent qu'elle est tiree du feu, ou plustost du fumier, & leuent l'huyle nageante sur l'eau. Or quand les fleurs auront cessé de rendre leur huyle: tu les ferreras, & exprimeras le plus que tu pourras, & mettras le suc exprimé au soleil dens vn vaisseau encliné: affin que l'huyle furnageant plus facilement soit séparé. Ainsi en est extraict huyle odorant sans nul vice d'adustion. ¶ Fournier. ¶

Ryffit dict ce mesme huyle pouoir estre faict comme huyle de romarin, c'est à sauoir des fleurs menu coupees, & en vin vieil destrempees, puis destillees en sorte que les souspiraux de l'alembic, de fois à autre soyent refreschis, voy cy dessus, en l'huyle de Rosmarin. Aucuns vendent publiquement cest huyle d'aspic, l'appellans Baulme avec escreteaux ou les facultez en sont descrites. Il est treschaut & sec. l'ay cogneue vne femme qui en print vne goutte ou deux dens le corps, non sans grand dangier: mais elle iecta plusieurs vers. On le mesle à plusieurs choses, principalement pour grace d'odeur. Vne seule goutte de cest huyle agitée avec grande abondance d'eau la rend toute odorante. Les Medécins aussi & Chirurgiēs la meslent aux huyles, & onguens chaux, à cause de l'odeur, ou pour l'augmenter s'il est bon, ou pour le couvrir si mauuais il est. Car il surpasse toutes les odeurs. Et par auenture autre liqueur ne se treuve qui soit tant suauē, & tant vehemēte en odeur. Et pour vray elle se faict plus odorante d'aspic que de lauende.

*Huyle de Romarin, seruant de Baulme.*

**E**Mply vne fiole de fleurs de Romarin, & l'enterre en sable chaud bien estoupee avec double linge ciré: tellement que riē n'en respire (Arnold veut qu'elle soit estoupee d'vn double linge, & puis vn tapon de cire par dessus. Hollier veut que remplie soit iusque à la moytié.) Et ainsi la laisse vn mois ou d'auantage, tant que les fleurs soyent conuer

conuerties en eau. Ceste eau separee, & mise au soleil par dix, ou vingt, ou quarante iours se espessit en forme d'huyle. Conforte & robore le cœur, le cerueau, & tous les nerfz, & tout le corps, oste les panes & macules de la face, conserue la ieunesse. Vne goutte de ceste huyle infuse en eau va au fond comme le Baulme, vaut contre les mailles, larmes, & autres males affections des yeux, si vne seule goutte en est infuse es yeux deux ou trois fois au plus. Remet la chaleur es membres paralytics, & quelque fois les guerit, resiste au phlegme sallé. Totallement cure les fistules, & le chancre qui ne cedent à autres remedes. A cela vaut aussi eau de vie faicte de vin ou soit cuyct Romarin. ¶ Lulle. ¶

Quant à moy ie ne cuyroie point le Romarin: car la vertu du vin, & la quinte essence s'en euapore: mais en vn vaisseau bien estouppé la destremperoye, & putrefieroye, puis la destilleroye premierement au Bain Marie, en apres es cendres avec l'eau infuse sur son marc. Avec moy faict Arnold de ville neuue, qui au liure du vin (ou aussi il escrit ce la mesme du Romarin que ia nous auons dict de ¶ Lulle. ¶

Si au moins veritablement de Lulle sont ces parolles.) I'ay (dict il) souuent experimenté, que l'eau de vie faicte de vin ou a esté amolly romarin cure le phlegme sallé la roigne, le chancre, & la fistule qui autrement saner ne se peuuēt. Mais ceste huyle de Romarin ne se faict autrement que l'huyle des fleurs de verbasco, ou boillon blanc, non par destillation. Huyle de Romarin doit estre faict des fleurs cueillies avec les plus haux turgeons broyez, puis destrempez, & putrefiez en tresbon vin vieil. Et les faut destiller à feu lent, en sorte que les espiraux de l'alembic soyent de fois à autre refrigererz puis les circuler, tant que au possible la grosse substance soit separee de la subtile. ¶ Ryffi. ¶

Et se pourra destiller (comme ie coniecture) ou en vne petite coucourbe, avec Alembic: ou en vne retorte, avec le receptoir de diuerse figure, ou plustost en deux retortes desquelles l'une soit le receptoir: ou en deux vaisseaux d'ai-

rin, que les Apothicaires appellent vescies, comme l'eau de Cinnamomme, ou l'eau ardent. En telle sorte se destillent les huyles (comme luy mesme enseigne) de vernis, ou gomme de geneure: de fleurs d'aspic ou Lauende, de semence d'Anis, & plusieurs autres semences.

De la Chelidoïne la quarte essence, ou le feu, qui est cōme liqueur d'huyle, &c. comme on le prepare, & à quel vsage, ly cy dessus ou nous auons traicté de la quinte essence. Et pourra l'on bien de maintes plantes & autres medicaments extraire deux sortes d'huyle aitherine, ou de feu, & aërine ou d'air, en la mesme sorte & maniere que a esté ordonné en la Chelidoïne.

*Huyle de Rue.*

**C** Ardan au second liure de subtilité escrit estre aucuns venins qui par le seul attouchement occient. Contre lesquelz (dist il) souuerain ayde est, ne s'arrester en lieu que ce soit, tant que la main soit fort eschaufee, souuent lauer les parties avec eau tiede, & frottement d'huyle de Rue, non de celuy vulgaire: mais de celuy bon huyle qui se faict chez les pigmentiers à la mesme maniere que l'huyle d'aspic, ou de Giroffles. Vela que dict. || Cardan. ||

De l'huyle extraicte de semence de Rue, nous en escrirons cy apres, selon Lulle. Or l'huyle de Rue d'ond icy parle Cardan, i'estime qu'il faut le faire des plus haux petits broutz florissans de la Rue.

*Des huyles, des semences, & fruiçts.*

*Chapitre. LIX.*



**L**E goustay huyle de Giroffles vne fois en Italie, souuerainement suau, & de tresgrande efficace. La maniere de l'extraire nous l'auons cy dessus enseignee par les parolles de Cardan, ou en general auons escrit de l'extraction des huyles. Item par vne autre maniere prinse en Riffy, c'est à sauoir



fauoir telle comme de quelzconques drogues aromatiques qui se destillent en eau ardent, tant que icelle eau ardent en soit separee; & incontinent que l'huyle commence à decouler; la matiere tirée hors de la coucourbe est mise en presse & le ius exprimé. Comme dessus a esté escrit de Riffy, qui particulièrement ausi décrit les facultez de cest huyle.

Le moyen d'extraire huyle de la noix Muscade, voy le cy dessus, au lieu ou nous auons traicté en general de la destillation des huyles par descens, recueilly en Vltad.

L'huyle de noix Muscade, & de son envelopement, Maccis se extraict en mesme sorte que des Giroffles. Riffy qui particulièrement décrit les vertus de l'un & de l'autre.

L'huyle d'Anis se extraict (comme de toutes les autres plantes seches) en destrempant les semences broyees en de tresbon vin: puis apres peu a peu les destillant par ascens: tellement toutesfois que les esprits soyent continuellement refrigerer en l'Alembic. La liqueur circulee puis apres. Ryffi nombre ses vertus, & facultez. Mais nous les laissons comme ausi de toutes les autres: ou aux eaues, & aux huyles n'est attribué autre effect, que le mesme ne soit es simples d'ond sont extraictes, deuant la destillation: sinon que en destillant il est rendu plus subtil & plus efficaceux.

Les huyles des grains de geneure, & de Bayes de Laurier se font en la mesme sorte. C'est à fauoir broyees puis destrempees en bon vin, ou en eau de pluye, & se destillent en la mesme maniere que l'eau ardent: ou en vne vescie de cuyure, comme les Apothicaires la nomment, ou comme nous auons enseigné de extraire huyle des bois, & Giroffles, selon Cardan: ou des aromatiques selon Ryffi. Car ie croy qu'il n'ya pas grand difference; moyennant que les esprits qui sont portez par l'alembic, soyent en iceluy, ou au nez refrigerer commodement. Et de tous ces huyles Ryffi recense les efficaces, & facultez. Les triacleurs ont de coustume vendre c'est huyle de grains de geneure, avec papiers imprimez qui contiennent le catalogue de ses vertus. Et à ce:

que i'enten ceste huyle vaut aux trauaillez de sieure tierce.

Huyle de blé ou froment par aucuns se faict en ferrant, & fort pressant le blé entre deux fers chaux, ce que autres pensent inutile: disans qu'il doit estre faict comme l'huyle de bois de geneure par descens. Mesué dict que le blé pelé de sa balusse, peut estre destillé au vaisseau de sublimation, comme lh'uyile des Philosophes. Il guerit les gratelles, & roignes, adoulcit, & amoytit les asperitez de la peau prouenantes de sechereffe. Lequel huyle est aussi descrit par Rasis en son antidotaire. Voy cy apres, es huyles non destillees. On en pourroit aussi biē faire d'orge, & semblables grains: tant par sublimation, que par descensio. Moines sur Mesue.

Huyle de Ben (c'est de gland aromatic) Musqué, que Fournier appelle Retrahe, ou Retrahe, de tresprecieuse odeur. Des fruiets de Ben, (qui à Genes se treuent en assez grande abondance: à aussi bon pris que les amendes,) tu en ferreras & presseras huyle comme des amendes, le lairras reposer, & y mettras vne assez bonne quantité de Musc: & ainsi en vn vaisseau de verre bien estouppé le mettras en vn grand pot plein d'eau boillant, puis en recevras l'huyle par destillation, qui sera tresbon, & tresodorant.

*Huyles des semences, que i'ay trouué au liure des eaux de Lulle.*

*Chapitre. L. X.*



L. m'a semblé bon escrire de ces huyles suyans separeemēt. Pource que ie suys en doute si l'auteur Lulle les veut estre faictz par destillation, ou simplement par expresion, & pour vray à chescun il'adiouste parolles telles. Soit extraict l'huyle à la mode du populaire. Par lesquelles parolles il semble donner à entendre, que l'huyle doit estre recueilly simplement par expresion des semences au pressoir: comme le vulgaire a coustume de faire. Si n'est il point

point de doute toutesfois, que ces mesmes huyles bien a-droict destillez ne fussent de beaucoup plus grande efficace, mais pour bien les destiller y faudroit laisser avec les semences, la liqueur ou elles auroyent esté destrempees, & la putrifaction precéder la destillation, &c.

Destrempe les semences de l'espouse du Soleil (c'est de la soucie) en laict de femme par quarante iours, puis en tire l'huyle à la maniere commune des populaires, voy cy dessus entre les liqueurs cosmetiques.

*Huyle de semence de Rue.*

**L**Es grains de semence de rue mesle les avec or de feuille: & les metz tremper en vinaigre par l'espace d'un iour. Puis apres legieremēt les desèche au soleil, & en tire huyle, à la maniere des gens laiz. Cest huyle est precieux, & resiste aux venins, tellement qu'il les fait rendre par vomissement, & si on en boit pour la seconde fois, seront iectees aussi les autres humeurs infectes du venin. Et si pour la tierce fois on en boit: s'enfuyura guerison parfaite dens trois, ou quatre iours. Il guerit toute douleur des yeux de quelconque cause, mais que la prunelle ne soit blessée, si les yeux en sont lauez deux fois le iour: & vne goutte en soit infuse dens l'œil, il en sera guery dens trois ou quatre iours. Si à ieun est beu: ne permettra venin approcher de l'homme de tout ce iour la. Voire que si aucun home blessé de playe mortelle en boit à ieun, il eschappera moyennant que le reste de la cure soit appliqué à la playe comme il appartient. Item cest huyle beu a ieun oste toute goutte & roigne, & guerit hydropisie nee de froide cause, si seulement on en prend par deux iours. Finalement par onction reueille, & restitue en mouuement & sentimēt tous membres endormis.

*Ruberte, ou Sperme, c'est huyle de Nasitort, ou Cresson.*

**P**Ren Nasitort ou Cresson, plustost les Semences, destrempe en vinaigre bien fort: seche au Soleil, & en tire huyle.

huyle à la manière des vulgaires.

Cest huyle meslé avec Aloës & huyle Laurin guerit toute roigne & gottte es lieux qui en sont oingts. Meslé avec Aloës, & charbon d'orme, & puis prins en breuuage, guerit la fièvre tierce, & quarte, & toute rupture au corps. Cuyct avec ptisané, & puis beu, arreste flux de sang, & restraingt le ventre. Cuyct avec fourse ou bran, chasse toute goutte.

*Huyle de Semences de Pimpinelle.*

**M**etz les semences de Pimpinelle en vin rouge par aucuns iours, puis seche, broye, presse, & en fay huyle à la manière du commun.

Cest huyle beu a ieun dissoult, rompt, & chasse toute grauelle ou pierre de la vescie, voire cōsommee, de quelque matiere que ce soit, & allege les membres de l'hōme aggruez. Vela que dict. || Lulle. ||

*Huyle de grains de Geneure destillable, premierement par ascens, puis par descens, comme ie l'ay apprins de mes amys.*

**P**renez vn sextier, ou vn boisceau plein de grains de Geneure, lesquelz pifez metz par deux iours tremper en eau de fontaine, puis les metz avec leur eau, en vne courbe, ou vescie de cuyure (comme ilz l'appellent) laquelle tu rempliras en sorte qu'elle demeure au dessus vuyde de deux ou trois doigtz. Puis à petit feu mediocre les destilleras en tout, & par tout comme l'eau ardent, c'est à sauoir par vne fistule ou Canal qui passe par vn vaisseau plein d'eau froide. Et en prouent eau en grande abondance, tellement que vn receptoir ne suffit pas.

En apres ensuyt l'huyle: lequel faut laisser couler dedans l'eau ou il surnagera, & le separeras dens le vaisseau mesme ou il est, qui sera de col, & bouche estroicte, renuersé en sorte qu'on l'aira escouler l'eau tant que vn peu seulement

lement en reste, qui puis apres sera separé, en mettant l'huyle en vn autre vaisseau. Or le sextier ou boisceau de Bayes à mesure d'Alsatie rend enuiron quatre onces d'huyle. Aucuns pour separer l'huyle d'avec l'eau le mettent en vn verre à pied rōpu, ou par cas, ou par vn fil de fer chaut, au fond du quel soit vn petit pertuis, par lequel toute l'eau decoule: & quand vient à l'huyle le pertuis s'estoupe: & l'ors on met l'huyle separé dens le vaisseau ou on le veut garder. Aucuns sont qui semblablement destillans, esmouuent tousiours la matiere au destillatoir affin qu'elle ne se brusle. Et semblablement disent que en ceste facon les drogues aromatiques broyees comme les Giroffles, & la Cinnamomme, ou canelle se peuuent bien destiller. Aucuns autres (comme i'enten) les destillent en la retorte, nō de verre, mais de cuyure estanné: qui sera mise en vne longue canne de cuyure, cōme il se fait pour l'eau ardent.


*Autre appareil du mesme huyle de Bayes, de Geneure, par descens, à moy communiqué comme chose secreta par vn certain amy qui luy mesme l'auoit appareillee.*

Chapitre. LXI.



**V**N iour serain, entre les deux nostres Dames d'Aoust et Septembre, à huict ou neuf heures du matin, amasse deux pleins sacz de grains de Geneure, Lesquelz bien pisez mettras à chescune fois vne moyenne quantité en vne estamine de boulangier: & les ferreras en la presse, les y laissant par vn iour, & par vne nuict, affin que ce pendant tout le suc aqueux decoule. Iceluy tu mettras à part en quelque vaisseau pour en vser tant à certains remedes dens le corps, que par dehors à poindre les parties arthritiques, avec quelque onguent & eau de vie. Et se conserue ce suc facilement sans corruption, & si est fort suauē, & de grande efficace.

Aucuns tirent ceste humeur aiqueuse, non à la presse, mais au commun fourneau du Bain Marie. Apres ce suc aiqueux tiré, le reste de la matiere bien seche, & bien pisee metz le en vne coucourbe qui tienne quatre pintes: laquelle toutesfois pas du tout n'empliras. En icelle coucourbe bien estouppée avec lut de Sapience affin que rien ne expire, tu putrefieras la matiere par environ vingt iours en fumier de cheual, ou si hyuer est, en Allemaigne aupres du fourneau du paelle. Et pour la putrefication en fumier de cheual faut faire vne fosse de deux piedz en profond, & y mettre couches de fumier, & de chaux viue l'vne après l'autre: en l'arrosant d'eau chaude de deux iours l'vn. Finalement quand la matiere apparoitra assez putrefiee, & mediocrement liquide: tu la destilleras. Le receptrair doit estre presque d'egale grãdeur, & soit posé sur vn torchon G de paille. Et l'vn & l'autre vase le destillatoir, & le receptrair doiuent estre de verre couppé avec vn fil de fer rouge. Ces deux vases tu conioindras bouche à bouche mettant entre deux vne deliée & menue petite D platine de metal, mesmement d'argent persee à petits pertuis qui ne soyent pas plus grands que à passer vne aguille. La circonference de celle platine doit auoir bord dessus, & dessous.



**P** Remierement donc tu conioindras le vaisseau de dessus A ou est la matiere avec la platine & la luteras tresbien, puis mettras la bouche du vase par le trou du milieu du fourneau tant que le vaisseau receptrair F. se puisse ioindre, & enter à l'autre bord de la platine, & le faut bien luter, semblablement aussi le col du vais-

seau de dessus, tant bien luter au trou du fourneau ou il est mis avec lut de sapience, qui se fait de terre grasse bien labouree, couroyee avec eau sallee & bourre de laine. La maniere du fourneau est telle. Au milieu faut construire vn fond E ou soit

vn trou (comme nous auons dict.) Sur ce fond autour de la coucourbe on met du sable C presque iusque à la tierce partie de la coucourbe: & sur le sable du brasier B bien allumé, plus que iusque à la tierce partie de la coucourbe, dont il ne faut oster la cendre. Le reste de la coucourbe qui sera la quarte partie par auenture, ou vn peu moins que la tierce sera par dessus eminente, & vuide. Et si tu crains que par auenture la coucourbe de dessus ne puisse supporter la force du feu, tu l'armeras de lut, au moins à l'endroit du brasier. Mais si le feu on augmente peu à peu & non subitement ia besoin ne sera de telle incrustation. Le fond au milieu du forneau sera construit de tuyles ou briques qui seront poséz sur longues branches de fer, & ou il conuiendra faire le trou rond: faudra aussi tailler les briques en rondeur. Le forneau estant ainsi construit, distille: & premierement decoulera vne liqueur aqueuse: dens laquelle incontinent qu'il apperra vne goutte d'huyle: tu changeras le receptoir F & garderas à part celle premiere liqueur. Cest huyle certes fait par descens, & extraict en vn vaisseau de verre me semble moins deuoir sentir l'adustion.

*Huyle de Pignolats, ou noyaux de Pommes de Pin pour oster les rides de la peau des femmes, se fait en distillation par descens, comme l'huyle de bois de Geneure.*

## DES HVYLES DE GOMMES.

*Larmes, ou liqueurs especes, & Resines.*

Chapitre. LXII.

*Huyle de Myrrhe.*



Oy cy dessus entre les eaux odorâtes de Fournier ou nous en auõs descrit vne qui se fait avec vne partie de Myrrhe, & demie part de suc de Roses tresodorantes.

Les liqueurs especes de leur nature, qui gomes sont appellez, de temperamēt chaut & sec, pour les preparer

parer à destillation, Les faut premierement brayer, puis en vn vaisseau bien estouppé avec vn peu de vin, les faut enter-  
rer en lieu froid & humide, profondement iusque à la stature  
d'vn homme: sans aucune matiere chaude y adiouster; & les  
laisser là assez long temps. Toutesfois plustost se resoul-  
dront si tu y adioustes moyeux d'œufz cuictz à durté. Les  
gommes ainsi resolues rendent vn huyle trouble, qui destillé  
en vne retorte sera fait plus clair, & plus pur. Car toutes gom-  
mes, & le Camphre aussi, attendu que en eux ilz ont vne  
blanche, & grasse liqueur qui par la destillatiõ leur est ostee,  
facilement sentent l'iniure du feu, & la male odeur del'ar-  
sure. En sorte que nonobstant qu'ilz soyent destillez en  
vaisseaux bien bas, Toutesfois la liqueur en sort crasseuse,  
bruslee, & de malgracieuse senteur. De laquelle l'vsage, (en-  
core que ce fust hors du corps) ne pourroit plaire: tant s'en  
faut que dedans il fust receuable, & si ne seroit de mesmes  
vertus, & facultez. Ainsi donc tu couleras la matiere par vn  
drap de laine, ou par vn feltre de poilz, affin que tout ce que  
y est de terrestre, d'arene, ou d'ordures soit separé. En  
apres ce que est coulé, laisse le tant de iours que tu vou-  
dras en lieu moyennement chaut, & finalement le destille.

Or sont ces huyles tressubtils, & de grande efficace: at-  
tendu que la nature mesme par auant, a comme amassé en  
la substance de ses gommes, Raisines, & larmes, les prin-  
cipales facultez des plantes qui iettent telles espesses li-  
queurs. Vela à peu pres ce que dit Ryffi, au premier liure  
de destillation.

Le mesme Ryffi au traicté du mesme. œuvre des huy-  
les, n'ordonne nulle maniere de tirer huyles des gommes,  
mais nous renuoye au premier liure. Et la décrit l'vne apres  
l'autre les vertus, & facultez des huyles d'Ammoniac,  
Benzoin, Camphre, Giroffles, Euphorbe, Galbanon, Lada-  
non, Myrrhe, Opopanac, Sarcocolle, Sagapen, Styrac-  
liquide, & calamite. Au seul huyle de Mastic, il ordonne le  
Mastic estre pisé, puis dissouz & digeré, en bon vin vieux,  
& fina



& finalement estre destillé. Semblablement il ordonne la gomme de Geneure estre destrêpee, & dissoute en vin, pour la siccité de sa substance, & puis apres estre destillee.

*Huyle de Belzoi.*

**P**Ren vne liure ou plus de Belzoi assez grossement cassee, arrose la d'eau ardent, puis en vne retorte la destille sur les cendres, a petit feu premierement, & puis consequemment plus grand, & metz le receptoir deffouz. C'est huyle spire vne excellente, & tressuaue odeur: la liqueur aiqueuse qui en decoulera, la faut garder. || Fournier. ||

*Huyle de Styrac, par le mesme.*

**T**V casseras & pileras assez grossemēt Styrac Calaminthe de bon suc, & gras: & l'arroseras d'eau de vie tresbonne: puis le destilleras en vne retorte comme le precedent, & son eau reserueras à part. Cest huyle excelle en merueilleuse fragrance d'odeur.

Huyle de Camphre voy cy dessus, en l'eau de Camphre, entre les simples eaux destillees.

*Huyle de Resine de Terebinthe, ou Larice.*

**M**Etz quatre liures de Resine, de Terebinthe, ou de Larice en vne bien grande retorte ou coucourbe de verre: & en destillant extray l'huyle: en sorte que la retorce ou coucourbe soit mise sur le sable chaud. Et premierement en sortira avec l'eau, huyle subtil, & clair: secondement de couleur d'or: finalement obscur, & gros: vn chescun des trois mettras à part. || Valere corde. ||

Ryffi escrit plus amplement de l'appareil de l'huyle de Terebinthine, & de ses vertus, que nous laissons pour cause de briueté. Mais sur tout de cela se faut garder qu'il ne boille quand on le destille, comme aussi au miel. Car ces liqueurs eschaufez facilement s'eleuent, & enflent. Parquoy au commencement y faut faire feu bien legier, & apres l'augmenter peu à peu, en refrigerant tousiours l'alembic, comme l'art le veut. Aucuns sont qui y meslent tuyles grossemēt cassees, ou blancs cailloux, ou sable laué, & seché: ou feuilles de l'hyere,

re, avec vn peu de verre gros cassé, desquelles choses on met aussi au miel à destiller: Et ce pour garder de boillōner. Quāt à moy ie y adiousteroye petits grappins de tuyle, ou de cailloux, arrosez de vieil huyle, ou de quelque autre medicamēt: comme en l'huyle Benedict. & ce tant pour empescher de boillir, comme que pour augmenter la vertu de l'huyle pour moy fait, quant à ce, la suyuāte description, laquelle i'ay trouué en vn liure escrit à la main.

Prenez arene pure, ou menu cailloux blancz, & clairs: & les metz sur le feu en vn vaisseau, tant qu'ilz rougissent du feu: puis les estains en resine terebinthine, affin que d'icelle fort s'embeuent, & telle arene ou cailloux estains, destille en Alembic. Aucuns prennent l'huyle terebinthine pour la pierre. Item ces choses, huyle terebinth fait d'vne liure de terebinthine: & de vieilles tuyles, ou plustost fresches, (comme dit Albucasis, pource qu'elles embeuent plus d'huyle) vne once, Mastic, & Styrac, de chescun vne once, les tuyles toutes rouges faut estaindre dans l'huyle: apres qu'ilz sont estains, & menu cassez, on les mesle avec les autres choses dans l'alembic de verre, dont destillent trois liqueurs, desquelz le tiers est le meilleur. Iaque Hollier entre les huyles anodins (c'est à dire ostās douleur) pour les froides douleurs.

*Autre prins en vn liure escrit à la main.*

**E**N vne coucourbe demy pleine de Terebinthine, metz y vne quantité de verre broyé, & deux sponges, puis metz selon l'art des Alchymistes le feu autour de la coucourbe par l'espace de xxiiij. heures. Ayant parfaite la premiere destillation, destille encore vne fois renouvelant le verre, la coucourbe, & les espōges. L'huyle terebinthine profite souuerainement pour oster cicatrices, ou plustost pour les relascher, & amollir: exceptees les cicatrices qui restent des varioles, Car ceux qui recommandent ceste huyle, pour les taches des varioles, se decoiuent grandement. ¶ Brasauol. ¶

*Huyle sublimé de tartre.*

**M**etz tartre (c'est grauelle de lie de vin) brisée en vn  
vais

vaiffeau avec l'alembic, & le destille. Premièrement en decoullera eau, puis apres huyle que tu receuras à part en augmentant peu à peu le feu, tant qu'il cesse de decouler, Liure Germanic escrit à la main. Aucuns Empiriques recommandent l'esprit ou la Quinte essence du tartre contre les apostemes internes, & le mal Royal, qui est la iaunisse.

*Huyles des Escorces.*

**H**Vyle de Cinnamomme ou canelle se fait comme cy dessus nous auons enseigné de Cardan. En laquelle facon les huyles sont extraiçtz des bois, & semblables comme Giroffles, avec les instrumens declarez. Ou comme de Ryffi nous auons escrit, de extraire les huyles de toutes especes aromatiques. La canelle se peut par huict iours destremper en eau ardent six fois repassée; & puis estre destillee, comme ie l'ay entendu d'un mien amy.

Icy ie adiousteray encore la maniere de appareiller l'eau de Cinnamomme. Car en la destillation d'icelle: l'huyle finalement ensuit: iasoit que bien peu, & pour le vice de l'adustion, inutile à receuoir dens le corps. Mais l'eau en est tresexcellente, & tresvtile. De laquelle m'enuoya la description vn mien amy n'a pas long temps, telle. Le forneau, & les instrumens du tout sont telz que pour l'eau ardēt: la canne outrepassant par vn vaiffeau plein d'eau froide: laquelle sera meilleure, cōme de tant plus longue voire iusque à cinq piedz rommains, telle que l'auoir veue, & encore plus longue nous rapporta vn quidam. Mais parauenture que si longue ne la faudra, quand on ne destille pas grande quantité d'eau. Elle se pourroit bien aussi destiller en vne coucourbe de verre couuerte de lut, ainsi que l'eau fort, & parauenture en ceste maniere seroit meilleure. Tu mettras vne liure de tresbonne canelle, batus & pisée, mais non tamisée au fond du vaiffeau destillatoire, cautelement, affin que la poudre ne se dissipe, ou ne se prene aux costez, puis y mettras pot & demy d'eau fresche: l'estoup

stoupperas bien, mettras le receptoir au deffouz, & feras vn petit feu de charbon, La premiere eau decoulante est assez espesse presque autant comme huyle. Et faut auoir soing de changer le receptoir quand la couleur de la liqueur se change, La seconde eau decoule plus blanche, & alors se change; & la faut receuoir en vn autre vaisseau: & ainsi faut continuer tousiours: tant que les feces ou le marc en sorte. L'eau de la quatrième mutation est tresclaire, laquelle quand elle commence à iaunir incontinent faut oster le couuercle de la canne: Pource que la chose est desia parfaicte: & la vertu de la Cinnamome extraicte. Tout cela se peut faire en trois ou quatre heures. Mais à ceste destillation faut estre deux hommes, desquelz l'vn se prenne diligemment garde à la mutation des liqueurs: & au feu qu'il ne soit trop grand, & que la liqueur ne decoule trop hastiuement, l'autre se prendra garde que le vaisseau d'eau froide, par lequel partie de la canne outrepasse, soit bien à point: & que la canne ou tuyau trop ne s'eschaufe. Parquoy changeant l'eau de fois à autre, y en remettra de fresche prinse en quelque grand vaisseau prochain, & mettra à l'entour dudit tuyau linges moillez en eau fresche, semblablement sur le couuercle (s'il est trop eschauffé.) Car refreschissement de ces parties vaut beaucoup, pour en faire couler eau meilleure, & plus abondante. De ceste eau de Cinnamome i'en ay veu, & gousté: tressuaue & gracieuse en odeur, & saueur. Et celle que ie vy estoit vne liqueur forte, & acre, de couleur troublee presque semblable à Lait: ou furnageoyent quelques rouffes gouttes d'huyle, moins suaues que l'eau, & plus sentantes l'adustion. Le mesme Cardã escrit en general des liqueurs faictes des bois odorants comme Giroffles &c. Ceste liqueur repare grandement les forces. Ses autres vertus descrit Ryffi. Mais chescun les peut sauoir ayant cogneu la nature de la Cinnamome. En la mesme maniere est aussi appareillé l'huyle d'escorce de Noix muscade, qu'on appelle Macis: qui aussi est descrit par Ryffi.

*Huyle merueilleusement odorant à parfumer gands, prins en Fournier.*

**A**V mois de May tu prendras des secondes'escorces de l'Arbre Almon, ou Limon, ou Olme ou Aulne, trois pars, & du mesme arbre les plus grasses parties de la fleur, en poix egal; deseche les à l'ombre. Et est cest arbre à preferer creu es lieux non aquatiques. Tu y adiousteras puis apres la tierce partie de grains de Geneure tous frais, & le destilleras par descens, premierement à petit feu, l'augmentant puis apres de plus en plus tant que tout l'huyle soit descendu au receptoir, qui sera de verre bien estouppé & luté. Apres le mettras au soleil, à ouuert orifice, ou couuert de parchemin persé à menus pertuis, tant que l'odeur de l'arsure soit euaporee. Aucuns pour y adiouster plus grande grace d'odeur y mettent Belzo. ou Benioin, Spic de nard. Agaloc, ou bois Aloës, rasure de cypres, Styrac, Ambre, Musc, & destillent tout ensemble, voire iusque à la deuxieme fois.

*Des Huyles extraictz des Bois.*

**H**Vyles des bois se destillent par descens. De l'huyle du Geneure nous auõs traicté cy dessus par Vlstad, au lieu ou nous auons parlé en general de la destillation des huyles. Qui plus en voudra veoir, le recherche au liure Alleman de Ryffii: qui a la mesme maniere enseigne à tirer huyle du Gayac, & du bois de Romarin. Icy ie escriray ce que j'ay trouué en vn liure Germanic.

Le bois de Geneure pour en faire huyle doit estre verd, & frais couppé au commencement de May, ou d'automne, ayant l'escorce rouge, l'ayant descorcé tu le mettras secher au four, apres le pain tiré, puis l'ayant treché menu avec vne hache, le mettras en vn pot menu pertuisé, au fond, que tu poseras bien conioinctement sur vn autre pot non pertuisé, le pot de dessus tu rempliras de ces coupeaux de bois de Geneure, & de tremble avec partie de pierres blanches d'on se fait la chaux. Puis quand tu auras bien luté le

couuer

couuercle, tu emboiteras dens le pot de deffouz : & feras feu tout autour. Cest huyle faict du seul bois de Geneure, s'applique seulement hors du corps: car il est fort vehemēt, & sent par trop l'adustion. Encore faict il à la peau taches qui facilement ne s'ostent. Je say qu'il a grande vertu contre la roigne & gratelle, & contre la peste, Brasauol fort le loue. Il oste causes froides, & rabat l'habitude de la fieure quarte, mis en onction depuis l'ombilic iusque aux honteuses parties, & aux reins, il conforte la matrice, & deseché l'humidité d'icelle, & la prepare à conception. ¶ Rogier. ¶

Huyle qui est destillé des bois de Geneure tresscez en apposant les orifices de deux potz de terre l'un contre l'autre, ou bien par vn Alembic de verre: si on en tient en la bouche: il oste merueilleusement la douleur des dens procedante de froide defluxion, & semblablement vaut contre toutes autres douleurs procedantes de cause froide: cōme douleurs de nerfz conuulsion d'articles, paralytie, & semblables. ¶ Matheol. ¶

Huyle de Geneure (dict Mesue) amende les infections du cuyr les dartres, le chancre, les vlcères malins, qui viennent es iambes, & cuisses, qu'on appelle mal mort. Remply vn vase de terre à gueule estroicte de menus coupeaux de bois de Geneure, sur toute la bouche du vase applique vne deliée platine de fer blanc pertuysee comme vn crible. Icelle platine lute tant à la bouche dudict vaisseau, comme d'un autre plus petit de verre qui sera pour receuoir l'huyle lequel ayant enfoncé en terre, enuironne le grand pot de dessus où sont les esclats de geneure, de feu clair par l'espace de deux heures: ainsi destillera l'huyle au moindre vaisseau. Cela dict Mesué par son interprete, ¶ Syluius. ¶

Et le mesme Syluius es commentaires dict ainsi.

Par cest art se faict huyle de pignons ou noyaux de pin pour oster les rides de la peau des femmes. Et du Gayac, voire encore mieux du sainct bois pour les douleurs, & vlcères de la grosse verolle, à quoy aussi proficte huyle de geneure, de

de geneste, & de fraisine, & autres bois principalement gras, & pleins de suc, comme aussi de fruicts, Bayes, & semences. Or le plus grand vaisseau pourra estre de metal. Et s'il est de verre, ou de pierre: soit bien tout autour garny du Lut de sapience. Car s'il est de terre, à cause qu'elle est trop rare, elle dōneroit yssue à l'huyle par dehors, pource faut que par dedans il soit vitré, ou plombé. Mais le vaisseau de dessous peut bien estre verré, sans le luter, à l'entour moyennāt qu'il soit assez espais. Il peut aussi estre de metal, ou de terre, mais que verre soit au dedans. Car autremēt ces huyles tres subtils s'espandroyent ça & la par les pores du vaisseau. Encore moins seuremēt sera receu cest huyle ainli que Mesue l'ordonnoit, cest à sauoir en vn crot en terre enuironné, & foncé de plastris de terre grasse. Encore ne seroit besoin enterrer le vase receptoir de dessous si sur quelque plate forme eleuee de terre on peu faire soustenir les charbons, & les bois du feu d'ond faut enuironner le grand vaisseau. Vela que dict. ¶ Syluius. ¶

Huyle de fresne ayde aux splenetiques, (ce sont les endurecis de ratelle), & en outre a les mesmes vertus que l'eau de geneure: & se faict en la mesme sorte. ¶ Mesue. ¶

Ou Syluius de rechief dict ainli. Cest huyle mis, & frotte sur le fenestre hypochondre, & prins aussi en beuurage, deliure puissamment de l'obstruction de la ratelle, & en amollit & digere la durté. C'est huyle (dict Rogier) reprime l'arthetique froide, faict venir cicatrices es parties escorchees, dissout la morphe blanche, & la noircit.

Iean Manard es epistres 16. & 4. donnant conseil pour la fanté du Cardinal Campege goutteux articulaire, ainli escrit. Je appreuue le moyen & l'usage de l'escume du bois saint, ou bois Indian mis en decoction, pour ayder aux parties dolentes. Toutesfois que ie pense de plus grande efficace estre l'huyle du mesme bois destillé par ce que les Alchemistes appellent descensoir, en oignant d'iceluy les parties dolentes, & enflées. Je fay souuent aussi vn oignement des coupeaux

dudict bois cru, & puis cuyctz en quelque bon vin excellent avec vne part de vieux huyle. Lequel vtilemēt' est enioinct, & frotté es parties malades.

Prenez bois sainct taillé en menus quadrats, d'iceux emply vn pot de terre tout neuf: qui sera estouppé d'vn couuercle de terre persé à menus pertuys: & soit renuersé, & engueulle avec bonne lutation dens vn autre pot enfonce en terre iusque à la gueule, & biē luté avec le dessus: autour duquel soit fait feu & dens quatre ou cinq heures par la chaleur du feu circonstant l'huyle destillera, dens le pot de dessouz par les pertuys du couuercle. Et quand tout sera refroidy ouure le vase de dessouz, & tu y trouueras l'huyle nageant sur l'eau, duquel si tu frottes les papules ou boutonnières, exulceratiōs, nœudz des ioinctures, & nez: tu y feras grād ayde. De ceste eau aussi on boit le matin & le soir, ou à part elle, ou avec le syrop suyuant. &c. André Matheol au liure de la verrolle. Le Gayac aussi ( comme s'ay feu par vn mien amy ) se peut destiller en la mesme forte que l'eau fort, & trescōmodement en vn fort vaisseau de terre verree pour ce qu'il resiste au feu, & ne se rompt facilement. Cest huyle proficte es gouttes articulaires de verolle, adioinct avec tresbonne eau ardent. Huyle de Gayac, & plus valemment du Sainct bois vaut contre les douleurs, & vlcères de verolle. || Syluius. ||

Vn certain Empiric me dist qu'il ne failloit iecter ce bois: combien que deux ou trois fois eust esté mis en decoction, Car encore de tel se destilloit huyle tresbon.

Pren le bois sec de l'hierre, & les grains, & la gōme si auoir tu les peux. Lesquelz menu taillez soyent mis en vn vaisseau de terre persé au fond en deux ou en trois lieux, dessouz lequel soit mis vn autre pot enterré iusque à la bouche, qui soit biē ioincte & lutee avec paste ou terre grasse au fond du pot de dessus tout eminent hors de terre. Puis ayant fait feu tout à l'entour destillera vn huyle noir dens le vase de dessouz. C'est huyle sur tous autres guerit la goutte arthetique



que procedant de cause froide. ¶ Rogier. ¶

L'ay escrit en cest endroict l'appareil de l'huyle capniste, c'est à dire enfumé, pource qu'il se faict par descens, comme les huyles des bois, & l'ay prins en Aëtius au premier liure, ou il traicte des huyles duquel ausi Nicolas Alexandrin l'a emprunté en son traicte des huyles. Pren des ongles d'arbres aromatiques noircissans, & des plus grâds. Encens malle, Styractres bonne, bdellion pur, coste, de chescun deux onces & demie. Doux huyle tresbon, cinq sextiers & demy, Suye de four tant qu'il suffira, le coste, Bdellion, & Styractre coupez en pieces assez grossetes, toutes ces choses ensemble meslees tu iecteras dans vn pot neuf sans anses: duquel tu boucheras l'orifice avec suye de four. Et par le dehors tout alentour ledit orifice garniras proprement de rainseaux d'aspalath, (c'est bois de Rhodes odorant) ou de quelque autre chose bon sentant: affin que rien ne dechee du pot.

Après cela cherche vn autre vaisseau de terre sans anses à long col, qui ayt l'orifice conuenant à l'orifice de l'autre vaisseau qui contient les aromatiques: & dans ce second vaisseau mettras les cinq sextiers de doux huyle. Puis feras vne fosse en terre ou tu enterreras le pot cōtenāt l'huyle iusque au col, affin qu'il ne s'eschaufe par le feu qu'on y fera apres: puis tu renuerseras la gueule en bas de l'autre pot, ou sont les aromatiques: & adioindras si biē les deux orifices qu'ilz s'entrebaissent iustement: & luteras tresbien l'endroict de celle conioction des orifices. Puis mettant charbons autour du pot, en soufflant, ou ventilāt allumeras le feu. Lequel estant emflābé laisse corrompre les aromatiques, affin que peu à peu eschaufez ilz se euaporent dans l'huyle mis, au dessouz par l'estroicte bouche du pot, par ou les pieces des drogues assez grossetes ne pourront passer tāt pour leur grosseur que pour l'empeschement de l'Aspalath. Pour laquelle cause cest huyle est appellé capniste, c'est à dire enfumé. L'endemain oste l'huyle, & le metz en vn vaisseau de verre. De cest huyle vsent les femmes qui ne peuuent auoir leurs fleurs menstrues. oignans

d'iceluy le bas ventre, & les roignons. Il est bon aussi par telle onction aux femmes qui apres l'onction sont mal, ou trop peu purgees. D'aduantage il est vtile pour la poictrine refroidie, & remedie au tenelme ( qui est enuie & vouloir d'aller à selle sans pouoir ) si prins avec laine chaude enuelopee il est appliqué sur le bas vêtre, & sur les roignons, Ce mesme est nommé Capnelæon. Mais l'auteur interprete kiranidon pour Naphte, au quatriéme liure en lamention de l'Eche-neide. Iay veu aussi d'vn papier enrollé, & encornelé en forme d'vne coqueluche, & enflambé sur vn plat d'estain, tenant la poincte dessus avec vnes pinsetes de fer, en descouler quelques gouttes de noir huyle, qui sont louees contre les mailles des yeux.

*Du vray Bafme, & antibafmes qui sont huyles composez par art, & mis en vsage au lieu du vray Bafme, tant dehors que dedans le corps.* Chapitre. *LXIII.*



**B**alfame ou Bafme, est vn mot presque en toutes langues vltié, & est vne diction Suriéne. Car en la seule surie, & en vn vergier seulemēt iadis il naissoit. Dauid kimhi apres aucuns autres iterpretes au 27. d'Ezechiel ce mot He brieu Panag. estre le lieu de Iudee ou il croissoit, les autres disent Apharfamon qu'est à dire Balsamon, les Iuifs derniers escriuent. Palsamon. Nicandre Balsamon à cause de vers.

Oprobalsamon est la liqueur. Carpobalsamon est la Semence que aucuns appellent Cafamon, & le disent estre plus odorant que la liqueur mesme. Xilobalsamon est la rame, ou le bois. Quelque fois j'ay pensé qu'il estoit appellé Balsamon par excelléce, pource qu'il est le plus precieux, & le plus noble entre tous les Aromatiques. Car en Hebreu Baal signifie le Seigneur & le maistre. Sam signifie Arome. Balsamon est à dire Fleur aromatique. ¶ Varin. ¶ Et certes puis que la chose mesme est de Surie, il est bien cōuenable chercher l'etymologie du nom en la langue Suriéne: parauenture aussi que Belsoin (autres escriuent Benioin, autres Belzoon) qui est

est liqueur de tressuaue odeur, à la mesme origine de son nō. Et en Hebrieu non seulement ce mot Sam, signifie Arome, mais aussi ce mot Bosem. D'on semble que les Allemans à limitation des Hebrieux ayent appellé le Musc, Bisem.

On tient pour verité que en nostre temps le vray Basme est du tout perdu. Iadis le suc du Basme estoit de couleur d'or, guerissoit les playes, ostoit les rides, gardoit la face des morts de toute corrompüre, rompoit la pierre des reins, effaçoit les mailles des yeux, resistoit aux venins, & mesmemēt à l'aconit, & aux rigueurs des fieures mesmes. Et en toutes ces choses estoient les vertus du Basme excellentes. Mais à present de l'Espaigne on apporte vne autre espeece de Basme de couleur rouge tendant au noir, pesant, & sentant quelque chose du bruslé, & qui tente incontinent la teste, mais la langue encore plus aigrement, mais plus tardiuement comme le poiüre. Toutesfois comme le vray Basme il guerit promptement les playes nouvelles, & oste les rides. le croiroye bien cest huyle estre de biē grande efficace: que si non a toutes choses au moins à plusieurs: & approcher à la vertu du vray Basme. L'arbre qui ceste huyle produict se nomme Goacomax de la forme & grādeur d'un Grenadier, & à peu pres semblable mais ayant la fueille plus grande, & plus deliée, & l'escorce comme seche, bois flammant comme torche, le fruit cōme Raisins, mais de grains plus gros, & plus clairs femez, & de couleur de vin, lesquelz avec leurs surgeons longuement cuyctis en l'eau, rendent tel huyle. ¶ Cardan. ¶

Les Marchans frequentans la Surie, affermēt pour vray les vergiers du vray Basme auoir esté destruiets, du tout perdus depuis que Selin Empereur des Turcs predecesseur de Solyman, qui regne auourd'huy, print le grand Caire: & les Turcs apres auoir tuez les Iardiniers, n'en commirent point d'autres: lan de nostre Seigneur. 1516. On dict qu'il y a du vray Basme mis en seure reserue, en assez grāde quantité valant beaucoup de milliers de ducats, en la maison de trefrenōmé home, secōd Luculle de nostre siecle, le Seigneur Antoine Fougger. Gricole es cōmentaires sur Galen des lieux

affectz. 4.9.

*Antibafmes.*

**D**ioscoride enseigne quelques marques du vray Basme au Catalogue des medicamēs qui peuuent estre substituez les vns pour les autres. Lequel est avec les liures de Galen, et à la fin des liures de Aeginet ainsi nous l'auōs leu, pour liqueur de Basme, myrrhe destillee que l'ō dict Stacte, la mesme est escrit. Pour opobalsame c'est ius de Basme, liqueur de Myrrhe: mais ie croy que vne lettre est corrompue, & qu'il y faut Myrrhe. Auicēne au second liure, chapi. de l'huyle. Au lieu de Basme (dict il) on met Myrrhe, liquide, ou egal poix de l'huyle de Adhi ou Adadi, ou Dadi, comme Bellelune l'a translaté. Rasis sur la fin de l'Antidotaire separé. En l'huyle Benedict qui est huyle de Tuyles, ou de quarrōs, ou briques, ainsi en dict. Il vaut autāt q̄ l'huyle de Basme, & est plus subtil, plus chaud, & de plus grande vtilité es affectiōs froides. ¶ Moines. ¶ Etyvn peu apres, au traicté. Quid pro quo, q̄ est imprimé entre les liures des filz de Mesué, on lit ainsi. Au lieu de Basme: la Terebinthine destillee se peut mettre, ou l'huyle Laurin, ou gōme de l'hyerre. Au reste, que c'est Dadi. Je ne le sauroye à la verité propremēt dire. Cōbiē qu'il est descrit par Auicēne au chapi. ccxiij. Bellelune ny en cest endroict ny es gloses n'interpte que cest. Cest vne graine dict Auicēne semblable à l'orge plus longue, plus serree, plus ferme, amere, & froide declināte à chaleur, & seche au secōd degré. Qui resserre le vêtre, resiste au venins, vaut cōtre les Hemorrhoides, & douleurs du fondemēt, le pēse que c'est Scifth, ou ladanō car il est tellemēt froid que neautmoins il a vne tiède chaleur, selō Galē, il astringt, & resserre le vêtre, deseche en secōd degré: Et est plus chaut celuy qui naist es lieux plus chauds, & ramollit mediocremēt, dissoult, & digere. Or es Antibalomenes, (c'est à dire, mises, d'vn pour autre) des Grecz, nous lisōs la propolide (c'est ce que fōt les auailles auāt le miel & la cire, pour luter leurs rusches) estre mise au lieu de ladanō. Et Auicēne en la resolutiō des durtez, ainsi dict. On met le poix des deux tiers de kur (c'est Propolide) & la moytié du poix de Abhel. Dioscoride dict le Ladanō estre meslé avec les medicamens

camēs Anodynes, (qui ostent douleur) & Auicenne dit qu'il vaut contre les hemorroïdes, & douleurs du fondemēt. Or quāt à ce que dit Auicenne que Dadi est semblable à horge, plus long, & plus ferré &c. Certainement ie pense que cela a esté corōpu de Dioscoride, qui fait Ladon (c'est l'arbrisseau de Ladanon) semblable au Cisthe, seulement à fueilles plus larges, & plus noires. Et finalement ces deux noms Ladon, & Dadon ne s'accordent pas mal, & peut estre mis Δ pour Λ.

Huyle fait de fleurs de Romarin (à la maniere qu'il se fait des fleurs de boillon blanc, a vertu du Basme : & vne goutte mise en l'eau semblablement va à fond. ¶ Arnold. ¶ Entre les autres enseignes du vray Basme on met ceste cy, qu'il fait prēdre & coaguler le lait. Je voulant experimenter si cela se pourroit faire du Basme artificiel de Terebinthe, & gommés chaudes composé: ie trouuay qu'il ne le coaguloit ne trechoit. Le vulgaire appelle Basme l'huyle simplement destillé d'Aspic, pour sa trop excellente suauité d'odeur. Autres appellent Basmes certains medicamens odoriferans: estimās qu'ilz approchent à la vertu, & faculté du Basme, comme Ryssi l'huyle de Giroffles. Et es Antibalomenes des Grecz on lit que pour xilobalsame (c'est bois de Basme) on peut substituer racines de blanches violes ou Giroffles. Or les Antibalomenes imprimez avec les liures de Mesué disent ainsi. Pour xilobalsame metz bois de l'hierre, ou racine de blanches violes. Mais par auenture que en tous ces lieux l'interprete pourroit auoir failly. Veuz que nul scripteur ne a iamais comparé l'hierre avec le basme. Et ainsi i'ay pensé ou que l'interprete qui a traduit de l'Arabic auoit failly: ou les Arabes mesmes, en cōfondant Cisson (qui est l'hierre) avec Cisthon, qui est le suc de Ladanon. Lequel Auicēne substitue pour le Basme. Es Antibalomenes, (c'est à dire. Quid pro quo, ou mise des vns pour les autres) lesquelz sont attribuez à Galē. Je treuve cecy escrit, pour liqueur de Basme, liqueur de Carpase, & pour liqueur de Carpase liqueur de Myrthe: & pour liqueur de faux, liqueur de l'hierre noire. Lesquelz mots les

Arabes laissez ou chāgez, ont trāsporté en leurs escrits com meie coniecture. Il est aussi vne espece Balsamique, ainsi dite pour son odeur. Aucuns aussi appellent Balsamite, le Sifymbriou, qui est mēte rouge. Il est vne autre Balsamine comme les Geneuois l'appellent, & les Tuscans Pomme de Hierusalē, ayant feuille de vigne blanche, dite Bryonie, ou Couleuree; & fleur de cocombre, le fruit agu par les deux boutz comme vn petit cocombre. La pomme se ouure par maturité, & appert par l'ouuerture estre vuyde au dedans contenāt quelque peu de semences semblables à lentes, & trefrouges: desquelles est extraiēt huyle tressouuerain pour playes. Aucuns mettent au Soleil par aucuns iours icelle pomme, premierement embeue d'huyle: puis la couurēt de fumier, ou de terre, tant que du tout soit pourrie, disans que ainsi acquiert la vertu du Basme à consolider les playes. Dont est venu le mot de Balsamine. ¶ Ruel de Hermolas] Brasauol l'appelle Huyle de Coches, & l'herbe qui porte ces fruits en vne cosse espineuse il appelle Coche, ou Momordique, l'huyle de Balsamine (dit il) se appareille en diuerses manieres, & par infusion, & mis souz terre par plusieurs ans, & par cuiēt, & se fait de la Cousse espineuse, mettant les feuilles, & semences à part. Celuy qui est fait souz terre dōne secours aux douleurs des Hemorrhoides. En general c'est huyle appaise toutes douleurs. Qui voudra sauoir d'auātage & plus merueilleux effectz de c'est huyle & herbe: lise les commentaires sur Dioscoride de Mattheol de Senes, au quatrième liure, chapitre clxxxiiij. Tant grands & telz que si vrayz ilz sont: le Basme ne seroit rien au pris.

Balsamelæon, c'est à dire Huyle de Basme, est d'vne plāte haute d'vne coudee ou de deux, semblable à Rue sauage: l'escorce de laquelle du costé d'orient scarifiée, & ouuerte, grasses larmes en destillent: qui sont la seue & gresse du Basme. Les autres au commencement du printemps, prennent les surions d'icelle plante, & les pisent en vn mortier de pierre, les cuyent en eau, les serrent en presse, & ce qu'ilz en extrayent

trayent appellent huyle de Basme. Autres mettent au Soleil par quarante iours lesditz surgeons brisez, & trépez en vieil huyle, les cuisent en double vaisseau, les serrent puis y mettent nouueaux surgeons pilez, les coulent par deux & trois fois, puis les mettent à part. ¶ Mesue, ¶ par Syluius interprete. Auquel endroit Syluius es annotations dit. Xylobalfame, & Carpobalfame frais soyent destrépez en vieux huyle par vn iour, puis par art fusoire Chymiste, en soit extraict huyle. Et ne sera de petit pris si le Xilobalfamon frais cueilly est mis en huyle vieil au Soleil par quarante iours, puis soit cuict en double vaisseau. Des vertus de c'est huyle tant loué par Mesué: merueille est que tous s'en taissent, car il eschaufe, humecte, subtilize, digere, absterge, & conglutine. Ceste faculté de glutiner non dicte par les anciés le fait au iourd'huy precieux. Opobalfame (c'est suc de Basme) est tresrare, & pource de tresgrand pris. Parquoy Pierre de Albá, Guillaume de Plaisance, Bartholomy de Montagnan, ont composé huyle de Basme, en rien moindre que le vray Basme. Autres mettēt au Soleil par quarante iours les fueilles, la semence, & le bois de ceste plante dēs de l'huyle, puis l'exprimēt en presse, & le gardēt. Mais en vertu il est beaucoup moindre que le Opobalfame, vela que dit ¶ Syluius. ¶ Les Egyptiens font vne maniere de Basme contrefait d'vne fresche escorce tres odorante, la faisans boillir en huyle d'amendres, d'odeur singuliere quand frais il est meslé. ¶ Alexandre benedict. ¶

Il esueille soudainement ceux qui sont tōbez du haut mal, c'est huyle que vulgairement on appelle Balsamine, le baillāt à sentir aux souspiraux des narines. ¶ Luy mesme. ¶ Et semble qu'il vueille entēdre huyle d'Aspic destillé. Car plusieurs au iourd'huy l'appellent Basme.

*Des Basmes composez par Art. Chap. LXIIII.*



Vant à ce q appartient à la faculté de tous Basmes, semble la commune intention estre pour glutiner playes, & vlceres en brief temps, diuertir leur mauuais accidēs, eschauffer, & defecher: & qu'ilz soyēt de parties subt

subtiles. D'ont viēt que tous ont huyle Terebinthine. Et aucuns aussi ont autres Resines, cōme de pin, & de Mastic: gōmes aussi y sont adioustees, Elemi (q est larme Aithiopique) gōme de l'hierre, Bdelliō, Sarcocolle, Mommie &c. A d'autres pour grace de bōne odeur on adiouste diuerses especes aromatiques: d'ont ilz sont appropriiez à vsages diuers, & idoynes à diuerses affectiōs dēs le corps, cōme encores d'auātagē sont ceux à qui sont plus de diuerses plantes, ou de leurs parties adioustees. La plus grand' part d'iceux Basmes se destillēt exceptez ceux qui hors du corps seulement sont appliquez aux playes. Et se destillēt la plus part es cēdres, premiere ment à feulent, affin que le plus clair, subtil, & aiq̄eux soit tiré: puis apres le feu peu à peu augmenté: affin de receuoir l'huyle qui est de couleur rousse. Consequēmēt le feu fait encore plus grād: affin que l'huyle rougisse, & finalemēt se tourne en noire couleur: la liqueur qui secōde, & moyenne destillera: est plus approuuee pour en vser dens le corps. La derniere est plus chaude, plus vehemēte, & moins gracieuse, & plus conuenante pour estre appliquee par dehors; ou il faut plus grande force, comme le premier ou il faut moindre force. La premiere liqueur semble principalemēt estre rendue de la Terebinthine, pour laquelle empescher de boillir, on y peut mesler grappins de quarrons, ou de cailloux, cōme dessus auons dit en la destillatiō de la Terebinthine. Tous telz Basmes cōposez prins dēs le corps, à cause de la terebinthine & des gōmes excitēt roctz, quelque fois biē ennuyeux, mesmes apres auoir prins de la premiere & moyenne liqueur. Et tous font sentir leur odeur en l'urine. Il les faut prēdre dēs le corps avec quelque liqueur, mesmement avec vin: tellement que en vne cueilleree de vin, ou autre liqueur, soit mise vne goutte ou deux d'huyle au plus. Les feces restātes au fond sont inutiles: sinō qu'elles peuuēt seruir de resine colophone. N'à pas long temps que ie vy vn Empiric destillant en cēdres vne maniere de Basme en vne paille mise sur des tuilles ou quarrons, cōme cy dessus j'ay escrit au lieu de la destillation, par les cendres:

estant



estant la coucourbe de verre si profondement mise dans les cendres, que toutes fois point ne surpassoyent la matiere dedans mise. Elle estoit remplie iusque au milieu: & si toute eust esté pleine: elle eust peu tenir quatre liures. Ce labeur le tenoit occupé par quatre ou cinq iours & nuicts sans relascher le feu. Or ne separoit il que deux liqueurs la premiere blanche qui en plus grande abondance venoit: puis apres rouffe qui rendoit du tiers moins. Le lut duquel la coucourbe, Alēbic, & recepioir sont garnis, affin que de nulle part ne respirent, quand il se viendroit à fendre, est de fois à autre de rechief surenduict: & ainsi faut veiller les nuicts, mesme pour entretenir le feu continuel. Toutes les liqueurs se pourroyēt bien aussi destiller en vn seul vase sans changer de recepioir, & puis estre separé. Car le premier nage sur le dernier comme plus legier. Celuy Empirique vsoit de cest huyle à plusieurs maladies: en baillāt tous les iours vne goutte à boire, & continuant comme enuiron quatorze iours: & disoit que cela valoit cōtre les fieures chroniques (c'est à dire de duree à long temps) & y mesloit par fois quelque chose aromatique, comme Gingembre, & sucre, & vin, avec vne goutte d'huyle affin qu'il fust moins apperceuable au patient de boire vne goutte d'huyle. Aucunes fois ne bailloit il rien à boire sinon de vin avec celle goutte d'huyle, principalement pour amender puanteur d'aleine. Quelque fois le bailloit il avec de l'eau, autres fois le infilloit sur vne souppe de pain. Et souuent aux hommes phlegmatiques, & gras le administroit avec sauce de moustarde, & de poiure, les faisant suer puis apres, disant que par cela ilz vomissoyent le phlegme. Il recommandoit aussi ledit huyle en tous les accidens, ou on vse de Theriaque, & encore plus contre les venins, Item contre toutes playes, & enflures: (fors que les hydropiques) à l'espasme, à nettoyer les dens, à conforter les genciues contre le mal comitial, & les venins, & disoit que vn serpent enveloppé en linge moillé audit huyle incontinent mourroit. Disoit aussi l'autre liqueur qui est rouge estre vtile aux Lepreux, si

le mal n'estoit confirmé, & ne fussent encoré prins de l'phaleine, l'une & l'autre liqueur auoit acrimonie en goust d'odeur resineuse, & fumeuse aucunement mais plus la dernière. Et vendoit la demie once aux riches vingtcinq ou trente soulz.

*Huyle de Guillaume de Salicet Plaisantin, Lequel au cinquième chapitre de sa praëctique il dit auoir la vertu du Bafme.*

**P**renez carpobalsame, Myrrhe, Noix d'inde, de chescū demie once. Hyperic (c'est mille pertuis) deux drachmes. Toutes ces choses froissees assez grossièrement, soyent laiffées en quatre onces de vieil huyle, par l'espace de six mois, puis soyent destillees.

*Autre plus noble qui se met au lieu de Bafme, De luy mesme.*

**H**Vyle vne liure & demie, Myrrhe, xylobalsame, Opopanax, Bdellion, Aloes Carpobalsame, Ammoniac, Serapin, Noix d'inde, Hyperic, Macis, Gomme arabic, Encens, Tragacathe, de chescun vne once. Quarron brisé qui iamais n'ait esté moillé, eschaufé rouge, puis estaints en huyle commun, trois onces, Terebinthine munde & claire, sept onces. Chescune de ces choses bien pisee à part: puis toutes ensemble broyees en vn mortier soyent destillees cōme l'eau rose. Ceste liqueur vaut contre la pierre, & meslé avec les medicamens fait à cela mesme. Elle applanit les durtez, & cicatrices: & se met en quelcōque part, pour & en lieu de Bafme.

*Autre plus excellent, de luy mesme.*

**M**yrre, Carpobalsame, Noix indique, de chescun demie once, Hyperic, vne drachme ou deux. Ces choses assez grossièrement broyees, soyent meslees avec cinq onces d'huyle & once & demie de Terebinthine. En fin soyent adioustez cinq grains de Musc, & trois d'ambre: & vne once d'huyle de quarrons. Soyent destillees comme dessus. De c'est huyle vsoit Nicolas Stocker excellent Medicin en Alemaigne, mais sans Terebinthine, au moins si vn mien amy n'a failly à menuoyer sa description bien entiere. Et il la laiffait dix iours en infusion deuant que la presser, ou exprimer, Finalemēt l'ayant pressée, & extraicte y adioustoit le Musc,

& l'Ambre avec huyle de quarrons, & croy qu'il ne le destilloit point. La description precedente est contenue au luminaire maieur, comme la suyante de Montagnan.

*Basme composé de Bartolomy de Montagnan, en son Antidotaire au chapitre premier qui est des onguents.*

Chapitre. LXV.

**T**erebinthine, vne liure Encens blanc, quatre onces, Bayes de Laurier, autant, gomme Elemi six onces, Mastic Galange, Giroffles, Cinnamonomme, Zedoar, Noix muscade, Cubebes, Bois de Aloes bien brisé, de chescun vne once. Tout cela soit ensemble destillé, premierement à feu lent: dont decoulera eau dicte eau de Basme. Puis ayant le feu augmenté tu en recueilliras separement vne autre eau. Et ainsi fay iusque à la tierce fois, Adonc en sortira le Basme bon à toute espreuue: Et sera d'autant plus fort, comme plus souuent sera destillé.

*Basme de Pierre de Apone en son addition au liure de Mesué, au traité des onctions, pour affectz du cœur.*

**M**yrre eleué, Aloes hepatic, Spic de Nard, Sang de Dragon, Encens, Mommie, Opopanac, Bdellion, Carpobalsame Ammoniac, Serapin, Safran, Mastic, Gomme Arabie, Styrac, liquide de chescun deux onces, Ladanon eleu, ou Castoreõ, deux onces & demie, Musc, demie drachme, Terebinthine au poix de toutes ces choses. Broye les broyables, & toutes ensemble meslees avec la Terebinthine destilleras ingenieusement par vn Alembic. Car ceste art est comme de l'eau de Roses. Cela dit Pierre de Apone comme les Moines qui ont escrit sur Mesue confessent auoir descrit sur les liures escrits à la main, beaucoup plus correctement qu'il ne se trouue es liures imprimez & au luminaire maieur. Nous n'auons point trouué (dit Pierre de Apone) mention de l'inonction de l'espine en tous les anciens, nõ qu'ilz ayent ignoré chose tant vtile & louable: mais pource qu'ilz l'ont voulu cacher. Car c'est l'excellent ayde preseruant le subiect

de

de la vie. Pour autant que le commencement des os, & des nerfz, est la nucque, qui a son origine du cerueau. &c. Ainsi en oignant icelle nuque, ou espine, tu conforteras la substance velatiue, (qui sont les tuniques du cerueau) & la substance spirituelle, & les nerfz, & tous les os: suruenant quant & quant à la paralytie, & à tous affectz des nerfz. Item au trefaut, & tremblement de cœur, & à lasitude manifeste: & est le tres excellent de tous les medicamens en tresprompte & soudaine confortation de cœur. Puis apres auoir mise la description, il dit. Cest huyle est tresprochain du Basme, & selon ceste maniere les tressubtilz Sophistes deguisent, & falsifient le Basme. Car entre tous autres moyens, cestuy cy est tres excellent. Si de c'est huyle sont oingts les corps morts ilz ne pourrissent point. Quand tu en voudras conforter & roborer les corps extenuiez, tu y mesleras eau rose, & en oindras sur les mansions du fondement: & depuis la nucque iusque aux reins. Si deuant les acces, est oincte l'espine du dos avec c'est huyle: en delaissant dessus la marque de c'est huyle avec vne piece, elle dechasse les frissons, & froidures tréblantes des fieures erratiques, & de quelconques simples fieures. Et suruient aux fieures quartes erratiques des le commencement du periode. En syncope oignant quasi iusque à la dernière espine du dos, affin que l'organe du patient parle en sa propre voix luy en mettras vn peu souz la langue, puis es oreilles, & es narines si la necessité le requiert. De ce mesme huyle, (la necessité le requerant) tu bailleras, en suffocation de matrice mal comital, & plusieurs autres passiõs. On l'administre au poix d'vn grain avec vin odorant, ainsi il conforte l'esprit, & la nature, & remedie à plusieurs mauuais affectz. Mais sur tous il profite aux melancholiques, & tristes, & à ceux desquelz les forces, & membres sont lasches & languides, comme s'ilz fussent froissez, & par force debilitez. Pour les hectiques tu y mesleras huyle rosat, ou de Mastice & oindras leur espine au Bain, & sans Bain, iusque icy ainsi dit Pierre de Apone.

Luy mesme enhorte de mesler ceste composition au lieu du vray Opobalsame, avec Theriaque, Methridac Diacurme doree Alexandrine. De cest huyle (dict Epiphan Empiric) il vse comme de la mere de tous remedes, à toutes passions de nerfz, à la nucque, dos et ioinctures. Les en oignant deux fois le iour. Car il est certain en experimens, principalement en matiere froide. Luy mesme ordonne le destiller au Bain Marie, ce que pas ie n'appreue. Il est aussi vne autre cōposition de Guillaume plaissantin, laquelle ie treuve au luminaire maieur au Diacurme, ou Diacroc, qui est telle.

Prenez Terebenthine deux liures, huyle cōmmon trois liures, huyle Laurin, xvi. onces. Cinnamomme trois onces.

Euphorbe, Giroffles, Bayes de Laurier, gomme de l'hierre, Serapin Galban Aromatic, Opopanac, Ana vne once, Encens, Mastic, Ana deux onces. Soyent pisees les broyables, & puyt toutes destillees. Ryffius aussi descrit ces Basmes, & autres diuers en son liure de destillation,

*Eau viuifiant, & rendant ieunesse aux vieux prise au liure de Lulle des eaux.*

**T**erebenthine vne liure. Miel demie liure, Eau de vie trois ou quatre fois destillee trois onces. Bois de Aloës bien brisé, Sandal Muscatel, de chescun trois drachmes, gomme Arabic vne drachme, ou par auēture vne once. Noix muscade, & ambre de l'une, & l'autre deux drachmes. Toutes ces drogues pisees destille à feu lent, iusques à ce que tu en ayes tiré la premiere eau claire. Et quand la seconde commencera à decouler (qui sera semblable à vn charbon enflambé) augmēte cōtinuellemēt le feu & la garde à part. Puis de rechief apres auoir augmenté le feu, recueille la tierce, q est noire & espesse comme miel. De ces eaux la derniere est plus chaude que la seconde & premiere. La premiere est appelée, Mere du Basme, la seconde Huyle de Basme, la tierce Basme artificiel, la premiere se baille en breuuage avec vin tiede. La seconde & la tierce valēt à oster les maladies, qui nouuellemēt mangent le corps humain. La premiere beuē avec vin blanc

tiède purge l'estomac de toute mauuaife humeur : & garde que l'eau hydropre ne paruienne iufque au cœur & aux parties principales, comme il appert par frequēte experience. Vn linge delié, moillé en celle eau & avec le petit doigt mis dens les narines, & là delaiſſé, à l'entree du liēt, guerit du reume. Prinſe au boire ſoir & matin guerit la puāte halene procedant de quelconque cauſe. Les dens lauees de celle eau ſe renforcent, & en ceſſe la douleur, ſoit prouenante de froide humeur ou de ſang putrefaict. Tout ce que dedans on met ſe garde en ſon entier, et ſans corruption. Linge en icelle moillé mis ſur les playes, vlceres, & fiſtules, eſtans premierement lauees, & abſtergees les guerit. Reſiſte à la ſieure quarte : ſi par quelques iours on frotte d'icelle l'eſpine du dos.

La roigne lauee de celle eau ſe guerit. Vn drap en celle eau moillé, & appoſé ſur les Hemorrhoides, allege le mal.

Laine Xylīne vn peu trēpee en ceſte eau proficte & vaut contre toute ſurdité. Oincte ſur la face, oſte la rougeur, l'empeschement de la langue, & tous froidz affectz.

La ſeconde & tierce eau valent cōtre le chancre incurable appellé, Noli me tangere, cōtre iauniſſe, & mauuais affectz de col, & de gouſſier. Item cōtre la fiſtule, & principalement contre le maumal (verolle) ſ'il eſt nouuel. Car en le lauant, & fomentāt, & deſſus le mal appoſant vn linge moillé en icelle eau, ſouuent aduient qu'il guerit. Leſdictes eaux aydent auſſi à ceux qui ont eſté batus de coups ſourdz, de pierres ou de baſtons. Nul venin n'en peu approcher, & ſi vne araigne en eſt touchee, incontīnēt elle meurt. L'onction d'icelles eſt tresbonne à Paralyſie, lauēmēt d'icelles conferme toutes les parties du corps. Or eſt il à ſauoir que de ces trois eaux la premiere comme generale contient toutes les vertus. Mais pour corroſiue curation la ſecōde & la tierce ſont preferees, & plus ceſte, que celle. En ſomme elles donnent remede à toutes maladies prouenantes ou de ſang, ou de phlegme pourry.

*Eau merucilleuſe, dudiēt Lulle, ainſi ſe faiēt.*

Giroffes, Noix muſcade, gingēbre, Zedoar, galāge Poivre long

long, & rond, graines de Geneure, Escorces de Citron, Saugge, Basilic, Romarin, Mariolaine Mente ronde, Bayes de Laurier, Poulieu, Gentiane, Calaminthe, fleur de Seu, Roses, Ammeos (qui est Cumin Alexandrin, ou Ethiopic, Spic de nard, bois de Aloës, Cubebes, Cardamō, Cinnamomme, Calame aromatic, stichados, Chesnete, Chamepytis, ou Iue musquee, Melisse, Mastich, Oliban, Aloës hepatic, semence & fleurs d'Anet, semence d'Armoise, de chescun vne once. Outre ce tu y adiousteras figures seches, Raisins passis du leuant, noyaux de dactes, Amēdres douces & grasses de chescun vne once, Miel blanc vieil demie liure, & Sucre, au double de toutes les choses susdictes. Tout cela mettras en eau de vie cinq ou six fois destillee par Alēbic de verre, au poix de trois fois autāt que toutes les especes susdictes. Les ayāt laissé quelques iours demourer, les destilleras à feu lent. La prime eau est tresclaire & fort precieuse. La seconde est differente en couleur, & la faut receuoir en vn autre vaisseau: & est blanche, bonne pour blāchir la face des femmes. Car elle oste incontinent toutes macules, si on s'en laue seulemēt par trois iours rendant les faces odoriferantes, & claires.

Ceste est appellee eau de Basme, ou Mere de Basme. Et doit estre destillee avec bonne eau de vie de mesme poix en vn Alembic, par le Bain Marie à feu lent. Et en decoulera premierement eau odorāte, & merueilleuse. Laquelle à part tu receuras: puis vne autre de couleur iaune, & finalement la tierce de couleur sanguine.

Les vertus de la premiere, & seconde eaux sont telles. Si l'vne des deux est infuse en playe ou blesseure freschement faicte, il ny faut point d'autre remede, mais dens vn iour naturel, ou en vn iour et demy au plus sera guerie, mais que mortelle ne soit. Tout vlcere malin vieux, pourry, chancreux, fistule, loup, Nolim tangere, & semblables si de l'vne de ces eaux sont lauez, ilz se gueriront en peu de iours. Vne seule goutte instillee, dens trois heures estaint le charbon. Si l'œil a chassie, ou maille, ou aucune enfleure charneuse: de trois

iours en trois iours destilles y vne goutte de ces eaux: & dës neuf iours sera guerie, sinon quel'œil soit du tout perdu.

Vne goutte de ces eaux beué avec vn peu de bon vin excellent, rompt en deux heures la pierre des reins, & de la vescie, & deliure de douleur. Si on en laue la chair morte. Le lieu est incontinent curé. Si la femme a mal de ventre, qu'elle boyue avec quelque ius vn peu de ces eaux. Si douleur aduient de coup, ou de cheute sans playe: soit le lieu fomenté par petite portion de ces eaux, & la douleur cessera dens trois heures. Par ce mesme ayde est restitué le nerf contracté, ou endurcy, ou autremēt mal affect. Leurs autres facultez, bien pourra coniecturer le sauant Medicin.

La tierce eau de couleur de sang qui est nommee, Eau Sainte & benedicté. Est tant excellente en vertus que si aucun en vse quinze iours continuelz à chescun iour vne petite cueilleree: il guerira de la lepre, Phtisie, difficulté d'aleine Astmatique, Hydropisie, Paralyse, Sciatique, syncope, mal Caduc, Goutte articulaire, & autres plusieurs & grandes maladies: & ce dedans deux iours. Aux vieillards elle recouure la jeunesse, restitue l'homme mourāt abandonné des Mediciens, s'il en peut aualler vne seule goutte, mise en la bouche, tellement qu'elle paruienne au cœur. Et si aucun par l'espace d'vn an boit tous les iours de ceste eau la quantité d'vn grain de blé avec vne cueilleree d'eau de fleurs de Bourraches en façon d'eau Rose: l'an reuolu semblera estre renouvelé de chair de sang, & de tout le corps: tant en beauté, que en force & vigueur.

*Autre Bafme artificiel, prins dans le mesme Liure de Lulle des eaux.*

**T**erebinthe liure & demie, Galban deux onces, Aloës Cicotrin, Mastich, Girofles, Galanges, Cinnamomme, Noix Muscade Cubebes. De chescun vne once, Gomme de Phierre demie once. Le tout bien pisé mesle & destille par l'alembic de verre, premierement à feu lent: & metz à part la premiere eau: Puis le feu augmenté recueille la rousse, &

puis



puis encore plus fort augmenté extray l'huyle rouge tant querien plus ne destille:à trois fois changeant le receptoir. Cest huyle a toutes les facultez du vray Basme. Car il brusle en l'eau, soudain coagule le laict. La premiere liqueur se nomme eau de Basme, la seconde Huyle de Basme, la tierce Basme artificiel. La premiere liqueur est vtile cõtre flux d'oreilles, y en instillant deux ou trois gouttes soir & matin. Instillee es yeux ostela chassie, & consume les larmes: Restraine & merueilleusemēt les humeurs superflus en quelconque partie du corps. Appaise la douleur des dēs, si on les en laue: & tue les vers s'il en y a. La tierce liqueur ne seuffre venin, contraire aux araignes, & serpēs. Deux ou trois gouttes istillees en veneneuses morsures, bien tost les guerissent. Si de ceste liqueur tu fais vn cerne dēs lequel tu enfermes vne beste venimeuse. Il y mourra plustost que d'en sortir. En somme elle faict ce que la Theriaque, & avec plus grande efficace. Elle guerit tous genres d'Apostemes, mise par infusiõ, & ce dedens neuf iours. Et semblablement la fistule tant soit maligne: & le Noli me tangere. Elle cure tous affectz procedās de Phlegme, a froide humeur mettant vn linge en celle eau moillē, sur la partie dolente. Met hors la Paralytie, & tout tremblement de membres, conferme & fortifie les nerfz. Et est chaude en premier, & second degré. Si aucun en met vne goutte en sa main incontinet penetre, sans aucune douleur. Finalement faict maints autres effectz, & guerit tout mal affect procedant de froide cause.

*Eau confermant la memoire.*

**F**leurs de Romarin, Bourraches, camomille, violes, Roses, de chescune vne once, Sticade fueilles de Laurier, feuz, Sauge de chescun deux onces. Toutes ces choses menu coupeestu destremperas en tresbon vin, & destilleras par l'Alembic. Puis à la liqueur destillee mesleras, vne liure de Terebinthine. Oliban huyct onces Mastic, Bdellion, Anacardes, de chescun vne vnce. Chescune chose broyee mesleras, & de rechief les destilleras. Puis de rechief y adiouste-

ras, Noix muscade, Macis, Galange, Cubebes, Cardamon de chescun vne once, Bois de Aloës. Ambre, Musc de chescun deux onces. Toutes ces drogues pisees, & meslees laisse les par cinq iours reposer: & pour la tierce fois les destille, augmentant tousiours le feu, tant que l'eau cesse de couler.

Tu trouueras en Vlstad au ciel des Philosophes les eaux de vie, qui sont à nombrer entre les Basmes, au chap. xliiii. & cinquante deuxiéme.

*Basme d'Auteur incertain.*

**T** Erebenthine demie liure, Encens deux onces. Bois de Aloës, & de Safran des deux, vne once, Mastic, Girofle, Macis, Galège, Cinnamomme, Zedoar, Cubebes, Noix Muscade de chescun demie once, Gomme de L'hierre ou de Eleni six onces. De tuilles sans moillure extainctes en huyle ainsi comme il faut, trois onces, Broye ce qui est à piser, & le destille. En premier coulera eau, Apres huyle de Basme. Tiercement Basme Artificiel, Basme artificiel dict Matheol de Senes es commentaires sur Dioscoride: lequel j'ay trouué de grande efficace à plusieurs maladies. Je l'ay souuent composé en ceste sorte,

Prenez Resine de Larice, Larme de Sapin pure & claire: que l'on appelle autrement huyle de Sapin, les Allemãs,

[[ Bulhartz ]] de l'un & l'autre vne liure: Manne, Encens, Ladanõ, de l'un & l'autre huict onces, d'aspic vne drachme Mastic, Galège, Giroffles, Canelle odorante, Zedoar, Noix muscade, Cubebes Agalloch, ana trois onces, Gomme Elemi six onces, Aloës Hepatic, Castoreõ, Noix de Dates, Styrac calamite, Myrrhe Belzoin, añ. vne once. Pise ce qui est à piser: puis ayant le tout meslé avec liqueurs destille les artificiellement. D'on premierement sortira vne eau tresclaire, & tressubtile, qui ard merueilleusement appelée eau de basme. En apres ensuyuravn huyle iaune subtil, qui s'appelle huyle de Basme. Finalement Basme artificiel rougissant.

La premiere eau( comme ie l'ay esprooué) ayde merueilleusement à l'estomac refroidy, & consume le phlegme.

La seconde liqueur excellemment remédie aux playes fistu-  
les douleurs de nerfz, & articles. La tierce est vtile non  
seulement aux choses susdictes: mais aussi d'avantage à plu-  
sieurs autres que pour cause de briefueté ie delaisse.

*Autre.*

**P**renez Terebēthine, deux liures, Galbanon, gōme de  
P'ierre, ana liure & demie, Roses, Bedegar, Romarins  
verds quatre onces. Prenez les Gommes, & les pise grosse-  
ment, puis les metz en infusion en eau Rose. En apres Pren  
terebēthine, & la fonds ensemble en aspergeant eau rose par  
dessus, puis y metz les fleurs & cuy tout ensemble. Et quand  
l'eau sera presque du tout consommee, soyent mis en vn A-  
lembic. L'eau qui premiere en sortira, geete la, & apres recoy  
l'huyle.

*Autre appellé Mere de Basme.*

**T**erebēthine vne liure, huyle Laurin six onces, Galba-  
non, Gōme Elemi, añ. six onces, Gommes de l'ierre,  
deux onces, Oliban deux onces, Bois de Aloës vne drach-  
me, Mastic, Myrrhe, Aloës, Ladan, Castoreon, Resine de  
Pin, añ. deux drachmes. Gomme d'Oliuiers vne liure, Giro-  
fles Galāge, Cumin Cinnamōme, Noix Muscate Zedoar,  
Cubebes añ. trois drachmes, tormētille, Dictamne blanc, añ.  
six drachmes. Toutes ces choses meslees soyent destillees en  
Alembic de verre.

*Autre de Dornstetter excellent Medicin en Allemaigne.*

**P**renez Xilobalsame vne vnce, Opopanac, Resine de  
Pin, Bdelliō, Galbanō Ammoniac, Mastic, Sarcocol-  
le, Gomme, Elemi, Olibā, Myrrhe, Bengoin, de chescun de-  
mie once, Huyle Benedict, Huyle Laurin, Ladanon pur de  
chescun once, & demie, Carpobalsame, Opobalsame, (ou  
pour celuy, Balsame de Guillaume Plaisantin) de l'vn &  
l'autre demie once, Sang de Dragō deux drachmes, Casto-  
reon, Spic de Nard, Galange, Cubebes, Cinnamōme, Car-  
damon, Graine de Paradis, Escorce de Citron, De chescun  
vne drach. Huyle terebenthine au poix de tous les susdictz.

Toutes lesquelles choses ensemble macerees par aucuns iours, soyent puis destillees au Bain Marie. Ou plustost (selon mon aduis) es cendres.

*Des Basmes mis en vsage hors le corps.*

Tous les Basmes susdicts soit mis en vsage tans dedans que dehors le corps. Mais ceux qui s'ensuyuent seulement, ou principalement dedās Basme en brief ainsi se fait, terebenthine, vne liure Mastic, Cire nouvelle, de l'vn & l'autre vne once, Safran deux drachmes. Soyent ensemble meslez, & destillez.

*Basme, ou Huyle Benedict, au playes, & Paralyse.*

Huyle terebenthine vne liure, Huyle Laurin deux onces, Galbanō, Gōme Elemi, de l'vn & l'autre six drach. Gōme de L'hierre, Encēs, Mastic, Bois d'Aloës, Oliban, de chescun deux drach. Aloës Myrre, Ladanon, Castoreon, de chescun trois drach. Toutes ces choses soyēt pisees, & infuses en terebenthine & huyle par trois iours. Puis pren Galange, Cinnamōme, Noix muscade, Zedoar, Cubebes, de chescun demie once Dictamne, Consolide mineur, de l'vn & l'autre trois drach. Toutes ces choses pisees, metz en quatre onces d'eau de vie, par l'espace de trois iours. Consequēmēt mesle les toutes, & les destille en cēdres continuāt tousiours le feu, iour & nuyct: tant que l'affaire soit acōply: & change de fois à autre le receutoir: selon que changera la couleur de ce que se destille.

*Basme pour les Cicatrices.*

Si par coup ou bature (dict Lulle à la fin du second liure de la Quinte essence) demeure grand signe en la face ou autre partie du corps. Tu le pourras oster non du tout, mais tellemēt que moins apparōistra, par tel remede. Pren Mastic quatre onces, Escorces de douces grenades. Gōme, fouchet, Carpobalsame, de chescun deux onces, Safrā vne once terebenthine deux liures, vieil huyle d'oliue quatre onces. pise ce que piser se doit, & le ramise, puis le mesle avec la terebinthine, & le Carpobalsame: & avec l'huyle le destille à feu lent. La liqueur qui en sera destillee, tu la mettras en fumier, ou en marc

marc de raisins pressez, par quatre iours: puis en vseras comme de vray Basme, duquel il a toutes les qualitez, & pour vray Basme se peut vendre.

*Eau, ou Huyle merueilleuse, pour les Escrouelles, & Goetrons.*

**H**Vyle Laurin six onces, Oliban, Mastic, gomme Arabic, Terebēthine claire, de chescun trois onces, Mesle les en mortier & destille en Alembic, puis à l'eau qui en sera extraicte, adiouste de la cendre, ou plustost de la Cedre. Puis de rechef la destille, & ceste seconde liqueur garde comme Basme, Mis sur les enfleures du gousier par plusieurs fois le iour les diminue.

*Basme artificiel, non a destiller, mais à cuire seulement, prins au francois de A. Fournier.*

**O**liban, Galban, huyle de blanc pauot, huyle d'Amandes ameres, Terebinthine claire, de chescun vne once, Verd de gris en poudre trois onces, ou beaucoup moins, Huyle d'olīue deux liures, Tu chaufferas l'huyle en vne paine mise sur le feu: & quand il commencera à boillir, metz y le Galbā par petits morceaux, & sur vn petit feu lēt doucemēt le meuuue, puis y metz Mastic, & Oliban, & le meuuue tant que peu à peu soyēt fondus & esclarcis. Puis avec poix metz y terebenthine, à feu lent, affin que elles ne boillent. Puis les oste du feu, & y adiouste les deux autres huyles, & les mesle en meuant. Et de rechef les metz vn peu au feu. Finalemēt metz y le Verd de gris, le tout mesle, & le coule par vn drap neuf en vn autre vaisseau plombé. Et quand tu voudras vsfer dudit huyle, faut premierement aduiser s'il n'y aura nulle veine ou nerf presque couppé, Puis ayant diligemment purgé l'vlcere: tu chaufferas vn peu de cest huyle en vn vaisseau ou cueilliere d'airin: & le appliqueras tant chaut que le malade le pourra endurer, en telle quantité que toute la playe en soit pleine. Puis par dessus mettras laine noire avec le saing de la coille d'vn castron, ou mouton chastré, ou vn linge de chanure en trois ou quatre plis, & ainsi le lairras lié par quatre heures. Et si pour cela ne cesse la douleur, tu y en remettras de re

chef comme dit est, en tousiours regardant que l'vlcere soit bien purgé, ainsi en brief guerira. Aucuns font qui meslent terebenthine, & gomme en vne coucourbe de verre: & icelle bien lutee & mise en arene font vn peu boillir, puis la laissent par quelque temps: iusques à ce que les feces descendent au fond, & s'endurcissent, & alors le coulent. Au Basme est aussi par aucuns comparé l'huyle de Millepertuis, lequel ie descriray cy apres. Pource que point ne se destille.

*Eau mettant les os dehors: & preseruant que pourriture ne vienne aux vlcères.*

**T**erebenthine pure, & blanche, mais non lauee, Zopisse (c'est poix rasee des nauires) Miel, de chescun vne liure, Blanche Resine de Pin, demie liure soyent destillees.

Eau de Epiphan pour les fistules, composee avec Terebenthine, certaines gommcs, & Aromatiques &c. A esté par nous mise la seconde en ordre, entre les eaux composees pour certains externes & vlcereux affectz. Et cōsequēment vne autre semblable tierce en ordre.

*Des Huyles qui se font des parties & excremens des animaux.*

*Chapitre. LXVI.*



Es os & moelles se peut extraire huyle par sublimation. ¶ Syluius. ¶

Huyle de moyeux d'œufz se peut en Alembic destiller comme Huyle de Philosophes. ¶ Mefué, Syluius. ¶ Voy cy dessus ou en general auons traicté des huyles destillees par ¶ Vltad. ¶

Huyle desiant humaine: Voy cy dessus. En l'eau de stercoration humaine. Et de la liqueur de sang humain, Voy cy dessus, en la Quinte essence.

De la destillatiō du Miel nous en auōs escrit cy dessus entre les eaux qui sont destillees es rosaires. Et la liqueur derniere qui en decoule la plus grosse, peut estre appelée, & tenue pour huyle. Huyles destillees se peuent bien aussi mesler ensemble, cōme en celuy remede de Epiphan Empiric, cōtre les Lentilleures, & toute asperité & macule de face. Laict virginal

ginal once & demie Eau rose avec vn peu de Souphre, vne once. Huyles de tartre, de Blé, de Moyeux d'œufz, de chescun demie once, Cāphre vn scrupule. Et iasoit que ces huyles n'ont costume estre faictz par destillatiō: Toutesfois l'huyle de moyeux d'œufz, & de Blé se font meilleur en les destillāt.

*Huyles de Metaux, Quarrons, Gagate, & Ambre.*

**L**Es eaux & les huyles separez par la singuliere industrie des Alchymistes, ont de tresgrādes vertus, & sont d'vne essence tāt subtile: que d'vn certain huyle vne seule goutte par cas fortuit tombee dens le liēt: transperfa en vn momēt les couuertes trois & quatre, les coutres & paillasses, & brusla les ais du fond du liēt. ¶ Syluius. ¶ Il m'est aduis que ce ste force d'ainsi penetrer appartient proprement aux huyles extraictz des metaux lesquelz ausi ont plus de force de bruler. L'usage du vinaigre destillé sert principalement à extraire les huyles des metaux, cōme de l'Antimoine, plōb, & Ceruse. Autres à cela vsent d'autres liqueurs acres & treschaudes, comme de acre lexiue, Eau ardent, vrine destillee, eau fort. Lulle au cinquième canon du premier liure de la Quinte essence, apres auoir enseigné à extraire les quatre elemens des plantes. Il met apres. Et ainsi en feras tu avec les metaux. Premierement tu les feras refoudre avec nostre menstree, par vne sepmaine, souz le fumier. Et faut que le menstree soit agu, avec aucuns vegetables que cy apres nous dirons au questionnaire. Et apres que les metaux serōt dissouz: metz les destiller au feu du premier degre: & le menstree sortira: & la chaux du metal demourera au fond. Apres cela reitere sur les feces du metal de menstree nouveau, au poix du metal, & par l'espace d'vn mois le metz putrefier avec la moytié: apres cela le destille cōme tu as fait des vegetables: metz à chescune fois nouuel menstree sur les feces. Autres diuerses opinions des Philosophes quāt à l'extraction des elemens des Mineraux, nous les declarerons au tiers liure. Vela que dit ¶ Lulle. ¶ Je pense que à tous huyles metalliques cela est commun d'estre plus pesans que les autres huyles cōme Car  
dan

dan le donne à entendre, & quelque autre qui dit les gouttes de l'huyle de vitriol estre pesantes. Huyle destillé d'orpiment, ou de Myfi (ou vitriol rommain) enioinct aux arteres, & du costé du cœur, ie pèse qu'il peut preseruer vn hōme infect de poison, ou venin trespresent: voire tuant du seul attouchemēt. ¶ Cardan. ¶ Et vn peu apres il dit. Et puis que sur ces propos nous sommes tōbez. Je n'estime estre impertinēt enquerir par quelle maniere se pourroit appareiller huyle lequel enoingt sur les arteres, face ietter le venin par vomissement, par purgatiō, par sueur, ou par vrine. Pour le seur il doit estre metallic, pource que necessaire est, que il soit trespuissant. Pen ay veu de tel, & coniecturay qu'il estoit metallic par la pesanteur, il faut aussi qu'il soit de Nature veneneuse. Car par son excessiue chaleur il amortit la male force conceue & prinse du poison: & par semblable nature attire le venin par dehors qui nuict, dedans, & par contrarieté le dechasse. Necessaire est aussi qu'il ayt vertu dechassante biē grāde: & encore vne certaine cōtrarieté cōtre les venins, lesquelles deux choses cōuiennēt au suc de l'aser (c'est Benioin) Dōc faut que venins Metalliques soyēt les medicamens qui les venins dechassent, nō toutesfois tresacerbes, treschaux & tresgrandement esmouuās, la matiere d'iceux dont peut estre de telles drogues. Myfi, Orpigmēt, suc de l'aser, (c'est Benioin) Gētia ne, gresse de serps veneneux, & aconit. Et si à aucune terre plusieurs sont de ces facultez (cōme deschasser, & resister aux venins) l'huyle qui en sera extraict par la force du feu, sera de tous telz remedes le tresexcellēt. Et peu apres il dit. Au reste l'huyle q le venin dechasse pour seulemēt en oindre les arteres: pour cela ne le diray ie point tāt excellent, que outre cela on ne baille à boire à la personne enuenimee, Theriaque, ou lait, ou autre excellēt remede: qui encore plus luy ayderoit, Pose bien dire cela que l'inonction des arteres, & telz bōs remedes exterieuremēt appliquez, sont plus prestās, & mieux valēs, que ceux que l'ō boit, sinō q le venin ou poison soit encore demourāt au vetricule. Car aux venins ou poisons prins



de peu de temps, & qui encore n'ont passé l'estomac: tresprestans sont les remedes qui font vomir: cōme Lait, Lexiue, Huyle, Eau de noix vomique. Dont en morsures veneneuses, en coups aguillonnez, en onguens veneneux, en potion de venin qui a outrepasé les entrailles, les remedes extérieurs sont les meilleurs, l'ay tout cecy transcrit de Cardan à lōgues parolles affin que plus certaine fust la raison de ce merueilleux huyle de Scorpions. Lequel separeement ie descri-ray icy bas: pource qu'il se fait sans destillation.

Huyle d'Antimoine est tresvtile pour tous vlcères malins comme moy mesme heureusement l'espreuve. Or premiere-ment se purge l'Antimoine par maintesfois fondu, & esclarcy au feu. De c'est huyle est bien loing different l'huyle d'antimoine des Alchymistes: Par lequel ilz s'efforcēt bailler couleur d'or à l'argent. ¶ Matheol. ¶

La maniere comme se fait l'huyle de Antimoine pour les vlcères & fistules, ie l'ay cy dessus transcrit de Vlistad, au traité de la Quinte essence. Certains Empiriques aussi appareillent huyle de Antimoine pour diuerses affectiōns dans le corps, duquel ilz font bien grand cas. Et (comme s'enten l'appareillent en telle sorte. Antimoine demie liure, Tatre blāc calciné, autant, soyent batus ensemble: & fondus ensemble sur les charbons en vn cruseau d'orfeure, Estans fondus soyēt mis sur quelque test, & la meslez en les esmouuāt. Puis quād ilz seront endurcis en masse soyēt de rechief batus ensemble & coulez par vn couloir ou chauce de drap: en lieu chāt & humide comme en vne caue. Car en ceste maniere l'huyle en degouttera peu à peu, qui par aucuns pour sa couleur sanguine est appellé rougeur d'Antimoine: & semblablement se fait par aucuns orfeures pour vne certaine tincture. Mais pour les remedes du corps humain, il se doit preparer avec quinte essence de vin ou eau ardēt: en telle maniere que de ces eaux on en mette deux fois autant que de ladite rougeur d'Antimoine, & soyent mouuez bien soigneusement en vne courbe, & ainsi soyent destilleez en cendres trois ou quatre fois

fois tant que l'esprit perde toute sa male odeur. Et tousiours faut mouuoir & agiter le marc, ou les feces quãd sur icelle on reuerse l'eau destillee: ou quãd on y met l'eau de vie, ou quinte essence. Car ie ne suis pas assez certain en quel des deux moyens il se doit faire. Aucuns sont qui incontinent des le commencement y meslent vinaigre rouge tresacre destillé avec Antimoine & tartre calciné pour ensemble les destiller. Mais j'escriis tout cecy non cõme le sachant pour certain: mais comme ie l'ay annoté le ayant ainsi ouy dire quelques ans y a par vn Empirique en passant. Je ne ignore point que les Alchymistes & aucuns Orfeures sont apres à chercher l'huyle ou la Quinte essence d'Antimoine, cõme tresor tresparfait. Premierement ilz destillent par le feltre vne lexiue acre de chaux viue & cendre clauellee: & en ceste lexiue font boillir & cuyre par l'espace de cinq heures l'Antimoine bien subtilement batu: puis de rechief destillent par le feltre ceste lexiue refroidie, & ce qui est passé d'Antimoine en forme de poudre iaune, & le reseruēt. Puis apres sur l'Antimoine mis en vne coucourbe ilz versent vinaigre rouge tresacre destillé tellement qu'il passe trois ou quatre doigtz par dessus. Puis le mettēt en quelque lieu chaut par aucuns iours: & tous les iours dix ou vingt fois en mouuant le meslent, puis coulent doucement le vinaigre en vn autre vaisseau de verre, en sorte que rien ne se trouble. Cela ilz reiterent par cinq ou six fois, espendant tousiours nouueau vinaigre sur l'Antimoine reposé en la coucourbe. Finalement ilz asssemblent tout le vinaigre, & le destillent par Alembic à feu lent, tant que l'huyle encommence à couler. Or est cest huyle, ou Quinte essence d'Antimoine de couleur sanguine. D'icelle ilz teignent le Mercure: & le disent estre vn tresor incomparable, & souverain secret de l'alchimie, comme ie l'ay traduit d'vn liure Alleman escrit à la main. De l'antimoine se extraict vn huyle rouge, tresagu sentant le souphre, & retenant la vertu de l'Antimoine, pour la crassitude de sa substance, vtile à bien peu.

¶ Cardan. ¶

Pierre de chaux entiere soit estaincte en huyle commun, & destillé en Alembic de verre, il en ystra vn huyle valable pour les os rompus [Syluius.]

Pierre de chaux viue entiere soit estaincte en huyle commun, tât que redigee soit en poudre: puis soit destillée en Alēbic de verre, & il en sortira huyle calcin, qui premierement a esté descrit par Leonard de Preda palea Paduan, Jean Iaque de Manliis.

Huyle de Ceruse, voy cy dessus: ou nous auons traicté de la Quinte essence, Selon Vlstad.

Huyle de Gagate sacré aux Demoniaques, Epileptiques tombans du haut mal. Paralitique, Espasmatiques, Tetaniques, (qui de tout le corps roidissent) Goutteux, Arthritiques, tressalubre aux suffoquees de la matrice, & ayde la conception. Il se fait des pierres gagates, par descēs ainsi que l'huyle de Geneure, ou par sublimation cōme l'huyle de quarrōs. Mesué, par l'interprete Syluius. Des annotations duquel nous mettons ces parolles. Consideré que le Bitume de Gagat est beaucoup de moindre pris que la pierre, & nō obstāt de mesmes vertus ou plus grandes: on pourroit bien essayer l'huyle qui d'iceluy decoloroit abondamment: mesmement si le Bitume est frais & nouuel, entendu qu'il est cōme gresse de la terre: & pour huyle est bruslé par ceux qui habitent pres du lac Asphaltit, & des autres lieux bitumineux. Puis apres il doute s'il pourroit valoir contre Epilepsie, veu que par celle tetre, & estrange odeur de Bitume il donne à cognoistre l'Epilepsie. Mais à moy semble vray semblable qu'il ayde cōtre Epilepsie, en attenuāt, digerant, & desechant. Lesquelles vertus ayant de soy mesme assez puissantes: encore plus les obtiēt la liqueur d'iceluy destillée. Et ne faut pourtāt arguer qu'il ne soit bon à celle maladie, pource que par son odeur il la dōne à cognoistre en parfum, cōme par la fumee de Myrre, Galbā, Cornes, ongles, & peaux de chieure & de bouc. Car il n'est point de doute que les Medicins mettent en vsage les cornes & les ongles de diuers animaux, contre celle  
mala

maladie Epileptique, en meslant de la raclure, dens les viandes & medicamens qui entrent es corps des patiens. Car ce n'est pas mesme raison si aucune chose est mise en parfum: ou si elle est simplement prinse. Mais messieurs les Mediciens nous deuoyent asseurer de cecy non tant par raisons & coniectures que par experiences certaines. De moy j'ay veu mettre aux narines d'un Epileptique, le parfum d'Ambre brisé (qui est nôbré entre les bitumes) mesmement d'Ambre blâc, mis sur le brasier en vne cueillere, & incontinent l'accès du mal estre appaisé. Ce que mesme font les pommes cōposees d'ambre ou de Musc. Et quant à ce que Mesué escrit des Demoniques: cela est superstitieux (dit Syluius) & indigne d'homme Chrestien. Le souphre, & la Gagate se fondent au feu comme autres liqueurs: Luy mesme.

L'huyle des Philosophes (que aucuns ont appellé Huyle de Sapience, huyle de parfaite maistrise, huyle Benedict, Diuin & sainct) par commun consentement de tous les anciens est de tresgrande efficace à plusieurs effectz secretz. Car il eschaufe, & deseche, & par subtilité de sa substance, penetre profondement, digere, & consume toute matiere excrementeuse. Et pource profite merueilleusement à l'Epilepsie, Paralyse, vertigine, obliuion, & aux douleurs froides de Ratelle des Reins, de la Vescie, du ventre, de la matrice, des nerfs, des articles, & de toutes les parties nerueuses. Or en est il vn naturel ou Mineral, & l'autre marin qui decoule des Illes, & des scoigles ou escueilz de mer, & est appellé Naphte, auquel genre, le blanc est trouué le meilleur, & de bonté moyenne est le rougissant. Le moins bon est le gros, & noircissant. Au reste il se contrefait ainsi par art. Pren quarrens fort vieux de terre bien rouge brisez bien menu, & les allume à charbons ardents sans fumee, tant que de inflammation ilz soyent tous rouges: & telz les estaints avec vne conque pleine d'huyle de Romarin, de Alchil, ou de vieil claré: & les emboy d'huyle tant que faire se pourra: puis à part eux les seche en Cazoles qui sont (selon les Moines de Mesué)

coucour

coucourbes. Puis les brise bien menu, & les metz en vn vaisseau à destiller par sublimation. Joints le chapitel avec Lut des Alchymistes, avec charbons allumez en la fornaisse, tant que l'huyle en destille en vne phiole de verre aggluince au nez du chapitel, avec argille & poil de bourre. ¶ Bulcasis. ¶

Lequel ayant bien estouppé, garde en reserue. Car d'autant qu'il est vieux, plus est il meilleur. ¶ Mesué. ¶ Par son interprete. ¶ Syluius. ¶ Des annotations duquel aussi j'ay ces parolles mises. Huyle de quarrons (dict il) est tant subtil que en vn moment il s'espand treslargement. S'il est mis sur la main, incontinent il la penetre. Il est beaucoup plus subtil que l'huyle de Basme, plus chaud, & plus efficaceux es froides affections, il esmeut l'urine, rompt la pierre, tue les vers, remede à bruyt d'oreilles prouenant de grosse flatuosité, à la paralyse, Espasme Cynic, ou de Chien, à la sciatique, Gonagre. Podagre, & douleurs de toutes les autres ioinctures, soit en boire, soit en frottement. Mais petite portion d'iceluy meslee conuenablement avec eau soit prise en potion. De cest huyle l'appareil est descrit par rasis en son Antidotaire, & par Bulcasis, au liure qui est intitulé le Seruiteur, ou Bulcasis prefere les quarrons nouveaux qui n'ont encore sentu l'eau, car ilz s'emboyent mieux d'huyle: & les partit en petits lopins d'vne once chescun & ordõne de les mettre en vn vase de verre, ou verre, & bien luté, en telle sorte que la tierce partie du vaisseau demeure vuyde. Il faut premierement faire feu legier, mais toutesfois attouchât le fon du vaisseau: puis peu à peu l'augmenter. Premierement sortira l'eau: puis apres huyle rouge ¶ Bulcasis ¶ qui doit estre à part recueilly. Ainsi destillons nous la terebenthine, le Gayac, & plusieurs autres. Semblablement l'huyle de Chamomille, & de Nard, est appellé huyle Benedict, ¶ Mesué. ¶ Mais cest huyle de quarrons est de tous le plus prestât. Et par aucuns est appellé Petrelæon c'est à dire huyle de pierre. ¶ Syluius. ¶ Cest huyle de quarrons est puât: mais souuerainement penetratif ¶ Iean Iaque de Manlius. ¶

De cecy voy quelque chose cy dessus, ou nous auõs traitté en general de la destillation des huyles par descens, selon. ¶ Vlstad. ¶ Bulcasis ordonne chescun lopin de quarrõs brisé estre d'vne once: Rasis d'vne drachme, & estans tous rouges enflambe, les plonger en tresuieux huyle: & apres estre estaingts les tirer de l'huyle, & tous ensemble brisez assez grossemēt, les mettre en vn, ou plusieurs vaisseaux de stillatoirs, que il nomme ventres, en sorte que les deux parties ou plus du vaisseau soyent remplies. Il cõmande aussi de biē se dõner garde que le feu n'approche de cest huyle quād on le destille: car facilement il se allume, & difficilement se estainct. Puis apres il ordonne nouueaux grappins de quarrons, preparez comme deuant estre destillez: iusque a ce que on en ayt assez recueilly d'huyle. Lequel il ordonne estre biē gardé en vn vaisseau de terre à orifice estroict, bien estouppé avec cire & terre car facilement il se exhale pour la tenuité de sa substance. De cest huyle (dict il) vse en maladies froides, comme, epilepsie, apoplexie, grauité d'ouye, goutte arthetique froide. Ses autres effects ie les ay declarez au liure des huyles car c'est vne chose secreta des Philosophes, la maniere de l'appareiller est toute telle decrite en Rasis.

Huyle que le vulgaire appelle Balsamine, fait d'Aspic, excite promptement ceux qui sont tombez du mal comitial, le baillant à sentir au nez. Ou celuy qu'ilz extrayēt de la pierre de, quarron prent son nõ de la pierre. ¶ Alexādre Benedict. ¶

Cest huyle se fait aussi en y meslant quelques autres choses: comme ie l'ay trouué en vn liure escrit à la main: duquel icy ie mettray les parolles. Romps en petits lopins quarrons rouges fort vieux, ou bien nouueaux, mais que point n'ayēt este moillez d'eau: & apres les auoir bien enflābez au feu iusque à rougeur ardente, estaingts les en huyles d'oliue ou en huyle Laurin qui sera meilleur. Puis de rechief les eschauferas iusque a rougir, & les estaindrās comme deuant tant qu'ilz deuiennent noirs puis mettras ces lopins de quarrons en vn Alembic ensemble avec l'huyle auquel tu l'auras estainct

estainct: s'il en reste: sinon tu y en mettras à la mesure d'un doy. Puis y adiousteras, Castoreon, Spic de Nard, ou au lieu d'icelle, de la Rue, de l'une & de l'autre partie, coste deux parties. Toutes ces drogues broyees mesle les avec les quarons dans la coucourbe que tu reconseras en fumier de cheval par l'espace de vingt iours. Finalement les destilleras augmentant tousiours le feu de peu à peu. La premiere liqueur est bonne, la seconde meilleure, la tierce tresbonne de rouge couleur. Cest huyle vaut contre toutes froides affectiōs comme le Bafme, encore est il plus subtil, & plus chaut, & plus utile es froides maladies. Car il perse la main incontinent: & se espend en treslarge espace. Il cure la pierre de la vescie, & les froidz affectz d'icelle. Il prouoque l'vrine. Remedie aux nuyances froides des oreilles, & tue les vers d'icelles. Il est tresvtile, aut paralytiques, & au spasme Cynic, prins en onction, ou en potion. Item à la Sciatique, & à la douleur des ioinctures & du dos. Emplastre appareillé avec cest huyle, & sel Ammoniac dissout en brief temps les Apostemes, & durtez de la ratelle. Il vaut contre Epilepsie, & obstruction des narines, en faisant dedās iniection. Il eschaufe le cerueau, confirme la memoire, appaise la douleur des dens. Mis en la nature par iniection prouoque, & faict venir les mēstrues, faict sortir hors l'embryon ( c'est le fruiet imparfait au vêtre de la mere ) & le tire ou vif, ou mort. Il ouure les entrees & conduicts des veines, & dissout le sang caillé. Purge le poulmon des grosses humeurs. De cest huyle aucunes gouttes beues avec Syrop de Roses aydent à ceux qui ont courte haleine, consume la cataracte des yeux. Si les pescheurs de cest huyle engressent leurs Rhetz, il prendrōt poissons sans nombre. Le fer en cest huyle trempé, & puis au feu incontinent ardra. Il tue les vers en quelque lieu qu'il soyent. Estant eschaufé en vne coquille d'œuf, ou autre vaisseau, & goutte à goutte infus sur le lieu dolent: relasche la douleur. Il resiste aux froids venins, à la poincture de scorpion, au poison de Opium, & de iusquame, prins par la bouche. Poulse dehors

les pierres de la vescie, mesme avec eau de la decoctiō des racines de persil, & fenoil. Tout cecy presque Rasis en l'antidotaire attribue à l'huyle simple Benedict, destillé des seulz quarrons, & huyle. A preferer est celuy (dict Rasis) qui est biē rouge, de forte odeur, & subtile substāce. Huyle de plōb, voy cy dessus, ou nous auons recité les paroles de ¶ Vlstad. ¶ De la quinte essence. Ambre par artificielle maniere de le cuyre se tourne en huyle de sa couleur. ¶ George Agricol. ¶

Car huyle se peut faire d'Ambre à la maniere que de Gagete. D'on cy dessus auons descrit. Car ilz semblent estre de nature assez semblable. Les Alemans appellent l'vn & l'autre par commune appellation ¶ Eaggstein ¶ adioustant seulement à la Gagete la difference de noir. Cardan aussi estime le Camphre estre de mesme, ou semblable gēre: par telle preuve, que le parfum de Camphre receu en vn linge moillé, puis apres rēd en iceluy odeur de Camphre. Ce que toutesfois ie n'ay pas trouué, vray l'ayant voulu experimenter.

Soulphre prins en onction, ou en potion, tollit les roignes, lepres de cuyr. Verolle mais encore mieux son huyle par plus vehemēte vertu. La cōfection duquel nous auons enseignee au liure de la verolle. ¶ Cardā. ¶ Mais ie pēse que ces liures ne sont encore mis en lumiere. Le sel contiēt en soy huyle, si avec Bitūme il est meslé. Don Arrian en l'histoire indiqe dict. Que les Ichthyophages (ce sont peuples viuans de poisson) tirēt huyle du sel. Indice en est aussi que les oliuiers aiment les riuages de la mer. Car terre sallee est non petitement grasse. Mais (comme i'ay dict toutes choses ont huyle qui par la force du feu se peut extraire. Mais beaucoup n'y en peut contenir, s'il n'ya du Bitūme meslé. ¶ Cardan. ¶

Pour faire huyle de soulphre: il le faut choisir pur, & qui n'ayt iamais senty le feu. Principalement soulphre vis, & de couleur de cendre. Cest huyle à Rome se faict en plusieurs sortes, par sublimation, par descēsiōn &c. Or est il bon à plusieurs choses, principalement aux fistules: & pour curer les vlceres de la bouche que l'on appelle Gangrenes. A quoy il est



est tres excellent. Car les vlcères moillez de cest huyle avec le bout d'une plume, ou d'un pinceau, ou d'un festu, ou deux fois en ayans esté touchez: incontinent sont mortifiez, & se guerissent. ¶ Moines sur Mesué. ¶ Pends à un fil d'archal de cuyre, ou de fer, un vaisseau de verre (comme escrit Mathéol de Senes au liure de la verolle) presque semblable à une cloche bien surenduict de terre grasse, & soit pendu à une coudee haut de la terre. Souz lequel tu mettras une Bassine de verre de plus ample circonference que la cloche: au milieu de laquelle sera un verre renuersé a cul persé souz lequel sera une lame de fer de quatre doigtz en quarreure, toute rouge de feu, sur laquelle sera le Soulfre allumé. Et ce pendât qu'il brusle en faut tousiours mettre de frais. De ce aduendra que par la fumee montant le vaisseau en forme de cloche suspendu, à brief interualle de temps goutte à goutte destillera huyle dens la conche de verre qui sera deffouz, lequel huyle diligēment amassé tu cōserueras en une ampoule de verre. Le Soulfre qui iamais n'a senty le feu, & tres iaune en le bruslant rend une grosse fumee espesse, laquelle faut receuoir en une cloche de verre, ou de pierre. De laquelle espesse vapeur huyle prins, destille en un plat vaisseau capable mis deffouz. Au mylieu duquel le soulfre bruslé, mis en un petit vaisseau. Par aucuns est la substance de feu cōsumee au soulfre pisé par eau de vie enflāmee, & puis le reste on destille comme l'huyle des Philosophes. Autre cuysent à feu lent trois onces de souffre citrin, autant de Terebēthine, et une liure d'huyle Rosat, avec deux onces de vin odorant. & le font cuyre iusque à la consommation du vin, (comme on lit au luminaire maieur.) ¶ Syluius. ¶ En deux parties d'huyle de semence de lin, metz y une partie de soulfre vis: broye biē tout ensemble, & le laisse souz le fumier par deux iours en un vaisseau bien estouppé, & il sera beau & clair.

Mais tous les susdicts huyles semblent estre pour seulement estre appliquez hors le corps. Neautmoins ie say que auourd'huy sont certains Empiriques qui dedās le corps mes-

mes administrent huyle de souldphre principalement contre le mal comitial. Et par auenture de celuy duquel la substâce de feu (comme ¶ Syluius ¶ faict mention) a esté premieremēt cōsommee par eau de vie enflammee, puis apres destillé. Car tel pourroit plus seurement estre appliqué dens le corps, Huyle de vitriol. L'huyle de vitriol est fort requis, tant par les Mediciens que par les Alchymistes: & par eux est la façon cachée comme chose secreete. P'en mettray aucunes descriptions que j'ay obtenues de mes amys, & quelques vnes trouuees es liures escrits à la main. Et apres toutes autres i'en declareray vne certaine maniere de tresgrāde efficace par moy experimentee. De laquelle en nostre region vsoit vn Empirique pour guerir presque de toutes maladies, & en aucunes assez heureusement. Tu reduyras le vitriol en chaux, puis gecteras eau ardent par dessus, tant que de bien peu elle surmonte. Puis separe l'eau ardent par destillation en vne Phiole, ou retorte, ou coucourbe renuersee a costé. Celle eau ardent extraicte, presse peu à peu les esprits du vitriol, augmentant tousiours le feu de plus en plus, tant que tous les esprits soyēt passez. Ceste liqueur ainsi destillée metz encore en quelque vaisseau des trois susdictz, & le destille en vn pot plein d'eau: tant que tout ce que y est aqueux soit separé, à quoy faire tu employeras toute tō industrie: affin que toute laquosité en soit separee, soit par Alembic nasé, ou par Alembic aueugle, duquel la circonference interieure ayt vn bort ou lebeau releué en canal. Et ayes cure que l'eau au pot boille, ou se eschaufe doucement affin que la seule aquosité monte, & que l'huyle tousiours demeure au fon de la coucourbe. Pour tout ce faire faut pour le moins deux iours. En apres tu prendras l'huyle restāt en la coucourbe: & le transmettras en vne nouvelle coucourbe, ou en autre vaisseaux des dessusdictz bien armé, & couuert de Lut: ainsi le destilleras en obseruāt diligēment que si aucune eau passera deuant que les esprits. Car si quelque partie aqueuse encore y reste meslee. Necessaire sera la mettre puis apres au Soleil: ou en lieu chaut dens

dens vn Alembic aueugle, affin que toute l'aquosité demeure au l'embeau de l'alēbic. Si par quelque fois on reitere cest insolation, l'huyle en sera tousiours plus doux, & meilleur. Et dy encore que tu pourras reiterer la destillation de l'huyle pour la seconde, & tierce fois. Car ainsi de plus en plus, & de mieux en mieux est il rectifié. De cest huyle tu en pourras bailler deux ou trois gouttes à part soy à toutes manieres de maladies: ou bien à chescune male affection, avec les eaux qui y seront idoines, ie mesme ay gousté de cest huyle, qui est suaue, gracieux, d'efficace, & de couleur blanchissant.

*Autre maniere.*

**D**Eseche quatre liures de vitriol Romain en vn pot de terre, iusque au rougir: puis iceluy menu pisé metz en vne coucourbe de verre biē lutee par dessus, comme on faict pour l'eau fort: & le destille premierement à feu lent, peu à peu tousiours augmentant les degrez du feu, tant que blanches fumees commencent à sortir du nez de la coucourbe. Alors tu mettras vn grand receptoir, igarny de lutement, & allumeras feu plus grand, avec menu bois: continuant par douze heures: finalement en sortiront gouttes rouges & pesantes. Or quand le receptoir commencera à estre clair: c'est signe que la chose est parfaite. Parquoy tu cesseras à faire le feu affin que les vaisseaux se refroidissent. Puis le mettras en vn petit Alembic pour receuoir le phlegme: & garderas le reste, que tu mettras au soleil par neuf iours. Quand tu en voudras vser: bailles en six ou sept gouttes en bon vin blanc, ou Maluoisie, tellemēt que on ne mange rien de trois ou quatre heures apres. Il est aussi bon à prendre deuant le dormir, moyennant que l'on ne boye rien apres.

Ceste liqueur est vtile à l'estomac dolent, aux lepreux, aux pierreux, à la retention d'vrine, aux fieures, & à la peste avec eau de Vinete estant tiede, en y adioustant vne drachme des especes de Diamargariton froid: si trouuer se peut.

*Autre appareil d'huyle de vitriol, contre maladies innombrables.*

*Chapitre. LXVII.*



Etz en vne coucourbe tât que bon te semblera de vitriol Romarin pour le rougir: avec tel feu que lon faict à l'eau fort, par vingt quatre heures, autât cōme l'eau procede sans esprits, & encore d'aduantage, s'il n'est bien Rubiné: tousiours entretenant vn mesme feu. Et quand il sera bien rougy, oste le chapitel de l'Alembic, & garde l'eau pour les secretz que puis nous dirons. Puis apres pise le vitriol, & le metz en vne coucourbe avec cinq pars de quinte essence de vin: en sorte que le vitriol en soit embeu. Et faut que la coucourbe soit mise au fourneau en trauers: à l'apposite de laquelle tu en mettras vne autre par dehors pour receuoir l'huyle: de laquelle le fond soit mis en vn vaisseau plein d'eau froide. Puis allumeras le feu au fourneau, autant vehement comme pour l'eau fort. Ainsi coulera premierement l'eau de vie, & consequemment par le feu augmenté suyura l'huyle de vitriol. En apres tu separeras l'eau de vie d'avec l'huyle, apposant vn chapitel sur la coucourbe, qui l'vn & l'autre contient, le receptoir mis par dehors, & le feu faict tel que à l'eau fort.



Mais affin que la chose soit plus euidente nous auons icy mis quelque figure du fourneau ou l'huyle se doit distiller: la coucourbe mise en trauers, le feu à l'entour allumé, affin que l'huyle sortant ne se trouue refrigeré sinon dens le receptoir.

Les vertus de cest huyle sont innombrables, desquelles les aucunes icy nous declarerōs, affin que le docte medicin cōiecture les autres par soy mesme. A ceux qui sentent maladie, ou plustost froide, leur en donneras à ieun au plus matin, quatre gouttes avec bon vin, ou eau ardent, sans boire ne manger quatre heures apres.

Contre

Contre la fièvre continue, donnez en huit goutes avec demie once d'eau rose, des le matin (comme a esté dit) semblablement aussi contre les autres maladies, avec liqueurs destillées, ou decoctions idoines à telles maladies. Quant à la dose on en pourra bailler aux robustes huit goutes aux moyens cinq, aux debiles quatre &c.

Si en c'est huyle tu dissoux Marchasite d'or, elle teindra la Lune (c'est l'argent) en tous degrez.

*Autre maniere pour le mesme faire meilleur, & plus pur.*

**P**REN vitriol Romain tant que tu voudras, metz le en vne coucourbe faite de terre de cruseaux par dedans verree. Et en vn fourneau (comme dit est) la destille à tel feu que l'eau fort, Dont il sortira eau blanche de vitriol: laquelle cessante tu augmenteras le feu: & s'ensuyura vne eau verde: laquelle quand finie sera, tu allumeras vn fort feu dessus & desouz: & adonc en sortira huyle rouge. Tu changeras le receptoir selon les mutations des liqueurs, ou bien tu recevras ces trois liqueurs en vn mesme vaisseau recipient: & puis separeras les eaux de l'huyle en destillant, & le vray huyle demourera en la coucourbe. Or ceste separation se fait, la coucourbe estant droite avec le chapitel, & le receptoir. Mais la premiere destillation de l'huyle se doit faire à la coucourbe gisante, & couchee en trauers comme dit est. Si tu moilles vn peu de laine de bois (c'est coton) en l'eau de vitriol Romain, & avec iceluy tu touches quelconque mal de bouche: facilement tu le gueriras. Extraict d'vn liure escrit à la main d'vn mien amy. Et semble que par l'eau soit entendue la liqueur qui la premiere coule, applicable seulement hors le corps: & non l'huyle propre du vitriol, qui est plus précieux & plus pur: & lequel on garde pour estre administré contre les maladies intrinseques, & dedans le corps.

*Des vertus & facultez de l'huyle de Vitriol, Prins au mesme liure escrit à la main.*

**B**Oy vin de Maluoisie avec vn peu d'huyle de vitriol, continuant par cinq, ou huict iours: il ouure les obstructions, purge le sang, & met hors la pierre, guerit la malle roigne, si on le boit avec eau de Fumeterre, & mirabolans conficts, Renouuelle l'homme, prins avec eau d'endiuié. Sane toutes quelconques douleurs de teste, beu avec eau de Seuz, de Buglose, ou de Melisse: Item la vertigine, en continuant d'en prendre. Cure toute sorte de maladie, estant prinse avec eau d'Agreste, estant le corps par auant purgé. Restaure la memoire, avec eau de grosse Galange, ou de Fenoil, fait dormir, prinse avec semence de laictues, ou de Pauot, vaut aux melancoliques avec eau de Buglose, ou de Bourrache: Sane les enragez, & furieux, continuant d'en boire avec eau de Nenuphar, Guerit les apostemes chauds & lethargie: prinse avec eau de Rue sauuage. Avec eau de vie purge le corps, oste la Paralytie avec eau de Mente sauuage, de Sauge, ou de Hysope. L'espasme avec eau de Sauge. Tremblemens avec eau de Basilicon: & diuerses maladies internes avec eau de trefle. Toute debilité des yeux avec eau de Fenoil, rheume de la teste, avec eau de lys, Le cathaire avec l'eau de Capillis Veneris, ou de Hysope, & la toux aussi. Semblablement mal de costé avec eau de Plantain, Pleuresie, avec eau de Capillis veneris, Debilité d'estomac avec eau de mente. Avec eau de coings, restraint le vomissement. Et si le patient est de temperament humide, luy soit baillé avec eau de plantain, ou bourse de pasteur, avec vn peu de diarhodon. Guerit flux de ventre avec eau de plâtain. La colique, avec eau de Rue, Avec eau d'Absynthe, resiste aux morsures veneneuses: Sane tous apostemes, & l'hydropisie en continuant d'en vser. Profite aux membres relaschez, si de c'est huyle on les frotte avec fiel de bœuf. Avec tamarindes (qui sont Dates de Palme indique,) vaut pour la ratelle, Avec eau de Rayphort, d'estrouble marin, chasse hors du corps la pierre: & ouure les obstructions des Reins. Sane toutes fieures avec eau d'Agreste: & quelques especes de lepre en continuant d'en vser.

C'est


C'est le vray Or potable, & la vraye Chelidoine, voire encore plus. En poix ne cede point à l'or: & a autant de facultez, & vertus que l'Or potable, vn peu de c'est huyle beu avec eau rose en petite quantité, restitue la parole perdue. Avec roses, arreste le sang coulant par les narines.

*Autre maniere d'huyle de Vitriol, Duquel y soit vn vieillard Empiric, en Suisse, meslant deux ou trois gouttes d'iceluy avec Teriaque: & apres ce beuurage faisant suer en vn lit, par quatre ou cinq heures tellement que l'on ne mist pas seulement le doigt dehors: par lequel remede ie say plusieurs difficiles maladies auoir esté de luy gueries.*

**A** Pres qu'il fut mort, ie vy l'huyle qui me sembloit de couleur blanchissante, ou fusque, parauenture pour les petits fraislins d'argent qui dedans parmy estoyent mis. Le goust en estoit tresacre sur tout tresfort vinaigre, tellement que vne seule goutte incontinent ferissoit la langue à la facon d'vn cauthere, toutesfois sans la bleffer, ne la gorge ausi en l'auallant: autrement d'assez gracieuse saueur, & d'odeur presque nulle, ou sentant quelque peu l'adustion. Et l'appareil se fait en telle sorte.

Tu mettras en vn grand pot de terre vitree, ou plombée, & par dehors de lut bien couuert trois ou quatre liures, ou autant qu'il te plaira de vitriol, & ayant mis le vaisseau sur le feu à charbons bien ardens: tu feras soigneusement exhiler, & euaporer la fumee: de laquelle comme de vapeur veneneuse & mortelle tu te garderas cautement, l'agitant tousiours avec vn baston, & esmouuant ce que sera deffouz dessus: gardant ausi que en boillant n'espanche par dessus. Ainsi continueras iusques à tant qu'il cesse de boillir: & que toute la fumee apparaisse totalement consumée. Alors tu mettras sur le vitriol mesme du brasier ardēt dens le vaisseau, assez abondamment, & ainsi les lairas, tant que le vitriol soit tout redigé

gé en chaux: & n'y reste rien de vapeur, ne de humidité: ains ayt desia acquis quelque rougeur ou iaunissante couleur: & nulle vapeur ou esprit plus ne semble monter. Car si le vitriol n'est rendu tressec: iamais huyle n'en sera extraict, qui soit de grãde efficace, mais sera tousiours meslé avec quelque phlegme blãchissant, quãd dôcques il semblera assez biẽ reduict en chaux, tu osteras le feu, & tireras doucement le vaisseau peu à peu refroidy, affin que d'aventure il ne se rompe. De la tu osteras le vitriol le mieux que possible sera avec vn costeau, ou autrement. Car facilement il ne laisse le verre. Iceluy tiré casseras bien menu, & les cassures mettras en vne coucourbe de terre, tresbonne & bien cuicte, tant forte qu'elle puisse souffrir feu vehement au fourneau par trois iours continuelz. Car si elle se cassoit tu perdrois ton temps & ton huyle, encore qu'il ny eust que vne bien petite fendace. Et pour ce affin que plus facilement elle resiste au feu, la faudra armer de lut ou double, ou triple, c'est à fauoir y en enduyfant le second apres le premier seché, & le tiers apres le second la figure du fourneau sera telle.



**C**E fourneau sera quadrangle, vn peut vouté au dessus. Au milieu du fait du fourneau faut faire vn pertuis comme vn trou de cheminee de telle grandeur q̄ à toutes les heures que l'on voudra on puisse par la ietter charbõs au fourneau, avec vne longue pallete de fer par laquelle on disposera les charbons à l'entour de la coucourbe sans la casser, & es quatre angles dessus faut laisser ouuers quatre souspiraux, avec leurs bouchons de terre grasse. Les charbons estre mis faudra estoupper le trou du fourneau d'vne escuelle, ou d'vn couuercle de fer, ou de la pale mesme, faut laisser les souspiraux ouuers pour prendre air.



La coucourbe doit estre mise dens le forneau couchee en trauers, sur branches de fer trauerfantes des deux costez du forneau, & vn peu courbees en arc au droit du milieu, ou sera lasiete de la coucourbe: de laquelle la bouche sortira vn peu hors le forneau par vn petit trou, qu'il faudra bien boucher & estoupper de lut, pour garder que par la, air n'y entre, puis le bout hors sortant de la coucourbe, sera enté dens la bouche du receptoir de verre bien grand, & ample, ou affin qu'il ne se rōpe par la force des esprits, ou affin qu'il soit plus esloigné du forneau: & la ioincture des deux vaisseaux sera bien lutee de bonne terre grasse destrempee avec aubins d'œufz, & serree à drappeaux moillez, affin que les esprits ne se exhalent. Et faut laisser secher celle lutation auant que cōmencer l'affaire. Outre ce faut faire deux pertuis es deux costez du forneau, non de la part ou est prominente par deuant la coucourbe, ne la part opposite, mais es deux autres costez, lesquels ausi faut estoupper de leurs bouchons, pour contenir la chaleur, l'vsage de ces tapons & pour disposer les charbons mis par le grand trou au dessus du forneau, & pour les arrenger egalemt à l'entour de la coucourbe, dessus & dessouz avec vn baston de fer, tellement que la coucourbe soit iustement au milieu du feu. Par les mesmes pertuis on donnera ordre que la grille de fer ne soit trop estoupee de cendres, & que forcluse soit l'entree de l'air en mouuant avec vn ferrement. Lesquelz apres ce fait faut clorre de leurs bouchons. Au plus bas du forneau faut laisser vn petit huis assez ample, pour prendre air par dessouz: affin que le feu ne se suffoque, vn peu au dessus ce petit huis, sera par dedans, & tout au large du forneau vn gril de fer couuert de terre grasse, à l'espaisseur d'vn pouce, & menu pertuisé pour receuoir l'air par abas, les pertuis de l'ouuerture d'vn doigt. Et faut diligemment pourueoir, que le feu assez grand soit continué par trois iours, & trois nuicts (comme dit est) sans intermission. Car autrement on perdroit huyle & peine. Ainsi toutes les choses appareillées le forneau, & la coucourbe bien sechees

sechees, tu commenceras la destillation; en continuant grand feu de charbons, comme a esté dit. Finalement apres trois iours passez le receptoir commence à deuenir blanc & clair, le feu demourant encore en sa vigueur: & ce est le signe de la perfection. Ainsi tu lairras estaindre le feu par soy mesme, & le forneau refroidy, oste le receptoir: lequel tournant & agitant en ta main, amassé toutes les gouttes prinſes dens iceluy: & l'huyle ou liqueur ainsi recueillie, metz la en vn vase de tresbon verre de Venise, Car d'autre verre dangier seroit qu'il ne le rougeast. Car c'est huyle consume, & mange com me l'eau fort.

Celuy vieil Empirique appelloit ceste liqueur (affin de la celer) Huyle des Philosophes, Pierre des Philosophes, & le pre. Disoit que en iceluy l'argent se pouuoit dissoudre si pur, tenue, & reduict en fueille, il y estoit mis, & semblablement deniers d'argent. Toutesfois apres sa mort ie y trouuay les pieces d'argent toutes entieres. Le luy ouy vne fois dire, que en c'est ouurage vne coucourbe de terre luy estoit quelque fois rompue. Parquoy faudra procurer d'en auoir de tresbonne terre, de Haganoe, Coloigne, ou Aix en Allemaigne. Car la sur tous autres lieux se font les tresbons vaisseaux de terre. Il affermoit outreplus que c'est huyle croissoit, & augmentoit dens les vaisseaux, la maniere de le faire il auoit premierement apprinsé d'un orfeure.

De l'arsure, ou rotissure du Calchant, ou vitriol & de ses especes: Bulcasis au troisiéme liure de la preparation des medicamens, en escrit les mesmes que nous auons dit en l'appareil de l'huyle de vitriol. Mais à quel vsage ainsi on le brusle, Bulcasis n'en fait aucune mention, A la mesme maniere se cuiet aussi, & rostir le Zimar, en ce mesme autour Bulcasis. Quant à moy, à toutes les autres diuerses manieres de vitriol, ie prefere celle que j'ay tant prolixement descrite. Car en ceste sorte la liqueur destillee est tresacre, & tresague sur toutes. tellement qu'elle peut estre appelée vinaigre metalic, comme il me semble. Parquoy d'aucuns est souuerainement

ment recommandee pour oster la soif en esté, en meslant vne seule goutte d'icelle liqueur dens vn plein verre de vin. Ainsi que icl'ay trouué en vn liure Allemant escrit à la main. Ou cela aussi est mis, d'auantage le Vitriol se destille par flammes de feu, en vne coucourbe mise en trauers bien armee de lut. Et decoule à grand' peine iusque au tiers iour, l'eau premièrement.

*Autre moyen prins au mesme liure.*

**A**Rrose fort le vitriol d'eau fort qui osterá la gresse d'ice luy. Puis en destillát separe l'eau fort & l'huyle demeurera. Mais par auenture que ce moyen n'est pas assez asseuré, pour prendre tel huyle dedans le corps. Mais bien dehors le corps, & au mal de la bouche. Il me souuient auoir leu en l'œuure de Lulle de la quinte essence, quelque mêtion de l'huyle, ou de la quinte essence du Vitriol mais l'appareil, en nul liure imprimé: Tant l'ont voulu tous celer cõme chose tressecrete. Car la descriptiõ laquelle cy apres ie mettray prinse au liure de la verolle, de Nic. Massa, ne peut estre prinse par dedans le corps.

Après auoir bruslé Calchant, ou vitriol, ou Myssi, par la force du feu en est tiré par vaisseaux de verre huyle tresfagu, & treschaut. Duquel si aucun touche les verrues detrenchees, elles s'en iront, le mesme huyle gousté ferit la langue, tout ainsi que vn fer chaut. Toutesfois son vsage est pour secher les vlcères interieurs, ou rien de remede autre faire on ne peut, mais qu'ilz ne soyent trop sordides, comme il aduient en d'aucũs Phtisiques sans douleur. Il vaut aussi à trencher les chancres, & membres corrompus, frottant d'iceluy bois d'oliuier. ¶ Cardan. ¶

De ce mesme huyle auons escrit la coniecture cy dessus: que l'huyle de Myssi, ou d'arcenic, frotté par le dehors semble deliurer des venins & poisons. Semblablement l'esprit ou la Quinte essence du vitriol est louee de plusieurs, contre

le mal comitial, & l'apoplexie.

L'atrament ou le noir des Conroyeurs lasche le ventre, prins en boire avec eau miellee au poix d'vne drachme, ou avec vin, & encore plus l'huyle qui en est fait. ¶ George Agricole ¶ au tiers liure de la nature des fossilsz.

La fumee de l'huyle de vitriol tue nõ seulement les hõmes, mais aussi les arbres: Parquoy le faut appareiller en lieu remot ou personne ne habite. Albucrafis & autres enseignent la maniere de le faire ¶ Brassauol ¶. De rechef, le Chalcant, c'est vitriol, se fait huyle tât bruslant, que nous en vsons pour cauterer potential. Car il est de nature caustique, & avec peu de douleur trenche les membres, s'ilz sont touchez d'vn costeau oinct de c'est huyle. Quand on l'appareille, en faut eüiter la fumee: car non seulement elle tue les hommes: mais aussi fait desecher & mourir les arbres prochains. L'experiment de quoy a cogneu Francois du Mont, excellent reha-billeur de fractures, & dislocations d'ossemens, qui perdit tous les arbres de son vergier, en y appareillant l'huyle de vitriol.

L'huyle de vitriol est admirable à Cauteriser sans douleur, & se fait en telle sorte.

Vitriol Rommain, ou de Cypre trente onces, Sal nitre, Alun de Roche. de l'vn & l'autre quatre onces. Tout cela broyé soit calciné au feu selon l'art. Puis metz cela calciner dens vn bocal courbé, & bien luté, au feu du fourneau alchymistique: ainsi par le feu continuellement augmenté, tu auras huyle dens le receptoir, qui est vn cautere merueilleux, & sans pareil en quelconque operation que ce soit, principalement à oster les escrouelles, & grandes verrues. Mais il faut que le receptoir soit grand si tu veüx faire ledit huyle.

Nicolas Massa, au liure de la verolle, & Thomas Philologe, qui prend de Vitriol, drachme vingt d'Alun & de sel nitre, añ. vingt quatre.

Eau

*Eau de diuers metaux, prinse en vn liure Germanic escript à la main, contre la Lepre, les macules, & obscurité des yeux.*

Chapitre. *NOUVEAU LXXIX.*



**L**imaille d'argent, de cuyure, d'acier, d'or, aîn. autant qu'on en pourra finer. Le premier iour les mettras en vrine chaude d'enfant vierge. l'endemain en la moelle d'vn pain chaut. Le troisiéme iour en vn Aulbin d'œuf, le quatrième en laict de femme allaitant fille, le cinquiéme en vin rouge. Puis apres metz toutes ces choses en vn destillatoir, les destille à feu lent, & les garde. Car la faculté en est incomparable. Elle vaut contre la Lepre, & toutes macules de face, acquiert beauté lunenile de la face, & clarté de veuë. Ces choses tu lirás autrement es additions sur le Breuiaire de Arnold de ville neuue. r. 18.

*De l'eau fort, & semblables.*

**N**ous auons n'agueres descrit vne eau semblable à l'eau fort, faicte de vitriol, sal nitre, & Alun, contre les grandes verrues. Mais ausi la cōmune eau fort, & le simple huy-le de vitriol, en mettant vne seule goutte dens la verrue scarifiée, l'ostent. D'ød i'ay faicte l'expériëce en moy mesme sur vne verrue assise au bout du doigt: sur laquelle trêchee au rasoir se my vne goutte d'eau fort, & s'en alla, non si tost: mais apres quelques semaines.

*Eau fort à separer les metaux, ainsi se faict.*

**S**el nitre vne partie. Clair alun de roche trois parties, d'arein la moytié. ces choses diligemment sechees, & purgées au feu: soyent destillees en vaisseaux de verre. Ce que le premier decoule on le met à part, lors que la superficialité du vaisseau semble estre iaune: ayāt augmenté le feu vne autre vient apres, qui le plus souuent est receue dens la premiere. Et toutesfois encore que receue elle fust en eau de fontaine, si est elle tant acre, que ne autmoins elle dissoult l'argët & le separe d'auec l'or. Or elle se separe ainsi. Prē vne petite partie: de l'eau extraicte, dens laquelle metz d'argent pur le poix:

d'vn obole, ce sont douze grains: & l'ayant mis sur les cendres laisse la tant que l'argent soit dissoulz. Icelle eau rebaisse au fond du vaisseau les purgamens semblables à chaux menue, lesquelz auoir ostez ce que reste de plus pure eau, tu l'adiousteras à toute l'autre eau d'on tu l'auois extraicte. Laquelle par semblable exemple ramenera encore au fond les mesmes purgamens semblables aux dessusdicts, lesquelz ostez tu auras toute l'eau trespure, & de tresgrande efficace à dissouldre l'argent, & tous les autres metaux, fors que l'or. Encore ie pense que l'or se dissout par les Alchymistes. en eau fort, mais d'autre sorte que ceste. Et pource que facilement elle esuanouit, il la faut tenir biē close en vn vaisseau de verre. Et qui bien pensera combien grandes vertus a l'eau receue, voire encore (comme i'ay dict) en eau de puis, & cōme encore sans feu elle reduict l'argent en eau en vingt quatre heures: & avec vn peu de chaleur de cendres en deux ou trois heures. Il n'est celuy qui n'attribue merueilleuse vertu, voire incroyable, à ces vapeurs extremes, & à l'eau en laquelle sont tournées. De mesme sorte est l'eau qui se faict avec sel Ammoniac, & sel nitré. Calchante, & alun clair egales parties, en y mettant finalement la quarte partie de verd de gris. Ceste eau faicte par le mesme art, dissout aussi les pierres. Si toutesfois tu y adioustes vn peu de la pierre ostracite (qu'on appelle esmeri d'on on polit les pierres precieuses,) tu en auras plus grande abondance d'eau, & meilleure. Car elle ne se brusle point. Ces choses donques prinnes par experience, voyons par quelle raison ceste eau deuiet tant puissante. Car l'experience manifeste demonstre que la plus seche partie attenuée par le feu, prêt la vertu erosive du feu. Mais pourquoy ne brusle l'eau de separation comme l'eau ardēt. Pource que l'eau ardēt est plus chaude, plus subtile, et moins seche. Pour ce peut ardre sans faire erosion. Mais celle peut faire erosion sans ardre, et peut eschauffer. Dōc par semblable raison, l'huyle qui par la force du feu est extraict du chalcant, veū que il cōuertit la tresseche partie de soy en humeur

meur: necessaire est que celle humeur soit tresague, & touche au vis la langue, cōme le feu. ¶ Cardan. ¶ Et ne faut qu'on pense que ceste eau appartienne seulement aux Orfeures, & Alchymistes. Car elle vaut aussi aux remedes du corps humain. On en degoutte sur les Verrues scarifiees (comme j'ay dit). Aucuns mettent la pointe d'un petit poinçon trempée en ladicte eau dans la cavité, ou le creux de la dēt qu'ilz veulent priver de sentiment de douleur & amortir. J'ay ouy dire aussi la suffusion des yeux en aucuns auoir esté curée par ceste liqueur. Par celle mesme liqueur le vis argent se fixe, & precipite: (comme cy apres nous dirons) & l'huyle de Chalcant se extraict.

Prenez Eau fort, demie once, mesle eau rose once & demie. De ceste liqueur soit moillé vn petit drappelet lié au bout d'une petite broche, & deux fois le iour en soyēt touchez les vlcères du gousier, du palat, des Gencives, & des leures, ¶ Thomas Philologe. ¶ Autres diuers moyens de l'eau fort tu pourras lire cy apres: ou nous escrivons du Mercure sublimé

*Eau ardent pour faire brusler vne chandelle en l'eau.*

**E**N vne grande vrne, ou vase de terre large par dessus, Estroit par dessous, tu mettras vn sextier de vin tresuiex, auquel adiousteras deux onces de l'vn & l'autre soulfre, vis & mort, & autāt d'alun & de gros sel. Soyēt cuyts ensemble iusque à la consommation de la tierce partie. De ceste liqueur vne chandelle, ou vn cierge moillé ardra & flammara en l'eau comme en l'air: Et si d'icelle tu moilles, laine, coton poil, drap, ou drappeau, en l'allumant il bruslera manifestement, sans se gaster ne consumer en substance. Extraict d'un liure escrit à la main. Or est il vray semblable, que la liqueur de ceste matiere par la force du feu destillee: seroit beaucoup plus efficace pour le mesme effect.

*Eau pour blanchir les dens de laquelle vsoit*

*Isabelle d'Arragon Duchesse*

*de Millan.*

**S**El purgé, & pisé vne liure, Alun de glace vne once, Soyent destillez en alembic. De ceste eau mesles en vne once, avec vne once d'eau de Plâtain, & avec coton ou drap moillé en icelle frotte les dens, & elles se feront claires & nettes ¶ Fournier. ¶

*Autre semblable du mesme.*

**S**El Ammoniac, Sel gemmé de l'vn & l'autre trois onces. Alun Succrin once & demie. Sel cōmun vn once. Tous pisez soyēt destillez en vn alembic de verre. Et de la liqueur qui en fera extraicte, soyent les dens frottees avec vne pierre ponce, puis soit lauee la bouche avec vn peu de vin blanc. Voy cy dessus la mesme description à la fin des eaux cosmétiques: Mais sans sel cōmun, de laquelle l'vsage encore sans destillation se demonstre.

*Eau Angelique de merueilleuse faculté contre la chassie, chancre, & bruslure de feu.*

**C**Haux viue trois onces. Eau de pluye, liure & demie. Soyent mises ensemble en vn vaisseau de verre ou d'estain reposer par trois iours. Puis les agite en les meslant. Puis les laisse encore resider par trois heures ou d'auantage en vn vaisseau bien couuert. Apres les coule doucement par vn linge tant que la matiere soit claire. Puis tu y mesleras dix drachmes de sel Ammoniac le plus blanc que pourras finer, bien menu pisé, & par longue agitation meslé, & fondu avec ladicte eau. Puis apres quād reposee sera, tu couleras & recouleras l'eau claire dessus estant, ou la destilleras par vn filtre, ceste eau faict perdre la toille ou maille des yeux y en instillant tous les iours trois gouttes & continuant tant que lœil soit net. Purge aussi les larmes, la rougeur, & la chassie, le chancre, & la bruslure si on l'applique adroictement Elle oste toutes taches de draps de soye, & de laine: si d'icelle vn



vn peu tiede on les laue. ¶ Fornier. ¶ Les Archymistes vsent d'eau humaine destillee pour resouldre l'or, & les imprimeurs pour faire ancre d'impression. Ly en Nicolas Massa liure. vi. chapitre. ii. de la verole diuerses eaux fort desechantes, acres, erodentes pour guerir les boutons de verolle sans onction certaine, eau ardent, avec orpigment destillee est descrite par Rogier Chirurgien.

**C** Ardan au secōd liure de subtilité, enquerant l'eau qui se met par vn cathetere ou Syringue & peut rompre la pierre, coniecture que telle eau, se peut extraire de la pierre Tecolithe, ou des pierres des cancrs, comme nous auons recité au traicté des vertus es liqueurs destillees en general. le pour adiouster coniecture sur coniecture seroye d'aduis de destiller: ou ces dictes, pierres, ou d'autres, ou verre broyé, avec la parietaire.

Aucuns Alchymistes font grand cas de l'esprit, ou Quinte essence du Beryll: cōtre la pierre des Reins, & de la vesicie.

*D'aucunes solides, comme argent vif precipité.*

*& Arsenic su blimé.*

Chapitre. LXX.



**N**ous adiousterons icy aucuns medicamens solides, lesquelz aussi se subliment, & cuyent au feu en vaisseaux de verre. Et ce ferons nous presque oultre nostre principale institutiō. A yans propose ne traicter en ce liure sinon des liqueurs secretes, c'est à dire separees de leur plus grosses substāces. Toutesfois pour ce que ces remedes sont peu, & se subliment, c'est à dire qu'ilz s'appareillent par mesmes engins & instrumens que les liqueurs susdictes, & iusque cy ont esté secretz & de peu cogneus & vsitez, combien qu'ilz soyent de merueilleuse effi-

cace. le ne les ay voulu obmettre. Argent vif precipité ainsi se faict comme escrit Cardan au cinquième liure de subtilité, Prends alun, & Chalcant egales parties, auxquelz adiouste sel la moytie d'auantage, de l'vn des deux. Destille tout cela en vaisseaux de verre. De ceste eau vulgairement appelée Eau fort: metz en vne liure avec trois liures de vif argent, en vn vaisseau de verre puis le destille, & en augmentant le feu perseuere iusque à ce que la fumee, & le vaisseau rougissent, & que rien n'y reste d'eau. Finalement ayant rompu le vaisseau, amasse le vif argent, le quel tu verras se assembler en forme d'vne pierre: iceluy broye tresmenu sur vne table de Porphyre, & de rechief le cuys & destille, tant qu'il soit seché au vaisseau de verre. De rechef ayant rompu le vaisseau amasse la matiere qui reste, & encore vne fois la broye sur le porphyre tres subtilement. Puis le metz en vn vaisseau de cuyure avec fort feu deffouz. & le mesle, & agite avec vn baston de cuyure par l'espace de deux heures, tant qu'il ayt ia moins de resplendeur & rougeur, & l'ayant retiré metz le en vaisseaux de verre.

Ce medicamēt entre tous les autres q sans douleur rougēt la chair, & desechent vlceres pourris, est tres excellent s'il est bien preparé. Et ne sert à autre chose que ie sache. ¶ Cardan. ¶

Par fort vinaigre, mesmemēt destillé, ou en suc de limōs se dissoluent les margarites, le precipité, & sublimé, & le cinabre, retournent en vif argent. ¶ Syluius. ¶

*Maniere de faire pouldre rouge, c'est à dire argent vif calciné, ou precipité. Extraict de Marian Chirurgien. Chapitre LX XI.*



**F**A V fort six onces, argent vif quatre onces, soyēt ensemble meslez en vne coucourbe de verre bien lutee, avec vn chapitel, duquel le nez soit enté dens le receptoir: & soyent destillez à feu lent, continuellement augmenté.

Au reste l'eau fort qui separe l'eau de l'argent ainsi se faict. Sel nitre, Alun de Roche, Vitriol Romain. De chescun deux liures soyent meslez en vn mortier: les moult avec le pilon

pilon, ou piston, tant que bien soyent meslez. Puis apres la plus grosse poudre soit mise en vne coucourbe lutee, & toutes les ouuertes bouchees, soit destillé le tout ensemble. Le signe de sa bonté est : si quand vn peu en sera tombé, incontinent la terre boult. De ceste poudre rouge la vertu est merueilleuse.

Prenez lexiue, de Barbier trois onces, vif argent précipité once & demie, miel Rosat deux onces : & tout cela meslé ensemble. Par ce medicament tu desecheras, & abstergeras l'vlcere sordide, & pourry d'ond's ensuyura renouuellemēt de chair, apres que en vain auras experimēté les autres absterfifz, cōme suc de Ache, ou persil, ou Cynoglosse c'est l'herbe à chien. Nicolas Massa auliure de la verole, appelle le Mercure précipité, poudre Angélique, pour son admirable & quasi diuine operation en la cure de la verole. Laquelle maintesfois il dict auoir experimētée. Ceste médecine (dit il) deseché avec vne certaine douce érosion sans douleur de la chair molle & superflue : ostant quant & quāt la mauuaise qualité occulte des vlcères, principalemēt de la verole. Elle digere & purge toute sanie, & corrosion, & garde de Gangrene. Dissoult gros sang corrompu, dur, & cru, apres l'ouuerture des gommés. Et à ce remede nul autre ne peut estre comparé en ceste maladie. Car si on continue en vser : il meīne iusque à parfaicte generation, & renouuellemēt de chair, & de peau, comme ie l'ay plusieurs fois experimēté. Et sur tout est tresnoble es vlcères malins de la verge. Il se fait en telle sorte.

Vne liure de vif argent est mise en vne petite coucourbe de verre, puis, on y met autāt d'eau fort. Puis poseras la coucourbe, en vn pot assez grand, remplissant le vuyde entre la coucourbe & le pot de cendres : affin que l'vn ne l'autre ne casse par la force du feu, en vuyderas, puis faut faire feu par dessus : lent au commencement, & peu à peu augmenté par moyen, & finalement avec fort feu. Soit laissé tant que toute l'eau soit consummée : ce que l'on peut cognoistre, quād plus

rien ne s'evapore de la coucourbe. Ainsi auras le Mercure rouge calciné, Iceluy pise, & broye, & si avec iceluy encore quelque reste de vis argent demeure, metz ladicte poudre en vn vaisseau de cuyure pur au feu, & ainsi en le meslât le de laisse tant que toute la partie de vis argent soit consummee. De ceste poudre tu vseras à toutes les choses susdictes: & principalement aux vlcères de la verge, & des autres lieux, ou pourriture, & male sanie prohibe consolidation, es fistules dissouz icelle poudre avec vin, & en fay iniection par vn tuyau de cuyure. Car elle opere miraculeusement.

Or l'eau de separation de l'or avec l'argent ainsi se faict, Pren Vitriol Romain deux liures Alun de roche seize onces, Sel nitre vne liure. Soyent mis en vne retorte lutee, ou en vne coucourbe droicte avec son chapitel, & receptoir, & destille comme les Alchymistes. Ceste eau est merueilleuse à oster les verrues, & carnositez en quelque partie du corps qu'elles soyent, mesme au fondement, & en la nature. Elle cauterise aussi les vlcères malins, & mengeans, en quelconque part voire dans la gorge, & garde que les vlcères ne suyent & s'estendent es lieux, ou ilz sont. Comme en la verge & en la nature feminine.

Et si elle est trop vehemente la faut mitiguer avec eau rose. Souventes fois i'en ay guery de mauuais vlcères en la gorge les touchant deux fois le iour avec ladicte eau, avec la moytié d'eau Rose meslee, Et cela est de nos secretz, Voy plus en iceluy au sixième liure chapitre deuxième.

Et de celle poudre Angelique i'en eul la recepte d'un vieillard Alchymiste, & le cōposoye auât que iamais lean de Vigo en eust rien mis en lumiere. Iusque cy dict Massa, & en partie Thomas, Philologe, qui de luy l'ha emprunté.

De l'apparat & vtilité de ceste poudre rouge, ly Jean de Vigo au liure des additions, ou il ordonne, que le vaisseau receptoir soit trois fois plus grand que la coucourbe.ueil. xxxviii. Et le blanc qui avec ceste poudre rouge se trouuera: est argent sublimé du rouge cōme aussi tout ce qui est iaune

jaune tannay mesme en sa copieuse, fueillet clxiii. a.

Poudre de Mercure (dit Matthieu Senois au liure de la maniere de guerir la verolle) se fait ainsi.

Prenez eau par laquelle l'argent est separé de l'Or quatre liures: argent vis liure & demie, Soyent mis en vn vaisseau de terre à gorge estroicte, & col tort bien enduict par tout de terre grasse: lequel vaisseau retort se embouche dedans vn autre vaisseau receptr: & la ioincture des deux vaisseaux soit soigneusement estoupee d'argile. Air deffouz du vaisseau retort soit mis feu de charbons, qui tousiours soit eschaufé en augmentant, tant que toute l'eau en soit decoulee. Cela fait romps la Phiole, au fond de laquelle trouueras en residence: vne tourte laquelle doucement tu tireras, & ce que blanc sera tu le ietteras: & tout le rouge metz en poudre. Mais pour ce que de ceste poudre plusieurs dangiers s'en pourroyent ensuyure à ceux qui en prendroyent: sinon que premiere-ment elle fust bien preparee, m'ha semblé bon mettre icy la maniere d'en vser.

Prenez de ladite poudre rouge deux onces, destrempees par vne nuict en eau de Plantain, & aceteuse, (cest Ozeille Sallette, ou vinete) de chescune deux onces, puis des le matin tirant l'eau, & en y arrosant tousiours de fresche, metz les en vn vaisseau de cuyure ou de terre, & en bouillant ne cesse de les esmouuoir avec vne espatule de fer ou de bois: iusque à ce que le tout soit facilement reduit en poudre. De laquelle tu pourras (quand bon te semblera) contre la verolle, tât melancholique, comme Phlegmatique composer pillules de telle façon.

Prenez electuaire du Conciliateur (lequel contient diuerses medecines cordiales, drogues aromatiques, gemmes, Pierres, Or, Argent, Camphre, Ambre, Musc, & est par luy descrit en la difference clxix.) vn scrupule & demy, Margari-tes, Hiacinthes de chescun cinq grains, de poudre precipitee cinq grains, Poudre Diamuschi, & Diamargariton, de l'vn & de l'autre vn scrupule & demy, Soyent faictes cinq pillu-

les dorees (Thomas Philologe, qui y adiouste de terre sigil-  
lee & de bol Armeniac, añ. trois grains) Soyent prinſes leſdi-  
tes pillules vne heure deuant iour, puis ſe tienne le patient  
au lit par l'eſpace de cinq heures. Et en brieſ les douleurs de la  
verole ſeront deiettees par ces pillules. Le phlegme auſſi, &  
la cholere par vomiffement, & deiection du ventre. Encore  
y ail pluſieurs autres ſortes de maladies que nous auons gue-  
ries par telles poudres. Car non ſeulement il purge, & oſte la  
ſanie, & chair pourrie eſtant aſpergé deſſus: mais auſſi fait ve-  
nir facilement les vlceres à cicatrice. De chaſſe auſſi merueil-  
leuſement la peſtilence, avec vn peu de Theriaque, & ſuc de  
l'herbe Tunece qu'on appelle Cardō benediēt, ou avec ele-  
ctuaire de gemmes, & ce auant que la peſte ſoit confirmee.  
Semblablement nous auons n'a pas long temps guery plu-  
ſieurs Lymphatiques, melancholiques, & maniaques (leſ-  
quelz populairement on cuydoit eſtre Demoniaques) par  
ceſte meſme poudre: Et les proſternez de ſieure quarte, avec  
cōſerue de bugloſſe, & theriaque, ou Methridath, y adiou-  
ſtant en y faiſant quelque digeſtion vne heure deuant l'acces,  
& la prinſe au poix de cinq ou ſix grains ſelon l'eage & ver-  
tu du corps affect: & en celle ſorte les auons gueries. Item cel-  
le poudre vaut contre les douleurs et paſſiōs coliques, & Ilia-  
ques. Car nous en auons guery aucuns qui iettoient la ſian-  
te par la bouche: nous aſſeurans ſur les preceptz de Paule  
Egnet. Qui aſſerme aucuns medecins auoir baillē viſ argent  
eſtainct en l'Iliaque, Auſſi eſt celle poudre contraire à ſaſci-  
nation: Et eſt tresinſigne pour pluſieurs vertus, leſquelles  
quand j'auray plus de loyſir ie te declareray par le menu (ain-  
ſi dit il à celuy auquel il tient propos): Et alors par auenture  
ſera il tresagreable te declarer le moyen par lequel tu pourras  
faire poudre avec Or, & viſ argēt, ou l'eau expliquē cy deſ-  
ſus. Vela qu'il dit. N'a pas long tēps que j'ay ouy dire que  
vn Medecin eſtoit es Athēſins, Medecin & Alchymifte qui  
preparoit le Mercure avec l'Or, & le vendoit au pris de l'Or,  
ayant telle facultē, que ſans mordication faiſoit eroſion, voy-

ce que à la fin de ces propos cy apres nous en escrirons.

*Comme se fait le precipité, qui est le souuerain remede contre toutes maladies prouenantes de pourriture d'humeurs. Prins en vn liure escrit à la main.*

Chapitre. LXXII.



Renez Vitriol romain, & Sel nitre parties egales, fays en eau avec le Chapitel, & le receptoir: auquel mettras la sixième part de Mercure cru. C'est à dire s'il y a trois liures de Vitriol & Sel nitre metz six onces de Mercure. Puis laisse decouler l'eau avec ses esprits dans le receptoir. Puis vuide tout ce que est dans le receptoir dans vne coucourbe monde, & bien lutee sur laquelle metz la chape avec le receptoir, & de rechef le fay destiller. Et quand l'eau sera au receptoir metz la de rechef en la coucourbe ou a demouré le Mercure, & cela tu reitereras iusque à la rubification du Mercure. Puis le Mercure rougy tu l'aueras d'eaux cordiales comme de Bourrache, & de Melisse, & semblables. Mais par auant les laueras par plusieurs fois en eau de fontaine ou de puy destillee. Le Mercure ainsi preparé tu administreras aux malades à prendre dans le corps en telle sorte. Si le corps est tresrobuste donne en dix grains, au mediocre huit, au debile cinq; à l'enfant tu aduises prudemment ce que sera de faire. Mais tousiours tu le mesleras avec Theriaque, & ainsi le bailleras à celui qui sera infect de venin, ou poison, Hydropisie, Peste, ou autre infirmité dangereuse, Si vn homme sain tous les ans en prent vne fois, ou de trois en trois ans, comme il luy semblera estre besoin: qu'il vse de ce precipité, avec deuë digestion des humeurs: qui est preparatiue purgation, il preuiendra plusieurs maladies. Note que au lieu du Mercure tu peux vser de Amalme fait des six parties d'argent vif, & vne partie d'Or, & ainsi en feras choses plus merueilleuses, C'est Amalme semblablement comme le Mercure seul se doit rougir en eau fort. Combien que Matheol Senois (comme peu par

auant

auant nous auons recité) escrit que de telle mixture se peut faire celle poudre Mercuriale, voire sans eau fort. Et t'aduer-ty que tu peux guerir & curer les playes avec le premier & second precipite. Duquel tu vseras en ceste maniere, Metz d'iceluy dedans, & à l'entour de la playe, & cela est vn grand secret. Et saches que tu le parferas en quatre destillations. Et cela fait: metz le sur vne cucurbite munde sur le feu: affin que les esprits (c'est à sauoir du vis argent sublimé, meslé avec le precipité) se departent le plus qu'il sera possible, Puis fay comme dessus.

De la sublimation de l'argent vis ly Bulcasis au tiers liure de son ceuvre qu'il nomme le seruiteur. Et de l'vsage d'iceluy es cauteres, & à la verole, ly Nicolas Massa, au sixième liure chapitre deuxième, & quatrième, comme en cauteres on l'applique. Et comme s'en peut faire cautere, avec nulle ou peu de douleur. Aucuns auourd'huy en vsent pour oster la roigne, gratelle, & impetigine tant es hommes que es cheuaux. L'argent vis (dit Cardan se sublime en telle façon, iette en vn mortier, vis argent, & ancre, ou noir de couroyeur de cuirs, en poix egal, & les mesle en vinaigre tresfort tant que on ne voye ne cognoisse plus le vis argent. Puis en vn vaisseau de verre bien luté, cuy le, tant que il soit congelé & prins. Et si quelque partie s'enfuit, & ne s'assemble, broye le de rechef au mortier avec vinaigre, & le recuis. D'argēt vis ainsi recuit, les femmes vsent pour fard, Car il blanchit & adiouste splendeur au visage. Mais il esloche les dens, & engendre puanteur de boucher. A ureste il est bon en plusieurs choses à l'vsage d'argent, & à l'art des orfeures.

De la sublimation du Mercure, Marchalite, Magnesse, voy Geber, en la souueraine perfectio premier quart, & quarantecinquième chapitre. Itē de la sublimation du Souphre, & de l'Arse nic chapitre quarante troisième, le Sublimé, le precipité, & le Cinnabre se dissoluent en fort vinaigre, principalement destillé, & retournent en vis argent. ¶ Syluius. ¶ D'arsenic sublimé, Auicēne en fait mention et Albert le grad



au liure des metaux dit ainsi, l'Arſenic, ou l'orpigment est du genre des pierres, le iaune & le rouge: lequel les Alchymistes disent estre vne pierre des esprits, Il est de Nature surphurine quant à eschauffer, & desecher: Estant calciné au feu il se noircit: & incontinent par sublimation deuiet tresblanc. Quand il est par deux ou trois fois sublimé: il acquiert si grande force de brusler qu'il perse le cuyure, & brusle vehementement tous metaux fors quel'or: Mis sur le cuyure, le transmue en couleur blanche. Parquoy les faux monnoyeurs en vsent pour rendre le cuyure semblable à l'argent. En quoy il vaut & peut beaucoup.

Les medicamens qui sont appliquez au chancre exulceré doyuent estre de trespuissante faculté: mais entre tous aydes à c'est affect, le plus excellent & le meilleur, c'est celuy de Guidon de Cauliac, en Arſenic sublimé: duquel les excellentes facultez ia par plusieurs fois nous auons remembrees, & cy apres encores les celebrerons. C'est Arſenic sublimé (dit Theodoric) des le premier iour fait mourir, & du tout extirpe le Chancre, le loup, l'aistiomenie, le Sphacel ou Syderation, Noli me tangere, Fistule, & toutes telles tresgrande, & tresmauuaises maladies. Au reste faut prendre grande garde aux lieux circonſtans, alors que on applique ce medicament d'arsenic sublimé: affin qu'ilz ne soyēt occupez par celle mesme inflammation & par influxions des humeurs. Laquelle incommodité facilement tu euiteras, si tu frottes les parties prochaines qui sont à l'entour le mal, de Bol Armenic & autres semblables. Aussi faut il appliquer ledit Arſenic sublimé par bon moyen legitime, & iuste quantité laquelle ordonnera le bon Medicin seulement par coniecture artificielle de raison, comme l'institue Iean Tagaust en la Chirurgie, liure.iii.chapi.xix.

Zinzifar, c'est à dire Cinnabre comme se fait par sublimation, Voy Bulcasis, & Cardan, au v.liure de la Subtilité.

La calcination de l'orpigment pour le faire tourner en rouge couleur, Voy Iean de vigo, en l'Antidotaire, fueillet clxiii.

La maniere comme on rend agu le tartre pour auoir merueilleuses facultez à certains remedes & ce par le moyen de la destillation d'eau ardent. Lulle l'enseigne au second liure de la Quinte essence. De la pierre d'azur, vn Empiric m'a rapporté que pour plus seurement, & plus efficacieusement purger la melancolie, & furie il la preparoit en telle sorte. Et premierement (si bien il m'en souuient) disoit qu'il la failloit calciner, & puis apres la sublimer: ou bien destiller premierement tresbonne eau ardent ietee sur icelle pierre en vne courbe, & puis la sublimer: puis estre arrosée d'eau de vie six fois destillee, & finalement la desecher.

Sel pour estre appliqué plus pur ou aux viandes, ou aux medicamens, est destrempé en eau, destillé par le filtre, & de rechef recuit iusque à la dōsorption de l'eau. Le mesme purgé en vn crisiau d'orfeures se fond à grand feu, & ainsi fondu est meslé avec sel Alkali, ou au lieu d'iceluy en blanc fiel de verre (car il en ya de noir) lequel aucuns appellent la gresse du verre, autres zozza, ainsi que i'entens, & aussi avec sel de gomme. De toutes ces choses ensemble broyees ilz vsent pour Chrysolcolle, ou soudure d'or, ou aussi y meslent quelque partie de Chrysolcolle. Mais ceste meslange a trop d'acrimonie, & consume quelque partie de l'or. Parquoy on en vse seulement es plus rudes ouurages, & aux plus subtils de seul Borax. Aucuns sont qui meslent Borax, sel commun fondu, & sel Alquali, par egales parties, & cela tiennent en secretz pour le Borax. Mais cecy est hors nostre matiere medicale.

Suye de peige ou poix, & de beurre: & la maniere de l'amasser: enseignent Dioscorides & Bulcasis.

De certains autres medicamens non Alchymiques c'est à sauoir non destillez ne sublimez: mais bien ingenieusement preparez par autres diuers moyens.

Chap. LXXIII.

**T**ous les medicamens par nous cy dessus escrits sont comprins en nom de liqueurs, pource qu'ilz n'ont rien de terrestre meslé en eux: ains sont de nature ou d'eau, ou d'air, ou de feu: ou sont eaux, ou huyles,

les,

les, ou vne tierce certaine espeece de liqueur. Et tous sont appareillez en certains vaisseaux Alchymiques ou fusoires par la force de la chaleur. Mais pource que le but, & principale intention d'iceux (qui est que de tous medicamens le meilleur soit abstraict pur & liquide de la grosse & terrestre substance) semble plus largement se estendre iusque à quelques autres preparatiōns, & compositions des medicamens: il m'a semblé bō adioindre icy par forme de corollaire: aucunes choses non gueres vſees ne communes. Et en cecy perſonne ne doit attendre de nous vne trespleine, absolue, & parfaite maniere de faire compositions. Attendu que ne propoſons enſeigner ſinon peu de choses d'auenture occurrentes, & comme additions hors & outre l'oeuvre principal. Et ſi aucuns veulent veoir & ſauoir d'auantage des diuers appareilz de medicamens, qu'il liſe les liures de Syluius, & des autres touchant ceste matiere.

*Huyles odorantes, & precieufes pour la plus grande part de les voy cuyre en double vaisseau.*

*De diuers huyles.*

**H** Vyle rapportant l'odeur, & vertu de la plante est facilement extraict de celles qui abondent en huyle, & ſont oleagineufes, ou des fructs d'icelles cuiets en eau. Mais de celles qui telles ne ſont, ne abondantes en huyle. Nous en extrayons en huyle l'odeur, & les vertus par trois moyens. Premierement ſelon celle commune & ancienne mode de Dioſcorides, on mettoit les fleurs tremper en huyle par l'espace de quatre iours, & les expoſoit on au Soleil: & apres en auoir tiré, & exprimé l'huyle bien diligemment: on y adiouſtoit de rechef autant de fleurs nouvelles: & encore vne fois eſtoit miſe au ſoleil ardent: & failloit cela faire tāt de fois que l'huyle fuſt embeu de l'odeur. Encore y adiouſtoit on eſpeſſifemens pour onguens cōme de miel & autres odorans. La ſecōde mode ſe fait par expreſſion, en aucuns ſans ay de d'au-

cun art, comme au Mirabolan, & autres qui sont setz, & odorants de leur propre nature, comme la Noix muscade pelee, & maceree ou destrêpee en vin, & puis tiree au pressoir. En telle sorte aussi on peut extraire huyle des drogues aromatiques. Mais celles qui sont odorantes, & toutesfois n'ont nul le substance d'huyle comme les fleurs & violetes: neâimoins rendent huyle, par tel exemple de fait. Fay couches de fleurs dessus, & dessous: & metz amendres entre les deux, & ainsi alterne en mettant & disposant les fueilles d'amendres & les fleurs des violettes odorantes les vnes sur les autres: & ainsi les tiēs serrees tāt que l'odeur des fleurs ou violetes eua nouyffe & icelles iēttees metz d'autres fleurs en mesme maniere, reitere cela tant de fois (car en toutes n'est pas vne mesme maniere) que les amendres ayent acquis vne tresgrande odeur: & apres ce metz les souz le pressoir. Or faut il premierement les desnuer de leur escorce, & vn peu les rostit. Car en ceste facon l'huyle en acquiert plus de vertus: & en est moins subiect à corruption, pourcee que le suc d'aquosité n'y reste delaisé.

Le tiers moyen se fait par destillation dont cy dessus auōs parlé. ¶ Cardan. ¶

En la plus grande part des huyles qui se cuiſent au feu on adiouſte quelque peu de vin, afin qu'ilz sentent moins l'arsure: & les cuiēt on iusque à la consommation dudit vin. Mais quant aux fleurs, & autres qui sont de tenue substance, il vaut mieux ne les faire point cuire en huyle, ou au moins ne les y laisser point boillir. Et faut aussi mettre plus de vin, si plusieurs especes sont qui soyent meslees en l'huyle, & les faut faire cuire d'auantage: en sorte que le vin soit au double de l'huyle. Aucunes se destrempent premierement en vin: puis apres le suc qui en est exprime est adiouſte avec huyle, & cuiēt ensemble, ou de par soy, ou avec Terebinthine, comme il se fait en huyle de mille pertuis.

Huyle de Iasmin se fait de deux onces de fleurs de Iasmin, par cinq iours efforees au Soleil, en vne liure d'huyle, qui puis

puis se cuyt à petit feu lent. Huyle d'Amēdres douces, avec Giroffles entiers soit mis au Soleil par huyc̄t iours: & il se fera merueilleusement odorant. Aures̄te plusieurs autres moyens à extraire huyle d'amendres tu pourras lire en Meſué, & es ſcholies, ou annotations de Syluius ſur iceluy. Leſquelz moyens ſe pourront bien auſſi accommoder à mains autres fruict̄s: & ſemences d'on on extraict̄ huyle.

D'huyle d'Amendres ameres, on vſe au lieu d'huyle de noyaux de peſche. Iaſoit que ceſtuy cy deſeche plus que celuy la. ¶ Braſſauol. ¶

Le ſay ſouuent Huyle des ſemences, ou goſſes rougiſſantes du Capſic, ou Cardamome Arabie (Vulgairemēt guynee) ou des goſſes ſeules iectees en huyle. Lequel peut eſtre ſubſtitué pour huyle de poiure, ou d'euphorbe, ſ'il eſt mis en moindre quantité. Communement, on l'appelle Poiure rouge, & impropremēt Siliquaſtre, ou Poiurete. En nos regiōs Germaniques bien peu de ces ſiliques, ou goſſes viennent à maturité pour l'auancemēt du froid automnal. Non obſtāt les Siliques, ou goſſes non meures, & ſuſpēdues par aucuns iours dens les Poiles, & illec ſechees, peuuent bien encore eſtre miſes en huyle. Car elles ont encore aſſez d'acrimonie. Laquelle acrimonie n'eſtāt en nulle ptie de la plāte, veu que les fibres de la racine ſont trespetites, et ſans ſauueur, le tige, & les feuilles fades & inſipides, c'eſt vne choſe digne de grande admiration que es ſeules goſſes ou ſiliques l'acrimonie ſoit tant excellente. Aucuns ſont qui pour ſa vehemente chaleur la nombrent entre les venins, comme Cardan, ce que ie ne loue pas. Car nul ne dira que feu ſoit veneneux combien qu'il ſoit treschaut & bruſlé: attendu qu'il n'a point d'autre qualité veneneuſe. Et ie meſme ay vſé tant des ſemēces que des ſiliques dudict̄ capſic en potages ſans en auoir dommage: mais en bien petite quantité. Huyle de noyaux de ceriſes abſterge la face, oſte les macules, & lētilleures: eſt bon auſſi contre l'artheſique, & la pierre des reins, & de la veſcie: & ſe faiçt tout ainſi que l'huyle des amēdres douces. ¶ Fournier. ¶

Huyle de foin se faict ainsi. Soit allumé le foin, & puis estaingt. Apres ce soit mis sur les charbons: & lors que il se resoudra en fumee, metz par dessus vne platine de fer, a laquelle se prendra vne certaine onctuosité qui s'appelle huyle de foin. Cest huyle soit avec vne plume enoingt sur roigne: & gratelle impetigine, & serpigine, dardes, & telles maladies de cuyr. ¶ Rogier. ¶

**H**uyle de froment se faict entre deux platines de fer rouges: ou au moins bien chaudes: ou (cōme dict Rasis) entre vne pierre de marbre, & vne bien espesse platine de fer chaut. Mais encore beaucoup mieux par destillation. On le commande pour l'asperité du cuyr, & l'impetigine. ¶ Fournier, ¶ & autres. On dict aussi qu'il est valable contre les fistules, & fendures de la peau. ¶ Matheol. ¶ Voy cy dessus entre les huyles destillez.

Huyle des bayes ou grains de l'hierre extraict comme des bayes de Laurier: vaut contre l'arthetique procedant de cause froide, ou de obstruction. Restaure les membres entorpis, & paralytiques. ¶ Rogier. ¶

*Huyle merueilleux de millepertuis.*

**T**rois onces des plus haux sommetz de l'herbe de millepertuis soyent infus par trois iours en vin odoriferant, autant comme il suffira: puis les cuy en vn vaisseau double bien estouppé, et apres les exprime bien fort. Semblablement destrempe l'herbe de millepertuis fresche cueillie, & la cuys, & puis l'exprime, adioustes y de Terebenthine trois onces, huyle ancien six onces, Safran vn scrupule fay le tout cuyre iusque à consommation du vin. Cest huyle (dict Syluius) est d'auteur incertain. Cōbien que Galen dict que le vin austere ou auront esté cuyctes les fueilles de Androsomon, ou Ascyron (qui sont especes de Hyperic ou millepertuis,) glutine & faict consolider les grandes playes: & aussi que le Hyperic chaut & sec, & de subtiles parties est vtilement prins en potiō pour remede de la sciatique. Desquelles vertus, & des autres choses qui y sont meslees est à coniecturer que cest huyle

huyle robore, digere, & attenué, car il est composé de substāce contraire, ¶ Syluius ¶ sur Mesué. Celle mesme description met Brassauol en l'examen des simples. chapitre. 519. disant. Aucuns sont qui simplement mettent les fleurs en vn vaisseau verřé ou plombé, à ce que par la force du soleil l'huyle de par soy soit extraict. Autres les mettēt souz terre: autres l'appareillent en faisant infusion, ou des fleurs seules, ou en y meslant plusieurs autres: comme par les parolles de Syluius nous auōs ia enseigné. Mais tout cecy est clairement exposé par Mesué, & autres auteurs plus nouueaux. ¶ Brassauol. ¶

Autres sont qui y adioustent des Lombrics, ou vers de terre: & les laissent vn mois ou plus en la caue en vn pot estouppé de Lut, ou de paste, puis en ce mesme pot les cuy-sent par l'espace de enuiron dix heures. Les coulent par vn sac, & en extrayent l'huyle. Tresbon est celuy qui le premier est coulé. La couleur en est comme vermeille, & la saueur tirant sur l'acre, l'vsage de cest huyle est aux playes, aux pointures, & toutes offenses & tumeurs qui en procedent. Aucuns aussi le appliquent aux malins vlceres des iambes.

Autre huyle de Hyperic ou mille pertuis, qui dens vingt quatre heures guerit les playes grādes ou petites, prins en vn liure imprimé en françois sans le nom de l'auteur. Pren vne poignée de Hyperic ou herbe de mille pertuis. Huyle commun deux liures. Axonge coulee, & purgee, deux liures Te rebenthine de venise quarte partie: & safran vne drachme. Toutes ces choses trēcheras bien menues, & meslees ensemble les mettras en vne phiole de verre bien estoupee avec cire, ou autre lutation. Puis la mettras dens le fumier deux piedz en profond, ou plus, en tel lieu que les rays du Soleil y frappent soir & matin. Apres l'an reuolu tire la fiole: En laquelle trouueras eau semblable a Basme. De laquelle faut vser tant chaude que endurer se peut. De grains de geneure aussi se faict huyle par serrure, ou oppression comme des autres semences, ¶ Brassauol. ¶ Huyle de bayes de Laurier et de geneure trempées en vin tirée souz la mœule est vtile aux

douleurs des cuiffes, & gouttes froides articulaires. ¶ Iaques  
Hollier. ¶ *Huyle Laurin.*

**B**Ayes de Laurier verdes broyees & pifees foyent cuy-  
tes en huyle, & puis coulees. Autrement broye bayes  
de Laurier biē meures avec leurs fueilles, cuytes & coulees.

Autrement, Bayes de Laurier broyees foyent infuses en  
vin, & destrempees par trois iours foyent serrees, & tirees au  
pressoir. Outoutes fresches & meures foyent broyees, mises  
en vn fachel, & puis tirees en presse, iusque a l'huyle rendre.  
Lequel est vtile contre la colique, l'liaque passion, & Sciati-  
que ¶ Rogier. ¶

Huyle de noix Muscade se extrait pressée entre l'enclu-  
me, & le fer chaut. ¶ Holier. ¶

Huyles se font pour appaiser, ou mitiguer les douleurs de  
diuerfes herbes ensemble pifees, comme de Calendule, Ro-  
marin, Mariolaïne, & autres. ¶ Holier. ¶

*Huyle de noix Muscades.*

**T**Renche noix Muscates en petits morseaux, & les ayāt  
destrempees par trois iours en Maluoyfie, deseche les  
deux iours en l'ōbre, puis les chauffe modereemēt en vne pai-  
le sur le feu. Les aspergeant de fois à autre d'eau rose. Puis en  
tire huyle souz le pressoir. ¶ Cardan. ¶ l'entens que aucuns ne  
les destrempent point en vin, mais tirēt l'huyle des noix sim-  
ples cassees & chauffees. N'a pas long temps que l'ayant ap-  
pris d'un Frāçoys i'en appareillay de tresbon en telle sorte.  
le mis en vn vaisseau de verre trēper par l'espace d'une nuyct  
cinq onces de noiz Muscates cassees assez grossement: le  
vin surpassant la hauteur d'un doigt. L'endemain ie enuelo-  
pay celle matiere en vn sac de toille bien lié par dessus, affin  
que rien n'en tombast, & resserray le sac avec plusieurs filz  
passez, & menez d'un costé & d'autre, affin qu'elles ne peus-  
sent se amonceller en vne masse. Mais premierement, & par  
auant faut eschauffer la matiere: nō trop: mais autant qu'on  
la puisse bien endurer au doy: & ainsi chaude mise au sac &  
bien liee de toutes pars la faut extraire en vn petit pressoir  
de



de bois, ayant avec la conche vn petit canal qui pende en bas ou sera mis vn fachel, ou vne chausse de drap, ou de linge. Et en tire lon presque la huyctième partie du poix des noix: en forte q̄ vne once de noix rēd vne drachme d'huyle, au moins si les noix sont assez succulētes. On pourra bien encore pour la seconde fois reschauffer celle matiere: & la tirer cōme par auant: mais il s'en extraira peu d'huyle, & moins bon que le premier. Il sera dōc meilleur laisser celle matiere du marc des noix muscades dens leur fachel, pour les appliquer quand besoin sera sur le ventre, & sur l'estomac. Cest huyle incontinent apres, qu'il est extraiēt: il est ferme, & assez solide, & separé ainsi que par grumes. Toutes lesquelles grumes faut diligemment amasser parmy le vin: & apres en auoir escoulé le vin par vn linge, les rediger en vne masse: en ferrāt avec les doigtz la laine, ou le drap auquel a esté serree la matiere: affin que tout le vin en soit bien soigneusement separé. La substāce & la couleur de cest huyle appert semblable a cire.

Si on en frotte l'estomac de la grosseur d'vne l'entille ou d'vn pois: il le roboire merueilleusement. P'ay ouy dire d'auantage que aucuns cuyfent fort les noix: ne say si en vin ou en eau: & puis recueillent cela gras qui nage par dessus. Et si ay entendu que aucuns s'en frottent, & oignent pour exciter libidinofité: Si on en aualle il eschaufe tempereement l'estomac, & si faiēt bonne haleine. Il me souuiet aussi auoir veu vn instrument de fer semblable à des tenailles: duquel les deux fers auoyent aux deux boutz, cōme deux demy globes creux & cauez, en sorte que estans ferrez ilz comprēnoyēt entierement la muscade ou vn peu moins: affin qu'ilz peussent mieux la serrer. L'vn de ces deux demy rōds estoit persé de trois ou quatre petits pertuys, affin que par iceux l'huyle peust facilement couler, estant la noix serree entre les deux fers chauds modereement.

P'ay aussi trouué ceste descriptiō en vn certain liure escrit à la main.

Prenez noix muscade deux liures: Maluoisie trois onces,  
s 3 de laquel

de laquelle les noix muscades assez grossièrement cassées son arrosees. Soit adioustee demye liure de huyle commun eleu. Toutes ces choses soyent chaudement serrees, & tirees en vn pressoir. Mais nostre moyen lequel cy dessus escrit i'ay experimenté: me plaist plus que tous. Il ya plusieurs manieres de appareiller l'huyle Rosat. Car il se faict avec huyle, & roses meures, ou avec huyle & roses verdes & non meures, ou avec huyle verd & roses meures, ou avec huyle meur, & roses verdes, & ainsi sont quatre differences. Aucuns pour huyle commun prennent huyle d'amendes. Rasis en l'antidotaire separé en met trois moyens. D'on le premier est.

Prenez huyle commun laué vne liure, auquel tu mettras la quarte partie de roses verdes en vn vaisseau verré, ou plus tost de verre: lequel tu mettras au Soleil par trois iours (ou par quarante comme dict Gilles). Puis le coule & le remetz en son vaisseau. Cest le meilleur moyen de tous.

*Se second.*

**P**renez Huyle, & roses comme dessus: & pends le vaisseau en vn puis: tellement qu'il touche à l'eau; & apres deux mois le tire coule, & garde.

*Le tiers.*

**H**uyle & roses comme dessus metz en vn vaisseau de verre par dedans enoingt de miel: lequel bien estoupé mettras en profondeur de terre: ou l'eau ne touche point ny autre humidité par l'espace de deux mois. Cest huyle se faict plus odorante que tous les autres cy dessus. Cecy dict Rasis apres Paul Eginet, comme il appert. Or Eginet au vingtième chapitre du septième liure ordōne sur vn sextier d'huyle d'aigrats estre adiousté trois onces de roses rouges, les ongles ostez, mises à l'air par l'espace de vingt quatre heures. Puis apres l'huyle par quarante iours efforé au Soleil, ou à l'air descouvert, estre posé non sur le pavé pres de terre, mais sur vn ais haut de terre.

Mesué au chap. 411. en décrit quatre manieres.

Premierement que roses rouges fraiches, baïgnantes en huyle

huyle soyent part sept iours efforees au Soleil: Puis soyent cuyctes en vn double vaisseau par l'espace de trois heures: icelles exprimees & tirees: soyent mises d'autres fraiches, & nouvelles qui puis soyent efforees au Soleil, & cuytes cōme dessus. Et ce fait iusque à la troisieme fois: adiousté à l'huyle eau de l'infusion des Roses: laquelle (dict il) nous auons descrite au chapitre des Syrops: autant que la quarte partie de l'huyle (disent les Moines) ou comme dict Syluius) autant qu'il ya d'huyle, ce que pas ne me plaict. Ainsi estant efforé au soleil par quarante iours le coule, & de rechief longuement le effore.

Secondemēt en meslant à l'huyle lauē suc de roses: & eau de leur infusion, & les fueilles ou pampes broyees, puis les essorant, & changeant comme dessus &c.

Tiercement que avec amendres douces bien purgees, & broyees en vn mortier: fueilles de Roses soyent de rechief pisees: & d'icelles fais de petites pieces plattes: & icelles conserue à l'air bien chaut par l'espace de vingt quatre heures. Puis de rechief les broye, & pestry en vn mortier bien diligemment: y espendant vn peu de chaude eau de l'infusion des roses. Finalement exprimes en l'huyle par vn petit pressoir: & iceluy mis en vn vaisseau de verre le couure, & effore au Soleil.

Quartement. C'est que avec Sefamon ou Iurioline pelee, soit fait a la mesme maniere que avec les amendres. Aux roses non meures sont plus conuenantes les amendres: aux meures les Sefames. Mesué sur lequel dict Syluis. La premiere composition des quatre dessus dictes est en frequent vsage. Mais aux Parisiēns la composition de Nicolas, qui est a traicter en son Antidotaire, Et vn peu apres. l'enten que l'huyle Rosat se fait tresodorant: en faisant putrefier les roses en fumier dens vn vaisseau bien couuerclé, par l'espace d'vn mois. Par laquelle mesme maniere ie pense que lon pourroit faire huyle tresodorant de Mastic vulgaire, de roses incarnates, & musquées, & autres semblables, sans aucu-

ne miffion d'huyle commun.

Pren Roses, & Absynthe, ou quelque autre de forte odeur, & les cuy en eau avec la quarte partie d'huyle: tant que toute l'eau soit conſommee & l'huyle aura les vertus d'icelles. Ainſi pourras faire ſur le champ huyle de quelconque plâte, ou autre quelconques choſe ¶ Cardã de Symeon. ¶

Aucuns ſont qui diſent que ſur la coction de roſes piſees & cuyctes en eau ſimple ſurnage vne certaine eſcume oleagineuſe & graſſe: qui ſe peut couler, ou amaffer avec la plume. Vn quidam me a faiçt rapport, qu'il couuenoit cuyre en eau les freſches fueilles des Roſes iuſque à eſpeſſeur de miel, puis avec la cueillere eſtre preſſees, afin que l'eſcume ou l'huyle entre dedans: ou ſe meſlera auſſi quelque peu d'eau. Parquoy celle liqueur recueillie en vne ampoule de verre eſt miſe au Soleil pour en ſeparer l'huyle qui ſurnage par deſſus l'eau.

Huyle de fleurs de ſeuz aplanit, & mondifie la peau, corrobore les nerfs, & donne ſecours aux douleurs d'iceux. ¶ Fournier. ¶

Huyle d'Aspic eſt treſvtil aux podagres, ce que vn certain Medicin nagueres me communiqua. Remply vn vaiſſeau de verre de fleurs d'Aspic, Nard ſechees au Soleil, & par deſſus eſpands huyle d'Oliuè excédant les fleurs d'un doigt. Eſſoré par trois iours au Soleil, fay le boillir ſix ou ſept boillons en vn pot ſur le braſier, puis le coule! en le ferrant, & exprimant bien fort. Puis remetz par deſſus autres fleurs ſechees: & l'eſſore au Soleil par ſeize iours ou plus. Ainſi auras (me diſt celuy Medicin) huyle! Anodyne, valant pris d'or, comme depuis l'ay cogneu par experieſce. Metz ſur la douleur linges moillees en iceluy, & il l'appaiſera. Et ne faut gueres ſouuent, encore que l'on n'ayt pas bien conſideré l'humeur peccante. Lis en d'auantage en l'antidotaire de ¶ Arnold. ¶

Huyle de fleurs de Verbaſc, ou Boillon! blanc, ſe faiçt comme de fleurs de Romarin, c'eſt à ſauoir les faiſant eſſo

essorer au Soleil en vn vaisseau de verre & est treslouable pour les podagres, & autres douleurs, principalement chaudes.

Huyle Violat se fait cōme huyle rosat: mais d'huyle verd, d'amendres, ou de Sefamon. ¶ Mesué. ¶

Paul Eginet ordonne cest huyle estre fait de Violetes, ou Girofflees rouges, ou iaunes ou de viole blanche: & estre mises au Soleil en vaisseau bien estouppé, tellement que rien ne transpire, & ce par dix iours seulement: changeant les violetes par trois fois, & finalement y adiouste violetes seches.

*Huyle de Tartre de Pierre Argillat, pour mondifier la face, & oster les rides.*

Chapitre. LXXIII.

De l'Huyle de Tartre.



**T**Artre, ou Grauelle de lie de vin: qui tient au bois des tonneaux, plustost blanche que rouge soit puluerisee, & destrempee en vinaigre, puis enuelopee en vn drappeau, & ce drappeau enuveloppé d'estouppes moillees en eau, soit mis souz les cēdres chaudes: puis par trois iours soit mis en vne escuelle pendante d'vn costé: & il en destillera vne certaine humeur rousse.

*Huyle de Tartre de Nicolas.*

**T**Artre de tresbon vin, enuveloppé en linge blanc, moille le bien de bon & fort vinaigre blanc: puis souz les cendres chaudes le cuy & brusle, tant qu'il deuienne noir. Pise le de rechef: & le garde huit iours en vn vaisseau encliné en lieu froid tant qu'il soit ressoulz en huyle. Et si cela ne se fait: ferre le & l'exprime, & le garde. Par semblable maniere fait Mesué l'huyle d'œufz, Encore est il meilleur que le Tartre calciné, soit mis en vne chauffe de Hippocras: & ainsi le laisser en lieu froid: tant que l'huyle soit coulé, au vaisseau mis dessouz. ¶ Syluius. ¶

En trouue vne autre certaine maniere en Fournier au liure francois de la decoration: ou il ordonne le Tartre bruslé, &

calciné, autāt qu'õ en pourroit tenir es deux mains, estroitement lié en vn drappeau estre bruslé, & calciné en vne fournaise de verrerie, de chaux, ou de tuyles: puis en bonne quantité d'eau estre infus avec alun à la grosseur d'une noix, en le mouuant, & agitant bien fort: Puis quand il sera rassis par vingt quatre heures: coule l'eau en iettant ce que reste dans le linge, & icelle coulee, cuy la en vne païlle: tant qu'il n'y demeure que vne croste blâche, laquelle suspēdue en vne chauffe pres de terre tu verras dans trois iours estre conuertie en vne liqueur: laquelle il faut couler quelque fois: tant qu'elle deuienne claire. Aucuns sont qui font calciner le Tartre en vn pot neuf dans le fourneau d'un Potier ou Tupinier: & le tirent quand tous les tupins sont cuictz: Mais ie pense qu'il est meilleur & plus pur d'estre calciné es cendres chaudes, ou en la braïse ainsi comme on fait cuire les poires, en les couurant de brasier chaut. le signe quand il est assez bruslé, c'est quād il deuiēt blanc, & desia n'appert plus noir, ainsi bruslé le pend en vn sachet finissant en poincte: le dessus d'iceluy serré en vn baston fendu d'on il pend, & au dessouz estant mise vne Phiole de verre, avec vn entonnoir.

*Autre moyen.*

**P**Ren de tartre, & de sel nitre, parties egales, broyees & pisees: & les brusle en vn grand pot de terre: puis les broye encore avec vn pillon ou baston de fer chaut: & les metz dans vn sachet en la caue: affin qu'ilz destillent.

*Autre.*

**T**Artre & Sel nitre parties egales, pise les, mesle, & allume affin que le nitre se consume, le tartre qui demourera, tu le mettras en vne vésie ou coucourbe de verre suspendue en eau chaude, & incontinent se resoudra en huyle.

*Autre.*

**T**Artre bien laué & purgé de ses feces, & tresbien seché: tu calcineras tant qu'il blanchisse: Apres iceluy pise & passé tu dissouldras avec eau de pluye destillée & chaude: & estre dissoulz le destilleras par le filtre: puis le coaguleras: coa

gulé

gulé de rechef le calcineras pour plus le blanchir: Et ainsi finalement le suspendras en vn fachel tel que vne chauffe de Hippocras, en lieu humide: y mettant quelque chose large en lieu de couuercle, affin que nulle ordure ne tombe dedās: en apposant vn vaisseau verřé au dessouz. Aucuns font qui le destillent en vn Alembic de verre sur cendres chaudes: d'ont premierement decoule eau, puis huyle en fortifiant le feu.

L'vsage est: contre toute roigne, Impetigines, peau farinante: & rend la chair claire & iuuenile, i'en ay veu vser pour vlceres fluens en la teste. A quoy ie pense plus vtile estre celuy qui est calciné avec nitre, il blanchit aussi le cuyure & l'argēt, & oste les taches des linges. On l'adiouste aussi es couleurs pour les rendre plus claires: cōme à la rosette de Bresil pour escrire, & autres.

Huyle de tartre, & son appareil enseigne Rogier iiii. & ix. disant, C'est huyle absterge, & nettoye les draps maculez apres l'enfantemēt d'humeur melancolic, & esclarcit la face.

*Huyles de moyeux d'œufz, l'ombrics, & Scorpions.*

*Chapitre. LXXV.*

*Huyle d'œufz, prins en Rasis.*



**M**Etz moyeux d'œufz en vne paile de fer sur le feu tant qu'ilz soyent bruslez: & l'huyle qui en sortira garde le en vn vaisseau de verre. Il est bon pour la douleur & passion du fondement, pour douleur d'oreilles, & de dens, c'est huyle (dit Mesué) a esté par mainte experiēce approuué de purger le cuir l'impetigine, Serpigine, & autres vices de la peau: faire reuenir cheueux & curer vlceres fistuleux & malins. Moyeux d'œufz durs en eau boillant: environ trente, frisez es mains soyēt frix en vne paile de terre plombée à feu lent: les mouuant tousiours avec vne cueillere de bois ou de terre: tant qu'ilz rougissent: & l'huyle soit d'iceux resoulz, Lequel ilz rendront en abondance en les pressant de la cueillere.

Moyeux

Moyeux d'œufz endurcis en eau boillant, soyent cassez à la moëule, puis pifez & mis en pieces plattes, & tirez en tel pressoir que nous auons declaré en l'huyle d'amendres: & l'huyle en destillera. Ou bien soyent destillez en vne coucour be avec Alembic: cōme sera dit de l'huyle des Philosophes. ¶ Mesué. ¶ Sur quoy Syluius es annotations dit. C'est huyle purge merueilleusement l'ordure & laidure de la peau, & les cicatrices principalement laisses es lieux bruslez: & communement il put. Moins toutesfois celuy qui est le dernier destillé en sublimation. Il multiplie les cheueux: dit Serapiō en l'antidotaire.

*Huyle d'œufz de Nicolas.*

**F**Ry moyeux d'œufz, boillis, à feu lent de braise, en vne paile de fer: les mouuant tousiours d'un baston de fer, tāt que ilz soyent fort rostis, puis les serre & exprime en vn linge treschaut, trempé en huyle d'amendres douces. Mais il vaut mieux (dit Syluius) frire les moyeux tous crus, en les mouuant continuellement à la cueillere: tant que bien rostis, & pressez de la cueillere, à vaisseau encliné ilz rendent l'huyle, lequel mis en vne Phiole se garde longuement en son entier. De vingt moyeux, tu en extrairas en deux heures quatre onces ou enuiron.

Mattheol Senois escriuant sur Dioscoride recommande grandement c'est huyle, pour l'aspreté de la peau, Impetiginēs, fendures de leures, de mains, de piedz, & de fondement, douleurs d'ulceres, d'articles, & de toutes parties nerveuses, & aux douleurs, & ulceres des oreilles. D'auantage il est vtile dit il aux lieux bruslez de feu: & es membranes du cerueuil separe merueilleusement les parties bleffees d'avec les saines: ce que i'ay souuent experimenté à mon honneur, & au profit des malades. Es playes du pericrane fay infusion d'huyle de moyeux d'œufz: & il appaisera les douleurs, comme enseigne Abhomeron Abynzoar, ce que ausi auons experimenté: & en est bien aduenu. ¶ Marian Sainct. ¶

Huyle



*Huyle pour les vlceres des Enfans.*

**P**Renez seize moyeux d'œufz durcis en eau, Myrrhe vne once. Elebore noir quatre grains, mis ensemble en vne paille de fer sur vn peu de braïse soyent meslez avec vne espatule de fer: puis les presse & serre: & en extray huyle iusques à ce qu'il cōmēce à escumer, metz l'huyle en vn vaisseau de verre: & le garde pour ton vsage, deux fois le iour frottes en les vlceres: & les crostes par elles mesmes tomberont.

¶ Alexandre Benediēt ¶ au trentième liure des experimens.

J'ay veu faire c'est huyle en deux facons: Premièrement en friāt les moyeux d'œufz en vne paille iusque à rougir, & rendre l'huyle, Secondemēt les cuisant beaucoup plus: tāt qu'ilz deuiennent noirs, & comme tous vuidez de toute humidité. Car finalement ilz rendent soudain l'huyle: que lon separe en ostant la paille dessus le feu, & pressant les œufz avec la cueillere. Aucuns tiennent cestuy de plus grande efficace, pour les lieux bruslez de feu, & à la verité il est plus desiccatif. C'est huyle rend les cicatrices subtiles: fait perdre la Serpentine, & impetigine. ¶ Rogier. ¶ Mais Brassauol escrit que fausement les Apothicaires, & Chirurgiens attribuent à c'est huyle vertu de oster les cicatrices: pour oster les œufz aux folz. De ses vertus & facultez tu en pourras lire d'aduantage au liure de Arnold Antidotaire. Aucuns enueloppent en vn Linge les moyeux ainsi frix que dit est: puis les tirent en la presse.

Huyle de Lombrics ou vers de terre est fort loué pour mitiger les douleurs mesmement des nerfz, & articles: encore qu'ilz fussent prouenans de verole. Et se fait ainsi. Faut purger les Lombrics ou vers des excremens de la terre, ou les ferrant doucement avec les doigtz, ou laissant trainer lesditz vers tous vifz parmy du foïn en quelque vaisseau, puis les cuire en huyle avec vn peu de vin, & les couler: ou qui voudra les mettre au Soleil, ains que les cuire. Autres sont qui les cuisent en eau: & puis escument la gresse surnageante.

Aucuns tirent la moelle des plus grandes, & plus fermes cannes

cannes de Hieble: & avec huyle y mettent les Lombrics. Et ainsi bien estoupez en vn vaisseau de terre les laissent demie heure en vn four chaut, puis en ostent l'huyle, & le gardent.

Huyle de Scorpions (dit Mesué) rompt, & fait sortir hors la pierre de la vescie, & des reins: en frottant d'iceluy les roignons, & le Perineum: ou en faisant iniectiōs dans la verge. Il se fait de vingt Scorpions plus ou moins mis au Soleil, en deux liures d'huyle d'amendres ameres, par l'espace d'un mois, dans vn vaisseau de verre bien estouppé.

*Autrement.*

**P**Renez Aristolochie ronde, Gentiane, Souchet, escorce & racine de capres, de chescun vne once, soyent dans vn vaisseau de verre bien estouppé mises au Soleil en vn sextier d'huyle d'amendres ameres, par le temps de vingt iours, puis soyent iettez dedans dix quinze ou seize Scorpions, le vaisseau bouché, & de rechef essoré au Soleil vn mois durant, à l'ysue du bain, ou du chemin, soit l'homme pierreux frotté de c'est huyle es trois parties susdites & vne petite portion iniectee par la verge, à chescune heure, l'effect en est admirable. Aucuns veulent mieux vser du premier, autres du second. ¶ Mesué. ¶ Et la Syluius es annotatiōs, dit ainsi. On l'appareille encore aujour d'huy en huyle vieil, y adioustant les simples medicamens approuuez contre les venins: & s'en fait huyle de merueilleuse vertu contre tous venins & pestilence. Je say vn homme qui estant garny de ce seul huyle ne tient compte de pestilence tant soit grāde, voire (que plus est) ses seruiteurs visitans avec luy les malades, & surprins de peste par cest huyle ont esté sauuez, & par la seule onctiō d'iceluy aucuns ont esté deliurez de tresuiolentes poisons beuës. Le premier huyle susdit est froid à cause des Scorpions, Le second chaut à cause des drogues Aromatiques, & de plus grande efficace: & ce non seulement pour la chaleur d'icelles drogues, & subtili

subtilité de leur substance, (qui ouure, trêche, atténue, absterge, & rompt) mais aussi, pour l'occulte propriété de la totale substance des Scorpions, & de leur forme spécifique, cōme ilz disent, laquelle rompt la pierre des reins & de la vescie: en frottant les roignons, si elle est es reins, & le perineon si elle est en la vescie, avec petite iniectiō d'iceluy dans le cōduict de l'urine, iusque cy ¶ Syluius. ¶ Es secretz de varignan nous auons leu aucuns auoir esté deliurez de fieure quarte par onctiō d'huyle de Scorpions. Cy est l'Huyle de Scorpions de merueilleux effect contre les venins des bestes, des serpens, & principalement contre le Napel, Descrit par Matheol Senois au fixiéme liure de ses cōmētaires sur Dioscoride faictz en langage Italian. Desquelz nous auons traduit en latin ce que s'ensuit. C'est huyle (dit il) appliqué sur les veines pulsatives, aux lieux ou plus elles apparoissent, comme es temples, mains, & piedz, & à l'endroit du cœur, tellement que de trois en trois heures, l'onctiō soit repetee, deliure assurement de tous venins prins dans le corps, n'ayans puissance corrosiue: & semblablement de morsures des Viperes, Aspicz, & autres animaux veneneux. La composition (que liberalement ie diuulgue affin que tout le monde mieux en vaille) est telle.

Au commencement de May, pren huyle commun, vieil de cent ans, ou le plus antique que se pourra trouuer, iusque à trois liures, Millepertuis frais avec herbes & fleurs, trois poignes, ou trois manipules. Metz l'huyle en vne coucoubre de verre deux fois autant grande & capable que la mesure de l'huyle: & par dessus iette ledit Hyperic ou Millepertuis, bien petit pisé. Puis tu mettras le vaisseau bien estouppé en arene menue iusque à la moytié: en tel lieu que par tout le iour soit eschaufé du Soleil par dix ou douze iours. Puis apres tu le mettras au Bain Marie par vingt quatre heures. Ce faict tu exprimeras, & tireras l'huyle de l'herbe & y adiousteras, Hyperic ou Millepertuis, Chesnete (dite Chamedris

dris) Calaminthe, & Cardon sainct de chescun vne poignee vn peu pisee: & de rechef le mettras au Bain Marie par trois iours. En apres la couleras, ferreras, & exprimeras: Et encore y ayant adiouste trois poignes de fleurs de Millepertuis bien purgez, & mondez de leur tiges, & bien pisez: metz les encore au Bain Marie par trois iours, et l'exprime comme de uant. Cela repete par trois ou quatre fois: tât que l'huyle ayt prins couleur rouge comme sang. En apres pren semences des fines Cymes de Hyperic ou Millepertuis, qui sont petites goffetes semblables à grains d'orge, dens lesquelles sont les semences cachees, Et en pren en abondance telle, que egaller puisse trois manipules. Si les pise en vn mortier en y aspergeant quelque peu de vin blanc: & les effonds dès l'huy le susdit, puis le mettras dens de l'areine au Soleil par huit iours, & puis au Bain par trois iours. Coule, & l'exprime & ferre cōme deuant, refay cela mesme par trois ou quatre fois, tousiours mettant sus nouuelles cymes de Hyperic (c'est mil lepertuis) tant que totalement couleur de sang obscur y soit laiffée. Apres cela pren Scordion frais, & nouuel, Calaminthe, Centaureon petit, ou Sacotin, Cardon sainct, Verbene, Dictamne de candie, de chescun vn manipule, & demy, ces herbes pisees metz les en l'huyle, & de la au Bain Marie par deux iours, coule & l'exprime comme deuant. Encore plus pren Zedoar, racine de Dictamne blanc, Gentiane, Tormentille, Aristolochie ronde, de chescune trois drachmes: Scordion nouuel vne poignee, Icelles pisees metz au Bain Marie, & les y laiffe par trois iours: puis les coule & exprime: puis de rechef iette dens l'huyle, Styrax calaminthe, & Belzoïn ou Benioïn, de chescun des deux six drachmes, Bayes de Geneure, quatre drachmes, Poiurete trois drachmes, Canelle odorante neuf drachmes, Sandaux blanc quatre, drachmes, Ionc odorant, & Souchet, de l'vn & de l'autre drachme, & demie. Ces choses pisees metz les en infusion, & puis au Bain Marie par trois iours, coule & exprime. En

apres

apres pren trois cens Scorpions tous vifz amassez au temps des iours caniculaires : metz les en vne coucourbe de verre sur la cendre chaude: & lors que par la force de la chaleur tu les verras fuer, & rendre humeur, espâds sur iceux tout l'huy le fudict tout chaut, mais non si chaut que le vaisseau en fende: Estoupe soudain le vaisseau, & le metz au Bain Marie par trois iours. Puis le coule, l'exprime, & tire en presse, & iecte les Scorpions desia cuyctz. En cest huyle iecte R ha barbe trefeleu. Myrre cōmune, Aloës, Hepatic, de chescun trois drachmes. Aspice de Nard deux drachmes, Safran vne drachme, Theriaque eleuë, Mithridat parfaict, de l'vn & l'autre demie once. Toutes ces choses broyees & pisees metz les en infusion, & puis au Bain Marie par trois iours: & ce faict plus ne les couleras, mais mettras en repost, & garderas comme Bafme. Car c'est vn remede de souueraine admiration contre tous les venins fudictz: mesmement contre le napel ou Aconit Pardalianche. Duquel furent empoisonnez ces deux Pirates de Corse desquelz nous auons conté l'histoire au quatrième liure en la mention de l'Aconit. Auquel lieu ie renuoye le lecteur. Vela que dict || Matheol. ||

Cardan est d'opinion que l'huyle qui contre les venins est frotté par dehors sur les poulx, & sur la region du cœur soit metallic comme extraict d'orpiment ou de Myfi. Voy cy dessus des le commencement des huyles metalliques destillez. De l'huyle de noirs serpens, & de viperes & de Grenouilles, Ly Mesué.

Huyle de Castoreon se compose avec maintes autres drogues aromatiques, & gommés chaudes, &c. Comme Syluius escrit sur Mesué. Il se peut aussi faire simple: & pour la solide partie du Castoreon y peut estre adioustee la gresse adherente: ou plustost l'vn & l'autre comme ie suys d'aduís.

Soulphre estainct en eau ardent s'eschaufe, & boillonne: tant qu'il en furnage vne relenteur, qu'ilz appellent huyle. Laquelle faut amasser avec vne cōque: & par fois faut chan-

ger l'eau, tant que l'on ayt assez amassé d'huyle. Par lequel disent que l'argent vif entré & penetré dans le corps, est tiré hors: frottant le corps de cest huyle incontinent apres le Bain. ¶ Iaque Hollier. ¶ Voy cy dessus, entre les huyles destillez.

*Des Fomentations, & Parfums.*

**F**omentations en Grec s'appellent Pyriamata, c'est à dire reschaufemēs. Et sont toutes choses q'exterieurement se appliquent toutes chaudes sur le corps, ou pour mitiguer, ou pour attirer la matiere, & ce tant pour autres causes comme pour dissoudre les tumeurs & enflures. Pour cecy sont bonnes les fomentations seches, & pour cela les humides. Et aucunesfois vouldroye ie alterner les humides, & les seches: comme es douleurs podagriques, & arthetiques, & autres semblables: ou dangier y a que apres auoir extraict la plus tenue, & subtile matiere: l'autre plus grosse ne demeure & se endurecisse d'auantage. Et semble bien que les fomentations humides praparent matiere aux seches, attenuent, amollissent, digerent, euaporent. Et aucunes par aduventure rien ne font de tout, cela. Selon la diuersité de la matiere.

Les fomentations humides, & liquides sont, Eau simple, eau salee, Huyle, lait, seul & de par soy, ou avec miel. Herbes & fleurs cuyctes en eau, en vin, ou autre liqueur: et en vn linge ou Sachet mises sur le mal, ou par iniection infuses en la vésie. Ou bien vne esponge moillée & trempée d'icelles liqueurs, ou linge, ou laine, ou feltre. Item vescies, ou petits boucquins de cuyr, pleins d'eau chaude, ou d'huyle. Les Cataplasmes peuuent aussi estre icy contez, mesme ceux qui se appliquent tous chauds, comme herbes cuyctes, & pisées mises toutes chaudes entre deux linges.

Les fomentations seches sont comme Millet, Sel, Arene, fourfe, Avene: lesquelles eschauffees & esmouuees en vne paile ou chauderon, sont puis mises toutes chaudes en vn sachet, & appliquees. Celse Medicin, en quelque part recommande

mande le suc de sel blanc: & en vne autre part dict que fomentation de sel humide est tresvtile. Et faut (comme luy interpreter) plonger le sachet plein de sel en eau chaude: & puis l'appliquer tout chaud sur le lieu malade: en mettant de fois à autre dans le sac vne espatule de fer rouge, ce pendât qu'il est sur le lieu douloureux, & l'aspergeât d'un peu d'eau. Parquoy faut auoir deux spatules toutes promptes, & prestes: affin que quand on en mettra l'vne dans le sac, l'autre cependant rougisse au feu.

Au Tetanos (dict Celse) qui est douloureux enroidissement de la nuque du col: & de toutes les parties nerveuses: est besoin de fomentation humide & chaude: Parquoy plusieurs en celle maladie, de fois à autre arrosent le col a force d'eau chaude. Cela certes pour l'heure allege: mais aussi il rend les nerfs plus prompts à prendre froidure: laquelle en cela faut euiter. Il sera donc meilleur premierement oindre le col, d'un liqde cerat: puis y appliquer vescies de bœuf, ou petits boucquins de cuyr pleins d'huyle chaud, ou vn chaud cataplasme de farine: ou poiure rond conuassé avec vne grosse figue. Neautmoins il est tresvtile de le fomentier avec sel humide.

*Au mesme Celse nous lisons vne Fomentation merueilleuse pour la douleur des dens.*

**M**ente saurage en vn bassin, & eau infuse par dessus, surpassant de bien petit. Cailloux ardents plangez dedans: le patient à gueule ouuerte prend la fumee. Nagueres pouy dire vne femme auoir esté deliuree, de griue douleur de dens pour auoir prins en gueule ouuerte la vapeur d'un noir caillou à pauer les rues.

Le mesme Celse ordonne que les narines vlcerées soyent fomentees par la seule vapeur de l'eau pure prinse à la bouche estroicte d'un vaisseau.

Ceste vapeur se applique aussi aux Hemorrhoides chaudi-

des & douloureuses. Vne certe femme ayant esté long tēps vexee d'vne paronychie (c'est vlcere malin rougeant les arteilz des piedz, don desia luy auoit on osté quelques petits osseletz, & ayant en vain essayé plusieurs remedes: finalement y appliqua vne fomentation de mousse de noyer cuyctē en vin, en tenant quelque espace de temps le membre affect à la vapeur, & puis apposant la mousse chaude sur la partie douloureuse, & incontinent fut guerie.

Au mesme Celse vn Tizon bruslé, & enuveloppé en vn drappeau moillé, est mis pour chaude fomentation. Es doulours coliques. l'ay souuent, & heureusement faict appliquer sur le nombril semences de charuis, & de Cumin broyez, & mis en vn sachet trempé en eau de vie chaude. De celle mesme eau ardent, & allumee en lieu clos & estroict de bains, Poiles, ou estuues, l'air s'eschaufe vehementement: auquel air les nerfz, les articles, & autres parties refroidies sont vtilement fomentees: & (si faire se peut) y suent. Pour esmouuoir la sueur, & pour eschauffer le lieu de l'estuue, ou du bain par la vapeur d'eau chaude. Le commun met de grāds chauderons pleins d'eau boillant, dedans le poile ou on veut suer, avec pailles qui long temps conseruent leur chaleur: & quelques fois d'herbes odorantes. Autres ont vn grand pot de cuyure plein d'eau, ou de vin, avec herbes odorantes, & autres medicamens: & ce hors l'estuue: Duquel la vapeur est portee par d'essouz, dedans l'estuue par vn long canal trauersant. Autres le font par autres moyens, & instrumens. Comme iadis en Italie les anciens faisoient leurs. Zetes ou Dietes. Apres que l'estuue seroit eschaufee: ou pourroit mettre brasier ardent en vne terrace: & dessus asperger les medicamens secz, desquelz on voudroit auoir le parfum, transmis par vn canal. Tant pour autre cas, que pour l'vsage des femmes a diuerses maladies de la matrice. Hippocras décrit vn certain propre vaisseau à ce faire.

Ce pendant pourront mettre la teste hors par vne fenestrelle: ceux qui auront le cerueau foible, ou desquelz on a doute



doute qu'ilz ne tombent en syncope, ou trop grande soif. Aucuns dans les estuues font porter pierres, ou quarrons tous rouges, ou maschefer ardent puis les arrousent d'eau ou de vin, simple ou mediqué, la sueur au liēt est prouoquee par tuyles chaudes enuolopees en linges moillez, & mis sur les ioinctures & autres parties du corps, ou avec flascōs d'estain pleins d'eau chaude: ou sachetz remplis d'herbes odorantes cuyctes & chaudes: encore mieux vaudroit si par dedās icelle y auoit vne bricque chaude. Les choses qui doucement repriment & amollissent: sont laine succide, trēpee en vin, ou vinaigre chāt, avec vn peu d'huyle, palmes brisees, fourse, ou bran, ou son, cuyct en eau sallee ou en vinaigre. Les choses qui ensemble repriment, & refrigerēt, sont le vin, le vinaigre, & encore plus pain, ou farine trempee en l'vn d'iceux, ou esponge, ou cendre, ou laine avec le sain, ou vn linge simple. ¶ Celse.

Aucuns mettent cendre ou cenise ardēte dens vne escuelle de bois iusques au mylieu, & le reste remplissent d'herbes telles comme il leur semble bon, cōme d'Absynthe, de Mente pour conforter l'estomac, ou seules de par soy, ou aspergees d'vn peu de vin: puis les couurant d'vn drappeau par dessus, la posent sur la partie affecte, mesmement quand il est besoīn eschauffer, desecher, despartir, & extraire ou faire sortir fortement. Cela bien conuient aux parties refroidies, & arthetiques, avec armoise seulement, ou aussi avec Camomille: & avec Matricaire ou Espargoute pour les maladies du ventre des femmes.

Ceste maniere de fomentation se pourra faire avec deux vaisseaux, praparez, à ce applicquables l'vn apres l'autre.

Celse en aucuns lieux ordonne laine sulphuree, ou parfumee de souffre estre enuolopee autour des parties affectes. A cecy se peut rapporter tout ce que ont escrit les nouueaux: cōme Fuchsius & les autres. Des fomentations, Epithemes, Embrochations, Sachetz, & infesions. Aioiem en Grec signifie arrouser, & surfondre d'enhaut, soit avec cha-

leur pour fomentation; ou soit pour autre cause. Galen pour oster les Scirrhes ( qui sont durtez de chair ) commande le parfum de la pierre Pyrite, ou Pierre de mœule, arrosée de vinaigre. Tous les parfums qui se font pour la verole avec Cinnabre faict de visf argent, d'or pigment, ou Marcalite, tu les trouueras en Nicolas Massa, & autres qui ont enseigné la curation de celle maladie.

Les fueilles de Tussilage, ou ongle Caballine sechees & mises en parfum, en sorte que la fumee en soit prinse à bouche ouuerte aydēt contre la toux seche, & difficulté d'ha-leine: & si rompent les apostemes en l'estomac: le mesme effect a la Racine, [ Dioscorides. ]

*De aucuns suc.*

**L** Es suc de aucunes herbes exprimez, ou tirez se cuy-sent au feu, ou se sechent au Soleil cōme enseigne Bul-casis singulierement du suc de Hamfig, Plantain, Laictue, Ioubarbe, Porchaille, Groin de Porc, Scariole, Fenoil, Per-sil, Voluble, Ozeille, & autres.

*Merueilleux moyen à extraire le suc de l'Elebore noir: duquel au-cuns vsent comme d'un secret mystere: L'vtilité duquel ie l'ayant experimētee ne l'ay voulu celer, affin que de nulle chose excel-lente ie ne semblasse auoir porté enuie à la posterité.*

*Chapitre.*

*LXXVI.*



**L**E ne say qui premier a trouué ce moyē. Quāt à moy ie l'ay apprins des mes amis. Elebore noir i'enten estre iceluy qui ainsi est appellé en Allemaigne semblable à Consiligine, ou Pommelee: qui viēt en plusieurs iardins: mais meilleur est celuy des montaignes de Suyce. Et ce mesme moyen pourra bien aussi estre essayé en la Coloquinte, Esu-le, & laureole. Racines d'Elebore noir trenchees menu & par

par l'espace d'une nuyct trempées en l'eau soyēt boillies legierement. Et tant à ceste premiere decoction, que es autres soit l'escume ostee diligemment qui nage par dessus: Car elle est veneneuse. Et ceste premiere eau tu garderas soigneusement. De rechief par dessus mettras d'autre eau tiede, laquelle feras vn peu boillir: & ainsi changeras l'eau par plusieurs fois: tant que es racines ne demeure plus ou biē peu d'amertume, qui sera en changeant l'eau sept ou neuf fois. Ce pendant en changeant tousiours ainsi les eaux destille les premieres par le filtre: & finalement icelles toutes destillees l'une apres l'autre cuy les ensemble à feu lent ou plustost sur la braise: en sorte que point ne boillēt: mais soyēt chaudes iusque à pres de boillir en vn pot de terre verree tant qu'elles deuiēnt à l'espeſſeur de miel, le vaisseau de terre ou de cuyure, tousiours couuert, ou biē peu ouuert. Et quād il y aura biē peu d'eau vers la fin de la coctiō: tu la mouueras souuent & doucement avec vn baston de bois: affin que le suc ne se brusle. Et au mesme temps pour vne liure de racines d'Elebore tu y adiousteras deux drachmes de Mastic pisé: & ne cesseras de les esmouoir, ou continuellement ou par briefz interualles iusque à ce que le suc semblera assez estre espeszy: ce que par aduerture aduiendra soudainement. Et d'autant que plus pres sera de son espaisissement: tant moindre feu y faut faire affin qu'il ne se brusle. Parquoy n'y plains point le temps. Car tu auras vn remede tres excellent & tres exquis à diuerses maladies principalement melancoliques. Ce suc vient en couleur rouſſe obscure, & faueur tresamere penetrante avec acrimonie, comme de Giroffles, ou de Cabaret: mais plus fort voire Caustic semblant au goust: combien que à la verité il n'est pas caustic, mais il le semble pour la tenuité de ses parties cōme ie l'ay voulu experimenter. On l'administre à la grosseur d'un poys coche, vne heure auant le souper. Et ce en toutes maladies ou il est vtile de bailler noir Elebore, & de esmouoir le

ventre. Et disent que vne pillule à la grosseur que j'ay dicté, faict delecter quatre fois. Mais j'ay ouy dire aucuns qui en auoyent prins d'auantage, par auenture à la grosseur d'vne feue, auoir esté trop vuydez par dessouz, & par dessus, & tresfort debilitéez. Pour caution duquel dangier, ayant prins avec moy le conseil d'vn sauant Medicin. J'ay essayé de rendre & rediger en suc non l'Elebore tout seul: mais infus, & cuyct avec autres diuers medicamens.

Et me semble qu'il ne peut pas grandement chaloir si les racines sont verdes ou seches. Mais pour le moins faut prendre vne liure de racines. Lulle & autres, comme Cardan, font mention de la Quinte Essence de l'Elebore: de laquelle ie ne pense ce suc estre moindre en vertu.

Et cela certes est de grande admiration que ce suc tant de fois recuyct n'en deuiet point plus foible: mais aussi sen faict de plus grande efficace. Car vne part de ce suc (comme par coniecture ie le diray) semble estre dix fois plus valente que l'Elebore entier: & toutesfois moins perilleuse: Car sa force augmente sans nuysance ne dangier. Et combien que en y adioustant plusieurs autres medicamens, ie me soye essayé par plusieurs fois à relascher sa force. Toutesfois ie louëroye plus ceste simple maniere desia descrite: ou rien n'est adiousté sinon finalement, vn peu de Mastic: & ce ou il faut vser de remedes extremes: & pour les Maniaques & autres surprins de folie, phrenesie, ou reuerie. Lesquelz quand on ne peut induire à prendre aucun medicament: plus facilement on les decoit à si petite dose comme d'vn pois ciche. Outre plus s'estime les vertus, & facultez de ce suc appliqué hors le corps estre tresexcellentes contre les maladies veneneuses, & pour les nerfs blessez. Et de tel suc ainsi appareillé ie n'en trouue mention aucune dans les auteurs. Vray est que le suc de Acacia: et Berberis en Bulcasis a quelque semblâce à cestuy. Car seulement en est cuycté la colature non exprimée. Item  
sembla

semblablement le Sucde Galban & de reglice: esquelz ne-  
 autmoins on ne change point l'eau, mais tous les autres sucz  
 se font par expression ou pressure: & se cuisent tant qu'ilz  
 soyent prins & coagulez, comme le suc de Chelidoine, de Pa-  
 uot, d'Absynthe, de Solanon, d'aygras, Memithe ou Glau-  
 cion, de Hypociste, & d'escorce de racines de Mandragore,  
 Le mesme Bulcasis ordōne à d'autres sucz exprimez, qui au  
 feu se cuisent, adiouster vn peu de gomme: affin que leurs par-  
 ties mieux se puissent assembler, & cōioindre: comme au suc  
 d'absynthe, & de Gasid c'est à dire Eupatoire. Item de Saco-  
 tin, & Gentiane, qui se fait de la colature cuicte, Iasoit qu'on  
 adiouste le Mastica au suc de l'Elebore, non seulement pour  
 ceste cause de faire prendre: mais aussi pour emender sa vene-  
 neuse qualite contraire a l'estomac. Or en certains autres re-  
 medes: ou lon veut augmenter la vertu de quelque medica-  
 ment que lon veut mettre en liqueur, nous y changons non  
 la liqueur mais le medicament, c'est à sauoir apres auoir cou-  
 lé le premier medicament: en remettant tousiours nouuel &  
 frais medicamēt dans la mesme liqueur comme en certaines  
 decoctions, et huyles. Mais en ce suc d'Elebore nous faisons  
 au contraire. Car en gardāt tousiours les mesmes racines d'E-  
 lebore: nous changeons la liqueur de fois à autre. Et la cause  
 ie la diray: c'est pource que la racine de l'Elebore sur toute au-  
 tre à force tresexcellente, imprimee et naturellement mise nō  
 seulemēt en la superficialité, mais tresfort & tresgrandemēt  
 inherente en toute la substance. Parquoy aussi se peut il gar-  
 der treslonguement, Et ie mesme en ay vsé restant tresbon  
 apres dix ans. Aussi les vulgaires Empiriques pour esmou-  
 uoir le ventre font boire vin, auquel partie de celle racine ayt  
 trépé par vne nuict, & lendemain coulé, puis de rechef font  
 secher les racines qui de riē ne sont empires: iasoit que pour  
 ce mesme vsage soyent souuent trempées, & sechées. Mais  
 de l'Elebore & des experiences que nous en auons faictes se-  
 ra autrelieu pour en escrire.

Pillules du suc d'Elebore noir se doyuent prendre de sept  
 iours

iours en sept iours pour cure de la verole, & maladie melancolique, comme conseille Matheol Senois, en telle sorte.

Prenez racines d'Elebore noir nouvelles trois drachmes: Carottes, Anis, Poiure de chescun vne drachme, fleur de Buglose demie drachme: Musc six grains. Epithym, deux scrupules: Soyent toutes ces choses doucement pisees: puis macees & destrempees par vn iour & vne nuit en vin de Maluoisie, foyent pressees & tirees à grande force. De ceste traicte & expression pren trois drachmes, poudres de pillules de fumeterre cochees, & aurees de chescune drachme & demie: pestry les ensemble, puis les laisse secher. Outreplus icelles sechees, & de rechef reduictes en poudre les destremperas en Maluoisie comme dessus trois ou quatre fois. Et faut prendre les pillules au poix d'vne drachme.

*Suc d'Elebore par nous composé.*

**P**renez racines fraiches d'Elebore noir menu trenchees deux liures, Règlice rasee, & conquassée au Pilon vne liure destrépe par vn iour ou vne nuit, en assez bonne quantité d'eau, lendemain cuy les à feu lent vne heure & demie, ou deux heures defonds les en coulant, puis y refonds autre eau tiede qui pour cela sera expressement gardee en vn vaisseau pres du feu, cela repete par sept fois ou plus. Et ce fait iette les racines, & toute l'eau coulee, ou destillee par le filtre cuy la petit à petit, & quand encore vn peu en restera, ce peu restant espands ceste decoction sur sept manipules de Betonique ou Betoine deux manipules d'agrimoine trois onces d'Anis, destrempe le tout en eau, & le cuy iusque à la consommation de la tierce partie, puis l'exprime & coule deux ou trois fois, Finalement adioustes y de Agaric eleu, menu trenché cinq onces: Iris deux onces & demie Cinnamome six drachmes, Gingembre demie once, cuy le iusque à demie quantité puis l'exprime & le coule comme dessus: puis iette celle cuiète sur la decoction d'Elebore boillant vn petit, & puis les cuy ensemble

semble iusque à espaisseur de Miel, vn peu deuant la fin adioustes y poudre de Mastic, quatre drachmes Scammonée, deux drach. Toutes ces choses ensemble dissolues, & cuites en vn peu d'Elebore iusque à la consistance de Miel, gueres deuant la fin de la cuitte, lors que le suc commencera moyennement à se espessir, tu en feras infusion: & le agiteras & mouueras, tant que le suc soit consommé. Et l'experimenteras s'il est assez cuit en instillant vne goutte sur le cul d'vn plat, & lors s'il est tant espessy que presque plus il ne coule en enclinant, ou eleuant ledit plat. Adonc est signe qu'il soit parfait. Mais neautmoins deuant la fin par l'espace d'vne heure ou plus, tu le agiteras & mouueras à feu lent, affin qu'il ne se brusle. De telle decoction ie en tiray presque onze onces de suc: ou à peine en eusse heu la quarte partie si i'eusse cuit le seul Elebore, de celuy suc i'ay desia vsé par plusieurs fois, car heureusement i'en ay administré à vn ieune filz epileptique, qui desia long temps a, se porte bien grace à Dieu, y ayant toutesfois fait plusieurs autres remedes comme Phlebotomie, & sucurs &c. Et vn autre qui par trois ans auoit esté infecté des ascari des, & en vain essayé plusieurs remedes, ayât prins de ce suc vne seule fois: aucuns iours apres corne de Cerf bruslee, fut restitué. Les pilules de ce suc peuuent estre baillées de trois à cinq à la grandeur d'vne ciche, c'est à sauoir enuiron d'vn demy scrupule à vn scrupule. Mais encore le meilleur sera de l'esprouuer avec le temps. Toutesfois i'admoneste les Mediciens peu exercez que ilz n'en vsent temerairement & à l'auenture, mais avec diligente consideration, car c'est vn médicament fort vehement. Et semble qu'il soit fort conuenant à la fiere quarte, qui plus n'est crue, & autres maladies longues, & de difficile guerison mesmement à la teigne ou rache, & melancolie noire. N'a pas long temps que à vn quartanaire, i'en administray cinq pilules à la grandeur d'vne ciche. Dont le patient fut en grande angoisse, & ne se purgea que par vomissement ne vryda rien par abas, & ne fut point allegé de sa maladie. La cause ie m'en descharge sur l'intemperance

perance du personnage. Le mesme en ayant prins deux petites pilules apres souper : l'endemain senty grande angoisse en l'estomac, allay à selle sans vomir. Parquoy pour le plus seur on n'en baillera sinon à gens fort pleins, & charnus d'estomac humide, & de gros sentiment.

*Encore du suc d'Elebore noir : & de extraire les vertus des medicaments purgatifs, & autres certains, comme ie l'ay apprins d'un amy.*

*Chapitre. LXXVII.*



Este extraction a esté trouuee, pour les delicats, & de cœur foible, & pour ceux qui ne pouuans porter grande dose de médicament, se lachent pour peu.

*Extraction de noir Elebore.*

**S**Oyent prinses racines fresches de noir Elebore quatre liures, soyent incontinent lauees, menu coupees, & par dessus effusion de telle colature que s'ensuit. Suc de Bourache & de Buglosse, de l'une & de l'autre deux liures, soyent depurees, & coulees iusque à deuenir claires comme l'Or : & reposees à temps, Puis pren racine de Fenoil, Cicoree, asperge, & Persil, de chescun quatre onces: Iuiubes, Sebesten, de chescun deux onces. Semence de Melons, de cocombres de courles, de Citrules, de chescun vn once, cuy les selon l'art en seize liures d'eau pluuiale. Et sur la colature espans les susdites quatre liures de suc, laisse bouillir peu à peu à feu lêt, puis y metz les racines de l'Elebore trenchees menu & pisees, & les fay cuire à feu petit lentement tant que les racines apparoissent: puis de rechef les exprime par le filtre, & le coule, & cuy la colature à petit feu iusque à l'espaisseur de Miel : tousiours le mouuant: affin qu'il ne se brusle. Puis la laisse, & en vse, faisant essay de la dose, d'un demy scrupule iusque à vn entier. Pour esmouuoir le ventre on le donne enveloppé en vne oublie moillee, avec vne goutte d'huyle d'Anis.

*Extraction de Reubarbe.*

**R**ebarbe eleu coupe le menu, & le pise assez grossement:



ment: espands par dessus suc depuré de Borrache, & de Buglose: de l'une & de l'autre deux liures: ainsi le laisse par vingt quatre heures, puis le cuy à petit feu: tant que le Reubarbe apparaisse par dessus. Exprime & le serre fort: & passe la decoction exprimée par vn couloir de laine, en sorte que le liquide se tire, & que la grosse substance demeure au couloir, cuy ladicte colature: y adioustant vne once de Sucre fin. Aucuns iusque à espaisseur le cuisent au Bain Marie, affin que il ne se brusle, ce que est bien le meilleur, comme aussi en double vaisseau. A celuy que voudras purger fay luy en aualer vn scrupule ou deux enveloppé en pain d'oblie, avec vne goutte d'huyle d'anis, & de Cinnamomme. Et pource que le Reubarbe de par soy ne purge pas grandement. Aucuns donnent poincte à toute l'extraction avec vn peu de tresbon Diacrydion, ce que n'y peut nuire.

*Extraction de Pilules.*

**P**Renez quelconque Masse de Pilules que tu voudras, qui soit bien composée & de bons medicamens, icelle brisée en menues pieces destrempela par huict iours en parties egales d'eau de pluye, suc de bourrache, & suc de Fenail, puis la fay cuire en vn double vaisseau de verre, par l'espace d'vn iour entier. Puis apres serre la, & l'exprime par vn drap de laine bien net, qui ne remette point de poilz, puis de rechef la cuy en vn vaisseau double au Bain Marie, iusque à iuste espaisseur. De cela forme petites pilules: desquelles tu administreras deux scrupules ou environ. La matiere ainsi extraicte est trespure, & tendre, & qui facilement se fond en la main. Semblablement aussi se peuuent extraire les vertus des autres medicamens purgatifs, par mesme maniere: Mais à ce la faut prendre garde que à la decoction soyēt tousiours mellez sucs adoucissans, & coulans, comme les dessusdits: Et encore sera il beaucoup meilleur: si le tout est cuit en double vaisseau.

*Description d'un Elecluaire purgatif extraict, Duquel vsoit vn excellent Medicin à Nuremberg.*



Renez Coloquinthe treze drachmes, Ellebore noir, & Sené Alexandrin, de l'vn & l'autre demie once, Agaric tresblâc vne once, Reubarbe eleu demie once, ou vne once entiere s'il n'est fort bon, Diacrydion quatorze drachmes, Turbith, & Stechade Arabique, de l'vne & de l'autre deux onces & demie, Cinamomme deux drachmes, Roses rouges, Bois d'Aloes, Mastic, & Myrrhe, Afari, ou Cabaret, Spicque de nard, ou Aspic, Styrax liquide, de chescune cinq scrupules. Mesle toutes ces choses puis les fay digerer ou putrefier par dix ou quatorze iours, en eau de vie trois fois destillee, & chaude, le suc qui en sera extraict, soit vny avec trois onces d'Aloes preparé. Au reste il preparoit l'Aloes ainsi. Soit mis vne liure d'Aloes ou plus ou moins dâs vn bafsin ou vn pot, y adioustant vinaigre rosat & eau rose autant comme il souffit: tellement toutesfois qu'il y ayt plus de vinaigre que d'eau, les faut faire boillir ensemble à feu lent deux ou trois boillons, puis les couler, & fort exprimer. Estant coulé il le faut encore faire boillir vne fois à petit feu iusque à la consistence de l'Aloes en le esmouuant continuellement avec la spatule, Et quand il sera refroidy soit gardé pour vsage. Les especes cy dessus remembrees faut premierement couper menu, puis les piser, & mettre en infusion en eau de vie autât comme il suffira: & les laisser en infusio chaude, au Bain Marie, ou en l'areine par le temps de quatorze iours, les remuât souuent & tous les iours, Puis apres les faut serrer & exprimer par vn gros linge, & les mettre en Alembic, ou avec le feu est tiree l'humidité aquee iusque à l'espaisseur de Codignac. Et si encore reste quelque humidité, Le faut mettre en vn vaisseau sur les charbons ardens, autant que suffira.

*Du Suc de Iris, ou de Glayeul, & de la Raie.*

**N**ostre Iris ou Glayeul bleu, me semble de plus grande efficace contre l'hydropisie que n'est la florentine, en laquelle opinion est aussi est vn tressauant Medicin, nostre amy

amy qui n'agueres m'enuoya ces experiences du suc de la racine de Iris, & de la raue. Pren vn œuf de poule, & au lieu de l'aubin espādu metz y suc de la racine de glayeul, Le meslant bien avec le moyeul, lequel œuf vn peu chauffé es cēdres fay humer le matin: & il fera vuyder par derriere grande quantité d'eau intercute. J'ay aussi (disoit il) cela entre les secretz pour les Hydropiques qui ne peuuent suer: Baille au patiēt, le matin à boire le suc d'une raue rōde bien pisée au mortier, & puis pressée, avec Sucre ou Canelle, affin qu'il sente autre chose que la raue, puis le couche bien couuert, & il fuera.

Suc de Pourchaille ou Pourpie, ou de Vmbilic Venus, de Ioubarbe, & autres semblablement glutineuses, de par soy seul ne peut estre extraict, à cause de la viscosité. Mais si estās lesdites herbes pisées avec verius. Aucuns font chauffer à petit feu lesdites herbes broyees. Autres les mettent en lieu froid comme en la caue dens vn panier, & les laissent destiller dens vn vaisseau mis deffouz. ¶ Syluius. ¶ auquel on peut d'auantage lire de l'appareil, & conseruation des succs au liure de la preparation des simples.

Du sainct bois, & autre quelconque nous extrayons la larme plus precieuse que le bois mesme en telle sorte. On coupe le bois en petits morseaux de la grosseur du doy lesquels on expose au Soleil: & de la se recueille tout ce que est de larme au bois. ¶ Cardan. ¶

Laiēt se tire de Esule & Chelidoine en couppant les plus haux petits rameaux, & en emulgeant par la coupeure les branches enclīnees dens vn vaisseau, lequel laiēt ainsi recueille faut secher au Soleil. Mais le suc se tire des herbes broyees, & pressées ¶ Bulcasis. ¶

Si quelqu'un a desdain de prendre en forme de pillules les gommess purgatiues les fait dissoudre en eau boillante avec vn peu d'huyle d'amendres douces infus, & le donner à boire avec vn peu de Reubarbe, metz en vin, ou en eau quelconque medicament purgatif & fort: puis en celle mesme liqueur metz trēper prunes seches, figues, ou raisins passis, ces fruitcs

prins

prins dans le corps laschent le ventre merueilleusement, & sans molestie. ¶ Arnold. ¶ au liure du vin. Fay cuire par vne demie heure quatre onces de Raisins passés avec eau de violetes, coule les par vn tamis, puis y insperge deux drachmes de Scammonee, & les laisse secher: puis en bailleras trête, ou quarante au plus, avec vne Panatelle. ¶ Epiphane Empiric. ¶

Aucuns nourrissent & engraisent vne oye pour medicamens & herbes purgatiues: puis le tuent, vuydent & farcissent de petits chatons grassetz, & decoupez biẽ menu avec sel: puis les rostiffans lentemẽt en la broche, recueillent la liqueur qui en degoute pour en oindre les membres arthetiques. ¶ Iean Goeurot. ¶ N'a gueresie ouy dire d'vn Empiric qui auoit fait rostir vne oye farcie de rats, menu taillez, pour de la liqueur oindre la bosse du dos d'vn bossu, & par ce la guerir.

*Des decoctions.*

**D**Ecoctions nous appellõs liqueurs, comme eaux, vins, ou vinaigres, esquelz les medicamens d'aucuns se cuisent à petit feu, & puis on les coule, desquelles pour cause de briẽ uetẽ nous ne parlerons point en cest endroit: sinon que nous aduertirons que les medicamens, ou taillez, ou brisez, ou pisez quel'on veut cuire, il les faut premierement par aucuns iours faire tremper en vn vaisseau bien estouppẽ. Des verdes plantes se fait plus gracieuse decoction que des seches. Parquoy les seches doyuẽt plus long temps tremper que les fresches, & plus fort couler, & presser, puis cuire ou à part soy, ou avec Miel, ou Sucre.

*Decoction en vinaigre contre la peste.*

**P**Ren deux manipules de Chelidoine, herbes & racines, & en quatre liures & demie de vinaigre, cuy les par l'espace d'vne heure & demie sur les charbons ardents, en vn vaisseau verre ou plombẽ, avec couuercle bien lutẽ: & ce iusque à la consommation de la tierce partie, ce vinaigre ainsi cuiet tu couleras, & coule garderas en vne phiole de verre, d'iceluy tu bailleras trois cueilleres à l'homme frappẽ de peste, lequel s'il vomit luy en bailleras encore vne autresfois, & commander

deras de fuer. ¶ Non Nommé ¶ au liure Alleman escrit à la main. Autres avec Chelidoine prennent autant de Rue, l'appareillans cōme dessus, & au pestiferé en baillent à boire vne cueilleree avec vn peu de Theriaque. Duquel remede j'ay la salutaire experience: & j'ay ouy aussi recommander grandement par les autres. Et peu de tēps a que ie trouuay le mesme remede en vn liure escrit à la main en frāçois, par vn certain Empiric. Et aussi ces ans passez cōme la peste ia cōmencaست à venir: vn amy m'enuoya la semblable description. La plus part veulent que la Chelidoine soit cuycte en vinaigre: les autres y adioustent autres choses cōme la Rue, autres la sauge noble, le Romarin, les fueilles de glayeul violet, nō la racine, du zedoar, & les cuysent en vn vaisseau bien couuert: & en baillent quelques gouttes pour preseruer: mais au pestiferé en baillēt vne cueilleree, avec Theriaque, ordōnans de fuer. Aucuns destrempent les mesmes choses en vin en vne phiole bien estoupee, & par fois la meuent, puis la destillent: & la baillent pour preseruation: mais au frappé, comme dessus: non toutesfois ordonnans fuer, mais cheminer le plus loing que possible sera, & s'il est besoīn, estre mené par deux hommes.

*Autrement.*

**P**renez Absynthe, Rue, Turions de buysson añ. vne partie Chelidoine trois parties. Cuy les en vinaigre blanc, en vn pot bien luté, iusque à consumption du tiers: & soit donné à boire incontinent que la personne sera infecte de peste, & sue puis apres.

*Autrement.*

**P**renez Racines de Chelidoine vne liure, Souphre, Saffran, Tormētille vne once. Theriaque deux onces. Pimpinelle, Gentiane añ. once & demie. Piloselle avec racines de Rue, des deux vne poignee, de Sauge autant. Cuy les en vn pot neuf bien luté: avec deux mesures de vinaigre blanc iusque à la consumption de la tierce partie. En celle decoction dissouz Electuaire d'vn œuf (ou Theriaque) & en soit don-

né au patient à la quantité d'une Feue.

*Des Vins faictifs, mediquez, & mixtionnez,*

*Chapitre. LXXIX.*



Our la fin nous enseignerons en c'est endroit quelques manieres de vins faictifs: nō toutes fois de toutes expressement car il seroit trop long. Qui voudra veoir plusieurs vins faictifs, leurs compositions, & vertus lise Dioscoride, & Aëtius, & Arnold de Villeneuve au liure des vins.

*Vins mixtionnez se font en diuerses sortes.*

Remierement en cuyfant les drogues avec musc le plus souuent iusque à consommation de la tierce partie, ce pendant l'escumant, & le coulant puis apres. Aucuns font qui cuysent le vin à part: tant que la tierce part soit consommee, & autres moins, puis dens celuy vin mettēt les drogues suspēdues en vn petit sachet, assez grossēmēt pisees. Les drogues ameres se doyuent mettre en vin cuyct dens vn sachet, parce que le vin cuyct est plus doux: ou bien les faut mettre cuire ensemble avec le vin: ou tous les deux. Ainsi se font les vins avec Absynthe, Zedoar, Enule, Bourrache, & Melisse en Arnold de ville neuue. Aucuns font vn peu cuire le moult ou vin nouveau & iceluy refroidy espandent au vaisseau sur les herbes. Secondement en mettant les herbes mesmes, ou les drogues seches au moult deuant que il boille, affin que par son boillon dens le vaisseau, la vertu de la drogue se y mesle. Ainsi plusieurs en nos regions, font le vin d'Absynthe, & par tout l'hyuer le laissent au vaisseau, tousiours le remplissans au pris qu'ilz en ont tiré: & au commencement du printemps tirent les herbes. Autres les y laissent encore tout le long de l'esté. Neautmoins il se corrompt facilement, se moylit, & aigrit, mesmement quand le vaisseau n'est pas plein. Aucuns à la bouche du vaisseau mettent vne platine de fer estanné, pertuisée à plusieurs petits trous, affin que par les drogues ne soit estouppé. On peut aussi en quelconque saison de l'annee, mettre Absynthe, ou autres herbes

herbes en vin vieil, dens vn petit vaisseau, mesmem ent es caues froides: ou en vn grand vaisseau de verre bien estouppé, & si on y adioust racines girofflee seche, le vin s'en gardera plus longuement. Aucuns simplement cuysent avec le vin la drogue d'on ilz veulēt que le vin prenne la vertu, & ce en quelconque saison de l'annee. Mais les vins cuyctz le plus souuent se esuentent, & aigrissent. Le trouueroye meilleur de destrēper les drogues cassees en vin avec miel escumé ou sucre, par quelques heures, puis estre coulees par vne chauffe de Hippocras. En telle maniere ay ie quelque fois appareillé vin de racine de glaycul pour les hydropicques, & de Enule campane pour les Haleneux ou poussifs. Encore pourra bien le vin estre meslé avec les sucz des herbes biē depurez & puis coulez, ou bien pourra estre extraict & exprimé le suc des drogues qui seches broyees aurōt esté au sachet suspendues: par aucuns iours, & estre coulé & meslé au vin, & nouvelles fresches drogues estre remises dens le sachet. Car si la matiere est souuent ainsi exprimée & serree, & apres en soit remise de fresche, le vin en sera de plus grande efficace, & pourra lon incontinent remplir le vaisseau au lieu de ce que l'on en aura tiré. Car qui feroit autrement le vin en seroit plus foible, & de moindre vertu. Les vins medicaux (comme nous auons dict) se peuent faire, mettant les medicamēns en vn sachet, ou simplement au moust, pour ensemble les faire boillir, ou en les laissant destremper ensemble, ou en vin boillir au feu. Mais la premiere maniere est a preferer. Par laquelle point ne se resoult la vertu des medicamēns, ne se altere, ne affoiblit. Or faut il que l'ouuerture du vaisseau soit couuerte d'vne petite escuelle affin que la ferueur se puisse vn peu exhiler: & que l'odeur toutesfois point trop ne s'eua-pore. Neautmoins s'il semble bon de le cuire au feu avec vin: soit faict le feu treslent, & continué sans fumee, à vaisseau clos qu'il ne s'esuente, & soit cuyct à certain temps à moindre ou plus grād feu selon que la matiere & substāce de chescune chose le requerra. ¶ Arnold. ¶ Le meilleur seroit cuyre

en vaisseau double, ou au Bain Marie. Vins aromatiques faictifz se peuuent garder clairs, trois ou quatre iours, puis apres ilz se troublent. Pline enseigne les cōfections des vins avec diuers medicamens simples au 14. & 16.

Vin d'Absynthe comme il se prepare cy dessus nous l'auons dict. Aucuns sont qui le preparent avec le seul absynthe. Aucuns y mettent d'autres herbes diuerses comme Hypsope, Rue, sauge, Cardō beneit, Polieu, coste de iardin, Phyllitide, ou Osmōde, fleurs de Seuz, Escorce de fraisine. Quelque fois i'en appareille presentemēt & promptemēt en vne phiole de verre: en faisant infusion d'vne quātité de maluoisie sur autant de Absynthe, avec eau ardente trois fois destillee. Duquel ainsi appareille vne petite mesure adioustee à grande quantité de vin, le emboit tout de la qualité de l'Absynthe. Il proficte à l'estomac froid, dissoult les flatuositez, guerit la colique phlegmatique, & ventēuse: & par frotemēt guerit la roigne. ¶ Arnold. ¶ au liure des vins. Le meilleur moyē (dict il) à faire vin d'Absynthe, est que l'Absynthe verd ou sec soit pisé, & sur iceluy soit coulé par fois reiterees vin froid ou chaud: iusque à ce que le vin prēne la faueur, & vertu de l'Absynthe: puis soit adoucy avec miel ou sucre. Et est fort bonne ceste maniere à faire tel vin. Car toute la force de l'Absynthe est en la superficielle substance, qui par ceste maniere tresbien se extrait. Au reste ledict Arnold puis apres est fort proluxe à recenser les vertus dudict vin d'Absynthe. On y pourra aussi adiouster Galange ou Anis, ou autre chose telle que bonne semblera. Vin d'Armoise se faict cōme vin d'Absynthe. Vin de Alkekengi, ou de grains de Bague-naudes, se faict aussi par la mesme maniere en coulant vin sur icelles pisees. Pour vne dose tu en prendras de cinq à dix.

Et faict sortir manifestemēt la pierre & grauelle des reins, et de la vessie, et ameine l'vrine retenue (voy Arnold au liure des vins.) N'a pas long temps que i'en ay faict l'essay, en y coulant ensemble Anis, racine de carline, noyaux de pesche, pierres de cancre: D'on aduint que l'vrine de long tēps retenue



nue incontinent suyuit & sortit. Aucuns sont qui mettent les grains de Baguenaudes entiers dès le moust en vn petit vaisseau pour les faire ensemble bouillir, & les garder à vsage. Vin de Betoine, ou Betonique vaut contre les douleurs de l'estomac. ¶ Alexandre Benedict. ¶ Vin Buglosé, de racines de buglosse destrempees en vin: est fort recōmandé par Arnold contre la bile noire, ou melancolie: le prouuant par l'histoire d'une femme par ce vin curee. Laquelle par noire colere, & iracondie souuēt tomboit en folie. Vin Buglosé bien lauees soyent par vn iour, & vne nuyct, ou biē le Sirop d'iceluy apporte liesse, & proficte aux melancoliques.

Par l'vsage de celuy vin aucuns, & plusieurs ont esté gueris de folie, & alienation de sens, & troublement de raison. ¶ Arnold. ¶ Au liure. De conseruer la ieunesse. Autre vin composé avec racines & fleurs de Buglose, ou sans Sene, tu pourras lire en Arnold au liure du vin, souz telle inscriptiō. Vin merueilleux pour les melancoliques & Cardiaques.

Vin Borraginé se fait mettant fleurs de Bourraches en vins nouveaux iusque a parfaicte depuratiō: ou si en vin nouveau on dissout Diaborraginat, ou conserue de Bourraches, & soit pour vsage gardé. ¶ Arnold. ¶ De conf. la ieunesse.

*Composition de Vin contre les humeurs adustes, & pour les colériques: & maniaques, & apportant ioye. Chapi. LXXX.*



**D**renez racines mōdees de Buglose. Roses rouges, fleurs de violettes, de Bourrache, & de Buglose añ. demie liure. Been blanc & rouge, de l'vn & l'autre vne once. Toutes cassees & britees metz les en vn sachet, & le sachet dens vn vaisseau contenant trois charges (c'est trop) de bon vin. nouveau blanc, le meilleur: qui se pourra trouuer & le plus clair frais tiré du trueil ou pressoir, ou de la tine. De ce vin la moytié soit boillie avec les susdictes especes: & l'autre moytié à part: en bien l'escumant. En apres coule celuy ou sont les susdictes especes en vn vaisseau, lequel empliras de celuy vin qui simple aura boilly, tār que la ferueur s'en soit allee, & soit fait assez clair.

Et de ce vin conulent vser continuellement. ¶ Arnold. ¶ Au liure de la conseruation de ieunesse. *Vin Inulé.*

**C**Vy racines de Enule Cāpane coupees en petits taillons, & ce dens vn pot neuf verré ou plombé en deux sextiers ( ou chopines) de moust ou plus: tant que vne grād partie en soit cōsommee. Puis apres tu cuyras, vingt quatre sextiers ou plus de tresbon vin nouveau doux, en vn grand pot de terre tout neuf, tāt que il soit encore du tout adoucy. Puys par dessus espondras les racines de Enule Campana, ensemble avec le vin auquel auront boilly: & quand de rechef les auras faict boillir quelque espace de temps ensemble: les osteras, & garderas. *Autrement.*

**E**N vin doux escumé, & cuyct iusque à consommation de la tierce partie, quād desia il sera assez cuyct tu y mettras racines de Enule, à sauoir neuf onces pour vingt cinq pintes de vin ou enuiron: & quand le moust aura encore vn peu boilly, estant reposé & refroidy, garde le & les racines en coulant separees tu les suspendras en vn sachet dens le vaisseau. Et doyuent les racines estre recueillies au mois d'octobre, ou sur l'entree de l'esté au croissant de la lune, & puis estre sechees au soleil. Cecy j'ay transcrit d'vn liure en allemāt escrit à la main. Voy Dioscoride qui appelle ce vin nectarite.

*Vin Archeuthite, ou Geneuré.*

**P**Our vingt pintes de vin ou enuiron pren demy quart de grains de geneure: qui peut estre la quarte partie d'un boisseau commun. Et auant tout ceuvre tu couuriras le fond du vaisseau de menus coupeaux de fraisne leuez au rabot: affin que les grains ne puisset estouper la bouche du vaisseau puis tu mettras par dessus la moytié des grains de geneure.

Tiercement d'autres coupeaux de fraisne: quartement le reste des grains avec vne poignée d'armaise, & de l'herbe dicte langue ceruine, à la moitié. Finalement tu rempliras le vaisseau de tresbō moust & bien doux: pour ensemble le faire bouillir. L'vsage de ce vin est à preseruer l'homme cōtre venins, & maladies veneneuse: & en doit on prendre vn traict

traict ou deux au cō mēcemēt du disner, & vn apres soupper deuāt le dormir. ¶ Nonnōmé. Ceux de nostre pays font du vin par l'esté en mettant aigretes cerises noires (qu'ilz appellēt visoles) toutes entieres dens vn vaisseau, laissant d'iceluy la quarte partie vuyde, & effondant par dessus icelles cerises vin blanc vieil, qui en brief prent couleur rouge, & plustost si le pecol est du tout osté, plus tardiūement si tellement il est roigné que encore vne partie y soit demouree: & ainsi se garde mieux la couleur: Et quand on en a tiré, il faut incōtinēte remplir le vaisseau d'autre vin. Ce vin robore le cœur, & l'estomac appaise la soif, refreschit, deseche, & astrinct. Autres mettēt lesdictes cerises nō entieres, mais pisees, ou les suspendent en vn sachel. D'on le vin se faiēt plus odorant, à raison des noyaux, & est moins astringent, & plus excitant l'vrine. Ce vin aussi peut estre faiēt en quelcōque saison de l'an, avec cerises seches. Aucuns mettēt le suc desdictes cerises de par soy en vn vaisseau, et apres auoir boilly l'estouppēt fort bien: en vsent en guise de vin, ou de par soy, ou en y meslāt vn peu de ce ius avec grande abondance de vin blanc. Ce mesme suc en cuyfant se espessit, & les cerises on confict avec sucre.

Vin de prunes sauuages se faiēt à la mesme maniere au tēps d'autonne, quād cesdictes prunelles ou pelloces, sont ia assez molles, & bien meures. Vin rapé prouoque l'appetit, resserrant les fibres du ventricule ou estomac: il proficte au corps dissoulz par trop grāde chaleur mesmemēt en esté. Vtile aux coleres, & sanguins: & se faiēt en telle sorte.

Soyēt mises au pressoir aucunes grappes de raisins acerbes avec des meurs, pour ensemble les presser: ou bien mieux, soyēt gardez raisins acerbes, & avec leurs grappes soyēt broyez. Puis soyent mis dens le vaisseau avec le vin doux nouveau. Et ce moust prēdra vne certe asperité ou astriction du suc des grappes, & des marcs qui sont aceteuses. ¶ Arnold De ville neuue. ¶ Nos vigneronns le font autremēt. Car ilz emplissent les tonneaux de raisins entiers bien meurs: & les surchargent de vin vieil, & de tant qu'ilz en tirēt, d'autant le remplissent. Autres sont qui alternemēt et l'vn apres l'autre met-

tent vne couche de raisins, & puis vne de sauge. Lequel vin saugé recree l'estomac relasche la foif. Nicolas Myrepse baille vne ordonnāce de breuuage cōtre flux de ventre, en la lettre de D. cha. 85. & ordonne l'apprester avec bon rapé, ou vin pur, destrépé en sauge ou fenoil, fuchsius en cest endroit pēse que pour rapé faut lire Rhoite ou Rhodite, qui seroit vin rosat. Au mesme Myrepse, l'antidote cinq cētième, & la dernière se faict avec vin rapé, ou gros & bō vin vermeil. En cecy ienten vin rapé, vin rouge destrépé en sauge. Aucuns sont qui au rapé adioustēt encore drogues aromatiques, comme sont. Galange cinq onces, Canelle, & Giroffles añ. deux drach. Zedoar demie once Coriandre trois onces. En soit faict poudre vn peu grosse, & soit infuse dens le vaisseau.

Vin passulé que Arnold appelle vin miellé, se faict avec raisins passés, cuyctés en vin ou moust tant que il soit deuenu doux: le quel incōtinēt on serre en vn vaisseau ou dedās sont iectez autres raisins passés, & cōquassez, qui descendent à la lie. Le mesme Arnold en décrit aussi vn autre biē excellēt, qu'il appelle vin passulé: & se faict avec raisins passés cuyctés en vn peu de moust avec canelle. Et puis apres on le effond, sur quantité d'autre bon vin pur, en vn bon vaisseau, bien estouppé.

*Des Vins Aromatiques.*

**V**ins aromatiques se font en deux sortes, ou en suspēdat seulement les espiceries dēs vn sachet, dēs le vaisseau que lon laisse en la caue, ou en y adioustāt du miel: affin que promptemēt on en face autant comme on en veut, en coulāt vne fois ou deux, ou trois les espices, par vne chauce d'hippocras. Ce vin peut estre appellé mussé, ou mousté, vulgairemēt on le nomme claré, & improprement melicrat, avec vin blanc. Et si au lieu du miel on y met du sucre dens vin vermeil, c'est Hippocras. Et ce sont ces vins aromatiques chez les apothicaires en telle proportiō, que a sept drac. d'espicerie on mette treize drac. de miel: & quatre liures de vin blāc odorāt. Ou a six drac. d'espiceries: demie liure de sucre fin, & quatre liures de bon vin vermeil. On y met vn peu, plus de sucre, & plus d'espiceries. Quelq̄ fois on y adiouste de safran demie drach. ou beau

ou beaucoup moins pour coulourer, principalement le mul-  
sé. Et deuant que le vin soit coulé, il le faut laisser par l'espace  
de vingt quatre heures, en vn poile, ou en vn lieu chaut infus  
avec les espices.

Vin Hippocras factif par facile maniere, est fort bon, &  
tres agreable mesmement en France. Canelle, Sucre, & Car  
pese broyez, soyent mis en vn couloir ou vne chauffe, & par  
icelles drogues est le vin coulé affin que en passant par icelles  
il embeue leurs qualitez. On sert de ce vin es banquetz des  
Princes avec pain d'oblis pour derniere bouche, laquelle co-  
stume iadis auoyent les Atheniens, mais en vne autre sorte  
de vin. ¶ Hermolas Barbare ¶ au cinquiéme liure du Corollai-  
re chap. de Oenanthe, ou fil pendue. *Autre.*

**P**REN interieures escorces de Canelle six drach. Gingem-  
bre blãc entier, demie once, Noix muscates eleues deux  
drach. Giroffles & graine de paradis: de tous les deux vne  
drachme, Cardamõme, Poivre, Calame aromatic, Coriãdre  
preparee de chescun vn scrupule: mesle tout, & le broye af-  
sez grossettement, puis y metz huit liures de vin, vingtsix  
onces de bon Miel escumé: mesle tout, & le coule selon l'art.  
Aucuns l'esclarcissent avec lait d'amendres.

*Autre pour les Cardiaques descript par Alexandre Benediẽt: au  
liure des compositions.*



*Chapitre. LXXXI.*

Renez vin austere, & odorant vn sextier, Su-  
cre blanc demie liure, Cinnamõme, & Gingem-  
bre añ. demie once, Galange vne drachme.

*Autre du mesme Alexandre, pour l'imbecilité de l'estomac.*

**P**Renez Cinnamõme demie once, Gingẽbre blanc deux  
drach. Giroffles, Poivre long, Noix muscate añ. quatre  
oboles. Toutes ces drogues bien broyees avec demie liure de  
Sucre blanc tu mesleras avec vn broc de vin blãc, puis le cou-  
leras. Souuerain remede pour lasches estomacs.

*Autre.*  
**P**Renez Cinnamomme vne once, Gingẽbre demie once  
v j Galan

Galange deux drach. autant de graines de paradis, Giroffles, vne drachme, Sucre blanc huict onces, tresbon vin autant qu'il suffira. *Autre.*

**P**Renez Cinnamomme, ou Canelle once & demie. Gingembre demie once, Giroffles deux drachmes, graine de paradis, & Galange des deux vne drachme, Sucre fin vne liure & demie, vin rouge deux potz, ou quatre ou cinq liures, mesle tout, & soit fait Hippocras. *Autre.*

**P**Renez Escorce interieure de Cinnamomme, Gingembre demie once, graine de paradis trois drachmes, Giroffles & Noix muscades de l'vne & de l'autre deux drachmes. Macis, Galange de l'vn & l'autre drachme & demie, Poivre long vne drachme, Aspic de nard, & fueillet, de l'vn & de l'autre demie drach. Soit faicte poudre. De laquelle tu mettras vne once à chescun pot de vin avec vne liure de Sucre.

*Autre qui semble estre propre pour les vices & maladies du Poulmon.*

**P**Renez Cinnamomme ou Canelle tresbonne, la grosse escorce rasee, vne once, Giroffles drach. & demie, Anis & Fenoi de l'vn & l'autre vne drachme, Reglice trois drach. Macis, Cardamome, Ireos, ou Glayeul bleu. añ. vne drach. & demie, Sucre tresblac trois onces. Toutes ces choses bien broyees soyent infuses avec les suyuantes.

Vin de Maluoisie neuf onces, Eau de Bourrache vne liure. Eau Rose, once & demie, eau de Melisse trois onces, laisse les par trois heures au pres du forneau puis finalement passe les par plusieurs fois dens vn filtre, Soit fait Hippocras de vin clair.

*Hippocras laxatif, qui cuict la fièvre quarte quotidienne, & Tertiane bastarde: & prepare les humeurs à cure, puis les deiette par le ventre.* *Chapitre. LXXXII.*



**P**Renez Esule vne liure, Epithym six drachmes, Polypode Cinnamomme, & Raisins passis, añ. drachmes quatre, Mastic, Gingembre Zedoar, Giroffles, de chescun vne once, Sucre tât que suffise. *Arnold.*

Nectar

*Neclard en Arnold.*

**P**our vn sextier de vin, Pren Gingembre eleu, descorcé, Giroffles, Cinnamomme decorcee añ. deux drach. graines de paradis vne drachme. Soit fait Hippocras avec tresbõ vin, ou vin Grec qui sera le meilleur : & au lieu de Miel soit mis sucre avec vn grain de Must, & sera breuillage tresnoble.

Sirop ou Iuleb de vin pour cõseruer la santé, & la ieunesse, se fait en trois liures de bon vin, en y mettant deux liures de Sucre. Duquel faut vser avec eau. Lequel sert de boire, & manger, & recree nature. ¶ Arnold ¶ au liure de cõseruer ieunesse. Vin sucre cuit, conuient aux vieux, froids, & debiles, & ausquelz l'humour radicale, & chaleur naturelle sont diminuees. Car il nourrit, & engendre sang, & remplit les parties principales d'esprits.

Prenez tresbon vin de Vernace, ou vin Grec, ou de semblable trois liures, Sucre blanc Cafferin vne liure, Soyent cuiçts à feu lent à maniere de Syrop, Garde le, & en vse avec les deux pars d'eau : ou autrement comme la necessité le requerra. Ce vin (ou plustost Syrop de vin) est fort approué par Rabi Moyse au liure de la maniere de viure des vieux, & des retournans de maladie à santé.

*Des vins Mulfex, Aromatics.*

**D**es vins sucez, & aromatiques, nous auons ia parlé cy dessus, & aussi en general des mulfes, & miellez aromatizez. Et peut on bien en toutes les compositions cy dessus mettre du Miel au lieu du sucre, & pour vin rouge vin blanc mais aux suyuans non. Et par ainsi de claré on fera Hippocras, & de Hippocras du Claré. Aucuns sont qui ne font point de difference en la couleur du vin. Quant on les fait avec Miel, Il faut que tousiours le Miel, soit premierement cuiçt avec vn peu d'eau & bien diligemment escumé. Aucuns encore meslent aux vins sucez quelque peu de Miel pour plus grande douceur : & quelque fois beaucoup y en mettent, Voy Dioscoride au vin Aromatic. Alchandiç est vin cuiçt avec espiceries, Sucre ou Miel, en aucunes parties d'Italie

d'Italie est appelle Claré. De laquelle la description est au li-  
ure des simples de Ebenesis.

*Especce de Claré.*

**P**Renez Gingembre, Galäge, de l'une & l'autre vne on-  
ce, Cinnamomme deux onces, Giroffles deux drach.  
graines de paradis & Poiure lōg de l'un & l'autre vne drach.  
De Miel liure & demie, Sucre deux liures, Vin blanc qua-  
tre pintes, ou seize liures. Autres l'appareillent avec le Miel  
seulement: en y adioustant quelque peu d'aspic, & de Noix  
muscate, & le clarifient avec l'aubin d'un œuf.

*Claré que Philippe Vlstad décrit au Ciel des Philosophes. chap. xvij.*

**P**Renez tresbon vin blanc quatre liures, Sucre blanc &  
dur quatre onces, Cinnamomme vne once, Coriandre  
preparée trois drachmes, graines de paradis, & Gingembre  
blanc añ. drachme & demie, Poiure long deux scrupules, Ze-  
doar drachme & demie. Toutes ces choses broyees tressubti-  
lement & coulees, soyent gardees en vne grande bouteille  
de verre meilleure que d'estain.

Vin pour gēs desia vieillissans, vtile en hyuer pour les me-  
lancoliques & Phlegmatiques, qui eschaufe les reins & tout  
le corps, oste l'enfleure des Hemorroides ayde la cōcoction,  
fait bonne couleur, clarifie la Lumiere, aguise l'esprit, retarde  
blācheur de cheueleure, et à mesme effect que la Hiera picre,  
sinon qu'il n'a point d'amertume, & ne lasche point le vêtre.

Prenez Aspic ou Lauende, ou Spic de nard, Cinnamom-  
me Carpobalsame, Xilobalsame, Gingembre, Galange, Ca-  
lame Aromatic, Alar, Myrtilions añ. vne drachme Mastic,  
deux drachmes, riglice, & Raisins passis de chescun demie  
once, Sucre à volonté. Faire se peut par decoction ou sans de-  
coction à la maniere du Claré, mettant les espices en vn sac  
large, & le sac en vn couloir, par où on le coulera tāt que tou-  
te la force des espices soit passée au vin ce que on cōgnoistra  
par le gouff. || Arnold || au liure du vin. *Autre.*

**P**Renez Gingembre deux drachmes Cinnamomme de-  
mie once Giroffles vne drachme vin blanc trois mesu-  
res,



res, Miel vne once, Sucre blanc demie liure. Soit fait Claré selon l'art.

*Autre laxatif.*

**P**renez Galange six drachmes, Cinnamome vne once, Turbith, Esule, Catapotie, ou espurge, Hermodactes. añ. demie once broye, puis soit fait claré avec Miel ou Sucre.

*Autre.*

**P**renez Gingembre deux onces, Cinnamomme quatre, Girofle & Galange deux onces, graines de paradis vne once. Toutes ces choses subtilement pisees, & passees soyent ensemble meslees. Puis y adiousteras vne once de Safran oriental bien batu. Et quãd tu voudras faire le claré, fay à petit feu boillir deux liures de Miel en vn pot neuf de terre: & lors qu'il commencera à boillir, oste le du feu, & bien tost apres l'escume. Apres tu prendras deux ou trois pintes ou huit liures de vin (qui d'autant meilleur comme plus clair sera & plus doux) & tu y mesleras des especes fuscites deux onces, & vne drachme ou plus de Safran. Tout cela couleras par vne chauce de laquelle les deux tiers de la longueur en dessus, seront de toillé & le reste de drap pour vne tierce partie du sac ou plus. Quand le vin sera assez coulé tu pourras mettre tremper les feces en Hydromel, ou claré, pour y faire emboire le reste de la force des drogues. Si de ce vin vne femme doit vser, ou vn homme delicat, au lieu de Miel tu y mettras Sucre, Prins en vn liure Alleman escrit à la main.

*Autre preseruatif en temps de Peste.*

**P**renez tresbon vin vne pinte, Angelique demie once, bol armenic vne drachme, Noix muscade deux drach. Galange, Poivre long, Coriandre añ. drach. & demie Gingembre autant, Cinnamomme six drach. Sucre demie liure.

*Compositions aucunes d'Hippocras & Claré, quand on en veut faire*

*vn grand vaisseau, comme vn Baril ou tonnelet de bois pour garder en caue. Recueillies en vn certain liure Latin escrit à la main.*

*Chapitre. LXX XIII.*

*Lot, en Picardie est vne quarte de deux pintes.*



On claré, ou bon Hippocras ainſi ſe fait. Pren Cinnamomme vne liure. Galange, Gingembre, Cardamōme, graine de paradis, Giroffles Cubebes, macis de cheſcun vne once, Poiure long, & noir ſi tu veu de cheſcun demie once, Spic de nard, Noix muſcade, Squinant, ou Ionc odorant, de cheſcun trois drachmes, Safran vne drachme. Toutes ces drogues ſoyent piſees bien menu & enſemble meſlees. Ainſi auras eſpices aſſez pour faire de Claré vne demie charge ou vn Baril, tenant cent vingthuiſt liures ou enuiron.

Hippocras, tu le feras ainſi. Metz tout le vin dens le vaiſſeau & toutes les eſpices dens vn linge blanc aſſez ample, lequel tu mettras dens le Baril, ou voudras faire l'Hippocras, en ſorte que le bout du linge apparoiſſe quelque peu hors le baril. Puis en quelque autre vaiſſeau metz quatre liures de Miel, & les bats & deſtrempe tresbien avec bon vin, tāt que le tout ſoit aſſez clair. Adonc effonds le vin en le coulant ſur les eſpices, & finalement le Miel avec le vin. Puis ayant bouché le baril laiſſe dedans les eſpices en leur linge tremper par deux iours, & apres l'oste en le fort preſſant, & ſerrant, & tu auras hippocras tresbon. Mais ſi tu le veu faire pour quelque Prince, ou aucun grād perſonnage, adiouſte aux choſes ſuſdites. Bois de Aloes, & fueillet odoré de l'vn & de l'autre demie once, Muſc drach. & demie. Et au lieu de Miel metz y Sucre bien menu piſé au mortier, & puis diſſoulz en vin.

*Autre Hippocras fait avec les meſmes eſpices, mais en diuers poix.*

**P**Renez Cinnamomme douze onces & demie, Gingembre Galange, Graine de paradis, Giroffles, Cubebes, Macis, Cardamomme añ. deux drachmes, Poiure long vn ſcrupule Spic de nard, Ionc odoré dit ſquinant, Noix muſcade añ. ſcrupule & dcmy, Safran au poix d'vn denier ou peu plus, Toutes ces choſes menu broyees tu meſleras enſemble, & alors auras eſpices aſſez pour faire vn lot d'Hippocras à la meſure de Bruges. Puis apres pren vne liure de Miel & vne pinte d'eau de fontaine, cuy la iuſquel l'eau eſtre cōſumee, & laiſſe

laisse refroidir. A donc pren vn lot de bon vin, & ayant mis vn sachet avec les especes dans le vaisseau, coule le vin par le sac & les especes peu à peu, avec Miel destrempé en vne partie du vin, tellement toutesfois que le suc n'en soit pressé n'y espessy. Et si tu le veux faire plus precieux, tu y mettras au lieu du Miel, Sucre dissoulz en bon vin, au poix d'une liure ou d'auantage. Et le couleras deux ou trois fois: affin que le vin en deuiene plus fort, & meilleur. Tu y adiousteras aussi bois de Aloes & fueillet odoré, deux grains avec vn peu de Musc. *Autrement.*

**S**uspens les especes dës vn sachet en vin meslé avec Miel ou Sucre, & apres deux ou trois iours tire le hors en le bien ferrant. Mais la premiere maniere est meilleure, & plus honneste.

*Trois moyens à faire Hippocras: d'ont les deux premiers sont appellez: Grace de Dieu, & le tiers, Main de Dieu, Extraict d'un liure escrit à la main.*

**P**renez Cinnamomme neuf drachmes, Gingembre quatre drachmes, Noix muscade, Poivre long trois drach. Galage, graine de paradis, Macis, fueillet, Cubebes añ. deux drachmes, Giroffles vne drachme, Spic de nard, vn scrupule entier, Safran demy scrupule, Sucre vne liure, ou vne pinte de Miel boilly en eau iusque à consommation d'icelle & bien escumé, Mesle cela en lot & demy de vin, Aucuns adioustēt Cardamomme, & Charui añ. deux drachmes. Et cela est le meilleur Claré. *Pour le mesme.*

**P**renez Aristolochie ronde, & Cinnamomme de l'vne & de l'autre vne once, Gingembre demie once, Galange, graine de paradis, Giroffles, Cubebes, Macis, Noix muscade añ. deux drach. Poivre long trois drachmes Spic de nard vn scrupule, Safran la moytié, Sucre vne liure, & vn lot de vin. Et si c'est pour vn riche, adioustes y agalloc, ou bois Aloes, deux grains, Musc demy grain. Ou selon les autres.

**P**renez Cinnamomme eleue deux onces, Gingembre vne, graine de paradis, Poivre long, de l'vn & l'autre demie once, Noix

Noix muscade, Giroffle, macis ana deux drach. Cubebes, Cardamomme añ. vne drachme, Spic de nard, Squinant, ou Ionc odorāt, Calame aromatic añ. vn scrupule, Ces drogues broyees mesle ensemble avec trois liures de Miel, & vn lot de vin comme dit est.

*Le breuuage qui se nomme main de Dieu ainsi se fait.*

**P**renez Cinnamomme once & demie, Gingembre trois drachmes Cardamōme deux drachmes, fueillet, Galange añ. demie drach. Poïure long ou noir quatre drachmes.

Si on le fait pour vn riche. ou grand personnage, adioustes y Noix muscate, Macis, Graine de paradis, & Giroffles añ. deux drachmes, Miel escumé vne pinte, bon vin vn lot, & li tu peux au lieu de Miel metz y vne liure de Sucre, Si ce breuage est bien appareillé il sera vtile contre plusieurs affectz, principalement froids, & aux vieillards, & à ceux qui sont refroidis, & foible à l'acte de Venus. Il conuiendra aussi merueilleusement aux phlegmatiques, & Melancoliques, dont à bon droit est appellé main de Dieu. Il oste tristesse & apporte ioye, ouure les obstructions de la ratelle & du foye, guerit hydropisie, & a puissance de tirer la pierre des reins, & de la vescie, en mettant vn peu de saxifrage, & de la pierre de l'once dicte lincurion.

*Espice pour vin Zedoartic.*

**P**renez Zedoar & Cinnamomme, de l'vn & de l'autre demie once, Galange deux drachmes, mesle & en fay poudre.

*Pour vin rapé.*

**Z**edoar demie once, Coriandre trois onces Galange cinq onces, Cinnamōme, & Giroffles añ. deux drach. soit faictes poudre assez grossette.

*Autres espices pour vin de Zedoar, à la mesure de la pinte qui à Strasbourg est appelée Oma.*

**C**innamomme trois onces, Giroffles, Noix muscate, graine de paradis, Cardamōme añ. demie once, Zedoar six drach. Cubebes, & Poïure long añ. deux drach. Pise le tout assez grossêtement, & le mesle pour en faire vn sachet.

Pour

*Pour le mesme.*

**C**innamomme deux onces, Gingēbre demie once, Giroffles, Poïure lōg, Cardamōme, Cubebes, Zedoar añ. vne drachme, Galange, Graine de paradis, añ. drachme & demie. Toutes ces drogues pisees assez grossement, mesle par vn sachet.

*Des vins Aromatiques avec Eau ardent.*

**C**omme l'eau ardent peut facilement emboire la vertu, l'odeur, & saueur tant des medicamens, cōme des espieries: si pisez, sont destrēpez en icelle par quelques heures, & vn peu d'icelle on met puis apres dans le vin simple; & cōme en ceste sorte elle peut prestement rendre. Vins diuers en odeur, & en saueur, nous l'auons cy dessus escrit prins en Arnold en la description de l'eau ardent simple.

*Appareil de vin que vulgairement on appelle Hippocras.*

**E**n eau ardent trois ou quatre fois ou plus destillee, iecte deux onces de Cinnamomme, & demie de Gingēbre, graine de paradis, poïure añ. drachme & demie, Giroffles vne drachme, noix muscade demie drachme. Toutes ces drogues biē pisees iecte en vn vaisseau bien estouppé, & le laisse confire par quatre iours: le mouuāt deux ou trois fois le iour, finalement le coule & metz en reserue. De celle liqueur vne demie cueilleree mise en vn pot de tresbō vin avec vne liure de sucre, faict tresbon Hippocras. Et si le vin de luy mesme est doux, ny faut point, ou bien peu de sucre. [Fournier.]

*Moyen pour faire Maluoisie.*

**R**. Galange tresbon, Giroffles, Gingembre, Macis añ. vne drachme. Toutes ces choses grossement pisees, & mises en vn vaisseau de bois, biē couuert, & bouche, avec infusion d'assez bonne quantité d'eau ardent tu lairras reposer par vingt quatre heures. Puis apres tu les mettras en vn linge suspendu à vn fil dans vn vaisseau de vin, tenant vne charge ou demie charge de vin claret: & le y lairras par trois iours. Adonc auras vin aussi bon, & aussi fort que Maluoisie, ou Tramine. Cecy est prins en vn liure escrit à la main en

langage Allemant.

*Vin faictif representant vin de Rhétel, ou de Bauiere.*

**E**N vn vaisseau de verre, ou de terre verree, suspends vn linge plein des espiceries, que cy après declarerons, & le remply d'eau ardent, & le bouche bien, puis le laisse au moins par douze heures. Quand tu en voudras vser exprime & serre le linge en quelque grand vaisseau de verre ou tu voudras mettre de vin, en sorte que les bors, & les costez de ce vaisseau soyent aspergez de celle eau ardëte aromatique, ou de la liqueur qui tombera au fond, mouuee & agitee en enduire tout le vaisseau encliné sur tous les costez, puis l'emplier de vin qui aura l'odeur & faueur de vin Rhetic. Les Espiceries sont cestes: Cinnamomme, Gingembre, Giroffles de chescun demie drachme, qui pilees assez grossemēt, soyēt puis meslees pour les envelopper au linge. Par ceste mesme maniere se donne au vin commun faueur de muscat, prenāt noix muscate, avec macis vn peu, & le tout broyé, mesle comme dessus.

*Vin Girofflat.*

**B**ROYE vne demie drachme de Giroffles, avec vn peu de Cinnamomme, & le lie en vn drappeau comme dessus.

*Sauer de vin d'Alfatie.*

**L**E Sucre Candi en vn linge comme dessus. Ou biē miel bien escumé, avec eau ardent en vn petit vaisseau bien estoppé: & quand tu en voudras vser, exprime & serre dens le verre celuy linge embeu de telle liqueur. Toutes les receptes susdictes nous auons prinſes en vn liure Allemant escrit à la main.

*Autres sortes de Vins Aromatiques, mesmement qui se font en vn sachel suspendu dens les vaisseau.*

**V**IN Girofflat se faict avec Giroffles suspendus en vn vaisseau de moust, ou de vin nouueau. Lequel a vertu de dessecher, dissoudre, cōsumer, attirer, et ayder contre difficulté d'aleine: encore que inueterée soit la toux des vieillards,

avec

avec corrompues humeurs. Il est vtile en epilepsie, & syncope, conferme & fortifie la vertu de cuyre, digerer, & retenir, & faict bonne halene. ¶ Arnold ¶ au liure du vin.

A ceste mesme façon toutes drogues medicales ou aromatiques, froides, chaudes, nouuelles, & seches, peuuēt estre en vn fachel suspendues, & estre mises en vin ou en moust lequel nous voulons estre embeu de leur qualitez, & vertus. ¶ Le mesme Arnold. ¶

Vin Aromatic se faict pour conseruation de la ieunesse: mettant en vn fachel de linge les especes non pisees, mais menu coupees: en forte que la substāce des especes soit vacante dens le sac: puis soit mis dens le vin: en estouppant diligemment la gueule du vaisseau. ¶ Arnold. ¶ De conseruer la ieunesse.

*Autre moyen de vin Aromatic, pour confirmer le bon temperament & la ieunesse.*

**C**Vbebes, Giroffles, noix muscade, Raisins pasis, de chescun trois drachmes mises en vn sac d'assez gros linge: foyent boillies en trois liures de bon vin, iusque à la consommation de la tierce partie, adioustant sucre à suffisance. Et d'iceluy baille à boire au soir, & au matin vne once plus ou moins. Ou bien soit faict cōme claré. ¶ Arnold. ¶ audict lieu.

Vin safranné oste melancolie, & apporter esiouyffance, ce dict Arnold. Au liure de conseruer la ieunesse. Et la maniere de le faire il l'enseigne au mesme liure. Traicté second, souz telles parolles. Metz vn peu de safran bien sec en vn fachel assez ample de drappeau, de lin subtil & clair. Et soit mis ledict fachel en vn eouloer d'estamine, ou de linge: Soit puis vin iecté par dessus (ou bien l'huyle, si on veut faire huyle safranné) en maniere de lexiue: & cela soit repeté par plusieurs fois: tant que la couleur, & la faueur ensemble estre bonne. On y peut aussi qui veut adiouster autres especes à plaisir.

*Des vins artificielz, rapportans saueur d'estranges pays: par les drogues en vn linge suspendues dans le vaisseau.*

Chapitre.

LXX XIII.



Y dessus auons enseigné cōme se font diuers vins aromatiques, & comme se acquiert la saueur faictice de certains vins estranges avec eau ardent, & espiceries. En cest endroit nous adiousterons cōme aucūs hōmes industrieux & experts, sans eau de vie, imittent, & contrefont les nobles vins d'estranges contrees. Non point affin que les hōmes auaricieux par nous apprennent impostures, & sophistications: mais affin que les bons Mediciens puissent gratifier ensemble & profiter aux malades mesmement delicats. Et toutes ces choses auons nous recueillies en vn liure escrit à la main en langue Germanique.

*Vin Grec ainsi se faict.*

**P**renez Gingembre, Galange, de chescun des deux demie liure, graine de paradis, Giroffles, añ. trois onces, soyent en vn sachet suspendues en vn poinçon de vin.

*Vin de Candie ou Maluoisie.*

**P**renez Musc. Agalloch, ou bois de Aloës de chescun des deux vne drachme, Cinnamomme, Cardamomme, Giroffles, añ. deux drachmes. Sucre candi demie once.

*Vin de Romaine.*

**P**renez Sucde Riglice, Cinnamomme de l'vne & l'autre deux drachmes. Anis vne drachme, macis demie drachme sucre trois drachmes.

*Vin Muscadel blanc.*

**P**renez Polypode, Riglice, & Anis de chescun deux drachmes, Noix Muscade trois drachmes, Calame aromatic vne drachme.

*Muscat Rouge.*

**F**leurs de sucz quatre onces. Cinnamomme demie once, soyent boillies en vin nouveau rouge. Et est a estimer que au vin baillent odeur de muscat: toutes choses qui rapportent



portent aucunement odeur de Muscat, & qui de Musc tiennent le nom, comme Noix muscade, & son escorce dicte Macis. Item fleurs de sucz, & Coriandre. Plusieurs aussi suspendent au vin l'herbe de l'esclaire, à sçavoir les fueilles avec les fleurs de laquelle l'odeur encore que soit vehemente toutesfois est gracieuse, i'asoit que aucuns la disent estre mal saine, & appesantissant la teste.

Or de telles compositions s'en peuvent faire infinies. Parquoy suffira à l'homme industrieux non ignorant la nature des simples medicamens, des drogues, espiceries & condimens auoir, comme quelque formes certaines prescrites. Lesquelz luy changera, adioustera, ou diminuera à son plaisir & iugement selon les occasions, & diuerses circonstances.

Nous rendans graces à Dieu immortel duquel toute bonne yssue des remedes depend, mettons fin à ce liure.

F I N.

# INDICE DES CHAPITRES

## du present Liure.

- Préface.* Page premiere.  
*De destillation & de ses differences en general.* pag. 1. chapitre premier.  
*Des vertus des liqueurs destillees en general.* 19. Chap. ii.  
*De plusieurs usages des liqueurs destillees, tant en la medicine comme hors icelle.* 26. Cha. iii.  
*La maniere de purger les eaux troubles en Bulcasis.* 27. Chap. iiiij.  
*Du Bain Marie en general & des destillations qui se font en la vapeur de l'eau bouillante & en fumier cheualin.* 28. Chap. v.  
*Aucunes eaux excellentes simples destillees au Bain Marie nombrees par ordre alphabetic premierement des plantes en apres des animaux.* 34. Chap. vi. & vii.  
*Des diuers Vases & instrumens appartiens en la destillation.* 54. viij.  
*De la matiere des Vases pour destiller & premierement contre ceux de plomb & d'airain.* 59. Cha. ix.  
*Des fourneaux.* 62. Chap. x.  
*Comment les Vases sont clos & garnis tant de terre grasse qu'autrement.*  
*De la preparation pour destiller.* 67. Chap. xiij.  
*De la rellification des liqueurs destillees.* 73. Chap. xiiij.  
*Destillation par filtre.* 74. Cha. xiiij.  
*De leau ardent ou de l'eau de vie simple & de ses vertus & diuers usages.* 55. Chap. xv.  
*Des vertus de l'eau de vie prins au liure de Arnold de Villencusne lequel est inscri de l'eau de vie.* 80. Chap. xvi.  
*Des choses qui sont destillees seches insuses en quelque liqueur.* Cha. xvij.  
*De la quinte essence des remedes.* 90. Chap. xvij.  
*Par quelle maniere la quinte essence est extraicte hors de toutes choses pour l'applier aux corps humains prins au premier liure de Lulle de la quinte essence.* 93. Chap. xix. xx. xxj. & xxij.  
*De l'eau merueilleuse laquelle peut estre appelée quinte essence froide.* 100. Chap. xxiiij.  
*Extraction de toutes les essences de Chelidoine.* 102. Ch. xxiiij. & xxv.  
*Comme la quinte essence est tiree des fruiets.* 106. Cha. xxvj.  
*De la quinte essence du sang humain, d'œufz de chair & de Miel.* 107.  
*Eau tres precieuse d'Albert le grand* 108  
*Huyle saint, ou Huyle uif, Qui conserue la vie de l'homme.* 108. Ch. xxvij.  
*De la quinte essence des metaux.* 110. Chap. xxviiij.  
*Extraction de quinte essence de l'antimoine du Plomb & de la Cernse.* 111. cha. xxix.  
*Des eaux de vie composees.* 113. Chap. xxx.  
*Eau de vie contre la peste.* 115. Chap. xxxj. & xxxiiij.  
*Eau de vie, ou quinte essence de tres present effect contre venins ou morsure de beste.* 119. Cha. xxxiiij. xxxliij. xxxv. & xxxvj.  
*Deux compositions d'eau de vie prins au liure des eaux de Raimond Lulle.* 124. Chap.

Chapitre xxxvii.  
 Des medicamens qui sont meslés avec eau  
 de vie sans la destillation. 126 Chap.  
 xxxviii.  
 Usage de l'eau ardent avec autres medi-  
 camens hors le corps. 128 Chapit.  
 xxxix.  
 Des eaux, destillees cōposees, mais autres  
 qu'avec eau de vie. 130 Chap. xl.  
 Aucunes eaux composees ou des medica-  
 mens par soy, ou destillees avec eau de  
 fontaine prins de Roger. 135 Ch. xli.  
 Des eaux des uertus, ou dorees, & quel-  
 ques autres composees de diuers medica-  
 mens destillees avec vin. 136 Ch. xlii.  
 Eaux composees aucunes destillees avec  
 vin aigre. 140 Chap. xliii.  
 Eaux de Chappons. 145  
 Eaux composees pour diuers affects prin-  
 cipalement dedans le corps desquelles  
 aucunes sont faictes de medicamens en-  
 cor frais & plein de suc, autres insuses  
 en sūcs de plantes ou eaux destillees, ou  
 en laitte ou en sang. 147 Chapit.  
 xlv.  
 Eau de sang de Porceau contre la peste.  
 150 Chapi. xlvj.  
 Des medicamens purgatifs composez &  
 destillez. 151  
 Or potable. 152  
 Aucunes eaux, composees pour les affects  
 des yeux. 157 Chap. xlvii.  
 Eaux ophthalmiques. 158  
 Des eaux odorantes. 160  
 Eau Rose avec Musc, Safran Giroffle, &  
 Camphre prins de Bulcafis. 161 Ch.  
 xlviii. & xlix.  
 Eaux destillees cosmeticques, c'est à dire  
 appartenants à l'aornement, Prins de  
 Fournier & de Gordon. Chapit. l.  
 lj. & liij.

Eaux pour tindre les cheueux. & autres  
 pois. 175  
 Pour nettoyer les dens. 177  
 Comme par descens se destillent eaux  
 d'herbes, fleurs & racines. 177 Cha-  
 pi. liij.  
 Destillations en cendres ou arenes ou  
 machefer broyé. 179 Cha. liiiij.  
 Des rosaires, c'est à dire instrumens des-  
 quelz liqueur destillatif est tiré des Ro-  
 ses & autres medicamens, faisant feu  
 dessus le plus souuent prochain, &  
 sans moyen entre deux de charbons ou  
 menues esclapes de bois. 183 Cha. lv.  
 Des huyles destillez & premieremēt en  
 general apres en particulier. 185 Cha-  
 pitre lvj.  
 Des huyles des plantes, fleurs, & herbes  
 Gommēs, Resines, semences escorces &  
 bois. 18 Chap. lviiij.  
 L'huyle comme est tiré hors des drogues  
 aromaticques ou Giroffles, Noix mus-  
 cade, Safran, Macis & autres. 18 Cha-  
 pitre lviiij.  
 L'huyle comme est extraict par destilla-  
 tion des bois & des semblables. Idem  
 Des huyles des fleurs. 193 Chapi. lix.  
 Huyles des semences & fruits. 196  
 Chapi. lx. & lxj.  
 Des huyles de Gommēs, Larmes, ou de li-  
 queurs especes & de Resines. 203 Cha-  
 pitre lxxij.  
 De l'huyle de terebinthe ou resine de la-  
 rice. 205  
 Huyle de tartre. 206  
 Huyle des escorces de mesme. 207  
 Des huyles des bois. 209  
 Du uray Basme & Antibasmes. 214  
 Chapi. lxxiiij.  
 Des basmes composez par art. 219  
 Ch. lxxiiij.

Des balsmes qui sont mis en usage hors le  
 corps. 223 Cha. lxxv.  
 Des huyles des parties des animaux ou  
 excremens. 234 Chap. lxxvj. lxxvij.  
 lxxviii. & lxxix.  
 Des huyles des metaux, carrons, gagate,  
 & ambres. 235  
 De l'eau fort & de ses semblables. 257  
 De certes choses solides & corps massifs,  
 comme argent nif precipité & le mes-  
 me sublimé avec Arsenic. 261 Cha.  
 lxx. lxxj. & lxxij.  
 De certains medicamens non alchimic-  
 ques ou non de stille & ou sublime & mais  
 par autres diuerses manieres ingenieu-  
 sement preparez. 279 Cha. lxxiij.  
 Des huyles diuers. 271  
 De l'huyle de tarire. 281 Chapitre.

lxxiiij.  
 Des huyles de moyeux d'œufz, lumbrics  
 ou vers de terre, & scorpions. 283  
 Chap. lxxxv.  
 Des fomentations & parfums. 290  
 De certains sucz & plusieurs autres cho-  
 ses, du suc de l'Elebore, & de tirer hors  
 les uertus des medicamens purgatifz  
 & autres certains. 294 Chapitre  
 lxxvj. lxxvij. & lxxviii.  
 Du suc de Iris ou Glayuel & de Raue.  
 302.  
 Des decoctions. 304  
 Des uins sacrlifs & droguez. 306.  
 Cha. lxxix. lxxx. lxxxj. lxxxij.  
 lxxxiiij. & lxxxiiij.

F I N.

Imprimé à Lyon par Bal-  
 thazar Arnoullet.